

This is a digital copy of a book that was preserved for generations on library shelves before it was carefully scanned by Google as part of a project to make the world's books discoverable online.

It has survived long enough for the copyright to expire and the book to enter the public domain. A public domain book is one that was never subject to copyright or whose legal copyright term has expired. Whether a book is in the public domain may vary country to country. Public domain books are our gateways to the past, representing a wealth of history, culture and knowledge that's often difficult to discover.

Marks, notations and other marginalia present in the original volume will appear in this file - a reminder of this book's long journey from the publisher to a library and finally to you.

#### Usage guidelines

Google is proud to partner with libraries to digitize public domain materials and make them widely accessible. Public domain books belong to the public and we are merely their custodians. Nevertheless, this work is expensive, so in order to keep providing this resource, we have taken steps to prevent abuse by commercial parties, including placing technical restrictions on automated querying.

We also ask that you:

- + *Make non-commercial use of the files* We designed Google Book Search for use by individuals, and we request that you use these files for personal, non-commercial purposes.
- + Refrain from automated querying Do not send automated queries of any sort to Google's system: If you are conducting research on machine translation, optical character recognition or other areas where access to a large amount of text is helpful, please contact us. We encourage the use of public domain materials for these purposes and may be able to help.
- + *Maintain attribution* The Google "watermark" you see on each file is essential for informing people about this project and helping them find additional materials through Google Book Search. Please do not remove it.
- + *Keep it legal* Whatever your use, remember that you are responsible for ensuring that what you are doing is legal. Do not assume that just because we believe a book is in the public domain for users in the United States, that the work is also in the public domain for users in other countries. Whether a book is still in copyright varies from country to country, and we can't offer guidance on whether any specific use of any specific book is allowed. Please do not assume that a book's appearance in Google Book Search means it can be used in any manner anywhere in the world. Copyright infringement liability can be quite severe.

#### **About Google Book Search**

Google's mission is to organize the world's information and to make it universally accessible and useful. Google Book Search helps readers discover the world's books while helping authors and publishers reach new audiences. You can search through the full text of this book on the web at http://books.google.com/



GIF 7895.145



#### **Barvard** College Library

FROM

Prof. Fred N. Robinson

ed by Google

Prakhar don

## INSTRUCTIONEU

#### Santel

#### AR ER GURIONNÉEU

PRINCIPAL

### AG ER RELIGION,

B:I

BOUT LEINET ÉN TIGUEAHEU, HAC EIT CHERVIGE D'EXPLICATION D'ER HATECHÉN.

Declina à malo, et fac bonum.

Peèlleit doh en droug, ha groeit ermad. Ps. 36.

ÉDITION NEHUÉ.

#### É GUÉNED,

É TI DE LAMARZELLE, IMPRIMOUR-LIVROUR,

1830.

Digitized by Google

# at 7895.145

HARVARD COLLEGE LIBRARY
GIFT OF
PROF. FRED N. ROBINSON
77 00 2-1-78/

#### AVERTISSEMANT.

N'EN dès quet paud a quémb itré en Instructioneu santel-men hac er-ré zou hanauet a uerço é-mésq en dud diar er mæzeu: rac copiet int bet a greihue ar er-ré-zé. Laqueit-ç'ou neoak amen calz a dreu ne . oènt quet er-ré guettan, èl mei en Explication a Symbol en Apostolet, a Ourhæmeneu Doué ha réen Ilis, ag er Pater, ag en Overèn, a certæn Ceremonieu pratiquet én Ilis, etc. Pe vehai queméret quemènd a sourci de studial er gurionnéeu comprenet el Livr-men, èl e guemér en darn-muyan de zésquein amoædage ha bamage er béd, ne vehai quet quemend a Grechénion ignorand a zivoud en affær ag ou salvedigueah. Er bihan a boén e laquér de studial hur Religion santel, e zou caus d'er malheurieu e arrihue bamdé én Ilis. N'en dai quet diæz laquad un dal de zivarchein ag en hènd dréd, nac ehué laquad un ignorant de gredein ur faus doctrin. Ul lod-vad e vehai marcé coutant a zésquein hac a voud instruget, p'ou devehai Livreu, pé ma cavehent unan-benac charitabl érhoalh eid ansaignein dehai er péh zou requis goud eit bout salvet. Hama el Livr-men e goutantou er-ré e ouair leine has en des gréd de zésquein ou Religion, hac e ziscoei dehai é hès un œvr a charité é hinstrugein en dud ignorant, hac é tifari er-ré zou é goal hènd. Peb Chapistr . a nehou e rescond d'ul Leçon-benac ag er Hatechén, de béhani é chervige d'Explication.

Digitized by Google

#### AVIS.

Avert rein d'en dud péré ne handuant quet er Chiffreu Romæn en æzemand de gavouet, él Livreu-Breton-aral e zou bet imprimet, pé ér-ré e zeli bout imprimet goudé, er Chapistreu, Articleu, pé Figurieu de béré hennen ou hass liès, ni hun nès credet necessær laquad amen un daulèn ag er Chiffreu-zé, guet ou zalvouédigueah exprimet é ChiffreuArab(\*). Er Chiffr Romæn n'en dai composet meit ag er seih Lettrèn-men C. D. I. L. M. V. X. Er C e tall cant, en D e tall pemb-cant, en I e tall unan, en L e tall hantér-hant, en M e tall mille, er V e tall pèmb; hac en X e tall dec.

I`	Senefi pé e tall	1 1	XV Seneft pé e tall	15
11	<del>,</del>	2	xvi ———	16
][[		3	XVII	17
1V		4	XVIII ———	18
${f v}$	-	5	XIX	19
VI.	<del></del>	6	XX	20
VII	<del></del>	7	XXX	<b>3</b> 0
VIII		8	XL	40
1X		9	L	5o
X	<del></del>	10	LX	60
XI	<del></del> ·	11	LXX ———	70
XII		12	LXXX	80
XIII		13	XC	90
$\mathbf{X}_{\mathbf{I}}\mathbf{V}$	<del></del>	14	C	100

Remerquet a p'en dès un X é raug un L en er bihanna a zec: a p'en dès un I é raug ur V en er bihanna a unan; hac er memb I é raug un X er bihanna ehué a unan.

<sup>.&#</sup>x27;(\*) Er Chistreu Arab e zou er-re a béré en hum chervigér pidinairemant, èl mei, 1, 2, 3, 4, 5, etc.



# INSTRUCTIONEU SANTEL.

#### CHAPISTR QUETTAN.

#### Obligationeu ur Hrechén.

Or é tougamb en Hanhue inourabl a Grechén; mæs dibaud e hum boéni eit hanàuein hac accomplissein erhad ou obligationeu. Eit bout Crechén réd-é bout badéet, credein ha gobér profession ag en Doctrin a Grecheneah. Idan en tair condition-zé en en dès Doué hur heméret eid é vugalé ha grateit temb é Ranteleah. Olé homb bet conceuet ér péhet: mæs Doué, dré é visericord, en dès preparet temb ur remæd ér Sacremand a Vadient. Er-ré zou bet badéet hac e varhue quend en oaid a ræson, e zou salvet dré vertu er Sacremant-cé; mæs ur uéh ma vér deit d'en oaid a ræzon, red-é opèn, eit bout salvet, credein ha gobér profession ag en Doctrin e ansaign demb en Ilis a berh Jesus-Chrouist, hac e zou compreneté berr-guirieu é symbol en Apostolet.

Digitized by Google

Seellet ha comprenet enta, émé S. Yehan, péh quer bras-é én hur hevir caranté hun Tad, a p'en dès vennet ma vezemb hanhuet, ha ma vezemb é gurionné bugalé de Zoué! Er béd, de laret-é, er-ré e gar er béd, ne handuant quet péh quer bras bonheur hac inour-é quement-cé aveid-omb, rac ne hanauant quet Doué. Lod e hum hlorisi én ou leigné; lod én ou danné; lod én ou vaillantiss: lod ne chongeant meid a glasq plijadurieu er vuhé. Mæs ur guir Grechen ne hum hlorifi quet en é dud ; rac ma houair é mant ol bugalé cablus d'un tad criminel (Adam): ne hum vantt quet ag é nærh; rac ma houair n'en dai capabl (hemb secour Doué) d'obér nitra eid é salvedigueah : ne laq quet é chonge gues en treu ag er bed; rae ma houair en ou huittei quent peel : ne glasq quet plijadurieu er vuhe nac æzemand er hory; rac ma houair é ma crouéet eit joyeu éternel. Diazéet-é mad én é galon er honzeumen e larai S. Pierr d'er Grechénion guharal : Huizou, ém'éan, un Nation choæget guet Doué...ur Bobl santel, ur Bobl prenet dré Quid précius Jesus-Chrouist Ne oaih quet guharal é Bobl; mæs bermen é koh Pobl en Eutru-Doué : n'hou poat quet bet misericord; mæs bermen é ma accordet teoh. O Crechénion! e-mé S. Leon, hanàuet enta peh quer bras bonheur-é aveid-oh boud é gurionné bugalé de Zoué hac hériterion d'en Nean, ha ne yet quet d'ancochad un avantage quer caër, eit hum durel en ur vouillen a ben sort infamité.

Er Sænt e handuai erhad peh quer bras bonheur hac inour-é bout Crechén, a p'ou dès cavet inouraploh er galité-zé, eit quement tra e eèllehai boud istimettan érhéd. Guel oai guet S. Loëis bout hanhuet Loëis a Poissi, rac ma hoai bet badéet é Poissi,

eit bout hanhuet Loëis Roué a-France. Er Vartiret n'ou doai quin de rescond d'er peh e oulennait guet. t'ai, meit, me zou Crechén, huc ind e gavai é hoal nn inone bras aveit-t'ai souffrein ha merhuel eid un Hanhue quer santel. Ol é tougambehué en Hanhuezé: mæs méh hun nès quasi é tiscoein é ramb profession ag er péh esenéh. Pihue ne vanq a gourage én amzér-men, a pe vai necessær dihuèn Jésus-Chrouist; a pe uclen offancein dré en souvereaheu. er blasfæmeu hac er péhédeu horriplan? Mèn é vou cavet hermen tud e gredou hum laquad guet er-ré e glasq gobér én ur hanton un établissement benac eit gloër Jesus-Chronist ha salvedigueah en ineanneu, pé corrigein un désordr-hac arrestein ac scandal benac? Pihue e ra er péh e lar demb Jesus-Chronist hur Mæstr dré gueneu S. Pierr : Ne ret jamæs droug eit droug, nac offance sid offance; mæs quentoh reit hou pennoh d'en ol, rac ma houzoh é ma eit quement-cé é hon galhuet d'er Grechéneah, eit ma receuchait el hériterion mat, ervenediction e oarn Doué deoh eid er vuhé-men hac er vuhé-aral. Er memb Apostol e lar hoah én un andræd-aral: Mem berdér, heurus-oh mar souffret er méh, en anjulieu ha tourmanteu est Jésus-Chrouist ... Mæs ne faut quet ma veritehait souffrein rac ma hoh multrér. lair, goal-gonzour, wius: mæs mar souffret èl ur guir Grechen n'hou peet quet méh ; mêlet quentoh en Eulru-Doué, rac ma hoh affliget eid é Hanhue. Arlerh quement-cé, me oulen hoah guencoh: én ol poénieu, miserieu, colleu, afflictioneu ha clinhuedeu, pilve e lar : Me zou Crechén, er Groès e zeli bout me fartage ér béd-men?

Quement-cé hun nès neoah gratait de Zoné a p'hun nès latet ag er Fonce a Vadiènt : Merenonce

d'en diaul ha d'é ævreu, d'er béd ha d'é vobanceu, d'er hiq ha d'é fal phjadurieu; ha m'en dès Doué hur heméret eid é vugalé hac hériterion d'é Ranteleah, guet ma vehemb fidel de viret é Lezèn èl m'hun nes grateit.

Ur Hrechén e zeli bout grucifiet eit er béd, hat er béd grucifiet eit-t'ou : rac ur memb tra-é bout Crechén ha boud obliget de vihuein eit Jesus-Chrouist, de squffrein eit Jesus ha guet Jesus ha de verhuel eit Jesus, el m'en des bihuet, souffret ha m'en dai marhuet aveid omb-ol. En n'emb e ful dehou donnet ar me lerh, é-mé Jesus, renonciéet dehou é hunan. douguéet é Groès bamdé, hac héliéet mé. Mæs en hani ne guemér quet é Groès ha n'em héli quet, n'en dat quet dign a hanan, na ne veritt quet bout lodêq gueneign. Quement-cé e ra de S. Paul laret: Douê re-viret ne hum hlorifiehen é nitra meid é toug Croès Jesus-Chrouist hur Salvér. Ha mar dai quementcé ur folleah de chonge er-ré e hum blige doh hum goll; er-ré e zezir hum salvein ne gaveint jamæs brassoh inour, eid é toug Croès Jesus-Chrouist,

Ne hum drompamb quet: ul lod vad en dès croezieu ou goalh de zoug ér béd-men: mæs èl n'ou dougant quet eit Jesus-Chrouist, inde goll er méritt ag ou foén. Rac-cé é lar S. Yehan: En hani e lar é chom é Jesus-Chrouist, e zeli quêrhet èl m'en dès quêrhet; de laret-é, gobér èl m'en dès groeit, hac a balamor dehou: rac en hani e hum zalh staguet doh Jesus dré garanté ha dré er santcleah ag é vu-hé, ne zeli chongeal a souffrein nac a vihuein meid aveit Jesus.

O me Salvér Jesus! assuret e hoès temb é hoh er gùir hend e zeliamb héli; reit temb sclærdér eit hanàuein hou volanté santel, ha conduiet hur pazeu eit ne farichemb quet ag er routt e hoes merchet temb eit arribue er Barraouis. Amen.

#### ARTICLE I.

#### Ag er Vertuyeu é general.

Comprenet-é tout er péh hun nes d'obér, ér berr gurieu-men: Peètleit doh en droug, ha groeit er mad. Eit peètlad doh en droug red-é pratiquein er Vertuyeu: rac ma n'en doh quet vertuus, hui e vou quasi sur péhour. Ur Vertu a Grechéneah e zou un donæzon surnaturel e chom én inean, e zoug hac e secour mab-dén d'obér vad ha de beètlad doh en droug. Me lar un donæzon surnaturel; rac ne fehemb quet hé meritein nac hur bout hi a hanamb hun hunan: de Zoué hemb quin en hun nès obligation a guement-cé. Me lar un donæzon... e chom én inean.... rac un action vat hé hunan ne véritt quet d'hé dén en hanhue a vertuus; red-é eit quement-cé m'en devou ur certæn doug hac acustumance d'obér er mad.

Bout-ç'ou deu sort Vertuyeu: bout-ç'ou tair hanhuet Théologal, rac ma tougant abèn-caër d'inourein Doué: ol er-ré ral e zou hanhuet Moral, rac ma chervigeant de réglein mab-dén én é gomportemant. En tair vertu Théologal e zou er Fé, en Espérance hac er Garanté: dré er Fé é credamb é Doué; dré en Espérance é homb ingorto a er possédein; dré er Garanté en er haramb. Er Vertuyeu Moral et zou ol diazéet ar bedair-principal hanhuet Cardinal, el pe lareheoh gondeu er Vertuyeu; rac ma teli ol er Vertuyeu-aral troein ar er pedairzé, èl un or ar hé gondeu. Er guettan e zou en Avis-

mat pé Prudance; en eil e zou en Nærh; en dairvet, en Tampérance, hac er bedairvet, er Justice.

En Avis-mat e ra demb difforh er peh e blige de Zoue, doh er peh en offance; er peh hun tosta de Zoue, doh er peh hur peella doh-t'ou; er peh zou mat, doh er peh zou droug; hac e ra demb istimein en disterran ævr-mat groeit eit Doue, guel eid en ol actioneu inourabl groeit eid er bed.

En Nærh e ra demb feshein ol er péh zou diæzen hènd a hur salvediguezh; e ra demb resistein doh tantationeu er goal-spèret, doh er béd, doh er péhet; hac e ra demb courage d'andur quentoh er marhue eit gobér nitra e zispligeh i de Zoué.

En Tampérance e zistag hur helon doh en treus crouéct, doh er plijadurieu, hac e ra demb hum chervige a vehai eit hun dobér hemb quin ha soullagemant hun Nessan, dré en dezir e laq én hur halon de glasq drès peb tra er madeu hac el lehuine é éternel.

Er Justice e ra demb hum aquittein ag er péhe e zeliamb de Zoué, demb-ni hun hunan ha d'hun Nessan, guet ur grèd perpet ampert ha carantéus. Hanhuein e rér ehué Justice en assamblage ag en ol Vertuyeu, hac un dén santel e hanhuér un dén just.

Oler Vertoyeu en des dobér a Brudance, a Nærh, a Damperance hac a Justice. A Brudance eit goud choæge er fin, er moyandeu hac er circonstanceu jaugeabl eid en exercice a bep Vertu. A Nærh eit ne veher quet distrocit ag en exercice ag er Vertuyeu particulier, dré zougeance nac espérance er bet. A Damperance eit ma vou grocit quemend el e faut, ha non pas mui eit ne faut. A Justice eit ne vanquehemb quet ér pratiq a bep Vertu d'er peh ezeliamb de Zoué, demb-ni hun hunan, ha d'an Nessan.

Ag er pedair Vertu principal-zé é ta hilleih a Vertuyeu-aral : é han de gonz a lod a nehai.

En Humitté, e ra demb avouéein n'en domb nitra, n'hun nès nitra; hemb græce Doué n'eellambgobér nitra a vadeit hur salvediguesh i eèl dohemb enta er vanité, en istim a hanamb hun hunan, en disprisance ag er-ré-ral, hac en dezir de vout mêlet er béd.

En Douster, e ra demb monguein hur holer, torrein hur fal-imur, goasquein ar hur prontitud, ancoehad en anjulieu, pardonein en offanceu. N'en domb roq, brusq ha revait, meit rac ma hum gavamb un dra-benac. Desquet gueneign, emé Jesus-Chronist, é hon doace hue humbt a galon.

Er Batiantæt, e ra souffrein a galon vat ha hemb hum glêm én ol poénieu, clinhueden, trebilleu e arrihue guenemb aberh Doué, pé dréé bermission.

Carein er Peah; dré un imur mat ha dambouær peellad don en tabut; dihoal don en dissancion; arrest er-ré coleret; laquad er peah é mesq er-ré zou é caz; jamæs chican na procès hemb ur guir ræzon.

Ex Burtost, e ra chuchad don en amitié tinér ha don en hantiss didalvé; feahein en ol tantationen; resistein don er chongen importun; peèllad don en ol occasionen; dihoal don moden ha vanitéen er béd.

Er Modesti, pé Honestiss, e ra bout pozet én ol conzeu hac obereu; en devout caz hac horreur doben ol gusquemanteu difourniss, en ol gesteu dijauge, en ol conzeu sot, er bourden infam, corolleu, bouffonnerealieu, etc.

Er Moderation, a fæd en daibrein hac en ivet redaibrein hac ivet eit bihuein, ha non pas aveid er bijadur de hum goutantein; bout reglet ér plijant

durieu memb inoçant ha permettet; considerein en en dès hun Salvér liès ouilet, mæs n'en dai quet sur en en dès jamæs hoarhet. Malheur, e-m'éan, d'erré e hum zivertiss, rac ind e ouilou un dé e zei.

Er Mortification, e ra plæguein er fal imurieu, torrein er fal daicheu, renonciein d'er fal acustumanceu, gobér brizel d'er vinceu, én ur bratiquein er Vertuyeu contrel dehai.

Er Bénigèn, e afflige hur halon guet ur regrèt veritabl a hur péhedeu, hac e ra demb distannein colèr en Eutru-Doué dré hun dareu, ha disarmein

é justice dré hun æyreu mat.

Carein el Labour; ol é homb condannet de labourad ha de boéniein peb-unan revé é vacation. Ne chomamb quet enta de boéz, guet eun n'hul laquehai er goal speret de gouéh ér pehet. En arouaredigueah e zou caus de hilleih a fallanté, emé er Speret-Santel.

Er Beuranté a speret, e zistag er galon doh en oltreu ag er béd; e ra bout coutant guet er péh e ra Doué demb: mar hun nès treu, en trugairicad; mar ou hollamb, quemér scuir ar en dén santel Job. En Nean é teli bout hur chonge hac hur halon; rac inou é teli bout hun tresor.

Dougeance Doué; Douget en Eutru-Doué, e-mé er Speret-Santel, ha miret é Ourhæmeneu, rac chetui petra e ra d'un dén bout just ha santel. N'en dai quet asses peèllad doh en droug guet eun a vout punisset; mæs guet un dougeance carantéus en des ur hroaidur mad a zispligein d'é dad.

Chetui er Vertuyeu Moral e zeli peb-unan pratiquein a balamor de Zoué, ha non pas rac m'en dint honest, inourabl ha ræsonabl. Lod e chonge guet-t'ai bout vertuus, rac ne vihuant quet èl er-ré fellan, rac ne gouéhant jamæs é certæn péheden bras ha scandalus, deusto ma hum hroant doh péhedeu-aral a béré ne brezant quet cheleuet er rebræche: lod e chonge bout vertuus, rac ma rant ævreu ha devotioneu caër dirac en dud, rac m'ou dès groeit ou Fasq, pé m'ou dès bet de gommuniein un dé bras a zevotion; deusto m'en dint carguet a vanité; corromplet én ou inean, ha ne dostant d'er Sacremanteu meit eit héli er mod huc er gustum. Ol en dud-cé e hum dromp. (Eit désquein pratiquein erhad peb Vertu é particuliér, leinet guet attantion en drivet l'arti ag en Or ag er Vuhé devod dré S. Francès a Sale).

#### ARTICL II.

#### Ag er Fé a Grechéneah.

La Fé zou ur Vertu Théologal dré béhani é credamb ferm ol er péh en dès revélet en Eutru-Doué,

hac e ra demb en Ilis de gredein.

Er Fé zou ur Vertu Theologal, de laret-é, ur sclærdér surnaturel péhani e zoug mab-dén bet-ha Doué memb. Er Fé e ra demb credein ferm, hemb doutance er bet, ol er péh en dès Doué revélet d'en Ilis, hac e ra demb en Ilis de gredein ag é berh, rac ean en dès int laret ha u'eèll quet hum drompein nac hun trompein. Doué, e-mé S. Paul, en dès conzet guharal doh hun Tadeu dré guêneu er Brofætet; mæs goudé ean en dès conzet dohemb dré guêneu é Vab uniq. Ni e ouair enta sur en en des conzet : en Ilis el lar demb, hac en Ilis n'eèll hum drompein nac hun trompein; rac er Speret-Santel e zou perpet guet-hi dré é assistance, eit ma vou goarnourès

d'er Scritur sacret, péhani zou conzeu Doué membreit m'ou expliquou ha ma ansaignou demb opèn er gurionnéeu deit a vêg de vêg ag en Apostolet beed omb, ha péré, hemb bout comprenet ér Scritur santet, e zou nooah conzen hun Doué.

Er Fé e sau mab-dén beed en Nean eit contamplein parfæionen infini hun Doué, eit considerein en dondæd ag er Misterieu a hur Religion, hac adorein er péh n'eètlamb quet comprenein dré er sclærder a hur ræson goann ha dister. Dre er Fe e Lanàvamb peli quer misericordins-é hun Doué é quevir er-ré e zistro doh-t'on a galon, ha pélrquen terribl vou é vangeance inemb d'er béherion obstinet. Er Fé e laq én hur halon en dougeance santel a zisplige dehou, hac en dezir earantéus d'obér perpet é volanté. Dré er Fé é handuamb péh quer fausé plijadurieu er béd, téh quer bras-é folleah er-ré e laq ol ou spi de glasq ou æzemant ha lehuiné ar en doar, ha péliquen terribl-é er bunition e reserv Doué dehaj ér béd-hont. Mæs hi e zésq demh ehué péh quer bras-é joé ha coutantemand er-ré e zispris er bed hac é zivertissemanteu, eit chervige Doué guet fidelité, ha doug ou Hroès arlerh Jésus-Chrouist. Er Fé anfin hul laqua de vout sourcius de seellet petra zon dihnennet eit n'er groehemb quet; ha petra zou ordrenet eit er gober ne vern petra e vou laret a hanamb : hi hun désq de zisprisein er vuhémen, ha de zezirein er marhue, el un tremenheurus ag er poénieu d'er joyeu.

#### Ag en necessité ug er Fé.

Er Fé zou necessær de bep-unan en bout salvet; rac hemb er Fé, é-mé S. Paul, ne fehemb quet plugem de Zoué: hac bur Salvés e lac schær én Aviél,

é vou condannet en hani ne gredou quet. Rac-cé hur Mam santel en Ilis e ansaign demb é ma er Fé er hommancemand a hur salvedigueah. Hemb er Fé n'eèllér ento na pligein de Zoué na bout salvet. Ha hoah, ne hum drompamb quet; peb sort Fé n'hur salvou quet: rac er Fé hemb œvreu mat, e zou marhue, emé S. Jâq; hac ur Fé marhue ne tall de nitra eid er Baraouis. Réd-é en doud ur Fé bihue, de laret-é, jaugein hur buhé guet er peh e gredamb, hac èl-cé bout distagnet doh er béd, rac ma ramb profession a gredein guet S. Jâq, penaus en-n'emb e gar er béd, e zou enemis de Zoué.

N'en dui quet a ssès credein é general ol er pého gred en Ilis; rac bout-c'ou gurionnéeu principal e zeliamb goud ha credein é particuliér. Peb Crechén deit d'en caid a rezon, e zeli, idan boén a zannation. goud ha credein é hès un Doué péhani e recompance er-ré vat, hac e buniss er-ré fal; ean e zeli goud ha Mister adorabl en Drinded, Mister en Incarnation, Mistér er Redamption hac er gurionnéeu-aral comprenet é Symbol en Apostolet, Gourhæmeneu Doué ha ré en Ilis, hac er péli e seel er Sacremanten, é spécial er Vadiend, er Sacremand ag en Autær, hac er Sacremand a Benigen. Rac-ce pihue-benac e ra Covezioneu hemb goud er Mistérieu-ze, e zoa obliget d'ou reparein. Caër hou pou laret en e hoès ind ancocheit; er Fé zou necessær beed er marhoe, ha ne hoes quet ancoeheit offansein Doué: coër hou pou hoah laret ne hoes quet a vémoer, n'eellet quet désquein, hui e zesq erhad coroil, sonnein, ha mil sotiss-aral; abil oh partout meid én hou Lezen.

Ordrenet-é hosh demb idan boén a béhein mar velemant, goud petra é es Marhue, er Jugemant er Pargatoër, er Baraouis hac en Ihuern; credein penaus en inean ne varhuou jamæs. Obliget-omb ehué, émé en Doctor S. Thomas, de oud ha de gredein Misterieu Jesus-Chrouist, é spécial er-ré zou inouret én Ilis dré ur Gouil hac un devotion-henac. (Hui e gavou quement-cé expliquet é Gourhæmeneu en Ilis). Ni e zeli hosh goud ha credein é teliamb inourein er Sænt, respettein hou Relégueu; goud ha credein é hès én Ilis Indulgeanceu a béré é teliamb profittein; goud ha credein é homb obliget d'aboeissein d'en Ilis, ha n'en dès quet a salvedigueah ér mæz, a nehi.

Obliget vér d'obér forh liès Acteua Fé : 10. A pe vér deit d'en oaid a ræzon. 20. A pe vér tourmantet dré un tantation benac, drès peb tra, mar bai inemp d'er Fé 30. A pe bedér. 40. A pe dostér d'er Sacremanteu. 50. A pe vér én dangér a varhue. N'en dai quet erhoalh temb hur boud er Fé én hur halon; requis-é hoah hé avouéein dré hur honzeu : de lareté, ne zeliamb hur bout na méh na dougeance é havonéein a vouéh ihuel é homb Crechénion, hac Lé teliehemb-ni coll hur buhé: rac. emé Jesus-Chronist: en-n'emb em avouéou dirac en dud, m'en avouéou ehué dirac me Zad péhani zou én Nean: mæs en hans e renonciou deign dirac en dud, me renonciou ehué dehou dirac me Zad péhani zou én Nean. Réd-é memb ma vou hur buhé ur scùir parfæt a hur breden. ha ma von handuet hur Fé doh hun obéreu. Mem berdér, e-mé S. Jaq, petra e chervigeou deoh hou poud er Fé, mane hoès en ævreu? Ha hi e eèllou he hunan hou salvein?

Bout-ç'ou tair fæçon d'obér profession a Fé: 10. En ur ziscoein é peb occasion dré hur honzeu hac hur buhé n'hun nes quet méhé héli Jesus-Chrouist

20. En ul laret Symbol en Apostolet. 30. En ur obér Sign er Groes, péhani zou bet instituet eit degass chonge temb ag er Misterieu principallan ag er Fé; eit discoein d'er-ré-ral er peh e gredamb, hac eit tènnein ar-n'amb secour ha benediction Doué dré vériteu Jesus-Chrouist marbuet ér Groès. En ur obér Sign er Groès, ni e represantt hilleih a Visterieu en un taul : rac en ul laret é Hanhue en Tad, er Mab, hac er Speret-Santel, ha non pas é Hunhueu en Tad, etc., ni e hanau n'en des meid un Doué hemb quin, hac é hès tri Person é Doué. En ul laquad hun dourn ar hun tal hacarlethar er galon. ni e ra d'antand penaus Mab-Doué, ingal é peb tra guet é Dad, e zou disquennet ag en Nean, hac en des queméret ur horv haval doh hur ré-ni itré digosté er Uériès Vari. Er figur ag er Groès e formamb ér momant-cé, e zegass chonge temb é ma marhuet Jesus-Chronist ér Groes eit hur péhedeu.

En usage a Sign er Groès en dès commancet guet en Ilis; ha Tertulien e assur é ta demb ag en Apostolet. Cheleuet é gonzeu : « A pe yamb é voyage, a pe antréamb én hun tiér, a pe sortiamb, a pe « hum usquamb, a pe hum laquamb doh taul, a pe yamb de gousquet, hac én hun ol actioneu, ni e a ra Sign er Groes guet respet ha devotion. » Eit profittein ag en avantageu e zoug guet-t'ou er Sign sacret-cé, réd-é dihoal a er gobér dré routin ha dré acustumance : red-é é contrel er gobér perpet guet modesti, respet ha devotion, é spécial a pe vér attaquet guet un tantation-benac, pé ma hum gaver en un danger-benac. Red-e er gober ar hur halon, eit he dihuen doh er chongeu ha dezirieu lous ; ar hun divès, eit arrest er fal gonzeu e vehai prest de sorti a hur beq; ar hun deulagad,

eit ou freservein doh er seelleu dangerus. S. Ignace Martir e lar é touge bras er goal-speret er Sign-zé a hur salvedigueah; ha Lantance e lar é refusas en diaul rescond d'un Ampereur er honsultai é présance ur Hrechén péhani en doai groeit Sign er Groès Julian en Apostad, emé S. Gregoër a Naziauz, e hum exelçai mar a uéh guet operationeu magi; hac un dé en hum bresantas dehou figurieu quen horribl, ma hum ancochas d'obér Sign er Groès guet er spont en doai bet; ha quentéh éziaulet ezisparissas.

Ag er Péhedeu inemb d'er Fe.

Puar sort tud e beh inemp d'er Fé: 10. Er-ré ne gredant quet er gurionnéeu e ansaign er Fé, èl mei

en Turguet, er Juivet hac en Héritiquet.

2°. Er-ré e renouci én exterior d'er gurionnéeuzé, pé ne gredant quet discoein en ou hredant, a pe vai requis discoein é vér Crechén, èl mei en Apostadet hac er Grechénion lache.

30. Er-ré e vihue én un doutance volantær ag er

gurionnéeu-zé, èl mei er béherion ahurtet.

4°. Er-ré ne brèzant quet laquad poén de zésquein er péh ç'ou necessær goud eit bout salvet; er-ré e hum sau inemp d'er Hatechén, inemp d'en Instructioneu, hac e ra goab a nehai: er-ré e vang a gass

ou bugalé de vout désquet.

Ah! terriplæi ur gontt en devou de rantein de Zoué er-ré e lausq ou bugalé pé er-ré zou idan ou berh, ér brassan dangér ag hou dannation, faute a zésquein dehai er péh ç'ou requis. Fache vehai guett'ai ma varhuehai unan bras-benac én ou zy hemb bout deværet; ha ne rant cas er bet eit guélet ou bugalé é verhuel hemb goud na credein er Misterieu ag er Religion. N'ou hassant de govessad meid ur uéh benac er blæ, hac hoah a pe vai brassan fout

ha press, hemb conz tehai a hum examinein, na

penaus é ma ret gobér eit covessad.

Mar fal deoh bihuein revéer Fé, goulennet guett'hi petra e hoës d'obér a pe dostet d'er Sacremanteu, a pe yet d'en Overèn, a pe yunet, a pe ret alézon... Ne vern petra e yet d'obér, consultet-hi, hac hi e larou deoh er gobér èl pe zeliehoh merhuel quentéh goudé...

#### ARTICL IIL

#### Explication a Symbol en Apostolet.

Symbol en Apostolet e zou ur fæçon d'obér profession a Fé, en dès en Apostolet composet ha lausquet guet er Fidelet. (Er guir Symbol e senesi ur merche e rait guharal d'er Soudardet eit ou distinguein). Bout-ç'ou én ou deuzèc articl, é péré é ma comprenet ol er péh zou requis d'er Fidelet eredein eit bout salvet. Obliget-omb ol de oud parcul Symbol en Apostolet; hac er-ré n'eèllehênt é mod er bet en désquein, e zeli ahoël goud é substance er gurionnéeu comprenet én-ou. En of seianceu ag er béd e zou nitra é comparage d'en Doctrin a salvedigueah e gavamb ér Symbol.

#### ART. I. Me grèd é Doué en Tadol-Buissant, Crouéour d'en Nean ha d'en Doar.

Me grèd é Doué; de laret-é, me mès ur gredèn ferm hac assuret é hès un Doué, me laq én ou me ol confiance, ha m'er scèl èl me ol vad ha me ol heurustæt.

Doué zou un isprit infinimant parfæt; rac n'en dès quet a gory, ha rac m'en dai infini én é ol par-

fætionen: ne fehemb quet er guélet guet deulegad er horv, na cavouet nombr na fin d'é barfætioneu.

Doué zou éternet; rac biscoah commancement

n'en dès bet, na birhuiquin fin n'en devai.

Doué zou hemb changemant; de laret-é, a ol éternité é ma bet er peh mei bermen, ha birhuiquin é you. Er péh-ç'ou bermen én é chonge hac én é volanté, e zou bet a ol éternité, ha birhuiquin é vou.

É vrastæd e zou hemb muzul; rac m'en dai antiér é quement tra zou, hac antiérépeb parti a guement tra zou: n'en dai comprenct é léh er bet; ha que-

ment tra zou e zou comprenet én ou.

Doué zou partout é tair fæçon: drè é natur é ma én Nean, én doar hac é quement tra zou; dré é bresance ean e gleu tout hac e uél tout; dré é buissance ean e ra tout hac e gondui tout.

Doué zon Mæstr de guement tra zou, ha nitra ne schai miret doh-t'ou a zisposein èl ma car, a

gvement tra zou.

É sagèss e zou infini; de laret-é, ean e arranq, e jauge hac e gondui peb tra de bèn dré voyandeu péré zou é raug isprit mab-déu: ha mar cavamb guenemb é hès ér béd certæn treu direih ha digampèn, n'en dai quet doh Doué é ma en droug, mæs dohemb-ni memb; rac ma houair parfætemant tennein er reihtæt memb ag er péh e gavamb direih. Ean e brofitt ag er péhet memb, péhani zou er brasan désordr e ouhai bout, eit salvedigueah en dud, ha guhavé eit santification er-ré er hommett. Jamæs ne bermettehai ma vehai commettet en torfæteu e arrihue bamdé ér béd, quenevé ma houair troein quement-cé eid é hloër hac avantage é vugalé.

Doué zou infinimant just : é volanté hac é ævreu e zou perpet santel ha just. Ean e recompanse er vertu hac e buniss er vince; ha goudé m'en dés cherviget tehou er-ré fal èl benhuéguér eid accomplissein é zesseineu, ean e ziscarg ar nehai é vangeance eit ou funissein ag en drougueu ou dès groeit d'er-ré just. Ne faut quet bout souhet mar lausq Doué en dud impi de vihuein d'ou chonge ha d'obér ou fantazi; rac ean e ouair sur n'achappeint quet a dré é zeourn mar dalhant mat d'en offancein, hac ean e cèll, a pe garou, ou funissein pé ér béd-men, èl m'en dès groeit mar a uéh, pé ér béd-aral, ma ne hum gonvertissant quend er marhue.

Doué zou infinimant mat; de laret-é, Doué zou er vadelesh memb, hac e scuil hemb cess é vadeleah ar en treu crouéet. Dré un effæd ag é vadelesh en en des crouéet en Nean, en doar ha quement tra zon én-ai : dré un effæd ag é vadeleah en ou honserv hac é pourvai é zobérieu de bep unan. Dré un effæd ag é vadeleah é ta bamdé en heaul de rein splandér d'er-ré fal quer clous èl d'er-ré vad, hac é couéh er glàu é parqueu er péhour quer clous èl é ré en dén just. Dré un effæd ag é vadeleah é vag hur horveu, hac é ra d'hun incanneu er secourieu necessær eid arribue él lehuiné ag en Néan. Dré un effæd ag é vadeleah en hur souffr ar en doar deusto d'hur péhedeu, hac en hur gorto d'obér pénigén. Guir-é é hès tud péré n'en dint (haval vehai) ar en doar meid eit boud malheurus : mæs ne faut quet credein eit quement-cé n'en dès Doué madeleah er bet eid er-re e lausq èl-cé d'andur ; réd-é é contrel considerein é homb ol péherion, hac é véritamb hoah hilleih mui eit u'han nès d'andur. En dud-ce e seellamb el malheurus, e zou crouéet eit bout heurus de virhuiquin en Nean, mar carant profittein ag er græcen e ra Doué dehai. Ul lod-vad a

nehai en dès meritet mil guéh en ihuern, ha neoah Doué e ra dehai amzer ha moyand d'oher penigèn. Anfin n'en dès den quer malheurus ar en doar, ne jouiss ag ur gonsolation benac; ha n'en dai quet estrange guélet peurerion é vihuein coutantoh hac heurussoh guet ou miser, eid ul lod-vad a dud pihuiq guet ou madeu.

Adoramb parfætioneu en Eutru-Doué; ras eit comprenein ou excellance jamæs n'eèllehemb ér vuhé-men. Rac, emé S. Augustin, hac é troëhai ol er béd de bapér, ol er gué hac er plandeu de blu, ol er mor de ancr, uset hac impléet vehent ol, quentoh eit ma vehai expliquet unan a basfætioneu Doué guet hé ol excellance. Retournamb enta d'en expli-

cation ag er Symbol.

Me grèd é Doué: de laret-é, n'en dès meid un Doué, ha n'en dai quet possibl ma vehsi istroli eittou. En impi. emé er Profæt, en dès laret én é gaton, n'en dès quet a Zoué. Remerquet erhad er honzeu-zé: paud a dad ou lar hoah en amzér-men, non pas dré ma credant en effæd n'en dès quet a Zoué; mæs rac ma carehent ne vehai quet, eit ma vehent liproh de goutantein hemb scropul ou goal inclinationeu.

Me grèd é Doué en Tad. Bout-ç'ou tri Person é Doué; mæs en tri Person-zé ne rant meid un Doué hemb quin, rac n'ou dès ou zri meid ur memb natur hac ur memb divinité, péhani n'eèll quet bout dispartiet na partaget. Hennéh-é Mistér en Drindet Santel. En Tad e zou er hetan Person, er Mab è zou en eil, hac er Speret-Santel en drivet Peb-unan ag en tri Person-zé e zou Doué: quer bras, quer puissant, quer coh, quer parfæt-é en eil èl éguilé: ingal ind é peb tra; ha neoah ne rant meid un Doué

hemb quin. Rac en Tad er hettan Person, doh hum gontamplein a ol viscoah, e angeandr ur Mab péhani zou ur memb Doué guet-t'ou hac e zou é pebtra quemend èl d'ou; en Tad er hettan person, hac er Mab en eil Person, n'eèllant quet boud ur momant hemb hum garein, hac ag er garanté-zé é ta er Speret-Santel, péhani zou Doué èl en Tad hac er Mab, hac en dès er memb natur guet en eu Berson-zé.

En Tad ol-buissant. De laret-é, n'en des nitra impossibl de Zoué, hac é heèll gobér ol er péh e gar. Eit bout laret ag en Tad é ma ol-buissant, n'en dai quet laret n'en dai quet ol-buissant en en Berson-aral: rac dré m'en dint ingal é peb tra, hanni a nehai ne ra nitra, ne ra ehpé en eu-aral.

Crouéour d'en Nean ha d'en Doar. Crouéem e zou gobér un dra benac a nitra. N'en dès meit Doué e cell gobér quement-cé; hac én effæd ean en dès groeit a nitra en Nean, en doar hac ol quement tra zou én-ai. En ævr caër-zé n'en dès coustet tehou meid ur gonz: Ean en dès laret, ha quentéh é mant bet groeit. (Leinet er guettan Figur a Histoër en ancién Testamand).

Croucour d'en Nean; de laret-é, d'er péh e roul drès hur penneu, èl mei en heaul, el loer, er stiret; ha d'er péh zou en Nean memb, èl mei en Ælèt péré zou chomet fidel de Zoué, hac er-ré zou bet taulet ag en Nean én ihuern, rac m'ou doai hum

revoltet, hac c hanhuér diaulèt.

Ha d'en Doar; de laret-é, d'er bèd-men hac ol er péh zou én-ou, el mei er mor, er pésquet, er gùé, el lonnet a bep sort, bet-hac er prinhuèt, er hleyon, etc. Doué-é en dès jnt crouéet hac ou honserv ol : ha penaus benac ne gomprenamb quet perac en en dès crouéet paud a lonnet, péré ne zougant (haval vehai) profit er bet de vab-dén, péré zou memb domageabl dehou; réd-é neoah considerein penaus en treu-zé n'en dint deit de vout drouguéahus eid-omb, meid é punition ag er péhet, hac é heèll en distérran ag el lonnèt-cé hun doug d'admirein brastæd en Eutru-Doué, mar consideramb penaus é heèll bout buhé, goaihiad ha nærhenneu é corveu quen distér, ha penaus en hum droant peb unan eit clasq é vouéd ha conservein é vuhé.

Bout-ç'ou ardro huéh-mil vlæ a p'en dès Doué cronéet er béd, ha n'en dès meit-t'ou e ouair pegue-hæd é teli hoah padein. Deusto ma heèllai gobér en ævr caër-zé én ur momand, er Scritur e verche é laquas huéh dé d'er gobér, hac é reposas er seih-vet dé; non pas ma hoai fatiquet é crouéein er béd; mæs eit rein d'emb d'antand é cessas er seihvet dé a grouéein, hac a oudé n'en dès groeit espece nehué er bet, penaus benac ma conserv dalh-mat er-réen dès crouéet.

Doué n'en dès quet crouéet ol en ineanneu ag er hommancemand ag er béd: rac-cé hun ineanneu n'en dint quet sortiet a inean Adam; mæs sortiet ind a bèn-caër a zeourn en Eutru-Doué, pchani, ér memb momant ma form ur horv itré digosté ur voes, e groué un inean eit bout joentet doh er horv-cé.

#### ART. II. Ḥac é Jesus-Chrouist é V ab uniq hun Eutru.

Hac é Jesus-Chrouist: de laret-é, me grèd é ma Jesus-Chrouist Mah uniq en Tad, é ma en eil Person ag en Drindèd, en en dès hum hroeit Dén aveid-omb, hac é ma Doué ha Dén assambl: m'en ador hac e laq én-ou me ol confiance.

Jésus e senefi Salvér, de laret-é, en hani en des hur sauvet ag er péhet hac ag en ihuern. Chrouist e senefi sacret, de laret-é, en hani zou bet sacret guet Doué eit bout hur Profæt, hur Roué, hur

Belég.

Hun Eutru. Jesus-Chronist revé mei Doné, e zou Mæstr general dres quement tra zou: mæs can zou hoah dré un droæd particuliér hun Eutru hac hur Mæstr, rac m'en des hur prenet dré er bris ag é Oaid précius. Rac-cé a pe gonzamb a Zoué, ni e laré general en Eutru; mæs a pe gonzamb a Jesus-Chronist, ni er galhue hun Eutru.

ABT.III. Péhani zou bet conceuet dré er Spèret-Santel, gannet ag er Uériès glorius V ari.

Péhani zou bet conceuet: Jesus-Chronist e zou é gurionné Doué èl é Dad, hac é gurionné Dén èl omb : de laret-é, queméret en dès ur horv hac un inean haval doh hur ré-ni, hemb cessein a vout Doué: queméret en des ehué guet er horv-cé hun ol infirmitéeu, nameid er péhet, en ignorance hac en inclination d'en droug. Bout-c'ou enta dihue natur é Jesus-Chrouist, en natur a Zoué hac en natur a Zén, péré eit bout int joentet assambl én ur memb Person, e chom neoah distinguet en eil doh éguilé. Rac-cé n'en dès é Jesus-Chrouist meid ur Person. néhani zou Mab-Doué, ingal é peb tra guet é Dad, ha pehani guet en Tad hac er Speret-Santel ne ra meid un Doué hemb quin hac ur memb Doué. En union-zé a zihue natur distinguet é Jesus-Chrouist e zou caus ma larer en en des Doué souffret, é ma marhuet, é ma resuscitet; hac é ma en Dén Mab-Doné, é ma Doué. Mæs n'eèllér quei laret é ma bet conceuet en Tad hac er Speret-Santel, en ou des

Digitized by Google

anduret, é mant marhuet, rac n'ou dés meid ur memb natur guet er Mab, péhani zou bet én effæd conceuet, en dès anduret hac e zou marhuet: rac n'en dai quet doh Person en Tad na doh Person er Speret-Santel é ma bet joentet en natur a Zén; mæs doh Person er Mab hemb quin. Er Mab hemb quin en dès hum hroeit Dén; ha non pas en Tad, nac er Speret-Santel. A pe larér hoah é ma disquênnet Mab-Doué ag en Nean eit hum obér Dén aveid-omb, ne faut quet credein en en dès quitteit en Nean na cesset a voud én Nean. Quement-cé n'en dai meid ur fæçon de gonz, eit rein demb d'antand en en dès hum joentet ar en doar doh en natur a Zén, doh péhani ne oai quet joentet a guênt. Er Mister-zé zou hanhuet Mistér en Incarnation.

Conceuet dré er Speret-Santel. Jesus-Chrouist revé mei Doué, en dès un Tad, ha n'en dès quet a Vam; ha revé mei Dén, esn en dès bet ur Vam, ha n'en dès quet bet a Dad. Er horv en dès queméret, e zou bet formet, dré opération er Speret-Santel,

a burran goaid er Uériès glorius Vari.

Gannet-é ager Uériès Vari. Jesus-Chrouist revé mei Doué, e zou a ol viscoah Mab uniq en Tad éternel; ha revé mei Doué ha Déu, é ma Mab d'er Uériès Vari, péhani en dès ean douguet nàu mis itré hé digosté, ha péhani, hemb cessein a vout Guériès, er gannas noz Nandelec é Bethléem én ur beuranté vras. (Leinet Histoër en Testamand nehué, Figur VII.)

ART. IV. En des anduret idan Ponce-Pilat, e zou bet crucifiet, marhuet hac interret.

En dès anduret. Mab-Doué n'en dès hum hroeit Dén meid eit désquein demb en hend a salvediguesh, cit rein demb en exampl ag en ol vertuyen, en ur ober vad d'en ol, é vihuein guet humilité é creis er beuranté ha poénieu; eit réparein dré é soussiranceu en anjuli en doai groeit mab-dén de Zoué dré é orgueil ha dré é ziaboeissance, hac eit en tennein ag en dannation éternel, en doai meritet dré é béhet. Jésus-Chrouist revé mei Dén e andurai : rac en natur divin ne oai quet capabl d'andur; mæs hi e rai neoah ur bris hemb som d'é soussiranceu.

Idan Ponce-Pilat. De laret-é, Ponce-Pilat, péhanie oai nezé Goarnour ag er Judé, e gondannas Jesus-Chrouist d'er marhue, eit pligein d'er Brincet ag er Velean ha d'en Doctoret ag el Lezèn, péré n'eèllent quet andur er santeleah ag é Zoctrin, nac en hardéhtæd intampius guet péhani é temallui dehai ou buhé direglet, ou orgueil hac ou avarice. Ul lod-vad a ineanneu mad en dès hoah bermen de souffrein a berh er fal Grechénion, rac ma clas-

quant ou distroein ag er goal hend.

E zou bet crucifiet. Er marhue don er Groès e oai en infaman tourmand én amzér-hont, hac e oai reservet d'er brassan torfæterion. Jesus-Chrouist péhani e céllai paiein hur rançon dré en distérran ag é actioneu, en dès vennet andur en tourmant méhus-cé, el pe vezai bet un torfætour infam, ha bout tachet don ur Groès itré deu lair, eit discocin guel péh quer bras é en Doué de béhani é rai satisfaction eid-omb hac én ul léh, péh quen énorm-é er péhet a gaus de béhani é handurai, péh quer pihuiq-é er satisfaction e rai eit hur péhedeu, ha péh quen istimabl-é er bris ag er græceu e veritai demb. Er Mister-zé e hanhuér Mister er Redamption. Quement græce hun nès ér béd-men, ha quemènt mad e esperamb ér béd-aral, e receuamb dré veri-

teu é vuhé, é Bassion hac é varhue, a béhani é ramb el lid canvéus Guinér er Groès.

Marhuet. Marhue Jesus-Chrouist e zou arribuet èl hani en dud-aral, de laret-é, dré en disparti ag é inean a zoh é gorv. Mæs en natur divin e chomus perpet joentet doh en inean ha doh er horv. Marhuete eit péhedeu Adam hac Eve, hac eit ré en ol dud. Groeit en dès satisfaction antiér eid en ol péheden deja commettet, hac e vou hoah commettet beed er fin ag er bed. Mæs eit quement-ce, en ol ne recouant quet er freh ag é varhue, emé er Honcil a Trante : ha n'en domb quet exant a obér penigèn, a p'en dai gùir n'en domb lodeq en é veriteu meit revé er boen e laquamb d'ober satisfaction de Zoue eit hur pehedeu. Requis oai demb ma vezai deit Jesus-Chrouista ar en doar d'obér satisfaction aveid-omb : rac mabden ne oai quet capabl d'ober de Zoué ur satisfaction dign cid en offance groeit d'é vajesté infini. Doué e oai libr de bardonnein demb hur péhedeu . hemb goulen satisfaction er het; mæs é justice ne vai quet bet coutantet, ha ne oai meid un Doué groeit Dén capabl d'hé houtantein.

Hac interret. Goudé marhue Jesus-Chronist, péhani e arrihuas ardro tair ær arlerh creisté, un dén devod hanhuet Jogeb, e yas de oulèn é gorv guet Pilat, hac el lieinnas én ul lincèll e oai bet reit dré charité: ean el laquas én ur bé nehué en doai groeit gobér én ur roh, é péhani ne oai bet hoah interret hanni. Inou é chomas ag er Guinér de noz beèd er Sul vitin, Jesus-Chronist e zou gannet é peuranté; bihuet en dès é peuranté, marhueté é peuranté, hac interret-é bet guet peuranté. (Leinet Histoër en Testamand nehué a oudé er Fi-

gur LII beed er Figur LIX).

ART. V. E zou disquennet d'el Limbeu, hac en drivet dé e ma resuscitet a varhue de vihue.

E zou disguennet d'el Limbeu. Goudé marhue Jesus-Chrouist, é inean d'spartiet a zoh é gorv, e zisqueunas d'el Limbeu eit delivrein ineanneu en dud just e oai inou doh er gortoz. El Limbeu e oai ul leh idan en doar, é péhani é reposai incanneu en dud santel hont péré zou bet fidelloh de chervige Doué quent Donnediguesh Jesus-Chrouist, eit n'en dai bermen en darn muyan ag er Grechénion, ha péré e ortai guet hirreah ma vezai deit Jesus d'on delivrein ha d'ou hass guet-t'ou é triomsi d'en Nean, a behani è hoai chairret en or doh en dud, beed que n'en devezai Jesus-Chrouist hé digueoret dré é varhue. Ne ouiamb quet sur hac can e zelivras chué er-ré e andurai poénieu tamporel ér Purgatoër : mæs goud e ramb sur ne zelivras quet er ré condannet d'er poénieu éternel ag en ihuern ; rac n'en dès remission er bet eid er-ré-zé. Brassæd é teliai bout joé en ineanneu hont a pe arrihuas Jesus-Chrouist d'on visitein!

En drivet dé é ma resuscitet a varhue de vihue. Er Juivet guet eun ne vezai deit Disciplet Jesus de glasq é gorv, ha n'ou devezai brudet é hoai resuscitet, e siéllas er mein e oai é holein er bé, hac e laquas inou soudardet é goard. Mæs d'er Sul a vitinmat, inean Jesus-Chrouist e hum joentas arré doh é gorv, hac ean e sortias len a hloër ér mæz ag er bé. En dé-cé, péhami zou Sul Vâsq, ean e aparissas de vérhèt devod péré, guet er gredèn é hoai hoah é gorv ér bé, e oai oueit d'inou eit er baumein.

Ardro en noz ean e aparissa s ehué d'é Apostolet. (Histoër en Testamand nehué Figur LIX ha LX).

ART. VI. E zou montet d'en Nean, hac azéet én tu diheu de Zoué en Tad ol-Buissant.

E zou montet d'en Nean. Jesus-Chrouist goudé é Resurrection e chomas hosh ar en doar durant denuguênt dé, hac e aparissas liès d'é Apostolet, eit discoein splann dehai é hoai resuscitet, eit ou honsolein hac ou instrugein. D'en eu-uguentvet de ean e ordrénas tehai perdèg en Aviél partout dré er béd, hac e hratas tehai er Speret-Santel guet assurance e vezai bet guet é llis beed er fin ag er bed, hac en en devai hé honduiet a lein en Nean. Nezé ean ou hassas guet-t'ou ar er Manné Olivet : inou ean e ras tehai é vénidiction, hace sauas d'en Nean én ou fresance. Ag er Mister-zé é ra en Ilis el lid triomslus Rieu en Ascansion. Jesus-Chrouist n'en des quet manquet d'é bromess : rac eit boud ean montet d'en Nean. ni e ousir é ma hoah guenemb ar en doar én ur fæcon invisibl: rac é ma én effæd hac é gurionné ér Sacremand adorabl ag en Autær; é ma guet é Ilis. ha guet peb Fidel dré é hræce hac é brotection spécial. (Histoër en Testamand nehué Figur LXI).

Hac azéetén tu diheu de Zoué... Doné zou ur par Isprit hemb cory; rac-cé n'en dès na tu diheu na tu clei. Er Speret-Santel eit hum obér doh hur speret goann ha ponnér, en dès impléet conzeu figuret eit rein demb d'antand penaus Jesus-Chrouist avèl Doué, e jouiss én Nean ag er memb puissance hac er memb gloër à béré e jouiss é Dad éternel, hac avèl Doué ha Dén, é ma sàuet drès en ol treu crouéet d'en ihuellan rang arlerh Doué. A pe fal demb inourgin unan-benac, ne gavamb quet guel léh de rein

dehou, eit el laquad de chouquein én tu diheu d'er mæstr ag en ti. N'en dai quet laret eit quement-cé é ma Jesus-Chrouist azéet én Nean quêntoh eid én é sàu, mæs laret-é amen é ma azéet, eit merchein demb en en dés accomplisset hac achihuet tout er péh en doai d'obér eit hur redamption, just-èl mei merchet é Acteu en Apostolet en er guélas S. Stevan én é sàu én Nean, eit discoein demb é ma dalhmad é zeulagad digueor ar é Ilis, hac é ma prest

perpet d'hé assistein ha d'hé secour.

Guélein e rér hoah hinihue en un Ilis e ras Santès Hétèn schuel ar er Manné Olivet, en traceu e lausquas Treid hun Salvér en doar a pe vontas d'en Nean, Assaiet-zon bet pahuein en andræd-cé: mæs en doar e strinqueai er pahuage doh er vechérerion; ha d'en nivér a zoar en dès douguet er Fidelet dré zevotion ag el léh santel-zé, ne seblanti quet mui eit pe ne vai quet bet touchet doh-t'ou, ha rontt Treid hun Salvér e chom attau quen antiér èl biscoah. Jesus-Chrouist montet d'en Nean, e zou hun Avocat, hur Belég, hur Bugul, hun Exampl, hur Mæstr, etc. (Leinet er Honsiderationeu santel, quetan Méditation).

# ART. VII. A inou e tei de jugein er-re vihue hac er-re varhue.

A mou é tei de jugein. Jesus-Chrouist péhani zou bermen é lein en Nean, e vou guélet un dé é tonnet lén a hloër eit jugein en oi dud assamblet én ur memb léla, ha rein de bep-unan er péh en devou meritet dré é ævren mat pé droug. N'en dès meit Doué en dès en droæd de jugein en dud : mæs Jesus-Chrouist, dré m'en dai hun Eutro rac m'en dès hur prenet dré er briaag é Oaid précius, en dès ehué

receuet er bouvoër d'exelcein é hunan er Jugemantcé én ur fæçon splann ha sansibl; ha rac-cé é ma laret é tei en achémand ag er béd de jugein er-ré vihue hac er-ré varhue. Mæs open er Jugemant general, ni e ouair é hès hoah ur Jugemant particulier, pehani e hum hroa er momand ma varhue pel-unan : de laret-é, ni e grèd ferm guet en Ilis penaus, quentch èl ma vai dispartiet un inean a zoh hé horv, é compariss dirac Doué, eit receu en arrest a hé bonheur pé malheur éternel; hac er Jugemant general ne changeou nitra ér santance prononcet é Jugemant particuliér peb-unan. Doué ne rei enta er Jugemant general meid eit difforh publiquemand 6 serviterion fidel doh é enemiset, eit recompancein, pé punissein en dud én ou horv quer clous èl én ou ingan, hac est cresquein gloër er Sænt ha tourmand er béherion, révé m'ou devou meritet en eil hac éguilé. (Leinet er bempet Chapistr ag er Reflexioneu ar er pedair fin dehuéhan).

Er-ré vihue hac er-ré varhue: de laret-é, er-ré zou marhuet a oudé er hommancemand ag er béd, hac er-ré e varhuou quênd en amzér-hont; hac er-ré e vou hoah bihue nezé ar en doar. Ne fehai bout nitra paud blaouahussoh eid er péh en dès laret Jesus-Chrouist e arrihuou nezé. En dud e séhou guet scontt ag er malheurieu a béré é vou menacet er héd. Er béherion e bedou er mannéeu de gouéh ar nehai ha d'ou golein. En drougueu e gouéhou ar en dud impi, e vou eit-t'ai èl un ihuern commancet; mæs chervige e reint de burifiein en dud just, ha de gresquein ou honfiance é misericord ou Juge. A pe vou arrihue en dé hac en ær ag er Jugemant, ha m'en dou en Ælet sonnet guet hou zrompetteu, er-ré varhue e resuscitou hac e hum assamblou ag et

puar horn ag er héd él léh destinet eid er Jugemant. Guélet vou Jesus-Chrouist é tésquên ag en Nean guet ur bouvoër hac ur majesté hemb par, ha troha-tro dehou en Ælet hac er Sænt. E Apostolet, revé er promess en des groeit tehai, e vou chouquet guet-t'ou eit jugein er béd. Nezé é vou digueoret el livr ag er houscianceu, ha ne chomou nitra cuhet: disoleit vou ol actionen en dud, hac examines veint perhuéh. Arlerh en Ælet e zissorhou er-ré fal doh er-ré vat : er-ré vad e vou laqueit én tu diheu de Jesus, hac er-ré fal én é du clei. Nezé er Juge souveren e larou d'er-ré e vou én é du diheu : Deit hui, péré zou bet béniguet guet me Zad, queméret position ag er Ranteleah e zou bet preparet teoh ag er hommancemand ag er béd. Arlerh ean e larou d'er-ré e vou én é du clei : Peèlleit doheign tud meliguet, quêret d'en tan éternel e zou bet preparet d'en diaul ha d'é ælet. Quentéh er-ré-men e vei d'en tourmanteu éternel, hac er-ré just e yei guet Jesus-Chrouist d'er joyeu éternel.

## ART. VIII. Me grèd ér Speret-Santel.

Me grèd ér Speret-Santel; de laret-é, me grèd é ma er Speret-Santel en drivet Person ag en Drindèt: me grèd é ta ag en Tad hac er Mab; é ma Doué èl en Tad hac er Mab, hac en en dès er memb natur guet en en Berson-zé; m'en ador guet Doué en Tad ha Doué er Mab, èl er vamèn ag er vuhé nehué e mès receuet ér Vadiènt, hac a ol er græceu hac inspirationen mad e receuan bamdé: me laq én-ou me ol confiance: me zezir ma rei é zamurance ém inean, èl én é Dampl, ma quemérou position a ne-hi, ha ma forbanou a me horv hac a me halon ol er péh e eèllehai displige tehou. (Leinet er Honsidérationeu santel, Méditation quetan).

### ART. IX. En Ilis Santel, Catholiq, er Gommunion ag er Sænt.

En Ilis Santel. En dud lourd a sperer, a pe gleuant conz ag en Ilis, e antand en Tampleu santel é péré en hum assambl er Fidelet eit pedein. Mæs n'en dai quet honnéh-é er senefication en dès er guir Ilis é Symbol en Apostolet. Petra-é ents en Ilis? rac n'en dès meid unan veritabl. En Ilis e zou un assamblé a Fidelet Crechénion, péré zon aliet dré er profession ag er memb Fé, dré en usage ag er memb Sacremanteu, ha dré en aboeissance d'en dud a Ilis ou Bugulion spirituel: n'eèllér quet bout salvet ér mæz ag en assamblé-zé; streauet-é pi rout dré er héd, ha padein e rei beèd er fin ag er béd: er pèn a nehi u'eell quet bout guélet, e zou Jesus-Chrouist, hac er pèn e eèll bout guélet, e zou hun Tad santel er Pab, Viquel Jesus-Chrouistar en doar.

En explication-zé ag en Ilis é cavér en ol armage necessær eit combattein ha feahein er faus doctoret, péré e assai hadein un doctrin benac nehué ér Grechéneah: question-é enta a hé homprenin erhad.

N'en dès meid un Ilis veritabl; rac er Fidelet péré e gompos en assamblé-zé, ne rant ol meid ur horv; n'ou dès ol meid ur memb pèn, ur memb isprit, péhani e ra buhé de tout er horv, ha de beb mambr bihue ag er horv; n'ou dès ol meid ur memb Fé, ur memb Esperance, hac er memb madeu spirituel. N'en dai ehué meid en assamblé-zé é rantér de Zoué en inour e zou deliet tehou. Mæs pihue e hanhuér Fidelet Crechénion, pé autremant, petra zou requis eit boud ag en Ilis? Hanhuein e rér Fidelet Crechénion er-ré zou hadéet, e grèd, hac e ra profession ag en Doctrin a Grechéneah: hac èl-cé

elt bond ag en Ilis, red-é bout badéer, ha gobér profession a gredein é Jesus-Chrouist, hac ot er peh en des ansaignet ha revelet d'en assamblé-zé. A pe l'aramb n'eètlér quet bout salvet ér mæz a nehi, ni e antand penaus er-ré ne rant quet profession ag er memb Fé, pé n'en dint quet lodeq én usage ag er memb Sacremanteu, pé n'aboeissant quet d'er Vagation spirituel, er-ré-zé zou ér mæz, ha n'eèllant quet bout salver. Rac-cé en Apostadet, de lareté, er-ré e renonci de Jesus-Chrouist ha d'é Zoctrin, hac en héritiquet, de laret-é, er-ré en des santimanteu particuliér ar certæn poendeu ag er Fé hac e refus sentein doh en Ilis, penaus-benac ma rant profession a gredein é Jesus-Chrouist, hac a héli é Zoctrin, er-ré-zé zou ér mæz ag en Ilis; rac n'en dint quet aliet guet er Fidelet Crechénion dré er profession ag er memb Fé.

Er-ré excommunet, de laret-é, er ré en des en lis forhet a gans d'ou diaboeissance pé a gans d'ur hrim benac, ag en droæden ou doai d'hé maden spirituel, er-ré-zé, penans-benac ma vihuant guhavé é mesq er Fidelet ha ma credant ol er peh er grêd en His, e zou neosh ér mæz a nehi, rac n'en dint quet aliet guet hé bugalé dré en usage ag er

memb Sacremanteu.

Er sysmatiquet, de laret-é, er-ré e refus aboeissein d'er Vugulion spirituel, é spécial d'hun Tad santel er Pab, hac e venn hum gondui d'ou fantazi, penaus-benac ma credant é Jesus-Chrouist, hac ol er péh e ansaign en Ilis a hend-aral, er-ré-zé zou hoah ér mæz, rac n'en dint quet aliet guet er Fidelet dré en aboeissance d'en dud a Ilis.

Er beherion pere n'en dint quet excommuniet, e mambreu d'en Ilis; rac Jesus-Chrouist e ansaign

demb en Aviel e hes e assamble er Fidelet ar en doar, plous ha gran mat, tud vat ha tud fal, ha ne veint dissorbet meid en achemand ag er bed, a pe zei de rein de beb-unan revé e ævreu.

Santel, Catholiq. A guemend en des hum ellet bet-ha bermen a hadein é mésq er bobl ur faus Doctrin benac, n'en dès bet quasi hannin'en dès brudet é hoai degasset guet Doué eit difari en Ilis. Ol en ou dès hum vantet guéh-t'er-uéh é hoai ou assamblé ind oai veritabl Ilis Jesus-Chrouist, ha ne vai bet hanni salvet a guemènt n'ou héliai quet. En dara muyan, cit cavouet æssoh en tu de drompein er bobl, en des laret ne glasquent meit guellad er Religion ha creihuad en Aviel Er fal Grechenion, péré zou scuéh guet Lezèn Jesus-Chrouist, ne zezirant quet guel eit cavouet unan-benac e ansaignou dehai ur Religion d'ou guis ha fantazi. En dudignorant, péré zou perpet prest de guemér er plæg e sessiér rein debai, e rid arlerh en treu nehué, hac e gav ur blijadur vras é cheleuet er-ré hé lar caër dehai eit ou zrompein. Mæs ind e zeliehai goud penaus His Jesus-Chrouist ne change quet, hac en hi dès puar caractær péré hé disting doh en ol assambléicu-aral, péré hum vantt guéh-t'er-uéh a vout veritabl Ilis Jesus-Chronist. Rac n'en des meid en Ilis Romæn e zou Unan, Santel, Catholig hac Apostoliq.

En Ilis zou Unan; rac en ol mambreu péré hé hompos, n'ou dès meid ur memb pèn, péhani zou Jesus-Chrouist, ha péhani en dès reit de S. Pierr, ha d'en ol Pabet ar é leth, un otorité spirituel ar beb Éscob hac ar beb Fidel. Rac-cé hun Tad santel er Pab, Viquel Jesus-Chrouist, e zou Bagul er Vugulion ha Bugul en devèd. Peb Escob guet é zeved.

e form ul lod ag en Ilis general; hac en ol Fidelet guet ou Bugulion, e zou aliet guet hun Tad santel er Pab dréer memb eredèn, dré er memb espérance, dré er memb Doctrin, dré er memb Sacremanteu; ha ne rant ol meid ur memb corv.

En Ilis zou Santel : rac n'en des meid en assamblé-zé é ranter de Zoué en inour e zou deliet tehou; rac Jesus-Chronist er pen a nehr, e zou santel hac er vamen ag en ol santeleah; rac ne gred na ne ansaign meid en Doctrin santel hi des désquet guet hé Mæstr divin : rac ul lod-vad a hé mambreu e zou santel, hac ér mez a nehi n'en des quet a santeleah: nac a salvedigueah : rac conduiet-é perpet dré er Speret-Santel, péhani e ra dehi n'eell quet hum drompein noc aprouvein er gorruption. Remerquet' erhad é hès én Ilis deu rum tud; devèd ha Bugulion: d'er Vugulion é ansaignein; ha d'en devèd-é cheleuet hac aboeissein. D'er Vugulion en en des Jesus-Chronist laret: Quêret, ansaignet quement Nation zou, ha badéet ind é Hanhue en Tad, hac er Mab hac er Speret-Santel : è hon gueneoh bamdé beèd en achémand ag er béd : ha d'en deved en en des laret : En n'emb ne cheleuou quet en Ilis, e zeli bout trætet et ur Payan hac ur péhour publiq. Mæs remerquet hoah penaus n'en dai quet d'hun Tad santel er Pab hemb quin, na de beb Escob é particuliér, mæs d'er horv general ag er Vugulion spirituel en en des hun Salvér grateit é assistance eit ne hum drompeint quet. Rac er l'ab deusto ma talh én Ilis er hettan rang a inour hac a otorité, ha m'en dès berh ar beb Escob hac ar beb Fidel, n'en dai quet exantoh a hum drompein eid un aral. Mæs ur ueh mæ hum accord en nombr brassan ag en Escobet guet hun Fad santel er Pab de zoug ur Jugemand ar un

articl pe affær benac, ne vai quet mut moyand de reculein, hac obliget-é peb Fidel de sentein doh er Jugemant-cé, idan boén a ziaboeissein d'en Ilis., Honnéh-é en Ilis péhanizou assistet guet er Speret-Santel, ha péhani n'eèll quet hum drompein.

En Ilis zou Catholiq: rac ag er hommancemand ag er bed ul lod-vad a dud en des gorteit guet hirreah Donnedigueah hun Salvér, en des esperet énou hac en des bihuet paud santelloh eit ne ra bermen en dern muyanag er Grechénion. En dud-hont e oai, én ur fæçon, ag en Ilis en des établisset Jesus-Chrouist, hac e badou beed er fin ag er bed. En Ilis zou hoah Catholiq, rac m'en dai streauet partout dré er bed. Én effed n'en des canton ar en doar ne gavér inou Fidelet Catholiq; hac of er vugalé badéet é mésq en Héritiquet ha Sysmatiquet, e zou guir mambreu d'Ilis Jesus-Chrouist, beed quene za dehai cousantein ag ou vat volanté d'en Héresi pé d'er Sysm.

En Ilis zou Apostoliq; rac m'en dai en Apostolet en dès hé streauet partout ha cimantet guet ou goaid; rac ma crèd ha ma hansaign ol er pehen dèsen Apostolet credet hac ansaignet, ha rac m'en dai conduiet dré Escobet, péré en dès queméret carg:

en Apostolet.

Caër en devou en Heritiquet crial hac hum vantein peb-unan d'é du, é ma ou assambléieu-é veritabl llis Jesus-Chronist: jamæs ne ziscoeint é mant Unan, Santel, Catholiq, hac Apostoliq. Penaus é vehent ind Unan, durand ne hum accordant itréd'ai, meid eit ravagein en Ilis Romæn? Penaus é vehent int Santel, durand ma tigueorant en or d'él libertinage ha d'er gorruption? Penaus é vehent int Catholiq, durand n'en dint streauet meid én us.

horniq-bro-benae, lod én ur hanton, lod én ur hanton-aral? Goud e rér pegource en ou dès commencet, ha ne chom mui trace er bet ag ul lod-vad a nehai. En effæd n'en dès Héritiq er bet ne vehai cèllet temall dehou er péh e larai Tertulian d'er-ré ag é amzér: « A beban é hoh-hui deit? Déh pé en « dé quênt, ne oai rontt er bet a hauah.» Penaus é vehènt-ind Apostoliq, durand ne rant meit dispèn ha fondein er péh en des groeit en Apostolet? A berh pihue é mant int bet degasset? Quent mei parisset Luther én Allemagn ha Calvin é France, men é hoai er Brotestantet? A berh pihue en en dès Luther ha Calvin receuet er bouvoër de berdèg ou lezen?

N'en des enta meid en Ilis Romæn e eell hum hlorifiein a voud Unan, Santel, Catholiq hac Apostoliq. Hé hanhuein e rér Romæn, rec er pen visibl a nehi e zou hun Tad santel er Pab, Escob a Rom hac Héritour d'er hettan rang a otorité hac a inour en doai reit Jesus-Chrouist de S. Pierr drès en Apostolet-aral, de béré en en doai reit ehué é otorité eit streàuein é Ilis partout dré er béd. En Apostolet en dès instruget ha casset Escobet, de bété en ou des reit er haractær hac en otorité ou doai receuet guet Jesus-Chronist: en Escobet-cé en dès reit er memb caractær hac er memb otorité d'er-ré zon deit én ou léh, hac el-cé en Ilis e bad a rum-de-rum, hac e badou perpet guet er memb caractær hac er memb otorité hi dès recenet guet Jesus-Chrouist dré zeourn en Apostolet. Ne oulennamb bermen gnet enemiset en Ilis meit ma tiscoeint temb ehué en ou des én ou assambléieu ur rangen a Escobet, péré en devou receuet a zourn de zourn on haractær hat on fouvoër guet en Apostolet. Eis

hum sauvein ag en temali-zé e rér dehai, ind ou dès cavet de larct é ma d'er bobl é tegouéh rein ou otorité hac ou mission d'en dud a Ilis. Mæs ind e zeliai considerein penaus un otorité spirituel, el mei hani en Ilis, n'eèll quet couéh itré deourn et bobl nac en dud carguet ag en affærieu tamporel. Er bobl e cell goulen ha presantein; mæs en Ilis hé hunan en dès en droæd de rein d'é Ministret caractær, otorité ha mission; ha pihue benac e antréchai ér hargueu ag en Ilis dré un or aral, e vehai un intra hac ul lair, é-mé Jesus-Chrouist.

Er Gommunon ag er Sænt. Dré er guirieu-zé ag en nauvet articl, ni e antand é ma berdér en of Fidelet Crechénion, hac é ma cummun itré-d'ai en ol madeu spirituet ag en Ilis. Rac el m'en dint el mambreu d'ur memb corv, péhani zou en Ilis, ol é mant ehué lodeq én ævreu mat, ér græceu hac ér Sacremanteu en des laqueit Jesus-Chrouist én Ilis. Rac-cé er Grechénion péré zou ér stad a græce, e zou lodeq ha participant én ol Overenneu e larér ér Grechéneah, én ol Pedenneu public ha particuliér, én ol ævreu mat, hac én ol vertuyeu e bratiq er Fidelet ne vern mên-é.

Er Grechénion péré zou ér stad a béhet marvel, n'en dint quet lodéq ér memb fæçon én avantagezé, penaus-benac m'en dint participant éu ul lodvad a dreu é Communion er Sænt. Rac en union e gonservant guet en Ilis, ou dalh perpet én ur stad ma heèllant profittein ag er Pedenneu hac ævreu mad e rér én Ilis, ha meritein guet Doué dré secour erré-tal, er græce de hum gonvertissein. Ur péhour e zou èl ur mambr marhue, mæs aliet-é neoah guet en Ilis dré er profession ag ur memb Fé, hac eg ur memb Espérance, dré en abocissance exterior

d'er: Vugulion spirituel, ha dré en droæd e gonserv de vout lodéq (mar car) ér memb Sacremanteu. Brassoh-é hoah é avantage eit hani er-ré zon absolumant forhet dré en excommunication-vras a Gommunion en His. Rac er-ré-zé n'ou dès mui lod er bet ér madeu spirituel ag en His. Haval int doh bugalé dissènt en dès ou zad hac ou mam desheritet ha forbannet ag ou hompagnoneah. Mæs èl ma conservant perpét er Vadiènd ou dès receuet, en His e gonsérv ehué un droæd ar nehai, hac e eèll (mar carant) rantein dehai er péh hi dès lamet guet-t'ai.

Remerquet erhad penaus er Gommunion-zé e zou itré er Fidelet. Ne achihue quet guet er vuhémen: padein e ra hoah ér vuhé-aral; ha n'en des meid er-ré dannet n'ou des lod er bet én-hi. Rac en Ilis e uélamb ar en doar, n'en dai meid ul lod ag un Ilis generaloh, péhani e gomprèn ol mambrez Jesus-Chrouist, de laret-é, en ineanneu e zou én Néan, er-ré e andur ér Purgatoër, hac er-ré zou hoah ar en doar. Bout-c'ou un union hac ur Gommunion sterd itré en tair assamblé-zé ér fæçon-men : en hani zou én Nean e oulen guet Doué græceu ha -secourieu eid en hani zou ar en doar, ha delivrance pé soulagemand en hani zou ér Purgatoër. En assamblé zou ar en dogr, e béd ehué eiden hani zou ér Purgatoër, e fourniss a hé lod de hloër en hani zou en Nean, dré er pratiq ag en ævreu mat ha dré er Sacrifice santel e offr de Zoué en hé inour : hac en · assamblé zou ér Purgatoër, e receu secour ha soulagemant guet en hani zou en Nean, ha memb guet en hani zou ar en doar.

Hanhuein e rer en assamble ag en Nean, en llis triomflus, rac m'hi dès douguet er victoër ar enemiset har salvedigueah, ha ma triomfl guet Jesus-

Chronist én é bloër. Hanhuein e rér en hani ag er Purgatoër, en Ilis é souffrance, a gaus d'er poénieu e andur eit gober satisfaction de Zone. Hanhuein e rér en hani zou hoah ar en doar, en Ilis é brizél, a gans d'er brizélieu e ra dehi bamdé er goal-speret. er Juivet, er Bayannet, en Héritiquet, er Sysmatiquet, hac er fal Grechénion. En diaul e ra mil tro eid assai trompein ha corromplein er Fidelet : en Huguenaudet e hum laq de unan guet er goal-speret eit ravagein en Ilis: er fal Grechénion hé disinour dré ou modeu hac on buhé corromplet : caus int m'en dai blassæmet Hanhve santel en Eutru-Doué é mésq en dud hèmb Fé ha hemb Religion, péré e gav de laret n'en des quet mui a santeleah ar en doar, hac en en des Jeaus-Chrouist abandonnet é Ilis: er goab hac en disprisance e rér ag en devotion, e zistro ul lod-vad a chervige Doné: er goal exampleu hac er scandal e gorrompleu dud youang : er honseilleu fal hac er mélationeu e rér de voden ha custumen er béd, e antretèn er béherion ér goal hend; ha contraignet ver d'avouéein é vou bihan en nombr ag er-ré salvet ha bras en nombr ag erré dannet. (Leinet en nauvet Chapistr ag er Reslexioneu ar er pedair fin dehuehan.

## ART. X. Er Remission ag er péhedéu

Unan a avantageu caërran en Ilis, e zou er bonvoër en dès reit Jesus-Chrouist dehi de bardonein
peb sort péhedeu. Gannet omb ol ér péhet, ha ne
fehèmb quet bout mambren d'en Ilis na lodéq én
hé madeu spirituel; quenevai ma ta Doué dré é visericord d'accordein demb er Remission ag er péhet originel ér Sacremand a Vadiènt. Mæs Doué e
quair é ma rai oann ha rai fragil mah-dén, eit ma

conservehai peel er guettan græce-zé: rac-cé ean en des instituet hoah Sacremanieu aral, é spécial er Benigèn, dré béhani é pardon ou féhedeu d'er-ré en des ag ou fauteu ur guir Gontrition, hac e oulen guet-t'ou misericord guet humilité ha ferm propoz d'obér satisfaction a nehai ha de beellad doh t'ai én amzér de zonnet. Er Remission-zé ag er péhedeu e zou ur fréh a Vériteu Jesus-Chrouist, marhuet ér Groès. (Er Chapistr ag er Sacremanteu n'en dai meid ur suitt hac an explication ag en articl-zé.)

### ART. XI. Er Resurrection general ag er hiq.

Goude er marhue péhani zou en disparti ag en inean a zoh er horv, hac e arrihuou guenemb prestoh eit ne chongeamb, hur horveu e retournou de zoar hac hun ineanneu e gomparissou dirac Doud eit bout juget. (Leinet er buarvet Chapistr ag er Reslexioneu ar er pedair sin dehuéhan.) Mæs hur horveu ne chomeint quet birhuiquin én doar : ras dé er Jugemant general é resusciteint, eit bout lodéq é bonheur, pé é malheur éternel hun ineanneu. Rac-cé dré er Resurrection general ag er hig ni e antand é tènneu Doué ag er peudr hac ag er gorruption, er memb corv hac er memb quiq hun nès bermen, hac é tei hun ineanneu de hum joentein doh hur horveu, ha jamæs separation ne von mui itré d'ai.

Ol é resuscitchemb, é-mé S. Paul; mes boud e vou quemb itré en dud just hac er béberion. Er-né e varhue ér stad a béhet marvel, e resuscitou eit bout malheurus durand un éternité, hec eid andur en ou horv hac én ou inean tourmanteu horribl ha continuel: ou horveu e vou lous, eahus ha blaquahus de uélet. Mæs er-ré e varhue ér stad e græce

Doné, e resuscitou eit bout heurus de virhuiquin ? ou horveu e vou splann ha ligûernus el er stirêt; ne veint mui chuget na de gorruption na de zroug er bet; quer scan veint ma passeint en ur momand ag ul leh d'en aral; quer sontil veint ma trezeint hemb poén er bet en treu calettan, ha ne vou nitra capabl d'ou arrest. Ne vou meid er-ré e vou bet santelemant cruel dohiou hory ér béd-men hac en devou bet ur marhue mat, e vou lodeq en avantageu-ze. Rac er-ré, en dou mignonnet ou horv ha reit dehou é ol coutantemant, e cessou ag er momand ag ou marhue a vout mambreu d'en Ilis, hac a nezé é hantréeint é assamblé en diaulet. Jesus-Chrouist en des reit demb splann d'antand é vou hennen vou en nombr brassan, a p'en dès laret é ma franq en hènd e gondui d'en dannation, hac é hès paud e guêrh én-ou.

#### ART. XII. Er Vuhé éternel,

De laret-é, ur vuhé heurus de virhuiquin e vou recompance en dud just, hac un éternité a valheur e vou punition er béherion. Dré en articl-zé ni e ra enta profession a gredein penaus en ineanneu e sorti ag er béd-men purifiet ag ou fauteu, e jouiss ér Baraouis ag ul lehuiné hemb par; hac arlerh er Resurrection general é tei ehué ou horveu de vout lodeq én ou bonheur durand un éternité. ( Leinet en einvet Chapistr ag er Reflexioneu ar er pedair fin dehuéhan.) Mæs a fæd er béherion, ni e gréd n'antréeint jamæs én Néan, mar marhuant cablus ha ne vehai meid ag ur péhet marvel; hac é veint tourmantet guet en diaulet én ur ovèll a dan, hemb arsau na discuéh nac espérance er bet a sorti, nac a uélet jamæs en Eutru-Doué. (Leinet en huéhvet

Chapistr ag er Reflexioneu ar er pedair fin dehuehan.)

Ne fehemb quet gober guel, a pe la ramb en articlmen ag er Symbol, eit considerein a dost é homb crouéet ha laqueit ér béd eit hanauein, carein ha chervigein Doué, ha dré er moyand-cé gounid er vuhé éternel. Ma ne chongeamb quet ér vuhé-zé durand ma homb ar en doar, pé ma ne chongeamb én-hi meit diar scan, é homb én dangér a hé holl, ha ræzon e vehai d'hur seèllet èl tud foll hac amoæt. Rac en ancoeh ag er bonheur-zé e zou pèn-caus de zannation en darn muyan ag en dud, hac er vamèn ag ul lod-vad ag en drougueu e anduramb ér vuhémen. Én essæd, ne zougehemb quet er beuranté. en disprisance, en anjulieu, er goal-gonzereah, nac en treu aral guet péré é vemb poéniet ha chagrinet quel liès, pe gonsidérehèmb penaus en ol drougueu-zé e bass én ur momant, hac é heèllamb, dré en implé mad a nehai, méritein ul lehuiné, ur gloër ha madeu péré n'ou devou quet a fin.

# Remero a gonsequance ar er Symbol.

Ag er gurionnéeu comprénet en articleu ag er Symbol, bout-ç'ou pedair spécial e omb obliget de oud a uellan m'en domb capabl, idan boén a zannation: 1.º Mistèr en Drindèt Santel; 2.º Faute Adam; 3.º Er reparation en dès groeit Jesus-Chrouist ag er faute-zé; 4.º Hun inéan ne varhuou quet.

1.º A Vistèr en Drindèt Santel. Réd-é goud é hès un Doué; é hès tri-Person é Doué, en Tad-é er hettan, en eil er Mab, hac en drivet e zou er Speret-Santel. Er Mab e zou angeandret ag en Tad; er Speret-Santel e za ag en Tad hac er Mab; hac en tri Person-zé ne rant meid un Doué hemb quin, rac n'ou dès ou zri meid er memb natur hac er memb Divinité.

Digitized by Google

2.º A faule Adam. Er Fé e ansaign demb é crouéas en Eutru-Doné Adam hac Eve ér stad a hræce hac a innocance, hac é heèllènt bout perpet heurus ér stad-cé, p'ou devezai caret. Pe vezent bet dalh-mat fidel de Zoné, jamæs ne vezènt marhoet; mæs treménet vezent ag el lehuiné tamporel d'el lehuiné éternel, eit péhani e hoènt crouéet. Doué en doai int laqueit er Baraouis terrestr, hac e lausquas én ou disposition ol er fréh e oai inou, nameid unan, a béhani étihuènnas doh-t'ai daibrein idan boen a vout punisset ar en tache. En diaul, dré jalousi doh ou bonheur, e solites hur hettan mam de zaibrein ag er frehen dihuennet doh-t'ai; ha goude m'hi doai daibret, hi e ounias ar hé fried d'obér eld'hi. Quentéh Doué ou hondannas, inthacol ou hugalé ar ou lerh, de verhuel ha de vout dannet ma n'ou devezai groeit pénigén. Dré ziaboissance hur hettan tad é ma bet corromplet natur mab-dén, hac é homb chuget d'hur bout dalh-mat brizel doh hur goal inclinationeu, péré hun doug hemb cess d'er péhet, ha péré-zou pèn-caus d'en afflictioneu ha clinhuedeu e gouéh ar-namb. Rac-cé mab-dén, péhani e oai bet crouéet guet parfætioneu tostiq haval doh ré en Ælèt, e zou deit dré en débordemant ag é galon, de vout haval doh el lonnèt hemb ræzon.

3.º Ager reparation en dès groeit Jesus-Chrouist a faute Adam. Ol é vezèmb chomet idan er bouis ag er gondannation-zé hemb espérance er bet a visericord, quenevé m'en dès Mab-Doué, en eil Person ag en Drindèt, hum hroeit Dén, eit gobér satisfaction eid-omb de justice é Dad, eit hur prenein ag er péhet hac ag en ihuern, dré er bris ag é Onid précius. Méritet en dès temb græceu hilleih pihuiqueoh ha creihuoh eid er-ré e oai bet reit

d'Adam ha d'Eve én hou stad a innoçance. N'en dés bet na ne vou james hanni salvet, nameit dré é veriteu.

4.0 Hun mean ne varhuou quet. Hun inean en des bet ur hommancemant; rac Doué en des hé hrouéet ha joéptet doh hur horv ér momand ma homb bet conceuet itré digosté hur mam: mæs jamæs fin n'y devou. Er marhue hé dispartiou a zoh hur horv; mæs er marhue n'en devou berh er bet ar nehi. Arlerh en disparti-zé hi e yei pé d'er Baraouis, pé d'er Purgatoër, pé d'en Ihuern. Mæs dé er Resurrection general, hi e retournou arré de rein bahé d'er horv, hac e yei guet-t-ou d'en Nean devad er-ré heurus, pé d'en ihuern devad en diaulèt.

### ARTICL IV.

### Ag en Espérance a Grechéneah.

En Espérance zou ur Vertu Theologal e ra demb gortoz guet ferm confiance, dré vériteu Jesus-Chrouist, er madeu en dès grateit temb en Eutru-Doué.

En Espérance zou ur Vertu, de laret-é, un donezon e ra demb en Eutru-Doué, ha ne fehèmb quet hur bout hi a hanamb hun hunan. Hanhuet-é Vertu Theologal, rac m'hun doug a bèn-caër d'espérein é Doué. Hi e ra demb gortoz guet ferm confiance... rac Doué en dès grateit temb er secour ag é hræce ér béd-men, hac er vuhé éternel ér béd-aral, ha Doué ne vanquou quet d'er péh en dès promettet. Rac-cé é lar S. Paul: En Espérance é Doué ne dromp quet. Me ouair é pihue en e mès fiet... Ean-zou ol-buissant ha just; ne vanquou quet deign.

N'hun nès ents de zougein meit fie vanquehèmb-ni de Zoué; rac dén ne ouair hac ean zou é caz pe é caranté Doué: ha S. Paul e recommand demb, gobér hun salvedigueah guet un dougeance santel.

Mæs en dougeance-zé memb e zeli cresquein hac slum én hur halon en desir hac en hirreah de vout guet Doué, dre ma houzamb n'en dès meit-t'ou e eèll hul laquad én abri doh en dangérieu ag er béd; rac m'en dai é hunan hun ol nærh ha secour ér vuhé-men. Me eèll tout, é-mé S. Paul, guet græce en hani em honfort, hac em secour. Rac-cé é larai S. Bernard: « Hac é tehai un armé de gouéh ar-ran, hac é sauchai ol er béd inemp teing, hac é vehai er goal-speret é hudal guet furi tro-ha-tro a deign, m'espérou énn'ah, ô men Doué! »

En Espérance e ra demb gortoz.... dré vériteu Jesus-Chrouist : rac Jesus-Chrouist e zou marhuet eit hun tennein a sclavage er péhet, a boénieu en ihuern, ha méritein demb er vuhé éternel, én ur rein ur bris infini d'é souffranceu.

En Espérance e ra demb gortoz... er madeu en des grateu demb en Eutru-Doué, de laret-é, é hræce. ér vuhé-men hac é Varaouis ér vuhé-aral.

Ur græce e zou un donæzon, ur faveur, e ra Doné d'en-nemb ma car hac èl ma car. Bout-ç'ou græceu naturel, de laret-é donæzoneu naturel, e ra Doné d'en dud hemb Fé, quer clous èl d'er Grechénion, d'er-ré méchant, quer clous èl d'er-ré vat, èl mei er yéhæd, en nærh, hac avantageu-aral a gorv hac a speret. Mæs ne gonzamb amen meid ag er græceu surnaturel, de laret-é, ag en donæzoneu e ra demb Doué dré é vadeleah hemb quin, a gaus de vériteu Jesus-Chrouist ett gobér hur salvedigueah. Lod ag er græceu-zé e zou exterior, èl mei

er perdegueu, er honseilleu mat, en instructioneu, en exampleu santel. Lod-aral e zou interior, èl mei en inspirationeu mat, er rebræcheu a gouciance, el lusqueu santel, en donæzon a Fé, a Espérance hac a Garanté, etc. Lod e chom én-namb, hur santesi. hac hur rantt just hac agréabl dirac Doué. Lod-aral n'en dint meid ur secour é tremén, e ra Doué demb eit hun doug de beellad doh en droug ha d'obér er mat. Mæs er-ré-zé ne zant quet attau d'hur justisiein, hac el-cé ni e eell hur boud int hemb bout just nac agréabl de Zoué. Goud e ramb sur en hun dougant ol d'obér er mat, hac é rant temb er bouvoër d'er gobér: mæs goud e ramb ehué ar hur houst penaus ne zant quet attau de ben ag er peh e oulennant; rac hun expériance, e zésq demb ne resistamb meit rai-liès don græceu Doué.

De vadeleah en Eutru-Doué hemb quin en hun nès obligation eg en ol græceu e receuamb : rac pe vehai reit temb ur græce revé ur meriteu, ne vehai quet mui græce, é-mé S. Paul. Un articl a Fé-é penaus en ol græceu en des reit Doué d'en dud a oudé péhet hur hettan tad Adam, n'en dint reit tehai meid a gaus de vériteu Jesus-Chrouist; ha dén n'edll antréein én Nean na boud agréabl de Zoué, nameit dré Jesus-Chrouist. Den n'eell enta a nehou é hunan méritein græce Doué : rac un dra hun nès méritet, n'en dai quet un donæzon, mæs ur recompance. A pe larambé heèll un dén just dré en implé mad ag ur græce méritein ur græce-aral, n'en dai quet laret é ma obliget Doué de rein ur græce nehué d'en hani en des impléet mad er græce quettan: mæs en implé mat-cé, é péhani é consist ol méritt mah-dén hac e za dehou a Jesus-Chrouist, e eell tennein ar nehou ur græce-aral; hac el-ce a græce

Digitized by Google

de hræce, mab-dén e arribue ér vuhé éternel dré Jesus-Chrouist.

Hensb græce Doué n'eellamb gober nitra e véritt er Baraouis : rac eit monnet d'er Baraouis réd-é miret Gourhæmeneu Doué: mæs hemb græce Doué n'eèllamb quet ou miret èl ma faut, na pedein el ma faut, na gober memb ur chonge mad eit har salvedigueah. Mæs ni e eell tout guet græce Doué, péhani, é-mé er Honcil a Trante, « Ne or-» drén nitra impossibl : mæs a pe ordrén demb un » dra benac, ean hun avertiss d'obér er peh e » eèllamb, ha de oulèn é secour eit gobér er peh » n'eellamb quet a hanamb hun hunan, hac ean » hun assist dré é hræce, eit ma eèllehèmb er » gobér » En dud santellan en dès dobér é peb momand a græce Doué eit hnm zihuèn doh er péhet. Er béherion ne fehènt quet hemb græce Doué sehuel ag er stad a béhet; hac en huéh pazèn dré béré é tispos Doué er péhour de hum gonvertissein, e zou quel liès a græce. 10. Doué e zigueor é speret hac e ra dehou credein ol er péh en dès revelet d'é Ilis. 20. Ean e ra dehou dougein é Jugemanteu. 3º. Ean e ra dehou espérein én é visericord dré vériteu Jesus-Chrouist. 40. Ean e inspir dehou ur hommancemand a garanté doh-t'ou èl er vamèn ag en ol santeleah. 50. Ean e laq én é galon caz hac horreur doh er péhet. 60. Ean e inspir dehou ur resolution ferm ha sincèr de govessad é béhedeu. de gondui ur vuhé nehué ha de virèté Ourhæmeneu ha ré en Ilis. Mab-dén èl-cé renehuéet, e za de yout ami de Zoué, brær de Jesus-Chrouist, tampl d'er Speret-Santel hac héritour ag en Nean.

Er moyanden ordinær hun nes de dennein arn'amb græcen Doné, e zon er Beden hac er Sacremanteu : ha penaus-benac ne zeli Doué nitra demb, ni e ouair neoah ne refus quet é hræceu d'er-ré ou goulen el ma faut. Goud e ramb chué guet S. Paul , penaus Doué e venn ma vou salvet en ol dud, ha ma teint ol de hanauein er urionné. Mæs er volenté general-zé en dès de sauvein en ol, ne vir quet nen des é Doué ur volanté particuliér de bunissein er-ré cablus : hac èl ma homb ol cablus dré béhet ur hettan tad Adam, ne vehèmb quet souhet mar lausq Doué lod én hou horrompl, durand ma haccord de lod-aral er græce a vocation, a justification hac a perseverance. Doué zou mæstr ag ézonæzoneu ; ean ou ra d'en-n'emb ma car hac ér mod ma car : mæs er-ré ne recenant græce er bet, pé e goll er-ré ou devai receuet, n'ou dès de hum glèm meid a nehai ou hunan. Quemènt-cé n'arrihue guet-t'ai meid é punition ag ur péhet benac. Rac-cé é lar S. Paul : Er marhue éternel e zou ur boén ag er péhet, hac er vuhé éternel e zou ur græce.

Ne hum arrestamb quei de ræzonnein guet Doué, rac ma ta dré un effæd ag é visericord de zifforhein lod eit bout heurus guet-t'ou, ha de lausquein lodaral én ou malice dré un effæd ag é justice. Quemènt-cé zou ur mistér e zeliamb adorein. Labouramb quêntoh d'obér hur salvedigueah guet un dougeance santel. Laquamb hur honfiance é Doué: pedamb hemb arsau: groamb ævreu mat: bihuamb èl gùir Grechénion grucifiet eid er béd hac eid omb hun hunan; ha nezé ni e eèllou larèt èl David: Men Doué, ne mès Espérance meid én-n'ah, ha ne vein jamæs trompét. Nezé ni e eèllou boud ingorto é seèllou Doué dohemb guet truhé, hac é rei demb en donæzon a berseyerance, guet en ol græceu ha

Digitized by Google

moyanden necessær eid arribue er porh a sal-

vedigueah.

Græce Doué e zou hemb arvar er préciussan ag en ol madeu en dès grateit temb ér béd-mén, mæs dré en Espérance ni e zeli hozh boud ingorto é fournissou demb é Brovidance ol er péh-ç'ou necessær eit hur bihuance ha gusquemant : rac é-mé hur Salvér, Hou Tad e ouair en e hoès dobér a guemènt-cé ol. Mæs eit ne glasquehèmb quet er madeu ag er bed guet un hærr nehancus, hac eit ma rehèmb perpet er breferance d'er madeu ag en Nean, ean e lar quentéh arlerh : Ne hum laquet quet é poén men é cavehait de zaibrein ha de hum usquein; clasquet Kanteleah en Nean de guettan tout, hac Nou necessær ér béd-men e vou reit teoh opèn. Doué hul lausq guhavé d'andur, rac m'hun nès mui a sourci a hur hory eid a hun inean : rac ma ramb liès goal-implé ag é zonæzoneu, ha ma hum chervigeamb ag er madeu e ra demb, eit en offancein ha hum goll. Ean e lausq guhavé er-ré vat hemb danné ha hemb commodité, eit ne ranneint quet ou halon, eit ma vou ean memb ou ol trésor, eit ma tougueint ou Hroes ar é lerh ha ma veint heurus de jamæs guet-t'ou goudé.

En Espérance, quer clous èl er Fé, e zou marhue hemb er Garanté; de laret-é, ne brofitt de nitra eid er vuhé éternel. Mæs er gùir Espérance e zou bihuet guet Caranté Doué; hac en hani en dès-hi, ne hum fi quet ar er secourieu ag er béd; ne hum hlorifi quet én é isprit, abiltæt, danné, amièt, etc., rac ma houair é ma Doué hemb quin e zeli houd é ol confortance ha secour; ha mar bai guhavé (haval guet-t'ou) abandonnet guet Doué, can e lar hoah guet David: Saùet é mès men deulagad trema en

Nean: a inou é hon ingorto é tei secour deign, a pe bligeou guet men Doué. Mæs hac é vehai sauet é zourn eit me funissein, m'espérou hoah én-ou. Un dén èl-cé e uel en tampest ag en tantationeu, ol furi er goal-speret, ol malice er béd, er malheurieu brassan é couéh ar nehou, hemb coll er gonfiance carantéus en dés é Doué. Caërræd un exampl e gavamb-ni a guemènt-cé guet en dén santel Job (Histoër en ancién Testamand, F. CXXXIII.)

Obliget ver d'obér Acteu a Espérance: 10. A pe ver deit d'en oaid a ræson: 20. A pe ver tourmantet dré un tantation-benac, dres peb-tra mar dai inemb d'en Espérance: 30. A pe bedér: 40. A pe dostér d'er Sacremanteu: 50. A pe ver én ur boén-vras benac: 60. A pe ver én dangér a varhue. É creis hou prassan trebilleu. En Espérance, 6-mé S. Paul, e zeli gobér brassan joé hou calon.... Ne hum affliget quet enta èl er-ré n'ou dès quet a Espérance.

### Ag er péhedeu inemb d'en Espérance.

Péhein e rér inemb d'en Espérance, é dihue fæçon, dré rai ha dré vihan : dré bresomption ha

dré zézespoër.

Péhein e ramb inemb d'en Espérance dré bresomption: 1°. A pe zamb de gredein é heèllamb a
hanamb hun hunan ha hemb secour Doué, gobér
hun salvedigueah, pé ævren mad e véritt er Baraouis. 2°. A pe dantamb en Eutru-Doué. Tantein
Doué-é goulèn guet-t'ou hemb necessité ha hemb
just ræzon er bet, er péh n'en dès quet grateit; èl
ma ra er-ré zou ingorto doh Doué, pé e oulèn hemb
necessité, ma rei ur Miracl én ou hevir, m'ou freservou doh un dangér de béhani en hum exposant
dré ou goal; ma rei debai er péh-çou necessær,

Digitized by Google

hemb laquad poén d'er gounid; ma chelenou on Fedenneu, a pe bedant hemb preparation ha hemb attantion. Tantein Doué-é boud ingorto é pardonnou demb hur péhedeu hemb gobér pénigèn, pé boud ingorto en hur preservou a béhet deusto ma hum laquamb én occasion a béhein, pé é rei demb er græce de zoug er victoër ar en tantationeu hac ar hur goal inclinationeu, hemb lacad poén de resistein doh-t'ai. Tantein Doué-é hum laquad a vat volanté én dangér d'en offancein, pé en offancein memb é sigur ma homb ingorto en hur pardonnou a pe garehèmb. Guæd e uélér é péhein guet un hardéhtæd effrontet, hac é laret é vou quen æz tehai coyessad deu béhet, èl coyessad unan.

Péhein e rér dré zésespoer: 10. A pe zésespérér a vout pardonnet guet Doué, el ma arrihue guet hilleih a béherion, péré é huélet er stæd eahus hac er vrastæd ag ou féhedeu, e chom scontet ha lorhet, hac e lar é vênt rai vras eit ma heèllehai Doué ou fardonnein. Mæs ind e zeliehai considérein penaus, mar hun nès péhet, é-mé S. Yehan, ni hun nès un Avocat dirac hun Tad, Jesus-Chrouist péhani zou just, hac un Hosti a druhé hac a visericord eit hur péhedeu, non pas hemb quin est hur ré-ni, mæs hoah cit péhedeu ol er béd.

2º. Péhein e rér dré zésespoër a pe zésespérér a zonnet de bèn a hum gorrigein ag er goal inclinationeu, é sigur ma vai nærhus eu acustumance, ha ma couéhér bamdé guet-t'ai. Quemènt-cé zou, revé S. Paul, ur vamèn a barèss hac a ahurtemand ér péhet. A pe vai question a gommettein er péhet, er goal-speret ne vanq quet a ziminuein er vrastæd hac er malice a nehou, hac a rein d'antand d'er péhour en hum gorrigeou un dé e zei; mæs er uéhe

ma vai commettet, ean e change a langage eid assai scontein er péhour hac el laquad de gouéh én désespoër, en ul laret tehou: jamæs ne hum gorrige-

hait, jamæs ne changehait.

30. Péhein e rér dré zésespoër a pe vanquér a gonfiance é Doué hac a résignation d'é Brovidance, ha ma tougér perpet ne zehér d'en devout faute ag er péh-c'ou necessær. Quemènt-cé zou ur vamèn a fausoni hac a avarice. Anfin pihue-benac é-léh laquad é gonfiance é Doué, e hum fi ar nehou é hunan, pé ar un dra-benac crouéet, e béh dré zésespoër.

#### ARTICL V.

# Ag er Garanté a Grechéneah.

ER Garanté a Grechéneah e zou ur Vertu Theologal, dré béhani é caramb Doué drès peb tra a gaus dehou é hunan, hac hun Nessan èl omb hun hunan a balamor de Zoué.

Er Garanté zou un donæzon surnaturel; rac ne fehèmb quet hur bout hi a hanamb hun hunan; mæs taqueit-é bet én hur halon, é-mé S. Paul, dré er Speret-Santel, péhani zou bet reit temb. Hi e ta demb carein Doué a gaus dehoué hunan, ha non pas a gaus d'en danné na d'er gommodité e ra demb e quemènt-cé ne vehai quet er harein a gaus dehou é hunan; mæs carein en avantageu e ra demb. Carein Doué a gaus dehou é hunan e zou er harein a gaus d'er madeu éternel, péré zou possidein Doué ha jouissein a nehou.

Er Garanté e ra demb hoah carein Doué drès peb tra, de laret-é, mui eid omb hun hunan, ha

mui eit quement tra zou crouéet, ha bout prest de. goll queinent mat hun nes, er vohé memb, quentoh eit displigein dehou. A-zé en hum dromp en darn muyan ag er-ré e hum vantté carant Doué drès peb tra, racma larant tehou hamdé: Men Doué, m'hou car a greis me halon drès quement tra zou ol... Pe garehent Doue dres peb tra, ne chomehent quet én disposition dalhabl d'obér er péh e ouiant e zisplige dehou. Penaus é vehènt-int prest de goll ou buhé quentoh eid en offancein, durand m'en offancant eid ur bagatell? Requis-é ncoah boud én disposition de garcin Doué mui eid omb hun hunan ĥa mui eit guemènt tra zou crouéet; rac, é-mé hur Salver : En hani e gar é dad, pé é vam guel eid on, n'en dai quet dign a hanan, ha ne véritt quet bout teign. Mar fat de unan-benac bout teign, ha ne gâssa quet é dad, é vam, é voès, é vugalé, é verdér, é hoærezet ha memb é vuhé propr, hennéh n'eell quet bout men Discipl. Just el pe larehai; obliget-oh de sentein quentoh doh Doue eit doh en dud ag er bed, ha de ziaboeissein d'hou tud a pe larant teoh gobér droug ; de guittat memb hou re tostan, mar mirant dohoh a vout de Zoue, hemb hou pout malice doh t'ai, na desirein droug tehai: consantei ou boll ha tout er péh e hoès, hou puhé memb, quentoh ek displigein dehou. Glousihue-é en dud e vihue én disposition-zé: glouaihue-é enta er-ré e gar Doué dres peb tra.

N'en dai quet erhoalh larêt de Zoué en er haramb: réd-é er harein én effæd, ha discoein dré hur homportemant en er haramb. Obliget-omb enta de rein én hur halon er breferance de Zoué ar guemènt tra zou; ha mar dai permettet temb carein un dra-benac-aral, ne zeliamb er harein meid a gaus de Zoué hac a balamor de Zoué. Mar lausquamb ur garanté-aral de væstroniein én hur halon, quentéh é couéhamb és stad a zannation. E carein Doué drès peb tra, é tér de vout just: hac é carein en tren crouéet drès Doué, é tér de vout impi ha reprouvet. Ne laran quet é vér obliget é peb momant de larèt: Men Doué, m'hou car a greis me halon. Mæs rinquein e rér renehuéein ér galon er volanté hac en dezir de bligein dehou, ahoël ér hommancemand ag en ævreu principal, revé er péh e lar demb S. Paul: Pé a pe zaibret, pé a pe ivet, ne vern petra

e ret, groeit ol eit gloër en Eutru-Doué.

Obliget-omb hemb dispance er bet, d'obér Acteu a Garanté Doué: 10. A pe gollamb é hræce; rac n'en dai meid é carein Doué é recourér er græce collet, ha S. Yehan e lar penaus en hani ne gar quet Doué, e chom ér marhue ag er péhet. 20. A. pe santamb é yein Caranté Doue én hur halon, hac é vèmb prest d'hé holl dré en nærh ag er goal inclination, ma n'hé zuemmamb dré Acteu stang ha gredus. 30. A pe santamb é vèmb tourmantet drê un tantation benac cri ha capabl d'obér demb péheiu marvelemant. Peb-unan zou hoah obliget, revé en Doctor S. Thomas, d'offrein de Zoué ur galon carantéus quentéh èl ma vai arribue én oaid a ræzon: (Allas! distér-é en nombr ag er-ré en des soign a zésquein hac a avertissein er vugalé d'er gober). A pe beder; a pe doster d'er Sacremanten; a pe vér tantet de hum glem a Zoué, el mei de laret ne ra chanche er bet temb; ne ra meit poén demb ; é homb ancoeheit guet-t'ou ; n'en dai quet just m'hur bou attau poen, etc., A pe ver en dangér a varbue: rac a pe yehèmb dirac Doué, ne vou queta Varaouis aveid omb, ma ne gav é Garanté én hur halon. Récommandet-é hoah gobér en Act-zé a pe nélamb pé ma cleuamb é ma offancet Doué dré en desordreu, en touyereah, er blasfæmereah, en disputt, etc., eit reparcin a guement ma heellamb en offance hac en disinour e rér de Zoué. Mad-é hoah gobér un Act a Garanté a pe yér de gommance un ævr-mat benac, eit ma vou méritaploh ha profitaploh eit hur salvedigueah.

Quement péhet-ç'ou e 20u contrel d'er Garanté. Er péhet marvel hé distruge, hac er péhet viniel hé goanna. É general, ol er-ré e gar er béd hac e héli é vodeu ha custumeu fal, e béh inemp d'er Garanté. (Hui e gavou er Ourhæmèn en dès Doué reit temb d'er harein, expliquet én eil articl ag er guettan

Gourhæmen).

## Ag er Garanté e zeliamb demb-ni hun human.

Jesus-Chrouist a p'en des ordrenet demb carein hun Nessen el-omb hun hunan, e ra d'antand é teliamb hum garein ni-memb, hac é teli er garanté e zeliamb demb-ni, hun hunan, boud er regl ag er garanté e zeliamb d'hun Nessan. Rac pe vehai attàu desordr er garanté dohemb hun hunan, Jesus-Chrouist n'en devai quet laret: Hui e garou hou Nessan èl-oh-hui hou ç'hunan. Mæs ehué pe vehai perpet leal er garanté-zé, hur Salvér n'en devai quet l'aret: En ham e gar é vuhé, hé hollou; mæs en hani hé hâssa ér béd-men, hé honservou aveid er vuhé éternel. S. Paul e laq ehué é mésq er béherion er-ré e hum gav un dra-benac, hac e hum gar rai.

Er garanté dohemb-ni memb e zou mat, ma ne hum garamb meid a gaus de Zoué hac a belamor

tehou, ha mar domb coutant perpet ag er péh e ra demb ér stad m'en dès hul laqueit. Rec hum glêm a volanté Doué, e zou ur merche en hum garambni hun hunan mui eit Doué. Hum garein e zou clasq bout heurus; ha jamæs heurus n'eellamb bout nameit guet Doué. Rac-cé er garanté santel dohemb han hanan e ra demb dezirein ha poéniein de ounid er madeu éternel, ha seèllet er madeu tamporel él moyandeu eid arribue er madeu ag en Nean: hi hun désq de garein ha de gonservein et vuhé-men. non pas a gaus de joyeu er béd, nac a gaus de goutantemanteu er horv, mæs a gaus de Zoué hemb quin, eid er chervige ar en doar, eit gounid ineanneu de Zoué, etc. Er garanté santel-zé hun oblige de dostad tiès d'er Sacremanteu eit conservein hac antretenein én-n'amb er græce ag er Vadient, pé aveit be reparein mar bun nes hi collet, hac eit bout courajusson de resistein don hur fal imur ha fal inclination. Dougein gobér er mat guet eun a hum ziæzein, pé hum bligein é hobér drong, e zou ur merche ag ur garanté criminel : rac, é-mé er Speret-Santel, en hani e gar er péhel, en dès caz doh é inean.

Obliget-omb de garein hun inean hac hur horv: er horv e zeli plæguein d'en isprit, hac en isprit de Zoué. Deliet-é demb gùellad de glinhuedeu er horv a guement ma heellamb revé Doué, ha conservein en inean ér stad a græce. Rac-cé er hettan devær e ourhæmen demb er garanté santel dohemb-ni memb, e zou condui hun inean hac hur horv de Zoué, hac ou laquad ér stad é péhani é houten Doué ma veint. Obliget-omb neoah d'hur bout mui a sourci ag en inean eid ag er horv: rac en inean zou er parti noplan a vab-dén, ha Doué ne oulèn a vab-dén ua-

meid a gaus d'é inean. Obliget-é enta peb-unan de guittad ol er péh e cèlleliai miret doh-t'ou a gonservein é inean é græce Doué, èl mei er fal daicheu péré e lah en inean ha memb er horv guhavé, èl er horvadeu chervad, er reforcereah, er molliaheu, er horolleu, etc. Obliget-é de guittad ur vechér n'eèll quet derhel hemb péhein pé hemb dangér bras ha tost a béhein, avel hilleih a davarnerion, etc. Obliget-é de guittad un amitié rai dinér, un hantiss aunourus, un ti dangerus, ha de dorrein, pé de goll memb ur gobr n'eèll quet gounid hemb boud én dangér bras ha tost a gol é inean.

Arlerh hun inean, ni e zeli carein hur hory. rac m'en dai Tampl er Speret-Santel, ha ma teli un dé bout lodeq é bonheur en inean. Obliget-omb enta de zihoal a er houci jamæs dré en infamité a baillardiah, a ivraignereah, na dré béhet er bet. Caz e hoes doh hou cory, ma ret tehou é ol hoand, plijadur ha coutantemant ér béd-men; hac er holl e rehait ér béd-aral. En hani e gar é vuhé èl-cé, hé hollou. é-mé hur Salvér. N'en dai quet quemend 'el labourieu hac er pénigenneu reglet e dorr er horv, el er fal blijadurieu, er chervadeu hac en débaucheu. Er garanté e zeliamb d'hur horv, hun oblige enta de zihoal doh-t'ai. Mæs hi e zihuên ehué dohemb a en usein dré bénigenneu divusul ha pennadus. Rac er yuneu diavis hac er hastimanteu rai rust n'en dint quet agréet guet Doué. Chetu en avis e ra demb S. Bernard: « Consideret erhad petra « e eel hou corv andur; examinet hou nærh; ne « ret nitra hemb hum avisal; conservet hou yehæd « .eit chervige Doué hac hou Nessan. »

Er goal-speret e zoug ul lod-vat d'obér pénigenneu rust ha calet eit dihue rezon : 10. A pe uél ur

ré-benac doh hum durel sinceremant guet en devotion, can e assai ou laquad de gasticin ou horv ha d'en usein é cource, eit ma cavou en tu d'ou dioustein ha d'ou dicouragein, a pe uéleint ne veint mui ér stad d'accomplissein ou obligationeu. 20. Ean e dromp lod-aral én ur rein dehai de gredein é veint santel-bras hac é vihuehend int d'ou fantazi, meit ma castieint ou hory ha ma reint pénigenneu calet. El-cé en diaul e hum vêll ehné guhavé a berdeq er bénigen. Requis é, me ouair, castiein er horv : mæs er sourci principal e zeli bout de gorrigein er goal imur, de ouasquein ar er prontitud, de vouguein er fal inclination, de gampennein en isprit, de reglein er chongeu, de resistein doh en tantationen ha fal dezirieu, de beellad doh en danger hac occasion a béhet. Er geinance ag er horv ne chervige quet de galz a dra, é-mé S. Paul. Mæs en devo-· tion a galon e zou mad eit peb-tra, ha Doué e bromet er vuhé ér bed-men hac ér béd-aral d'en-n'emb en dou hi pratiquet.

Requis-é rein é vihuance d'er horv, non pas eid er goalhein, mæs guet ræzon ha musul; rein dehou revé Doué er remædeu a béré en en dès d'obér eit conservein er vuhé; rein dehou un discuéh hac ur repoz benac eit reparein é nærh ha soulagein en isprit. Ne faut quet er mignonein rai, mæs ne faut quet ehué el lahein: hac eit n'arrihuou quet gneneoh quemér marcé hilleih a boén bemb calz a veritt, ne gueméret jamæs pénigenneu extraordinær, ne ret jamæs Rô na Perhindet er bet hemb avis hou Covezour. (Leinet er Chapistr XXI hac er Chapistr XXXI ag en drivet Parti ag er Vuhé devod.)

· Arlerh er peh hun nes laret, ne vou quet diæz hananein pegource é vai desordr er garanté dohemb hun hunan. En hani vad e ra demb hum garein at balamor de Zoué, ha clasq hun ol heurustæd é Doué, mæs en hani fal e ra demb ne chongeamb meid enn'amb; ne glasquamb meid omb hun hunan ér péh e ramb hac e laramb; ne vihuamb meid eid omb, ha ne laquamb hur spi meit guet hun æzemant hac hur houtantemant, èl pe vehèmb crouéet eid er béd-men hemb quin. (Leinet er Chapistr LIV, Livr III a Imitation hur Salvér.)

Er garanté desordr dohemb hun hunan e zou forh cummun, ha ne chongér quet én-hi : dangérus bras-é, ha ne hum avisér quet bout cablus; hac ur uéh ma tissoh de zallein en isprit, é lausquér Doué a costé eit clasq æzemand er horv, coutantemand er volié ha plijadurieu er bed. Ol er-re ne fal dehai andur nitra, e hum glêm a Zoué, hac e hum sau inemp d'é volanté ha d'é Brovidance; ol er-ré ne glasquant meit coutantein ou speret dré fal chongeu a hloër, a gaz, a baillardiah, a avarice, etc.; ol er-ré e ra d'ou halon tout é hoand ha dezir, ha d'ou horv é oulen a vouéd-mat, a chervad, a æzemant hac a zebauche; anfin ol er-ré e gar quemènd er vohé-men, ma carehent chom perpet ar en doar: er sort tud-cé n'en dint quet tost de garein Doué drès quement tra zou ol, mui eid ou madeu hac ou buhé, na de verhuel quêntoh eid en offancein.

Ol en dud-cé zou, hemb chongeal, enemiset dehai ou hunan, hac é clasq ou bonheur ér mæz a Zoué, ne gavant meid ou malheur. Rac hur Salvér e lar demb én é Aviél: Ne ouniér Ranteleuh en Nean meit dré forh palforcein er goal inclinationeu.

Ag er Garanté doh en Nessan.

Jesus-Chronist e zésq demb penaus eit bout sal-

vet, n'hu nès meid un dra d'ober, carein hun Nessan el omb hun hunan : ha S. Paul e lar penaus en accomplissemand ag el Lezèn e gonsist ér Garanté; hac, en hani e gar é Nessan el ma faut, e accomplis ol el Lezen. S. Yehan ne laqua quet a zisserance itré carein Doné ha carein en Nessan. Receuet hun nès guet Doué er Ourhæmèn-men, é-m'ean : En hani a gar Doué, e zeli ehué carein é Nessan. N'en dai quet memb possibl carein Doué drès peb tra, hemb chrein bun Nessan. Rac, é-mé S. Yehan, Mar dès unan-benac e lar é car Doué, durand ne gar quel é Nessan, hennéh zou ur gueuyad. Jesus-Chrovist e lar é ma doh en accomplissemand ag er Ourhæmen-zé é tifforhér er Grechénion vat doh er-ré fal-Ruc dré-zé é vou handuet ha ni zou ag é Zisciplet. mar hum garamb en eil-éguilé. Obliget-vér d'accomplissein er Ourhæmen-zé hemb dispance er bet : ha ne fantehai eit bout dannet, meit manquein a garein en Nessan. Rac-cé, é lar S. Paul : Hac é conzehen-mé langage en ol dud ha hani en Ælet memb ... Hac en em behai-mé Fé erhoalh eit changein a leh d'er mannéyeu.... Hug é rehèn-mé me horv de vout losquet, ol quement-ce ne chervigehai deign de nitra, ma n'em behai quet er Garanté.

Mas petra-é carein hun Nessan el omb-ni hun hunan? Dezirein ha gobér dehou er memb vad e zeziramb hac e rehèmb demb-ni memb revé Doué. Rac-cé er garanté santel dohemb-ni memb, e zeli boud er regl ag er garanté e zeliamb d'hun Nessan, ha n'en dès quet de fari é héli en ihue Ourhæmenmen ag er Scritursantel: Dihoallet, é-mé S. Paul, a obér jamæs d'un aral er péh e vehai fache guemech ma vehai groeit teoh. Groeit d'er-ré-ral er péh e garehech ma rehènt teoh hou g'hunan. Er garanté

santel dohemb hun hunan hun doug de banàuein, de garein ha de chervigein Doué, eit ma vehèmb heurus guet t'ou: mæs hi hun doug ehué de zezirein ha d'obér er péh e cèllamb eit ma tei hun Nessan de hanàuein, de garein ha de chervigein Doué, eit ma vehèmb ol assambl heurus guet-t'ou én é hloër.

Er Ourhæmèn e ran deoh, é-mé hur Salvér. e zou ma hum garehet en eil-éguilé èl me mès hou caret. Comprênet, mar eellet, el ledandæd, en hirdæd, en dondæd hac en ihueldæd a Garanté Jesus-Chrouist, ha musulet doh-t'hi er garanté e zeliet d'hou Nessan Jesus-Chrouist en des caret lia secouret en ol bet-hac é enemiset brassan. Er Garanté a Grechéneah e oulen ehué ma carehait. non pas hou c'amiet hac hou quærent heinb quin, mæs hou c'enemiset memb hac é vehent int prest de blantein er gontell én hou calon, ma pedehait Doué eit-t'ai ha ma rehait vat dehai, idan boén a zannation. Ma ne garet meid er-ré hou car, péh recompance hou poù hui, é-mé hur Salvér; ha ma ne saludet meit hou c'eré, petra e ret-hui a extraordinær? Er Bayannet ne rant-ind ehué quement-ce? Permettet-é neoah dezirein doug er victoër ar enemiset er Ranteleah, hac hum rejouissein ma vent bet feahet.

Caranté Jesus én hur bevir n'en dès quet bet a dermén nac a fin : ha gùel oai guet-t'ou collévuhé dré ur marhue calet ha méhus, eit coll é garanté aveid omb. Er garanté doh hun Nessan e zeli ehué bout ferm ha padus assès, eit ne von nitra ér béd capabl d'hé goannad na d'hé yeinnein. Jamæs n'hur bou d'andur a berh hun Nessan quemènd el en dès bet hur Salvér d'andur a berh en dud; ha neoah ean dès int perpet caret, ha perpet é cri ar-n'amb carein hun Nessan èl m'en dès hur haret.

Jesus en dès hur haret bét - ha disquên ag en Nean eid andur tourmanteu blaonahus hae ur marhue méhus doh ur Groès. Er Garanté a Grechéneah e zeli ehué disquên eit guelet misèr ha peuranté hun Nessan, hac eit er soulagein a guement ma heèllamb. Rac caër hur bou laret é caramb hun Nessan, ma ne hum laquamb é poén a rein secour er bet teltou én é zobérieu. Ne garamb quet a vêg hemb quin, é-mé S. Yehan: mæs caramb é gurionné, ha discoamb dré hunobereu é caramb.

Jesus-Chrouist n'en dès quet hur haret a gaus d'hur mériteu hac avantageu naturel, nac a gaus d'é brofitt, mæs aveid en Nean hac eit hur goalhein ag er madeu éternel. Er Garanté a Grechéneah, e ordrén demb ehué carein hun Nessan, non pas a gaus temb, nac a gaus tehou, nac a gaus d'er blijadur ha d'er vad hun nès doh t'ou; (ur garanté naturel-é honnéh, ha méritt er bet n'hi dès aveid en Nean; er Bayannèt e gar ehué èl-cé, é-mé hur Salvér); mæs er harein aveit Doué hac a gaus de Zoué, aveid en Nean, hac a gaus d'er vad éternel e zeziramb tehou: ha mar deziramb tehou nerh, yéhæd, prospérité, commodité ér béd-men, ne zeli bout meit guet en intantion hac en dezir ma rei a nehai un implé mad eid gounid er Baraouis.

Mæs pihue-é en Nessan-zé e zeliamb carein élomb hun hunan a balamor de Zoué? En ol dut fal ha mat, payan, Juiv, Turq, Héritiq, multrér, lair, etc. Er Garanté a Grechéneah nezifforh hanni; ha manquein a garein unan hemb quin, e vehai manquein a garein en ol. Ne laran quet deoh é teliet carein en droug e ra hou Nessan: é contrel, deliet-é deoh hou pout caz doh er péhet partout él léh m'er guélet; mæs laqueit perpet quemb ha diffo-

rance itré er péhet hac en haui er hommètt. Groeit brizél d'er péhet, ha caret en haui er hommètt ne vern pihue-é; hum rejouisset mar guélet hou Nessan é condui ur vuhé vat ha santel: ha mar dai diranget, groeit hou possibl eit er gounid de Zoué; rac, en hani ne gar quet é Nessan, é-mé S. Yehan, e chom ér marhue ag er péhet.

Recommandet-é deoh gobér a galon un Act a Garanté doh hou Nessan : 10. A pe santet hou calon piquet dré ur gonz luèm pé un anjuli benac. Pedet, é-mé hur Salvér, aveid er-ré e ra poén deoh hac hou técri. 20. A pe hum bresantt én ou speret ur chonge benac a gaz, a valice pé a vangeunce, groeit un Act a Garanté doh hou Nessan. Æssoh-é, é-mé S. Augustin, miret doh er malice a antréein én ur galon, eit hé laquad ér mæz ur uéh m'hi des hé gouniet. 30. Discoeit mercheu a garanté d'er-ré e uélehait é caz dohoh, mar cavet è vou capabl quement-cé d'ou gounid. Ne faut guhavé meid ur guir douce hac amiable eit gober un ami ag un enemis. Discoeit tehai en ou haret, guet eun ne hom gollehent mar ou lausquet é caz dohoh : rac Doué e ordrén de bep-unan en dout soin ha sourci ag é Nessan.

Penaus-benac ma homb obliget hemb dispance er bet de garein en ol ér mod m'hun nès laret, Doué en dès neoah merchet ur certæn rang de oarn ér garanté hac ér secourieu e zeliamb d'hun Nessan. Par-exampl, deusto ma hon obliget de zezirein d'en ol græce Doué hac er vuhé éternel, me zeli dezirein deign mé me hunan er madeu spirituel dré breferance ar er-ré-ral. Rac-cé ne zelian quet commettein en distérran péhet veniel, hac é vehèn-mé sur dré-zé à sauvein ol er béd: ha mar don obliget de garein en ol, me zeli neoah m'em boud ur garanté brassoh doh me zad, doh me mam, doh er-ré e ra vat teign, doh me bærent, doh m'amièt.

A fæd er secourieu e zeliamb dré garanté d'hun Nessan, a pe n'eellamb quet secour en ol én un taul, chetui penaus é teliamb hum gomportein: 10. Hun dobérieu propr e zou perpet er-ré pressettan : 20. Arlerh, ré hun tad hac ur mam : 30. A rlerh, ré hur hærent : 40. Arlerh, ré hun amièt: 50. Ré hur serviterion : 60. Ré en dud ag er memb Parress guenemb : 70. Ré hon amision : 80. Ré en dud devot ha vertuus quentoh eid er-ré n'en dint quet. Ne faut quet neoah hum drompein: er breferance-zé n'hi dès léh meid é quemènt ma vai ingal partout en dobérieu. Rac pe uelehen ur fal zén én un dobér bras, hac un dén honest én ur dobér ordinær, ha n'eèllehèn quet ou secour ou deu assambl, obligét vehèn de secour en dén mechant-hont quentoh eid en den honest; de secour un enemis quentoh eid un ami; de secour en estrén quentoh eid unan a guærent teign, etc. :

Chetui en obligationeu general hun nes é quevir hun Nessan. Passamb bermen d'en obligationeu particuliér. Hanhuein e rér en obligationeu-men Ævreu à visericord. Bout-ç'ou ré e seell er horv, ha ré-ral en inean. Rac hur Salvér ne ordrén quet demb carein hun Nessan a vêg hemb quin, mæs er harein én effæd hac é gurionné. Ean e zihuen do-hemb enta a en affligein, a er goapad, a en disprisein, a rein goal exampl dehou, a en doug d'er péhet; én ur guir, a obér næz dehou é fæçon er bet én é inean, én é inour, én é garv, én é zanné, én é guærent, én é amiet. Ne ret quet d'un aral er péh

e vehai fache gueneoh ma vehai groeit teoh. Mæs commandet-é demb en inourein, gobér stad a nehou, er secour d'obér é salvedigueah, suportein é zefauteu guet patiantæt, er honsolein én é drebilleu, er soulagein én é zobérieu spirituel ha corporel. Groeit d'er-ré-ral er péh e gareheoh ma rehent teoh

En Ævreu spirituel a visericord e gonsist:

1°. E hansaignein er-ré ignorant, èl é tésquein ou Fedenneu, ou Hatechén d'er-ré n'ou gouyant quet:

2°. E corrigein er-ré e ra faute: 3°. É rein conseil vat d'er-ré en dès dobér: 4°. E consolein er-ré affliget: 5°. É suportein guet patiantæt defauteu er-ré-ral: 6°. E pardonnein a galon en offanceu hac en anjulieu erér demb: 7°. É pedein eid er-ré vihue hac er-ré varhue, hac eid er-ré e ra goahan e eèllant temb. Ne expliquehèmb ag en ævreu-zé a visericord meid er-ré a béré en en dès er Fidelèt muyan dobér a voud instrugét.

# Ansaignein er-ré ignorant.

Goud e ramb ne vér quet ol ér stad de berdéq de gatechenein, na d'obér d'en Nessan instructionen studiet: mæs ol é heèllamb hac é teliamb rein dehou exampl vat én ur gondui ur vuhé santel; hac er sqùir vad e zou el ur perdég mud, péhani zou liès paud profitaploh eiden instructioneu caër ha studiet. Rac cé é recommand demb hur Salvér hum gomportein én ur fæçon ma chervigeou hun ævreu de zoug en dud de hlorifiein hun Tad péhani zou én Nean, Bout-ç'ou neoah mui eit ne chongér, obliget d'instrugein. Rac pihue n'eèll désquein er vugalé d'obér Sign er Groès? Pihue n'eèll désquein dehai ou Fedènneu, hac un articl benac ag er Hatéchén? Er-ré e ouair ou Livreu hac on Religion, n'eèllant

quet larêt é gurionné é carant ou Nessan èl-d'ai on hunan, hac é tezirant tehou er memb vad e zezirant dehai ou hunan, ma ne brezant quet hum laquad de zésquein er-ré ignorant. Ag er-ré e ra instructionen d'er-ré-ral, en darn-muyane zistruge guet un dourn er péh e rant guet en aral, faute a bratique in int memb en treu caër e ansaignant. Eit hum aquitteinag en ævr-zé a viscricord, n'en dai enta erhoalh teoh instrugein: requis-é deoh hoah rein exampl vat d'er-ré hou cheleu, ha d'en ol.

### Corrigein er-ré e ra faute.

N'en dai quet quéstion amen ag en obligation en dès en dud é carg, de gorrigein er-ré zou idan ou berh : ne gonzamb meid ag er Ourhæmen e ra demb Jesus-Chrouist d'avertissein hun Nessan ag é fauteu, eit ma tei de vout guel Mar en dès, é-m'ean, hou prær (hou Nessan) péhet inemp teoh ( pé dirac-oh ), quêret, discoeit tehou, itré ean ha hui, er faute en dès groeu.... Corriget hou c'ami, é-mé er Speret-santel, .... guet eun ne rehai hoah fal. Dré ma homb obliget de garein hun Nessan, é homb ehué obliget d'avertissein en ol ag en droug e rant, guhavé memb er-ré zou drès-omb, guet eun ne hum gollehent. Mæs n'en doh obliget d'er gober meid a pe hoes leh d'esperein e profitteint a hou c'avis-mat : rac mar santet ne rei caz en hani e avertissehait, ag er péh e larehait tehou, hac é rei hoah er memb tra pé marcé goah, lausquet ean; mæs pedet Doué eit-t'ou. Allas! n'en dai quet stang er-ré e hum aquitt èl ma faut agen obligation men.

Mar fal deoh ma vou profittabl en aviseu mad e rehait d'ou Nessan eit er horrigein, commancet hui memb er hettan de hum gorrigein a hou tesauteu.

Tennet, é-mé hur Salvér, en trest e zou en hous lagad, ha nezé hui e uélou tènnein er beudrèn e zou é tagad hou Nessan. Dihoallet ne zehai deoh hum istimein guel eid en hani e fal deoh corrigein: hac eit mirèt don un orgueil quen dangérus, avertisset ean guet humilité, hemb goalimur, hemb pennad na fantazi, guet un dezir sincer d'er gounid de Zoué, ha d'obér ou tevær én é guevir. Pedet Doué quênt ha goudé, eit ma vou profittabl en avertissemant eid oh hac eid en hani e gorriget. Hum aviset erhad é-raug; choæget un amzér jaugeabl, hac handuet mat imur en dud m'hou pou affær doht'ai. Queméret lod dré zoustér ha guet ur min amiabl; lod-aral guet un ton ferm ha resolus. Gùeh é vou ret teoh menace, guéh supliein, guéh castiein. De seellet e hoes hoah doh oaid, stad, rang, hac imur peb-unan. Un avis reit é particuliér e zou liès-mat guel eid unan reit é publiq. Ne rebræchet quet huerhue er-ré ancién, é-mé S. Paul; mæs pedet int quêntoh, èl ma pedeheoh hou tad. Avertisset er-ré youang èl hou perdér : er mérhèt ancién, èl ma avertisseoh hou mam; er-ré youang èl hou hoærezet guet peb-sort honestiss : de laret-é, ne faut ma vou nitra meid mad hac honest en hou tezir. én hou conzeu, én hou gesteu. Mar avertisset er-ré zou drès-oh, n'ancochet quet é teliet tehai respèt bac inour. Mar doh cablus ag er memb faute ma fal deoh corrigein hou Nessan, hum humiliet er hettan, huannadet hou teu.eit hum gorrigein ha changein hou teu. Ma n'en doh quet cablus, trugairicait Doué, ha chonget é hoh quer fragil el hanni, ha capabl d'obér hoah goah eid er-ré e avertisset.

Bout-ç'ou certæn tud e grèd é rehènt ur péhet bras, pe vanquehènt a avertissein hou Nessan ag en ol fauteu e uélant é couéh guet-t'ou, ha guet ou honseilleu diavis e ra mui a zrong eid a vad. Eit miret don en ambarras-cé, chonget erhad penaus n'en des meid er-ré zou carguet é spécial ag er-réral, e zou obliget ehué d'éhuehad doh ou defauteu eit ou horrigein. Par-exampl, en tadeu ba mameu équevir ou bugalé; er vestr é quevir er-ré zou idand'ai; er-ré ancien vis-a-vis d'er-ré youanq... É general, ol er-ré zou carguet a gondui er-ré-ral, e zou obliget int memb d'ou avertissein ha d'ou horrigein, hac é vehènt int sur ne brofittou quet er-ré cablus ag en aviseu e reint tehai, meit m'ou dou léh de gredein é chervigeou er gorrigemant-cé de zistroein er-ré-ral a gouéh ér memb fauteu. Mæs ma ne hoès nitra de sèellet ar hou Nessan, ne hum vellet quet a examinein é zefauteu, nac a er horrigein, meit-ha leh hou pehai d'espérein é profittou ag en aviseu mad e rehait tehou. Un dra vad-é corrigemand en Nessan, a pe vai groeit erhad: rac petra guel eit laquad unan fariet én hènd ag é salvedigueah? Gouyet, é-mé S. Jaq, penaus, en ham en dou tennet ur pehour ag er goal hend e sauv ineun ur péhour ag er marhue, hac e olo un nombr a béhedeu. Caërræd un avantage! mæs ur gorrigemant diavis e stleige ar hé lerh ur foul a zrougueu, hac é-léh guellad d'en droug, ne ra meid er velimein.

Ma ne uélet quet é tehet hui-memb de ben a gorrigein hou Nessan, hui e rei mat er recommandein de unan-benac e hanauehait capabl de rantein de hou ur chervige quer précius. Mæs examinet mad é raug er circonstanceu hun nès merchet ihuelloh. Mar dai hui e glasquér corrigein, receuet guet humilité, aboeissance ha patiantæd en avertissemand e rér deoh: profittet a nehou hac é vehai gùir n'en dehai quet en aral hum gueméret mad eit hou ç'avertissein. Rac er refus e reheoh a brofittein, e vehai ur merche é hoh glorius, ahurtet én hou péhet, en er haret, hac é hès de zougein bras eit hou salvedigueah. En hani ne gar quet bout corriget, é-mé er Speret-Santel, hennéh e guêrh dré hènd er péhour: mæs en hani en dès dougeance Doué, e hum gonvertissou a greis é galon.

#### Pardonnein a galon en anjulieu hac offan ceu e rér demb.

Ma n'eèllet quet, guet er moyandeu e mès merchet teoh, degass hou Nessan d'er ræzon, er garanté bou c'oblige de suportein é zefauteu guet patiantæt, d'assai dré zoustér el laquad de zistroein doh tou é hunan, ha de bedein Doué aveit-t'ou. Deliet-é deoh dré er memb ræzon suportein guet truhé er-ré en dès defauteu a gorv pé a speret; rac n'en dai quet é dalh guet-t'ai hum gorrigein a nehai. Ne laran quet é teliet darempredein, na gobér cansortiss guet er-ré ne vennant quet torrein ou fal daicheu, meit-ha léh hou pehai hui d'espérein é cavehait en tu d'ou honvertissein : ha de zougein hou pehai hoah ne zeheoh de vout haval doh-t'ai, ma n'en doh sonn é vertu hac é devotion. De gonz hun nès bermen ag un devær e gaver hilleih diæssoh d'acomplissein, hac hun oblige neoah hemb dispance er bet, idan boén a zannation, de bardonnein d'er-ré en dès hun offancet.

Er pardon-zé e gonsist é forbannein a hur halon en ol'santimanteu a gaz, a vangeance, a yeinnion doh hun enemiset. Dihuennet-é enta a ou disprisein, a ou anjuliein, a obér droug tehai é mod er bet, a rein dehai malloh na malediction er bet. Raccé laqueit quer bras èl ma carehait en droug en dou groeit tech hou Nessan, obliget-oh d'er harein a uir galon, de zaccor chervige dehou, ha d'ohér vad dehou eid en droug en dès groeit dech. Ne laran quet é teliet carein en droug e ra dech; mæs me lar é teliet dezirein d'en hani e ra droug tech, ha gobér dehou, mar eèllet, en ol vad e zeziret hac e ret úech-hui memb revé Doué.

En dud ag er béd e lar é ma impossibl quemèntcé. Mæs, er ræzon hé hunan e lar demb assès n'en
dai quet impossibl er péh en dès Jesus-Chrouist
ordrénet. Chelenamb er Ourhæmen en dès reit d'é
vugalé. Cleust e hoès é-m'ean, é ma bet laret : hui
e garou hou Nessan, hac e gassei hou c'euemièt : ha mé me lar deoh, caret hou c'enemisèt,
groeit vat d'er-ré en dès caz dohoh, pedet eid er ré e
ra poén deoh hac hou técri, eit ma vehait bugalé d'hou
Tad péhani zou én Nean, ha-péhani e ra d'en heaul
sehuel ar er-ré fal quer clous èl ar er-ré vat, hac e ra
d'er glàu couéh ar er béherion quer clous èl er ré just.
Doué, Crouéour en Nean hac en doar, hac er
Mæstr drès en ol-é ordrén hac e gommand el-cé:
pihue e gredou laret, ne sèntein quet.

Eit hun accouragein d'accomplissein er Ourhæmen-zé, Jesus-Chrouist e hum chervige én Aviél a figuricu ha paraboleu, é péré é promett demb er pardon mar pardonnamb, hac é assur demb n'hur pardonnou jamæs, ma ne bardonnamb. Mar pardonnet, é-mean, d'er-ré-ral en offance ou dès groeit deoh, hou Tad péhani zou én Nean, e bardonnou deoh ehué hou pehedeu; ha ma ne bardonnet quet dehai, hou Tad n'hou pardonnou quet ehué. Ean en dès vènnet memb m'hur bezai prononcet bamdé hur santance propr, ma ne bardonnamb d'hun enemisét, a pa laramb; pardonnet temb hun offanceu, èl ma

pardonnamb d'er-ré en dès hun offancet ; just el pe larehèmb : Men Doué , groeit teign el ma ran d'em Nessan; hac èl ne bardonnan quet dehou en offanceu e ra deign, ne bardonnet quet ehué deign er-ré e ran deoh N'en dai quet laret eit quement-ce é ma dihuènnet goulèn reparation ag en domage e rér demb, pé goulèn er péh e zou deliet temb guet just ha ræson, mar dai, pé mar bai jamæs hun deléour ér stad d'hur payein. Mæs dihoallamb é sigur reparationeu a zomage hac a inour, ne glasquehèmb coutantein hun orgueil, hur haz hac hur vangeance. Permettet-é goulen er péh zou deliet temb, guet en dezir hemb quin a gonservein hur madeu, hur reputation, hun inour, péré zou necessær demb. drès peb tra mar domb en ur garg ihuel, hac eit miret ne hom gollehai hun Nessan pe zehai dehou merhuel guet hun tra itré ézeourn. (Leinet er Chapistr VII, Parti III ag er vuhé devod.)

Hur Salvér en dès groeit er hettan er péh e ordrén demb gobér ar é lerh. Guæd en dès ean bet de souffrein guenemb a oudé ma homb ar en doar! Ean e bardonnai a galon d'er-ré en anjuliai, e scopai én é face, er stagai doh ur Groès. Ean e excusai memb ou zorfæt, en ul laret: Me Zad, pardonnet

tehai, rac ne ouiant quet petra e rant.

Me bardon d'em enemisèt, e lar unan-benac; mæs m'ou lausq èl me mant; ne zeziran na droug na vad tehai.... Hum drompein e ret : ne ret nitra doh hou lezel èl me mant hemb dezirein na droug na vad tehai: Jesus-Chrouist e ordrén deoh ou harein. Hui e garou hou c'enemiset, é-mean.

Mar pardonnet a galon d'hou c'enemiset, hui e zeli conz doh-t'ai ha hihuein guet-t'ai èl pe n'ou dehai jamæs groeit poén er bet deoh: ha mar hum Presantt en hou speret, en drespet d'hou volante, er chonge ag er peh zou bet groeit teoh, peelleit his zoh hou calon quenteh el m'he santet, hac el-ce ne hoes nitra de zougein. Mar pedet eit hou c'enemiset, mar groet vad tehai, mar sauet en tu guet-t'ai e peb occasion ræzonabl, hui e dennou ar-n'ah hac ar nehai peb sort græce, secour ha benidiction.

Obliget-omb de monet de gavouet hun Nessan eit gober er peah guet-t'ou, a p'hun nes ræzon de gredein en hun nes reit leh tehou de vout fachet dohemb. Mar det de dal en Autær eid offrein hou prov, é-mé hur Salvér, ha mar da chonge teoh inou en en des hou prær (hou Nessan) un dra benæc én é galon dohoh, lausquet hou prov ital en Autær; ha quêret de guettan d'obér hou peah guet hou prær, hac arlerh deit d'offrein hou prov. Jesus-Chrouist e ra demb d'antand ne blige tehou hun æyreu er-ré caërran, meid é quement ma loge en hur halon er garanté sincèr doh kun Nessan; hac é histim gùel er garanté eid en ol sacrificeu, a p'en dai gùir é tihuen dohemb a ober nitra en é inour é chongeal e vehai agréet guet-t'ou, meit goudé m'hun nès groeit hur peah guet er-ré en dehai ar ou halon un dra benac inemb temb. D'en hani en des offancet-é monet de oulen pardon guet é Nessan : hac en hani zou bet offancet, e zeli perpet pardonnein én donn ag é g lon, ha boud én disposition de ziscoein d'en hani en dès ean offancet, quentéh èl ma tei d'er havouet, en en dès deja pardonnet tehou a uir galon. Mæs el ma ta ordinæremant peb-unan de gredein é vai ean memb e vai bet offancet, en hani e hum santt touchet er hettan, e zeli dré garanté monèt de gavouet en aral, eit hum accordein guet-t'ou, hac er gounid de Zoué: ha ma

Digitized by Google

ne gar quet cheleuet, réd-é perpet pardonneiss dehou én donn ag er galon, had er harein: mæs n'en dai quet perpet mat rein dehou mercheu exterior a amitié. Rac bout-ç'ou certæn tud péré e santt guel ou faute a pe ziscoér dehai ur min fachet; ha ré-ral e hum humiliou quêntoh, mar hum gomportér guet ur min amiabl vis-a-vis tehai, a p'ou des manquet d'ou devær. Anfin, meit ma vou er garanté hou conduiou, groeit tout er péh e gavehait jaugeaplan eit gobér hou peah guet hou Nessan, hac er gounid de Zoué.

## Ag en Ævreu a visericord revé er horv.

En Ævreu corporella visericord e gonsist: 1°. É rein de zaibrein d'er-ré en dès nan, ha d'ivèt d'er-ré en dès séhæd: 2°. É logein er beurerion hac en éstrangerion: 3°. É husquein er-ré nuah: 4°. É viaitein er-ré clan: 5°. É consolein hac é soulagein er brisonnerion: 6°. É prenein er gaptivêt: 7°. É liennein er-ré varhue. Ne gonzamb meid ag en alézon, péhani e gomprèn a vras en ol ævreu-aral.

### Ag en Alézon.

Er garanté e zeliamb d'hun Nessan, hun oblige, hemb dispance er bet, de rein alézon, revé m'hun nès receuet muyoh pé bihannoh a zanné guet Doué. Mar dès unan-benac, é-me S. Yehàn, hac en dès ag en danné ag er béd-men, hac e uel é vrær (é Nessan), é tworér hemb quemér truhé doh-t'ou penaus é chomehai Caranté Doué é hennéh? S. Yehàn e zésq demb a-zé n'eèllér quet carein Doué, ma ne garér en Nessan; ha n'eèllér quet carein en Nessan.

ma n'er soulagér a guement ma heeller, én é zobérieu. Un articl a Fé-é penaus, er-ré en devou manquet d'en devær-zé, e vou trætet avel en diaul Ne faut eit bout dannet, meit bout bet cri doh er beurerion. Peèlleit doheign, tud méliguet, e larou hur Salvér d'er-ré dannet dé er Jugemant, queret d'en tan éte nel ; rac me mès bet nan, ha ne hoès quet reit deign de saibrein; me mès bet séhæd, ha ne hoès quet reit teign d'ivet; me zou bet hemb logeriss, ha ne hoès quet me loget; me zou bet nuah, ha ne hoès quet men gusquet; me zou bet clan hac ér prison, ha n'en doh quet deit d'em visitein... Me lar deoh é gurionné, quel liès guéh èl ma hoès manquet a assisšein unan ag er-ré distérran-zé, é ma deign-mê memb en e hoès manquet. Er-ré n'en dai quet touchet ou halon doh er peur é cleuet er honzeu-zé bermen, en des de zougein bras ne vehent prononcet inemp tehai un de e zei. Rac, é-mé en Apostol S. Jaq, en hanin'en dou quet bet truhé, e vou juget hemb truhé. Hac en hani e stang à ziscoharn guet eun a gleuet cri er peur, é-mé er Speret-Santel, e griou ehué ha ne vou quet cheleuet.

Eit discoein deoh péh quer bras vertu-é en alézon, ne larein meid er péh e laras en Ar-hæl Raphaël d'en dén santel Tobie: En alézon, é-m'ean è zeliur ag er marhue, e efface er péhedeu, e ra cavouet misericord dirac Doué, ha meritein er vuhé éternel. El ma ta en deur de lahein en tan alumet, é-mé er Speret-Santel, èl cé en alézon e efface er péhet. (Non pas neoah hemb Contrition na hemb covessad a pe eèllér er gobér). En alézon zou hoah profittaploh d'en hani er ra, eit d'en hani er receu. Eid ur secour tamporel e ret d'hou Nessan, Jesus-Chrouist e bromètt deoh er vuhé éternel. Deit, e larou can dé er Jugemant d'er-ré salvet, déed, tud béna-

guet me Zad; queméret position ag er Ranteleah preparet tech ag er hommance ag er bed : rac me mee bet nan, ha hui e hoès reit teign de zaibrein, me mès bet sehæd, ha hui e hoès reit teign d'ivèt; me zou bet hemb logeriss, ha hui e hoès me loget ... M'el lar deoh é gurionné, quel liès gueh èl ma hoès groeit quement-cé d'er bihannan a mem berder, é ma deign mé en e hoès ean groeit. Ne zouget quet ehué a hum beurrad é rein en alézon. É contrel, ne ouheoh quet cavouet guel moyand de binhuiquead ha de dennein ar-n'ah bénidiction Doué. Reit, é-mé hur Salvér, hac é vou reit teoh.: reit vou deoh revé hou tezir ur musul mat, mahet, barr quene scuillou. Biscouh tiegueah n'en dai bet revinnet dré en alézon; ha hilleih e zou couéhet dré en hoarieu, er braguereah, er chervad, en debaucheu, er procæseu, ha marcé, mar seeller a dost, dré ma hoent calet ha hemb truhé dob er peur. Rac, é-mé er Speret-Santel. N'en dès nitra a vat d'espérein eid en hani e zalh attàu doh en droug ha ne ra quet alézon.

Mæs eit hum aquittein ag en obligation hun nes de rein alezon, peguemend e zeliamb-ni rein? Tout er peh hun nes de ziover goude m'hun nes pourvæet er peh zou necessær eit hur bihuance, eit hur gusquemant, hac eit derhel hur rang guet honestiss. Ma n'en des hun Nessan meid un necessité cummun, n'en domb obliget de rein meid er peh hun nes de ziover diar hun doberieu reglet hac honest. Mæs mar dai hun Nessan en un dober bras, de laret-é, mar dai en danger a verhuel guet nan, n'en dai quet erhoalh rein er peh hun nes de ziover; obliget omb neze de grennein un dra benac diar er peh zou requis temb eid antretenein hur stad, aveit soulagein er peur: ha mar dai hun Nessan en dehuehan necessité, de laret-é, é verhuel guet nan

ma ne vai soulaget pront, obliget omb, eid er secour, de hum zizober ag un draiq benac ag er peh
zou necessær demb eit hur bihuance ha gusquemant. Er-re n'ou dès quin meid ou simpl necessær,
h'eèllant quet rein calz a alézoneu: mæs deliet-é
dehai boud en disposition a galon de rein hilleih,
pe vehent iamæs é commodité de rein.

N'en des hanni quer peur ne gav ur ueh-benac pearroh eit-t'ou, ha n'eell rein ha ne vehai meid ar bêgad bara, pé ur banniq deur, pé ur soulagemant distér benac ér circonstanceu-zé. Er Scritur e gonz ag un intanvės pehani n'hi doai eit bihuein he mab ha hi, meid un dournad bled, ha pehani er partageas guet er Profæt Élizé eit torrein é nan. Ne hoès nac argand na bara de rein, é-mé S Augustin; mæs hui e hoès deulagad, croguet é dourn er-ré dal eid ou hondui; hui e hoès treid, secouret er-ré n'eèllant quet quêrhet; hui e hoès nærh, assistet en dud coh hac en dud clan; groeit ar ou zro, consolet int, leinet tehai ul livr mat benac; laret tehai guet en dén santel Tobie : mem brær, pé me hoær, Ne gollet quét courage : peur omb ér vuhé-men ; mæs en tresor hur bou ér vuhé-aral, e vou bras, mar hun nès dougeance Doué, ha mar domb sourcius de beellad don er péhet, ha de bratiquein er vertuyeu. Anfin, e lar hoah en dén santel Tobie: Beails charitabl ér mod ma heèllehait.

Ur voès ne zeli quet rein alézoneu a gonsequance inemp de volanté just ha ræzonnabl hé frièd. Er serviterion nac er vugalé ne zeliant quet chué rein hemb permission ou zud, meit hac ind ou dehai ag ou hani propr de rein. Pihue-benac en dès delé, e zou obligeuch d'ou fayein eit de rein alézon. Péhein e ra memb mar manq a bayein é zelé é sigur rein en slézon, meit hac ean e vélehai ur peur benac én un dobér bras, hac en hani ma teli dehou; én é æz. Un dra cavet pé deliet, ne zeli quet bont reit d'er peur, mar gouyér de bihue vai. Anfin n'en dai quet permettet gobér alézon guet un dra a béhani ne vér quet mæstr d'obér er péh e garér.

Eit ma vou profittabl ha méritabl hou ç'alézon, 10. Reit d'er peur el pe vehai de Jesus-Chrouist é reheoh. Rac ean en des laret: Deign-me memb & ret er péh e ret d'en distérran a me ré Pe uéleheoh Jesus-Chrouist é toul hou tor, n'er resuseheoh quet; hui e rehai dehou prontemant, a galon vat ha guet joé, Reit ehué d'er peur bean, hemb quæ na chagrin d'er péh e ret : rac, é-mé S. Paul, Doug e gar er-ré e ra a galon ha guet joé. 20. A guement ma heellet; cuhet er charitéeu e ret, guet eun n'hou pehai gloër guet-t'ai. A pe ret en alézon, é-mé hur Salver, dihoallet ne ouiehai hou tourn clei petra e ra hou tourn diheu. De laret-é, ne glasquet quet bout seellet na ma vou gouiet é hoh charitabl, eit bout mêlet guet en dud. Ne demallet de hanni en alézanneu hou pehai reit tehou; ne hum vantet quet chué ag er-ré e ret. Er sort tud-cé, é-mé hur Salvér, en dès bet ou recompance ér béd-men. Vanité e glasquant, é-mé S. Augustin; vanité ou devou eit recompance. 3º. Reit guhave en alézon dré zeourn hou pugalé, eit ou acource de guemér truhé doh et peur, hac eit tennein ar nehai benidiction Doué hac hani er peur. Rac, é-mé er Speret-Santel, Peden er peur e yei beed Doué, 40. Mar da ur peur é toul hou tor durand hou prèd, pé mar gouzah é hès en hou kær unan-benac en dès necessité vras. dioveret un tem benec eit rein debou. Partaget hou para guet er peur, é-mé er Profæt Isaï.

Me ouair, mar domb é commodité, ne zeliamb refus hanni. Rac en dud mechant quer clous èl errésantel, e zou bugalé de Zoué hac hur berdér é Jesus-Chrouist. Reit de guement hanni e oulen, é-mé hur Salvér. Mæs er-ré en des muyan dobér, e zeli nevali bout soulaget er-ré guettan; arlerh, hur hærent, mar dint peur ; hac er-ré en dès groeit vadeid omb. Bout-c'ou peurerion de béré é ma assès rein a pe onlennant; mæs bout-c'on tiaden tud peur méhus peré e zu guet nan hac e vreign guet miser hemb credein monet de glasq : spiet men é vehaiag er sort-zé, eit ou soulagein. Ne vér quet obliget de rein en alézon d'er-ré zou capabl de labourad, d'er-ré zou guel guet-t'ai bihuein én ou féneantiss ha laireah èl-cé en alézon, eit laquad ou horv d'obér vat. En hant ne fal quet dehou labourad, ne zeli quet daibrein, é-mé S. Paul. Ret vehai neoah bout cri a galon eit manquein a soulagein er-ré en dès volanté vat de labourad, ha ne gavant quet labour. Alézon-é rein labour d'er-ré peur hac ou laquad de ounid ou boued, eit miret ne yehent de boæz, ha ne hum acourcehent doh er féneantiss, péhani, é-mé er Speret-Santel, e zou caus de hilleih a faltanté Ne ret quet un droug é refus en alézon d'erré e implé er péh e chairrant, é chervadein, é hivraignein, hac eit condui ur vuhé méhus ha criminel. Reit d'er mat, é-mé er Speret-Santel, ha n'assistet quet er péhour el-cé..... Miret ne vehai bara dehon . mar gouiet é vou quement-cé occasion de hou de zerhel doh é fallanté. Ne vér quet quen obliget de rein d'er riderion, el d'er-ré ag er harter. Mad-é neoah rein dehai on draïq benac, ha ne yehai meid eit miret ne douiehent.

Mar hum glem lies er beurerion e ver cri doh-

t'ai, ul lod vad e ra chué léh de hum glêm a nchai. Hilleih zou peur dré ou goal, dré ou fal vuhé ha fal venagemant. Hilleih e glasq ou boued, hac e cellehai er gounid: hilleih e ra guhavé goah dispign eid er-ré e ra dehai. Goud e ran penaus peuranté n'en dai quet fallanté. Mæs é-mésq er beurerion guæd e zou a ré fal? Liæssoh en ou guélér ital en Îlis eid abarh. Hilleih e gonz caër a Zoué, mæs peell-é ou halon doh-t'ou. Me ouair n'en dai quet hemp quin a gaus d'er peur, mæs a balamor de Jesus-Chrouist, é teliamb rein alézon; mæs er peur e zeli ehué d'é du payein én ur mod benac er-ré er soulage, en ur bedein lies en Eutru-Doué de durel é vénidiction ar er-ré er secour. Pedèn er peur. é-mé er Speret-Santel, e ya bet-ha discoharn hun Doué. Mæs eit quement-cé, réd-é ma vou groeit mat. Ur peur ne zeli quet en doud ivi doh er peh e rér d'ur peur-aral. Quement-cé e deun lies de valice, de zisput ha de scandal : ne zeli quet ehué iviein danné é Nessan, madeu er-re pihuiq, Er beuranté e gondui d'en Nean en hani hé souffr guet patiantæt : mæs forh malheurus-é eid en hani hé soufir hac e hum sàu memp tehi. Miseraploh-é hoah dirac Doue ur peur e zou hardeh assès eid apjulial er-ré er refus, eit touiét guet-t'ai, eit dezirein droug tehai, eit on décriein. Doué n'eell quet andur ur peur resolus, é-mé er Scritur santel.

Mar fal deoh gober deu alezon en un taul, sallet er peh e rehait guet un avis mat benac; de laret-e, en ur rein hou charité d'er peur, reit tehou open un instruction, un avertissemant, ur gonsolation benac. Ne ouheoh quet cavouet guel tauleit henneh, de gorrigein hou Nessan, ha de rein d'é inean un alezon précius durand ma ret soulagemant d'é gorv. (Leinet er Chapistreu XIV, XV ha XVI, Parti III ag er Vuhé devod.)

#### CHAPISTR II.

#### Peèlleit doh en droug.

En péhet e zou un diaboeissance de Lezen Doué; de laret-é, ur chonge, un dezir, ur gonz, un action contrel de Lezen Doué, pé contrel d'er péh en des Doué commandet dré d'ou é hunan, pé dré ré-ral. Rac-cé diaboeissein de Lezenneu en Ilis pé d'ordrénanceu en dud é carg, e zou ehué ur péhet; a p'en dai guir, el ma lar S. Paul, n'en des otorité ne za a Zoué, hac é ma Doué memb e ordrén demb aboeissein, non pas d'en Ilis hemb quin, mæs chué d'en dud é carg, meit ne vou quet contrel ou ordren d'er peh en des commandet a hend-aral. Boutc'ou Lezenneu hac e gommand; bout-c'ou ré-ral hac e zihuen. Manquein a ober er peh zou commandet, e zon ur péhet a omission : gobér er péh zou dihuennet, e zou ur péhet a action; rac ma hes é quement péhet-c'ou, un act ag er volanté dré béhani en hum arrestamb libremant pé de chongeal én un dra dihuènnet, pé de zezirein un dra dihuènnet, pé de gonz og un dra dihuènnet, pé d'obér un dra dihuennet. Péhein e ramb enta quel lies guéh ma cousantamb, pé ma hum laquamb a vat ha libr volanté én dangér a gousantein d'ur chonge, pé d'un dezir, pé d'ur gonz, pé d'un action, pé d'un omission e ouiamb, pé e eellamb hac e zeliamb goud e zou contrel de Lezen Doué.

Bout-ç'ou deu sort péhet : er péhet Originel hac er péhet Actuel. Er péhet Actuel e zou en hani e

ra peb-unan ag é vat ha libr volanté, goudé bout deit d'en oaid a ræzon; de laret-é, ur chonge, pe un dezir, pé ur gonz, pé un action, pé un omission consentet inemp de Lezen Doué, pé inemp de Lezenneu legitim en dud carguet a berh Doué eit condui hun assærieu spirituel pé tamporel. Me lar en bani e ra peb-unan ag é vat ha libr volanté, eit rein d'antand penaus, eit ma vehèmb cablus a béhet. réd-é ma houiehèmb, pé ma von dré hur faute ma ne ouismb quet, é ma dihuennet er peh e chongeamb, pé e zeziramb, pé e laramb, pé e broamb; pé é homb obliget d'obér er péh e vanquamb a obér; hac opèn, ma cousantehèmb én ur mod benac d'er gober, pe d'el lausquein hemb er gober. Me-lar heah goudé bout deit d'en oaid a ræzon, eit rein d'antand penaus, er-ré n'ou dès quet en usage ag ou ræzon, n'eellant quet ordinæremant péhein; èl mei er vugalé péré ne ouiant quet hoah dissorh en droug doh er mat, en dud innocant, un dén cousquet, ha memb un den meauet dre avantur hemb ne vei é mod er bet dré é oal, Me lar ne béhant quet ordinæremant; rac bout-ç'ou eirconstanceu ma' ta un dén de vout cablus a béhet, penaus-benac n'en devai quet ér momant-cé en usage ag é ræzon. Par-exampl, un den cousquet hac en des fal hunéeu, e zou dré-zé cablus a béhet, quel liès guéh ma hum laq ag é vat ha libr volanté én occasion d'en dout int. Un den meauet dré é oal, e beh dré en ol droug e ra ér stad-cé, deusto n'en devai quet en usage ag é ræzon : rac ur uéh ma vai meàuet ag é vat ha libr volanté, ean en dès cousantet d'en ol drougueu e cell gober diarben é ivraignereah. Pihue-benac e hum laq ag é vat ha libr volanté én occasion a behein, e gousantt, a guement ma heell,

d'er péhet, ha ne chongehai quet ean ér péhet ér momant ma couéh guet-t'ou. Dré er memb ræzon, pihue-benac e vihue én acustumance a béhet, ha ne laqua quet poén d'hé zorrein, e zou cablus ag en ol fauten e arribue guet-t'ou dré er suitt ag é acustumance, ha ne chongehai quet ean én-bi ér momant ma couéh. Cablus-é ha cablus vou durand ne renonciou quet sinceremant d'é acustumance, ha n'impléou quet er moyanden jaugeabl eit hum dènn a nehi.

Ol er péhedeu actuel e zou pé marvel pé veniel. Arribue e rant pé dré ignorance, pé dré fragilité, pé dré valice. Ou hommettein e rér pé dré chonge, pé dré gonz, pé dré zezir, pé dré action, pé dré omission. Péhein e rér non pas hemb quin a pe rér en droug, mæs hoah a pe rér léh d'er-ré-ral d'er gobér; el mei er-ré e gommand er gobér, pé e ra conseil, pé secour, pé en tu d'er gobér, pé e vél er-ré er groa, pé ou sontir, pé n'ampechant quet en drong a pe cellant, drès peb tra, a pe ver obliget de guement-cé. Rac, é-mé S. Paul, Er-ré e ra droug, e véritt er marhue; non pus hemb quin er-ré er groa, mæs ehué er-ré e gousantt guet er-ré er groa. Anfin bout-ç'ou seih pehet actuel, e hanhuer Capital, rac m'en dai a nehai é ta en ol péhedeu-aral e eèller commettein, el er branqueu ag er chouche. É hamb d'expliquein er péhedeu-zé.

#### ARTICL I.

# Ag er Pehet Originel.

En pehet Originel e zou en hani é péhani é hombbet ol conceuet hac a béhani hur hettan tad Adam

en des hur rantet cablus. Adam hac Eve e oai bet crouéet ér stad a hræce hac a innocance revé en inean, ha revé er horv, hemb bout chujet de glinhuet na de boén er bet, na memb d'er marhue. Ol é vezemb bet crouéet ér stad heurus-cé, ne n'en devezai quet Adam diaboeisset de Zoué. Mæs en diaul péhani é clasq hum sehuel, e oai déja cooéhet en sbim éternel, e guemerss ivi doh bonheur Adam, hac eid el laquad de gouen ag éstad heurus, ean e solitas Eve de zaibrein ag ur frehen en doai Doué dihuennet doh-t'ai. Eve e sentas doh er goalsperet ; e zaibras, hac e ras d'Adam de zaibrein. Oventéh é conéhezant ag ou stad heurus a hræce hac a innoçance: Doué ou bouttas ér mæz ag er Baraouis terrestr, hac ou hontraignas de hum denn en ur goignel ag er bed eid ouilein ou fehet, eit distrampein ou bara guet en huis ag ou horv; hac e gommandas d'en doar discoein dehai partout traceu ag ou féhet. Quentéh ou speret e hum gavas lén a ignorance, ou halon lén a inclination d'en droug, ou · horv chujet d'er miserieu ag er vuhé, d'er hlinhuedeu, ha d'er marhue. (Histoër en ancien Testamand, Figur III ha Figur IV.)

Adam hac Eve n'en dint quet bet ou hunan cablus ag ou diabocissance; ot en dud en dès péhet é Adam, é-mé S. Paul, hac er péhet-cé e hanhuér Originel. Ol é tamb ér héd cablus ha lodèq én-ou : n'en dès meid er Uériès Vari e zou bet gorantet a nehou dré ur græce particulier. Chetui penaus, émé S. Paul, é ma deid er péhet ér bèd, ha dré er péhet er marhue; hac opèn, er vocèn, er guerteri, er brizél, er haz, er malice, er hlinhuedeu, er goal amzér, en trebilleu hac en ol miserieu-aral, de béré é homb ol chujet durand er vuhé-men.... Consideret peguemend é puniss Doué er péhet ér béd-men, ha donget ean; rac ér béd-aral é vou hoah tourmantet rustoh er péhour.

#### ARTICL II.

## Ag er Péhet Marvel.

Penaus-benau m'en dai dizz bras, el ma lar Si Augustin, difforh er péhet marvel doh er péhet. veniel, sur-é neoah é hès péhedeu e zou marvel. ha ré-ral n'en dint meit veniel. Er péhet marvel e zou un diaboeissance de Lezen Doué én un dra a gonsequance chonget, pé deziret, pé laret, pé groeit, pé manquet guet cousantemant parfæt. En hanhuein e rér marvel, rac ma ra er marhue d'en inean en ul lemel guet-hi er vuhé spirituel, ha ma veritt er marhue éternel. Me ouair assès hun inean ne varhuou quet : mæs hi hé dès hoah ur vuhé spirituel, péhani e gonsist é græce Doué; hac ur uéh ma commettamb ur péhet maryel, hun inean e goll græce Doué, hac e cess a vihuein ag er vuhéhont a béhani é conzai S. Paul a pe larai : N'en dai quet mé e vihue, mæs quentoh Jesus-Chrouist e vihue én-n'an. Dré ur péhet marvel hemb quin hun inean e za de voud enemis de Zoué; coll e ra caranté Jesus-Chrouist, hac er meritt ag en ol ævreu mat hi dehai groeit ér-raug Rac, é-mé er Speret-Santel, Mar da d'en den just quittad e vuhévat ha gobérur péhet marvel... en ol vad en dou groeit a guênt, e vou ancoeheit eit-t'ou. Ne faut meid ur pehet marvel eit bouttein Doué ér mæz ag un inean : rac Doué n'eèll quet chom él léh ma chom er péhet-cé. Hou péhedeu, é-mé er Profæt Isaï, en des groeit un disparti itra Doué ha hui... Haval vehai doh hou cuélet, é hoh bihue; mæs é gurionné marhue - 0/2. Pihue-benac e varhue guet ur péhet marvel hemb quin ar é gouciance, e vou dannet durand un éternité. - Mæs pegource é vai morvel ur péhet? A pe va i é fæd a dra a gonsequance ha m'er hommettér guet consantemant parfæt. Seellet e rér el treu a gonsequance ol er-ré son dihuènnet pé commandet idan boén a goll caranté Doné: rac n'en dès meid er péhet marvel e ra gronce he holl. Rac-ce a pe lar Jesus-Chrouist én é Aviél, malheur d'un dra-benac, ni e seell quement-cé el tra a gonsequance : a pe lar er Scritur sacret penausex-réera en dra-hont pé en dra-men, n'autréeint quet en Nean, ni e seell quement-ce el tra a gonsequance : ol er peh zou dihuènnet idan boén a escommunication, e zou ehué tra a gonsequance : én ur guir, tout er péh e forban caranté Doué ag un inean, e zou tra a gonsequance, ha mar hum gav guet quement-ce cousantement parfæt, chetui quemend el e faut eit gober ur pehet marvel. Guhavé n'en dai quet requis ma vou parfæt er gousantemand ér momant memb ma commetter er pehet; mæs assès-é ma vou bet cousantet a vat ha libr volanté d'er péh e vai bet caus d'er péhet Bout-c'on hoah certæn tren ag ur gonsequance quer bras ma hès péhet marvel ba ne vehènt quet grocit guet consantemant parfæt. Rac-cé é castiai en llis quer rust er-ré e renézi er Fé guharal guet eun a vout tourmantet. Ut lod vad e gred é vent excusabl a behet marvel rac ma cavant de laret é vai en hærr ag en tantation, pé en dougeance estrange en devei int douguet d'er hommettein, mæs. en ou devai quæ ér momant memb m'ou devai ean groeit. En dud-cé e hum dromp a vras : rac ur uéh

ma vai é sæd a dra a gonsequance, en hærr ag er goal inclination, pé en dongeance ne vir quet n'en dint libr de gousantein, pé de resistein. A vat ha libr volanté é rant en action; ha guel vai guet-t'ai sèntein doh ou imur ha fantazi eit chelcuet Lezèn Doué en un dra a gonsequance. Péhein e rant enta marvelemant; ha laret er hontrel e vehai digueor en or d'el libertinage.

Me ouair ne vér quet ol ér stad de zissorh petra zou a vras consequance doh n'en dai quet, Mar doh ér stad-cé, ne fehech quet gobér guel eit dizolein reihan ha brahuan ma heellehait, hou c'affær d'on Covezour, he tremén dré er péh e gonseillou deoh. En disclærationeu faus e rer é Covezion, e zou pencaus d'en darn muyan ag er sacrilegen. Rac ur nels un cav er goal-speret en tu de durel un dén ér péhet marvel, can e implé é ol prdeu eit miret doht'ou a hum accusein el ma faut, eit en derhel perpet ér péhet hac én inclination d'er péhet. Eit ne vehait quet trompet, quentéh èl m'hou pou bet er malheur d'ober ur pehet marvel, hum humiliet dirac Doué; goulènnet misericord ha pardon dré vériteu Jesus-Chrouist; queret prestan ma heèllehait, de gavouet hou Covezour; disoleit tehou perhuéh er stad a hou couciance guet humilité ha Contrition, ha reparet ér Sacremand a Benigen er peh e hoes collet dré er péhet. O Crechénion! e lar S. Augustin, ha bui e hoès hoah nitraïq a druhé dohoh-hui memb? Hui e ouil d'ur horv a p'en dès é inean er huittet, ha ne ouilet quet a p'en dès er péhet marvel contraignet Doué de guitted hou c'inea Hou taren ne resusciteint quet er horv-cé; mæs er-re e scuillehait ar hou péhedeu eit ou effacein, e resuscitou grace Doué én hou c'inean.

Rai hir vehai çonz amen ag er malheurieu en des atleiget hac e atleige hoah er pehet marvel ar é lerh. (Leinet er Chapistreu III, IV, V ha VI ag er Reslexioneu ar er pedair sin dehuehan.)

#### ARTICL III.

## Ag er Pehet Veniel.

En differance e zou itré er péhet marvel hac er péhet veniel, e gonsist é quemènt-men : er péhet marvel e gommand ér golon hac e forban gronce a nehi er garanté a brefetance e zou deliet de Zoué drès peb tra. Mæs er péhet veniel e lausq hoah er galon mæstrès a nehi hé hunan, dré ma hoarn hoah er garanté-zé a breferance e zou deliet de Zoué. Er péhet veniel ne lam quet enta gronce hé buhé spirituel guet en inean, penaus benac ma yein ha ma hoanna caranté Doué én-hi; hac el-cé er-ré ne rant quet calz a gas eit commettein péhedeu veniel, e ra un droug bras; rac er péhet veniel e ra offance de Zoué; rac, é-mé er Speret-Santel, er-ré ezispris er péhedeu bihan, e gouéhou a nebedigueu é ré vras, ha rac ur péhet e gredér ne vai meit veniel, e hum gav liès de vout marvel, pe vai examinet mad en ol circonstancen a nehon.

Bout-ç'ou deu sort péhet veniel, ré e rér dré ur gùir fragilité: en dud santellan n'en dint quet én abri doh er sort-zé; rac er-ré just, é-mé er Speret-Santel, e gouéhou seih guéh, de laret-é, liès én dé, mæs quentéh ind e sàuou a nehai. Ré-ral e gommettér esprés, a vat ha libr volanté, èl mei, revé S. Augustin, daibrein pé ivet hemb dobér; conz mui eit ne faut; coll en amzér é laret conzeu inutil;

chom ér gulé a pe vai mall schuel de bedein; bout rai friand ha tantet guet er bouéd mat. Laqueit hoah guet er-ré-zé el lizidantæt ha parèss é peèllad er chongeu fal ag en isprit; (ne gonzan quet ag er chongeu inemp d'er burtæt, d'er Fé, de Zoué, etc. Rac er parèss é peèllad er sort-zé, e zou quasi attàu péhet marvel). Me gonz ag er chongeu a yeinnion doh en Nessan, ag er chongeu a hloër, a ivi, a zisprisanco, a hum glém eit tra distér a hur méstre me gonz hoah ag en dibarfætioneu pé parèss é terhel hun isprit én hur pedenneu; ag er guenyér distér; ag en attahign e rér d'er-ré-ral eit hoarhein; ag er goab, en dambris e rér a unan-benac....

Ne seellet quet er péhet veniel èl ur bagatel, ha ne laret quet en hou calon : Me féhedeu zou distér; ne ran quet droug vras é chom én-ai. Ne ret quet droug vras, é-mé S. Bernard? Ah! quement-cé 4011 un obstination veritabl, ur blasfæm memp d'er Spéret-Santel. Rac-cé é lar S. Augustin ne vehai quet quer bras droug reviunein ha distrugein er béd ha quement tra zou ol, el offancein Doué dré ur pehet veniel: ruc en disterran offance groeit d'er Hrouéour, e zou goah eid en ol drougueu e eellehai couch ar en treu crouéet.... Er péhet veniel e gouchi en inean, hac e oanna én hi caranté Doué Bout-c'ou péhedeu, é-mé S. Augustin, péré ne lahant quet en inean, mæs neoah int hé houchi, hé golo a oulieu. hac e vir doh Doué a hé chërissein.... Er pehet veniel e gondai d'er péhet marvel, dré ma yein caranté Doué, ha ma ra d'en inean coll hilleih a græceu actuel, péré zou requis dehi eit resistein guet courage ha perseverance doh en tantationeu creihue.

Er peliet veniel ne veritt meit poenieu tamporel; mæs eit quement-ce ne ouhemb quet a hanamb hun hunan, na dré hur mériteu propr, hur boud er remission ag er fauteu distérran e arribue guenemb
de bep cource. N'eèllamb bout pardomet a hur
péhedeu pé marvel, pé veniel, nameit dré vériteu
Jesus-Chronist. Doué eit discoein demb en offance
a ra dehou er péhet venicl, en dès ean liès punisset
en ur fæçon terribl. Moès Loth eid ur scèl curius,
e oai bet changet én ur yoh halén: Moyse eid ur
mini-défiance, e varhuas hemb antréein én doar a
Chanaan e oai bet quel liès grateit tehou: David eid
un tamiq vanité, e gollas é tri dé dré ur vocèn terribl, tri-uguênt-mil ag é bobl.

Mæs désquênnet a speret ér Purgatoër, ha marcé hui e gomprenou petra-é er péhet veniel. Eit fauteu e seellamb el tra dister. Doné e buniss inou ineanneu santel, ineanneu é amiet, dré un tan rustoh ha calettoh eid ol er peh e eellehemb hur bout de souffrein er bed-men. Doué en des permettet ma vezai diæz difforh, ahoël é certæn treu, er péhet veniel doh er péhet marvel, eit ma vezèmb bet guel ar hur goard doh peb sort péhet. Mar caret enta en Eutru-Doué, hui e zeli quêntoh merhuel øid en offancein é mod er bet. A pe gouéhet én ur faute benac, groeit bean un Act a Gontrition, queméret ur bénigen jaugeabl eit hum bunissein a nehi, bac eit miret a gouch en un aral. Ma ne ret cas ag er péhet veniel, ean hou conduyou d'er pébet marvel, ha d'er marhue éternel. En hani e gar Doué, é-mé er Scritur, ne zispris nitra, eit pligein dehou parfætement.



# ARTICL IV. Ag er Pehedeu a Ignorance.

Bour-c'ou calz a dreu ne ouyamb quet, ha n'en domb quet obliget d'ou goud; rac-cé ne vehèmb quet rescondabl a nehai dirac Doué. Mæs bont-c'on chué e cellamb hac e zeliamb goud, hac ag er-re-zé éhomb rescondabl. Mardai dréhur faute ne oniamb quet er péh e cellamb hac e zeliamb goud, n'en domb quet exant a béhet quel liès guéh ma hroamb dré en ignorance-zé un dra benac inemp de Lezèn Doué, pé de hani en His. Mar dai quêstion og un dra dizz eid omb de zésquein, hun ignorane c ziminu er péhet : mæs mar dai quéstion ag un dra hur bezai eèllet forh æz désquein, hun ignorance é léh bihannad er faute, hé hrésq hoah guhavé, dré ma joent ur péhet a lizidantæt ponnér ha yeuheq guet un diaboeissance de Lezen Doué. Par-exampl, peb-unan e zeli goud é ma ret hanàuein, carein ha chervige Doué, ha jamæs en offancein: é ma ret carein, inourein ha respettein hun tad hac hur mam: ne faut gober d'er-ré-ral meid el ma carehèmb ma vehai groeit demb-ni memb. Peb unan e cell hac e zeli goud ne faut gober infamité er bet inemp d'er burtæt, na guet-t'ou é hunan, na guet ré-ral. Couciance er-ré e gommett er sort torfætou-zé, ne vang quet a ou fiquein, ma carent hé cheleuet : rac Doué en des scribuet el lezen a burtæd é calon peb-unan : hanhuet-é el lezèn naturel. ha Doué ean memb n'eell quet hun dispansein a hé accomplissein. Peguement neoah ag en oaid a groaidur, pé én ou yoantiss, e hum gouchi dré beb sort lousteri, hac e gred bout divlam é sigur ne oni quement-cé meit bugaléage, pé ne oai meit-t'ai ou

hunan! Peguemènd e gousantt hemb scrupul d'un afin a oal chongeu, é sigur ne garchent quet gobér er péh ou dès én ou speret! Peguemènd ér stad a briedereah e hum abandon de bep sort infamité, én ul laret é ma tout permettet! Douget a hum drompein esprès, hac a hum goll.

« Er Bayannet, é-mé S. Paul, en doai handuet Doué dré er péh e uélènt dirac ou deulagad: (rac « er bed zou el ul livr caër, é péhani é heell pebunan goud leine). Mæs rac n'ou dès quet prezet en inourein el ma telient, ha m'ou des bet recour « doh er goal-speret dré ou superstitioneu, Doué e en dès ind abandonnet d'en dalledigueah ag ou « speret, d'er fallanté ag ou halon, ha d'ou dezi-« rieu méhus ha criminel ; ha disinouret ou des ou « horv dré bep sort infamité: ha dré ou dalledi-« gueah é mant deit de vout tud avaricius, paillard, « malicius, ivius, multrerion, attahignus, rappor-« terion, goal gonzerion, corromplet en ou buhé, « enemiset de Zoué, prest de fal obér d'er-ré-ral, « direspet ha diaboeissant d'ou zad ha d'ou mam ; e én ur guir, tud hemb avis, hemb honestiss, hemb « caranté, hemb fidelité, hemb truhé. » Chetui petra e ra en ignorance. Hui e vlam er Bayannet rac n'ou doni quet cheleuet ou houciance, na sentet doh er sclerdér ag er ræzon, péré e zeliai assès rein d'antand tehai é hoènt péhedeu. Ha hui e grèd 6 vehait-hui divlam, rac m'hou pou mouguet er rebræche a hou couciance? Er hatecheneu, en instructioneu e hoès cleuet, en aviseu mad e zou bet reit teoh é Covezion, e zou hoah quel liès a voéh e hum sau inemp teoh eit hou c'acusein. Brassoh ha criminelloh-é hou talledigueah eit hanier Bayannet. Me ouair é hès paud a dreu n'en dint quet acrihuet èl-cé én donn a hur halon, ha ne vou quet goulènnet contt guenemb a nehai é Jugemand en Eutru-Doué, pé rac n'en domb quet obliget d'on goud, pé rac ne vern peguemènd a boén hur bou queméret, n'hur bou quet eèllet ou désquein. Mæs a fæd er Misterieu principal ag el Lezen a Grechéneah, peb-unan zou obliget d'ou goud idan boen a zannation. Ne vehemb quet cheleuet de la ret: Ne mès quet eèllet ou désquein... Ancoeheit int teign... Eit pihue é rér er Hatechén? Ul lod vad en des mui a zobér eid er vugalé, a monet d'er hleuet. N'en dai quet erhoalh en désquein, hac en ancoehad goudé: n'en dès dén n'en dai obliget idan boén a zannation de oud beed er marhue er Misterieu principal ag er Religion, hac er Secremanteu e zeli peb Crechén receu. Goud e ran hoah é vér guhavé ambarrasset a gaus de dreu ne ouiér quet hac ind e vai mat pé droug. Arribue e ra liès quement-cé ér hontradeu, ér marhadeu, é certæn actioneu inemp d'en honestiss, er remedeu doh en dud, pe doh lonnet... Goulennet nezé avis guet tud abil hac a gouciance vat. Rac er-ré e ya d'ou chonge, mat pe droug el ma vou, e gouch lies e trompereali en diaul.

Deliet-é deoh guelet bermen dalledigueah estrange hilleiha dud, péré goudé m'ou des commettet er péhedeu horriplan, e lar ne zougeant nitra, ou houciance ne rebræche nitra deliai... Naren, rac dré forh péhein ind ou des hé mouguet, ha bermen haval guet-t'ai ne béhant mui : pé goudé m'ou des hum gouchiet dré en infamitéeu abominaplan, ne berzant quet ou hovessad, hac ind e grèd é mant quitt én ul laret, ne ouyènt quet é hoènt péhedeu a p'ou groènt. Mæs en dud-cé e zeliehai considérein ne vér exant a behet meid é quement ma heèl-

lér laret : n'eèllen na ne zelien quet goud é hoai péhet... Honnéh-é er regl e zeliet é couciance héli.

#### ARTICL V.

## Ag er Péhedeu a Fragilité.

PÉHEIN e ret dré fragilité a pe hum lausquet de monet d'er péhet dré en hærr ag un tantation; creihue; èl a pe laret ur fal gonz én ur gohad colér; èl a pe ret ur faute pé ma vanquet én ou tevær, guet eun ag ur holl pé domage benac; guet eun a vout goapeit, pé décriet, pé disinouret; guet eun a zisplige, pé a goll un ami mat, pé guet eun a vout goal drætet. Dré ur fragilité èl-cé é nahas S. Pierr é Væstr.

Guæd e gouéh ag er sont péhedeu-zé guet en incanneu lache ha goann, péré ne zalhant doh ou resolutioneu meidé quement ma ha tout d'ou chonge! Guæd e zou chué a fal Grechénion péré e drahiss bamdé Jesus-Chrouist, goet eun a goll ur marhad pé ur fal brocèz benac ; guet en dezir de ounid ar goust er-ré-ral, de hum denn ér héd dré finèss. de hum excusein ag un droug groeit, pé eit peellad ur fal affær benac a ziar nehai; pé guet eun a gouéh iden conzeu en dud hac a vout discoeit guet er biz... Ha hoah é mant dall assès eit chongeal n'on dès quet péet; rac, é-m'en dint, er-ré n'ou dès quet, e garehai ou devout... Er-ré zou é fal affær, e garehai boud ér mæz..., Er-ré zou clan, e garehai boud yah... Quasi requis ou gobér èl-cé... Réd-é hoah laret n'en dai quet péhet en trompereah, er multr ha cant péhet aral e gommettér bamdé é sigur meint necessær eit hum denn, pé ma vér forcet d'ou gobér...

El pe vehai cavet jamæs ur ræzon legitim d'offansein Doné: èl pe ne vehèmb quet obliget d'er harein mui aveit hur maden, hur hærent, hun amièt, hur buhé, ha mui eit quemènt tra zou ol: èl pe ne zeliehèmb quet bout perpet én disposition de verhuel quêntoh eid en offansein! É gurionné, distérræd-é en nombr ag er-ré e gar Doué a greis ou halon, drès quemènt tra zou! Hilleih el lar; mæs dibaud en accompliss.

#### ARTICL VI.

## Ag er Péhedeu a Valice.

NE gonzan quet amen ag er malice e oarn er fal Grechénion doh ou enemiset. Ne gonzan meid ag er péhedeu e rér esprèss, dichonge cuér, dré fal volanté, el ma ra certæn tud, péré e hum rejouiss a p'ou dès fal-hroeù, hac e hum vantt ag ou brassan fallanté: pé er-ré e hanàu asses volanté Doué, hac er péh e ordrén dehai; mæs ne vennant quet er gobér, na ne hum sourciant quet a bligein dehou.

« Péhein guet ur malice certæn, é-mé en Doctor S. Thomas, e zou choæge en droug, pé distroein ol er péh e eéllehai tènnein er péhour ag
er péhet: de laret-é, volanté désordr er péhour
e gar mui en treu tamporel, èl mei en danné,
er faus plijadurieu, etc., eit ne gar pé er sclerdér ag er ræzon, pé Lezen Doué, pé Caranté
Doué, etc. Rac-cé é vehai guel guet-t'ou gobér
gueu doh é inean, eit souffrein ur holl-benac én
é vadeu tamporel, pé én é fal plijadurieu: pé
ean e choæge andur ur holl spirituel, eit en dout
pé ur profit pé ur blijadur tamporel. »

Digitized by Google

Er péhedeu-zé zou brassoh, peb-unan d'é sort eid er-ré a béré en e mès conzet ihuelloh, dré m'ou groér esprèss guet handuedigueah splann; ha S. Thomas ou galhue péhedeu groeit guet malice certæn. Er sort-zé zou inemp d'er Speret-Santel, ha ne veint quet pardonnet, é-mé Jesus-Chrouist, ér béd-men, nac ér béd-aral; de laret-é, diæz bras int de vout pardonnet, rac m'en dint un disprisance ag er græceu ha secourieu e ra demb er Speret-Santel, pé eit peèllad ha dihoal doh er péhet, pé eit hum dènn a nehou a pe vai commettet.

Bout-çou, revé S. Thomas, huéh péhet inemp d'er Speret-Santel. 1º. En désespoer: 2º. Er bresomption: 3º. En ahurtemand é goal stad: 4º. En obstination: 5º. Hum sehuel inemp d'er urionné handuet: 6º. En ivi doh mat spirituet hun Nessan.

- a Ou difforh e rer en eil doh eguile reve ma rant
- a d'er péhour pé distroein pé disprisein er péh e vehai capabl d'en tènnein ag er péhet, pé de vi-
- ret doh-t'ou a er hommettein. »
- a 10. Dré en Espérance en hum denn er péhonr
- ag er pehet, a pe za dehou hum chongeal ha considerein misericord en Eutru-Doue, pehani
- « e-bardon er péhedeu, hac e recompance er mad
- e rér. En Espérance-zé e gollér dré en désespoër,
- e péhani e ra d'er péhour malheurus laret avel
- Coin: Rai vras-é me féhet eit ma vehèn pardon-
- « net a nehou guet Doué. » Mæs ean e zeliehai considerein é ma hoah brassoh misericord hun Tad péhani zou én Néan, hac é ma perpet prest de
- bardonnein.
- « 2°. Er péhour zou distroeit ag er péhet dré en « dougeance, a pe za dehou considerein justice en Eutru-Doué, péhani e buniss er péhet : hac en

\* dougeance-zé e gollér dré er bresomption, pé
« hani e arribue a pe chonge unan-benac é heèll

« gounid en Nean hemb laquad poén d'obér ævreu

» mat; pé é vou pardonnet ag é béhedeu hemb

« pénigen. » Dré er bresomption-zé é ta er béherion d'obér outrage d'er Speret-Santel, a pe laquant termén eit hum gonvertissein; èl pe vehai en amzér ha græce Doué é dalh guet-t'ai. D'er-ré-zé-é é lar Jesus-Chrouist: Hui em hlasquou, ha hui e varhuou én hou péhet.

« 3°. Ag en donæzoneu e ra Doué d'er péhour e eit hum dennein ag er pehet, bout-ç'ou deu sort: « er-hetten zou en hanauedigueah ag er urionné, « inemp de béhani en-hum sau er péhour a pe gome bat, pé ma hassai nahein ur urionné handuet el « Articl a Fé, eit bout liproh de béhein. » El-cé é ta er fal Grechénion d'obér goab a Aviél Jesus-Chrouist, a pe zecriant guet malice er peh zou santellan ér Religion, a pe daulant ou velim ar en dud a Ilis, a gaus d'en ansaignemanteu e ront tehai, a pe zisprisant er bénigèn, ha ma larant : N'en dès quet à ihuern... Ou lorhein e glasquér .. Réd-é de beb-unan vantein é varhadoureah... Perac ne nahant-ind ehué en heurustæd ag er Baraouis? Er memb Doué en dès revelet unan, en des ehué revelet en aral; ha mar mecitt bout credet a pe lar é hès ur vuhé heurus de virhuiquin én Nean, ean e véritt ehué bout credet a pe lar é hès én ihuern un éternité a boénieu. Chetu petra zou caus de gondannation er sort tud-zé, é-mé S. Yehan, er scierdér zou deit tehai assès eit gobér mat p'ou devai caret; mæs ind ou des caret guel en thoeldæd ag ou dalledigueah, eid er sclerdér: rac ou obéreu e oai fal.

Digitized by Google

« 40. En eil donæzon zou er secour ag er græce « interior, inemp de béhani é ma en ivi doh sante-« leah en Nessan : de laret-é, er péhour n'en dès « quet hemb quin ivi doh é Nessan; mæs caz-é a hoah guet-t'ou guélet græce Doué é cresquein ér « béd. » El-cé é ta er fal Grechénion d'attahignal cr-re santel, d'ou disprisein ha d'ober goab a nehai. Un taul caër é cavant mar eellant laquad un dén santel benac d'offancein Doué : goab-é guet-t'ai cleuet conz ag er Missioneu, ag er Retrædeu, ag en Devotion.... En diaul ne ra quet goah. Dré ivi en didul é ma deit er marhue ér béd-men, é-mé er Speret-Santel.... Hac en ham e hum blige é huélet revin ha coll un aral, ne chomou quet hemb bout punisset... Ur guir garante n'en dai jamæs ivius. Ne faut quet enta gobér èl Cain, péhani coai croaidur d'er goal-speret, hac e lahas é vrær. Perac en el lahas ean? Rac é obéreu ean e oai fal, ha ré é vrær a oai just, mat hac agréet guet Doué.

« 5°. Deu dra e eèll hosh secour er péhour de hum dènn ag er péhet: 1°. En desordr ag é fal action, 2°. Hac er méh ag er pehet. Rac quemènt-cé e ra d'er péhour distroein doh-t'ou é
hunsn, mar hum laq erhad de hum chongeal ha
de hum gonsiderein. Inemp de guemènt-cé é ta
en añurtemand é goal stad, hemb prezein gobér
pénigèn. » Ur uéh ma vai couéhet ur péhour ér
stad miserabl-zé, ne brez quet mui cheleuet er
Speret-Santel é crial ar-nehou: Ne dardet quet a
hum gonverussein; ne laquet quet termén a zé de
zé, rac colèr en Eutru-Doué e gouéhou ar-n'ah én
un taul, hac én dé ag é vangeance ean hou collou.
« 6°. En eil tra e eèll secour er péhour de hum

« denn ag er pehet, e zou en dister ha berr avan-

Digitized by Google

tage e eèll cavouet én-on... Inemp de guementcé é ma en obstination, dré béhani é ta er péhour
de zerhel doh er péhet. » El-cé é ta er péhour
de vout enemis dehou é hunan, hac en hum obstin
de vout malheurus ér béd-men hac ér béd-aral.
Rac ur uén ma couén ér stad-cé, caër zou en avertissein, ne sèntt meit doh é fantazi. Ean e resist doh
er rebræcheu ag é gouciance : ean e seèll ur Hovezour charitabl, èl un dén nehançus, hac e ra goab
a nehou. Ah miserabl! did-é é lar er Roué Profæt:
Mar cleuet hoah boéh en Eutru-Doué, ne galettet
quet hou calon.

Examinet bermen a-be-ban é ta deoh couéh liessan ér péhet: rac ol er péhedeu e zou pé péhedeu a ignorance, pé péhedeu a fragilité, pé péhedeu a valice. Er péhedeu-zé zou pé inemp de Zoué, pé inemp d'en Nessan, pé inemp demb-ni hun hunan. Ou hommettein e rér pé dré chonge, pé dré gonz, pé dré zezir, pé dré action, pé dré omission.

#### ARTICL VII.

## Ag er seih Péhet Capital.

En seih pehet Capital, pé èl pe larcheoh, er seih pèn ag er péhedeu, e zou: 1º. En Orgueil; 2º. En Avarice; 3º. Er Paillardiah; 4º. En Ivi; 5º. Er Gourmandiss; 6º. Er Golèr; 7º. Er Parèss. Ou hanhuein e rér Capital, rac peb-unan a nehai e zou ur vamèn frontal a hilleih a béhedeu aral, ha rac a nehai é ta en ol péhedeu e ellér commettein.

## Ag en Orgueil.

En Orgueil e zou ur garanté desordr en dès un-

den doh-t'ou e hunan, ha doh en avantageu e gred en dout dres er-ré-ral, e ra dehou hum istimein muí eit-t'ai, ha clasq hum sehuel ihuelloh eit-t'ai.

En orgueil zou er hettan, er brassan, hac en dangerussan ag en ol péhedeu. Er hellan-é, rac eané bet péhet en diaulet, hac hani hur hettan tad Adam. Er brassan-é, rac en orgueil drès en ol péhedeu aral, e hum guemér a ben-caer doh Doué. hac ol er péhedeu aral e zou ur suitt a hennéh. En dangerussan-é, rac, èl ma lar S. Augustin, en orgueil e ham voutt ér vertuyeu memb. En hur halon é tougamb er vamen a nehou; hennéh-é er vince dehuehan a béhani en hum gorrigér, hac ur uéh ma hourien en ur galon bet-ha commandein en-hi, en er seeller ordinæremand el ur merche a zannation Eèllein e rer couch er pehet-ceepedair fæçon:

10. A pe hum hlorifiamb én-n'amb hun hunan ag er péh hun nès, hemb obligation er bet de Zoué, pé ma hum gomportemb el pe n'hur behai receuet nitra guet-t'ou. El-cé é tamb de hum hlorifiein a hun nærh, a hur vaillantiss, a hur danné, a hun isprit, a hun abiltæt, el pe ne vehai quet guet Doué en hur behai int recenet? Petra e hoès hui n'hou pehai receuet, é-mé S. Paul? Mar e hoès intreceuet, perac en hum hlorifiet-hui a nehai, èt pe n'hou pe-

hai quet int receuet?

20. A pe chongeamh en hun nes méritet mad-un dra benac hun nes recevet mui eid er-ré-ral, hac é ma en Eutru-Doué deléour demb. En den humbl e hanau n'en des nitra a vat hemb græce Doué, ha n'eell a nehou é hunan meritein nitra. En effæd, n'en domb meit corrompl ha miser, hemb bout capabl, el ma lar S. Paul, d'obér ur chonge mad eid en Nean, ma ne za Doué d'hur secour dré é hræce.

30. A pe hum vantamb a avantageu n'hun nes quet, hac e fal demb ma vou credet en hun nes int. En den humbl e guh peellan ma heell en donæzoneu en des recenet guet Doue, ha n'ou disco meid a pe gommand er garanté. Ur vertu caër-é, é-mé S. Bernard, hum zisprisein veritablemant, ha boud istimet guet er-ré-ral: mæs un defaut méhus-é ehué hum istimein, ha bout veritablemant dispriset guet er-ré-ral. En n'emb e hum istim un dra benac, durand n'en dai nitra, e hum dromp, é-mé S. Paul; rac én effæd n'en dai nitra.

40. A pe hum gavamb mui eid er-ré-ral, ha ma tamb èl-cé d'ou disprisein ha d'obér goab a nehai. En dén humbl, sèl mui ma hum gonsidér, distér-roh-distér en hum gav, ha muyoh-mui é histim er-ré-ral, ha mar guél un defaut benac én é Nessan, eau e chonge quentoh a lemel en trest ag é lagad ean, eid a lemel er beudrèn a lagad é Nessan. Allas, miserablet ma homb! Ni hun nès hun defauteu-ni ardran hur hain, ha defauteu er-ré-ral dirac omb.

Ma n'en dès quet ente er-ré-ral quemènd a zanné, a isprit, a nærh, a vaillantiss, mar dint stropiet pé mahaignet, ne ret quet goab a nehai; Doué en dès permettet ma veint èl-cé rac-cé n'ou dispriset quet. Mar ou dès groeit ur faute benac, n'en doh hui capabl d'obér hoah goah, ma n'en doh secouret dré hræce Doué? Remerquet penaus ér pedair circonstance e mès merchet, en orgueil e zou quasi attan péhet marvel, drès peb tra, mar dér, èl ma arrihue ordinæremant, bet-ha disprisein en Nessan.

## Ag er Péhedeu e za ag en Orgueil.

En orgueil eit boud ean er vamen ag en ol péhedeu, en dès neoah dec branq mignon, péré sou: 10. Er væn gloër: 20. Hum vantein hemb necessité: 30. En hypocrisi: 40. Chongeal bout dihaval doh er-ré-ral hac abilloh: 50. Boudahurtet én é chonge: 60. Bout diæz d'accord guet er-ré ral: 70. En disputt: 80. En ambition: 90. Er bresomption: 100. En diaboeissance. Seellet mar doh teichet d'ur ré-benac: én hou calon é ma er ourièn.

10. Er væn gloër. En orgueil zou ur garanté desordr en dès un dén doh en avantageu en dès, pé e gred en dout dres er-re-ral; hac er væn gloër e zou un hoand bras ha desordr me vou hanauet en avantageu-zé, eit bout seellet, istimet ha mêlet. 10. En dezir-zé zou desordr a pe glasquér bout mêlet eit fal actioneu; par-exampl, rac ma iver hilleih hemb meduein, rac ma houier coroll é mæstr. pé sonnein, pé gourén, pé foëttal, pé mellad, etc. É gurionné, red-é bout scan a speret eit hum vantein guet treu e veritt quentoh bout blamet eit bout melet. 20. Væn gloër-é hoah, a pe rér actioneu mat', non pas eit pligein de Zoué, mæs eit boud istimet hac inouret; êl er-ré zou curius de zésquein leine, eit ma vou laret é mant abil ; er-ré e lar pedenneu caër, eit ma vou laret é houiant pedein Doué; er-ré e ra yuneu hacalézoneu, eit ma vou laret é rant pénigèn, eit ma vou conzet mad a nehai... Me ouair n'en dai quet attàu un droug ma huélou er-ré-ral en æyren mad e ramb: mæs hun intantion e zeli bout d'inonrein Doué dirac en ol, ha de zoug en ol d'en inourein guenemb. Hou c'ævreu mat, e lar demb hur Salvér, e zeli splannem dirac en dud, eit m'ou guéleint ha ma ranteint gloër d'hou Tad péhani zou en Nean.

Ne veaih quet amoèdet, é-mé S. Paul, guet er gloër ha guet istim en dud. Rac hilleih hou mélou dirac-oh, hac hou tisprisou ardran hou cáin. Eit peellad a zohoh er chongeu a væn gloër, hac eit mouguein er vanité, goulennet guet Doué er græce de hum bligein é vout goapeit, dispriset, anjuliet: hac a pe gouéhou ur méh benac ar-n'ah, dihoallet a hum néhancein, nac a vurmurein: trugairicait quentohen Eutru-Doué, ma ra deoh en occasion-zé de ziscar hou vanité, ha de bratiquein en humilité.

2º. Hum vantein hemb necessité. El mei hum vantein é houier armerh, hum denn guèl eid er-ré-ral; pé hum vantein ag é guærent, ag é amiet, ag é ampertiss, ag er péh e rér ha ne rér quet. Un debauchet e hum vanton memb ag é fallanté, hac e larou liès mui eit n'en dou groeit, pé ag en infamité en dès commettet, pé groeit d'er-ré-ral commettein. Ur faus devod e sauon ihuel é Govezioneu, é Gommunioneu, é yuneu, é alézoneu, é Bedénneu.

Jamæs ne hum vêlet, é-mé er Speret-Santel; lausquet guet er-ré-ral er sourci d'hou mêlem: meit-ha requis vehai deoh, èl ma hoai bet de S. Paul guharal, eid otorisein er péh e hoès de laret, pé d'obér eit gloër en Eutru-Doué. Rac doh hum vantein a hou ç'ævreu mat, hui e goll er mérit a nehai; ha mar dai a hou fal obéreu en hum vantet, n'en doh meid ur miserabl.

30. En hypocrisi. Bout hypocrit, pé faus devod, e zou gobér sebland a vout mat pé guel eit ne vér, eit boud istimet guet en dud. Un hypocrit en dès sourci bras a reglein en dianvès, mæs n'en dès quet paud a soign ag en diabarh: eit bout seèllet èl un dén a gouciance vad, ean e bay é zelé bihan, mæs ean e lausq er-ré vras: ean e ra er charité é publiq, hac e lair é couache: ean e hum glèm hemb cèss ag en desordr hac a fallanté er béd, hac e gommett

Digitized by Google.

é secrèd er péhedeu brassan: ean e vourr bout peél ital treid ur Hovezour, mæs é-léh disclæriein reih er fal blægueu ag é gouciance, eit hum humiliein ha bout pardonnet a nehai, ean e govessa fauteu er-ré-ral; ean e guh é-ré-ean, hac e hum escus a nehai guet eun ag er méh, pé a goll istim é Govezour: sodet-é guet certæn pratiqueu a zevotion, a béré é conzou liès, durand ma vanq a acomplissein é obligationeu brassan: mar dai peur, ean e rei en dén santel eid atrap en alézon, hac eit bout deit madén ur hartér; mæs peèl vou liès doh er santeleah. N'en dai quet laret é péh en hypocrit marvelemand én ol circonstanceu-zé, meit-hac ean e hum chervigehai ag er Sacremanteu, eit golein er fallanté ag é vuhé criminel.

Ne laran quet é teli er fal Greehénion hum ziscoein d'en ol èl me mant: quemènt-cé e vehai laret tehai rein goal exampl d'er-ré-ral; er peh n'en dai quet permettet: mæs me lar ne zeliér quet gobér sebland a vout mad eit bout istimet guet en dud, na hoah bihannoh, eit trompein ha couchi er-ré-ral. Malheur deoh, hypocrit, e lar Jesus liès én é Aviel. Ean e gomparage er sort tud-cé doh ur bé guennet hac auzet caër a zianvès, mæs carguet a gorrompl hac a lousteri a ziabarh. Haval int hoah doh bleidi goleit guet crohèn un oén; hac ur momand goudé m'ou devai hoariet rol ur Sant én Ilis, en ou guélér é hoari rol un diaul ér hompagnoneahen. Dihoallet doh-t'ai.

4°. Chongeal bout dihaval doh er-ré-ralhac abilloh. Jamæs ur glorius ne fal dehou gobér èl er-réral: ean e ouair tout er péh ne ouair quet er-ré-ral: fæçonnieu nehué en dès attau de gonz, de douiet, de sacrein, de hum usquein, de hum alége ha de ziffædein: ean e ouair mui eid ur Perdegour, mui eid ur Hovezour hac eid é Berson. Ean e assai èl-cé lorbein er-ré-ral, hac ou laquad de goll er Religion.

50. Bout ahurtet én é chonge. Ur glorius, guir pé gueu, ne héliou meid é chonge ha ne sentou meit don é fantazi. Caër hou pou laret tehou é ma péhet corol, fraudein, chervadein, trompein, (é spécial mar dai bet trompet), etc., mar dai teichet de guemènt-cé, jamæs nitra ne ouniehait. Mar dai ur chicannour, ne gonzou meid a procèzein don hennont há hennen; jamæs ne vai er gueu doh-t'on: er-ré-ral ne ouzant quet petra e larant; mæs ean n'en dai quet capabl de hum drompein... Réd-é ma vou credet... Ne hum fiet quet ar hou ç'abiltæt, é-mé er Scritur santel. Diæz-é ne vehai quet trompet en hani ne cheleu meid é fantazi.

60. Bout diæz d'accord gueter-ré-ral. En orgueil e ra d'é zén boud attau contrel d'er-ré-ral: mar fal dech un dra, can e vennou un aral. Mar soul guet-t'ou, can e hum sauou inemp d'er urionné ha d'er mat, just èl inemp d'er gueu ha d'en droug. É bli-jadur-é resistein don é dud, don é véstr, don er mad e glasquer gobér én un tieguean, én ur partage, én ur Barrèss; hac can e gay ur missi hac ur gloër bras tennein sourci ha poén d'er-ré-ral.

Douget un antèlement requinus èl-cé; rac a-va-zé, é-mé S. Gregoër, é ta er honzeu lûem, é sau en disput, é halum er golèr, en hum piq er galon, hac é collér er peah. Mar doh ingaget én un devotion benac, ne yet quet dré ur faus gloër hac ur sod antèlement, ha disprisein devotioneu er-ré-ral, èl pe ne vehai mat meit hou ç'hani. Ol é mant mat mar conduiant de Zoué; ha peb stad e zou santel, mar quemérér er boén de hum santesiein én-hous

7°. En disputt. Ag en orgueil é ta liès-mad en dissancion. Ne vern a betra é conzér, ur glorius e venn en doug ar en ol : ean e zalh doh en ol : réd-é ma criou ihuelloh eit hanni, ha dré forh crial, ean e grèd en dout ræzon. Quemènt-cé e dènn liès de zisprisance, de yeinnion, de gaz, de valice, de zis-

puit, de douyereah, de foëttereah, etc.

80. En ambition. Un ambitius e zezir attau er péh e cell gobér inour dehou. Dehou é ma deliet el leh inouraplan, er gonz dehuehan, en déguemér caërran: meit ma vou inouret ha ma vou er-ré-ral izelloh eit-t'ou, chetui quemend el a faut. Er merhet e zou teichettoh eit hanni, de vout ambitius. Ur voes e zougou hé fried d'ober digueoreu caër, de hum vouttein é cargueu ihuel, de brenein dillad, léhieu caër ar zelé cuhet, eit ma vou credet en ou dès danné, eit diméein guel ou bugalé; ha nezé ind e ra goab ag er-ré e jauge doh-t'ai, hac'e glasq er-ré e ra goab a nehai. Ur vèrh e fal dehi bout brahue, e laquei poén de hum alége, de hum usquein eit bragal, eit ne vou scellet meit doh-t'hi en assambleyeu ha memb en Ilisieu; caz hac ivi hi devou, mar guel un aral é tiffædein guel eit-hi. Lies mad a pe vou én Ilis, é vou hé deulagad é considérein mar bai ur-ré benac gusquet brahuoh eit-hi; ha liès é clasq bout hoanteit, mêlet hac incoret. hi e goll he inean hac he inour.

Boud inouret dirac en dud e fall dech? Cheleuet er péh e lar Jesus-Chrouist: Doué e handu en donn a hou calon: er péh-zou ihuel dirac en dud, e zou abominabl dirac Doué.... En hani e hum

sàu, e vou humiliet ha discarret.

9°. Er bresomption e ra hazardein mui eit ne ver capabl d'ober, ha boud ingorto a vout salvet ta liei-a r, ur ga h en ol: orh cria denn le lice, de

ir alla

ra delie

dégua

er-ris

Erm

n bina

a cuic

n di

nezi

IL.

hemb Isquad poén d'obér ævreu mat. Guæd a dud e hum grev èl-cé dré ou molliaheu ha reforcereah, é houren, é sebuel béhieu, é saillein, é vellad, é hivet par ivi péhani e ivon muyan. Guæd e gouéh hoak éu ihuern dré en hardehiæt guet péhani en hum Isquant bamdé én dangér a béhein, èl mei é hantein tiér dangérus eid er burtæt, compagnoneaheu dissolit, é spécial a dud youanq hardéh en eil-doh-éguilé, é monèt d'en deværranceu ag er béd.... Er mod, er gustum-è, e larou urré-benac.... Mæs er Speret-Santel e lar deoh: En hani e gar en dangér, é hum gollou én ou.... Ne hum sauet quet, é-mé S. Paul, ne hum hlorifiet quet é resistehait; mæs douget, ha peèlleit èl é raug ur serpand.

100. En diaboeissance. En orgueil e ra cavouét perpet un dra-benac de laret pé inemp d'en hani e gommand, pé inemp d'er péh e gommand, pé inemb d'é fæçon de gommandein. Honnéh-è er ourièn ag en dirangemand en tiegueaheu, er Parræzien, partout hac é peb-stad. Rac er miserabl brasoni-zé e laq hilleih de ziaboeissein d'on zud, de zisprisein er-ré zou drès-t'ai, ha de dorrein Gourhæmeneu Doué ha ré en Ilis. Mar arrihue miserieu ér béd, credamb erhad é ma ni zou caus; rac ne brezamb quet sentein doh er-ré en des Doué laqueit de gommandein ar-n'amb. Ma ne sentet quet, é-mé er Scritur Sacret, doh boch ha Gourhæmeneu Doué hou Mæstr., peb-sort malédiction e gouéhou, ar-n'ah: méliguet-vehait en hou ti, méliguet vehait en hous parq: malédiction Doué e gouéhou ar hou craniél, ar er madeu e hoès dastumet, ar how pugalé, ar hou lonnet, hac of er peh e zou deoh: ean e zegassou ar-n'ah quérteri ha famin, hac e daulou é valédiction ar er péh e rehait.

Digitized by Google

Peb unan enta, é mé S. Paul, e zeli aboeissein d'er-ré en dès berh ar-n'amb, rac n'en dès otorité er bet ne za a Zoué.... En n'emb e resist doh t'ai, e resist doh Doué, e dènn èl-cé ou hondannation ar nehai ou hunan. Credet enta é-ma æssoh aboeissein eit commandein.

Chetui en orgueil ha lod ag er péhedeu e za a nehou. Dougeamb ne guemérehai gourièn én hur halon ha ne ouniehai ar hur speret; rac Doué e resist doh er-ré orgueillus, hac e ra græce d'er-ré humbl: rac ni e gouéhehai idan bili Lucifer roué er-ré glorius, ha ni e zouguehai partout, revé S. Gregoër, er merche a hur dannation. Er remæd doh en orgueil e zou en humilité; vertu hemb péhani ne yehèmb jamæs d'en Néan, é-mé Jesus-Chrouist. (Mar fal deoh goud é petra é consist er gùir humilité, leinet er Chapistreu IV, V ha VI, Parti III ag er Vuhé devod).

### Ag en avarice.

En Avarice e zou ur garanté desordr doh er madeu tamporel. Me lar ur garanté désordr doh er madeu, ha nou pas er jouissance à vadeu bras : rac eellein e rér bout pihuiq, hemb boud avaricius, just èl ma heèllér bout peur, ha boud avaricips. Me lar hoah ur garanté desordr, rac n'en dai quet avarice-é carein er madeu é quement m'en dint necessær, pé aveit gobér un implé mad a nehai.

En avarice, é-mé S. Paul, e zou er vamèn ag en el draugueu; hac handuein e rér un avar doh unan ag er pemb-merche-men: 1°. A pe hum abandonnér d'er brassan joé, durand ma possédér danné ha d'er brassan chiff hac anquin a p'ou hollér. 2°. A p'ou gouniér én ur dorrein Gourhæmeneu.

Doné, pé m'ou goarnér inemb d'é Lezèn ha d'é volanté. 30. A p'ou hlasquér guet rai a brèss, ha m'ou goarnér guet rai a sourci, hemb chongeal calz nameid én ai. 40. A pe n'ou dezirér meid eit hum goutantein, eit hum abandonnein d'er plijadurieu, d'er chervadeu, d'er gloër, etc. 50. A pe ne rér quet d'er peur er péh e chom opèn en necessær revé stad peb-unan.

Péhein e rér marvelemant dré avarice, a pe garér mui en danné ag er béd-men, eid en Eutru-Doué; èl pe vér én disposition de dorrein é Lezèn quentoh eit manquein ur gounid benac, pé eit conservein madeu de ja gouniet. Pe vehai seèllet mat, n'en dès quet calz a dud ér béd n'en dint avar. N'en dès exant ag er vince-zé nameid er-ré e zalh ou halon absolumant distag doh er madeu tamporel. El-cé en dud peurran e eèll boud avaricius, mar carant en danné, ha mar seèllant ou feuranté èl ur malheur. Er-rè zou bihannan avaricius, en dès eun a vont; hac er-ré zou, ne fal quet dehai credein nac avouéein é mant. En avarice e za ag en orgueil, ag en dezir de gondui train er béd, ha de goutantein er horv.

# Ag er péhedeu e za ag en Avarice.

Ur malheur bras-é m'en dai quer cummun en avarice ér Grechéneah, ha ma hès quer bihan a dud e hum gav cablus ag er vince-zé. Hanàuet ahoël er chouche doh er branqueu. S. Gregoër e gontt seih péhet, péré e za liessan ag en avarice.
10. En treizoni. 20 En trompereah. 30. Er gueuyér. 40. Er faus touïadelleu. 50. En nehance. 60. Er carnagereah. 70. Er gomportemant calet ha didruhé é quevir er beurerion.

vam, é verdér, eid en dout danné. Eid argant ean e uerhehai é inean. En avarice en doai groeit de Judas guerhein Jesus-Chrouist. Nitra abominaploh eid un avar, é-mé er Speret-Santel.

2º. En trompereah. Un avar e nerh ur varhadoureah é léh un aral: ean e gaige er fal é mésq er
mat, hac e douiou ag é nærh eit golein sieu é varhadoureah. Ean en dès deu sort musul, unan bihan
eit daccor, hac unan bras eit quemér: faus balanceu ha pouizeu aveit trompein; deusto m'en dai
abominabl dirac Doué en hani e ra en dra-zé. Er
péh zou fallan én é di, e rei de Zoué, avèl Caïn.

30. Er gueuyér. N'en dès gueu n'en dai capabl un avar de laret eid atrap, eit guerhein quirroh ha prenein guel marhad. Haval vehai n'eèller mui gober marhad er bet hemb gueuyér, hemb touiet. Ne ouier mui é pihue fiein: rac er-ré ne zougeant quet a offancein Doué, nezougeant quet ehué a drompein.

- 4°. Er faus touiadelleu. Touiet é gueu ne goust nitra d'un avar, mar cay é brofitt. Ne gleuér quin ér foerieu, ér marhadeu... Petra zou caus meid en avarice? Malédiction Doué, é mé er Profæt Zachari, e gouéhou ar di ul lair, un trompér, ar di un touyour-Hanhue-Doué é gueu; ne lamou quet a ziar-nehou, hac hi er revinou beèd er hoæd hac er vein.
- 50. En nehance. Jamæs un avar ne gav en en des assès a zanné. Sorbet-é dalh-mat guet en hoand d'en devout : hac en eu a goll er péh en dès, e dourmantt hemb cèss é speret. Ean e lausq é dud hemb peden, hemb ansaignemant, guet eun ne gollehènt ou amzér. Bihuein e rant é creis en danné, èl tud goué, hemb lezèn, hemb instruction, etc.

Daibret vent guet en anstu, hac un druhégueah vai guelet ou dillad a billen & vraignein doh-t'ai...

6º. Er carnagereah. Un avaricius e garnage, et palforce de zaccor dehou mui eit n'en des reit, d'obér dehou den blijadur eid unan, etc. E serviterion, é ounidion, é varhadision e zou fal bayet: ur hrigmage benac en dou attau. Eider horvæyen, eid en drougueu e zeli, ean e daul tout er béh ar er-ré-ral. Er païemand e hoès refuset d'er-ré en dès hou cherviget, e gri vangeance inemp teoh, é-mé S. Jâq; hac ou hri e zou oueit bet-ha Doué. Malheur, é-mé Jeremi, d'en hani e sàu é di diar goust er-ré-ral, e ra gueu doh é Nessan, hac e refus rein é recompance dehou.

7º. Er gomportemant calet ha didruhé é quevir er beurerion. Ne vou quet guet un avar é cavou er peur soulagemant. Mui a sourci en dès ag é lonnet, eid a dorrein nan é Nessan. Er peur Lazar e hum bresantai bamdé é toul dor er faus pihuiq; mæs rac m'en doai refuset a er soulagein, é vou refuset ehué dehou un dapèn deur e oulen a oudé tri-huéh-cant vlæ-ç'ou, eit dispèlhein é dead. En hani, é-mé er Speret-Santel, e stanq é ziscoharn guet eun a gleuet er peur é criat ha doh hum glém, en dou é dro ehué de grial; mæs ne vou quet cheleuet na secouret. Dihoallet a vout calet ha hemb truhé doh er peur: rac ér Jugemant general, haval vehai n'en devou en Eutru-Doué meid er péhet-cé de rebræchein d'erré dannet.

Seèllet ha dihoallet don en avarice, é-mé hur Salvér: rac n'en dai quet é creis en abondance é loge calz er santeleah: hum goutantet enta a hou pihuance ha gusquemant, é-mé S. Paul; rac er-ré e fal dehai donnet de vout pihuiq, e gouéh é tantation,

hac é laceu en diaul, hac én dannation. Er remædeu doh en avarice, hac er moyandeu de zistag er galon doh er maden ag er béd-men, e zou er Bedén, en alézon, er beuranté a speret hac a galon, hac er gonsideration ag er marhue, péhani e lamou guenemb én drespet temb, en danné hur bou caret ar en doar. (Leinet er Chapistreu XIV, XV ha XVI, Parti III ag er vuhé devod.)

# Ag er Baillardiah.

Er Baillardiah e zou ur garanté doh er plijadurieu dishonest. En Apostol S. Paul ne fal quet dehou ma vou conzet ag er péhet infam-zé é-mésq er Grechénion: rac-cé ne larein quet peèd sort péhet a baillardiah-ç'ou, nac er circonstanceu a nehai. Ne larein memb meit lod ag er péh e cell couchi en inean. Er péhedeu a lubricité e zou perpet marvel, mar dai parfæd er gousantemant: rac quêstion vai perpet ag un dra a vras consequance, ha n'en dès meid er manq a gousantemant parfæt e cell diminuein er péhèt. Rac-cé é lar S. Paul: Ne hum drompet quet; nac er-ré paillard, nac er-ré e hum gouchi int memb, nac er-ré e gouchi er sort guet-t'ai... ne yeint jamæs de Ranteleah Jesus-Chrouist.

10. Hum gouchi e rér dré chongeu lous é tair fæçon: 10. A pe gousantet de chongeu dishonest guet er volanté, pé en dezir d'obér er péh e vai én hou chonge. 20. A pe hum arrestet guet plijsdur d'ur chonge lous, hac é vehai gùir ne gareheoh quet gobér er peh e chonget. 30. A pe hum arrestet a volanté vat de chongeal é treu lous, hac é vehai gùir ne gueméret quet plijadur én-ai. Eit bout cablus a lubricité. n'en dai quet enta requis gobér en action; er chongeu cousantet, er plijadurieu a

chonge, en dezirieu a galon e zou ehué péhet: rac, é-mé hur Salvér, ag er galon é ta er fal chongeu, er multr, er baillardiah, el laironce; hac er sort treu zé e gouchi en inean: hac en hani en dès seèlles ur voès guet fal dezir, en dès deja grocit er péhet én é galon. Dré er ræzon contrel, en dirangementeu e santet, er chongeu e za én hou speret, n'en dint quet péhet, ma ne hoès reit dré hou faute occasion dehai, mar groant poén deoh quenteh èl m'ou santet, mar ou feèllet dohoh prontan ma heèllet. Er péh e souffrehait én drespet teoh, ne

von quet péhet aveid-oh.

20. Hum gouchi e ret é laret conzeu lous ha dishonest, dré gonzeu a zihue antand, conzeu alleuret, mæs ampouisonnet; conzeu doubl... Rac er sort bourdeu-zé ne zant liessan meid ag ur galon corromplet. Ag er pch mei carguet er galon, é conz er bêg, é-mé hur Salvér. Brassoh-é hoah er péhet mar e hoès int laret ésprès eid alum é calon er-ré-ral en tan infam a lubricité, pé guet en intantion de ounit ha de solitein unan-benac d'er péhet. N'ancoehet quet a expliquein quement-cé é Covezion. Mar e hoès commettet pé chonget, pé deziret commettein er pehet lous-ce guet unan-benac, red-6 expliquein erhad bou stad-hui, ha stad en aral; hac ean e oai youang, ha hui ehué; ha hui hou pehai ean contraignet en ur mod benac; hac ean e oai diméet, ha hui ehué; hac ean e oai car deoli pé aliet; hac ean e oai ingaget en ur stad santel benac. pé hui marcé, etc.

30. Hum gouchi e rér hoah dré er squéndeu naturel. Dré en eulagad: a pe hum arrestér hemb necessité de seèllet pé tud, pé treu dangerus, pé de leine un dra benac contrel d'er burtæt... Dré en discoharn: a pe cheleuer guet plijadur conzeu lous, hourden infam, sonnenneu sot, pé treu aral inemp d'en honestiss. Dré er oust: étaibrein pé é hivet etc. treu e cellet hac e zeliet goud hou tougou d'el lubricité... Dré en deourn: èl mei en hoarieu dourn, er bouffonnereah, en tastournereah pé e ret hui hou c'hunan, pé e ret, pé e souffret guet ré-ral... Dré er gesteu dijauge, dré er gusquemanteu diffourniss, etc. Dré er fir: é santein er péh n'en dai quet permettet. Tud youanq, ne hum zallet quet: douget ha creinet; rac en isprû e zou pront, hac er horv e zou goann ha lache... Priedeu, ne hum drompet quet; n'en dai quet tout permettet d'er-ré diméet, èl ma chonge ul lod vat, péré e hum zann en eil-éguilé dré ur gomportemand infamoh eit hani el lonnet brutal.

En orgueil, revé er Profæt Ezéchiel, er chervad, el largante, en arouaredigueah, bout calet ha hemb truhé doh er peur, e zou quel liès a vamèn a lubricité; hac en experiance pamdièq e zisco penaus en hantiss a dud youang pautret ha merhet, er horolleu, en assambléyeu bobançus, etc., e zoug bras d'er baillardish. Er péhet infam-zé e stleige ar é lerh en dalledigueah a speret, en obstination a galon, en dirangemant én tiegueaheu, en ancoéh a Zoué hac ag er salvedigueah, en eun horribl a verhuel, en amoedigueah, er revin ag er yébæt, en dibarfætion hac er valigueance ér resolutioneu, en ahurtemand é goal stad, ha lies mad en désespoër ér momand ag er marhue. Doué en dès a oal viscoah discarguet é vrassan colèr ar er péhet-cé, hac ér bed aral ur ovel a dan hac a chouffr berhuet e vou partage er-1 épaillard, é-mé S. Yehan, én Apocalyps.

#### Remædeu doh er Péhet lous.

En diaul a baillardiah n'espergu hanni, ha de zougein e zou ag er péhet-cé quasi ag er hettan momand ag er vuhé beèd en dehuehan. Eit hum breservein a nehou, pé eit sorti mar e hoès bet er malheur de gouéh én-ou. 10. Peèlleit doh en occasionen, hac é general doh tout er péh e cell'teunein d'er péhet-cé; el mei er hompagnoneaheu dangerus, er bouffonnereah, er horolleu, en hantiss hardeh é spécial itré pautret ha merhet, en amitié tinér... (Leinet er Chapistr XVIII, parti III ag er Vuhe devod.) 20. Pedet lies ha chonget en hou pedeir fin dehuehan: ne leinet meit livreu capabl de douchein hou calon ha de rein sclerder d'ou speret. 30. Dihoallet doh en arouaredigueah ha féneantiss: ur féneant e vai liès impudiq. Castiet hou corv dré el labour; er yuneu, er penigenneu... 40. Occupet dalh-mathousperet hac hou calon guet Doué; drès peb tra a pe za deoh ur goal chonge pé un tantation benac, hum recommandet d'er Uériès santel ha d'hou ç'Æl-Gardién. 50. N'arrestet quet hou teulagadar nitra capabl de zegass teoh ur fal chonge: ha laqueit quêntoh hou tourn én tan, eid el laquad d'obér ur fal action. 60. Ne lausquet quet hou calon de vout gouniet guet er væn curiosité, nac hou speret de voud amoèdet guet en amourustæt: ne laquet james hou chonge guet hanni é sigur taillein el lis. 70. Hum zefiet a hanalı hou c'hunan : beaih é goard doh en diaul ha doh er béd; pratiquet en humilité, ha chonget hemb græce Doué n'en doh capabl de nitra eit hou salvedigueah. Ul lod vad e gouéh é peb sort infamité méhus, é punition ag ou orgueil ha vanité. 80. Quêret liès de govessad, ha hum zizoleit d'hou Covezour guet un humilité ha hardehtæt santel: hilleih e chom é liameu Lucifer guet ur stæd eahus a sacrilegeu, hac e hum zann; rac er méh e vir doh-t'ai a govessad ou féhedeu. (Leinet er Honsiderationeu santel, Meditatuon ar el Lubricité, hac er Chapistreu XII ha XIII, Parti III ag er Vuhé devod, pé er Hombat spirituel, Chapistr XVIII.)

### Ag en Ivi.

En Ivi e zou un anquin, ur chagrin hun nès é huélet bonheur er-ré-ral, e seèllamb èl un droug ayeid omb.

En ivi e za ordinæremand ag en orgueil : rac ne vai fache guenemb guelet er-re-ral avantagettoh pé quen avantaget èl omb, nameit rac ma hum istimamb mui eit-t'ai. Remerquet neoah, n'en dai quet ivi-é hum affligein rac ma huélamb unan-benac én ur garg, a béhani é hès léh de zougein en hum chervigeou eit gober poen demb ha d'er-re-ral, hemb ræzon er bei: dougeance-é quement-cé. N'en dai quet ivi-é boud affliget é huélet ex-ré-ral mat, rac ma carehèmb bout quer mad èl-d'ai : un hoand, un dezir de vout guel-e quement-ce. N'en dai quet ivi-é boud affliget é huélet danné, nærh, yéhæd d'er-ré-rol, rac ma hum chervigeant a nehai eid offancein Doué: drespet doh en droug-é quemèntcé. N'en dai quet ivi-é hum rejouissein ag un droug, og ur hlinhued arrihuet guet un ivraign, guet ur paillard... rac ma hes leh d'esperein é changeou guet é glinhuet; pé hum rejouissein m'en dai punisset ur fel zén, rac ma rai poén d'er-ré-ral: dezirein ur guir vad d'en Nessan-é quement-cé Douget neoah a'hou touguehai er fal inclination a hou calon de gassad er péhour, ha non pas é béhet. Caret perpet er péhour; mæs casset é fal daicheu.

Mæs mar hun nès anquin é huélet bonheur hun Nessan, rac ma tougeamb n'en douguehai ar-n'amb, rac ma fal demb hur boud en inour hac er rang drès-t'ou; hennéh zou ivi. Mar hum chagrinamb rac ma carehèmb ma collehai en avantageu en dés drès omb, pé ma vehai lamet guet-t'ou er mad en dès, eit er rein demb; hennéh zou ivi. Mæs marcé hui en hanàuou guel doh er branqueu. Ag en ivi é ta: 1°. Er haz. 2°. Er raportereah. 3°. Er goalgonzereah. 4°. Er joé é huélet droug en Nessan, pé er boén é huélet é vad.

- 10. Er haz. En ivius ne grêd quet é heèll bout heurus durand ma huélou ur vad benac é harrihue guet é Nessan. Rac-cé ean e rechigu, hac e zezir droug tehou, hemb gobér cas ag er péh e ordrén demb Jesus-Chrouist, de hum garein en eil-éguilé; rac en hani en dès caz doh é Nessan, e zou multrér.
- 20. Er raportereah. En ivius e daul é velim ar guement hanni e uél péistimettoh eit-t'ou, pé ihuelloh eit-t'ou, pé avantagettoh eit-t'ou Ean e assai on duein guéh dré finèss, guéh a voéh ihuel : er raportereah guir pé gueu ne goust nitra dehou, meit ma cavou en tu d'ou decriein ha d'ou brouillein guet ou amiet. En ivius e zeliehai shoël chongeal en hum zisiuour ean memb é sigur disinourein er-ré-ral; rac, é-mé er Speret-Santel, Un dén a zeu dead e gouéh ér fattan disinour; hac er raportour e denn ar nehou er haz, er matice hac en décriance.... Er goat gonzerion é secret, en teadeu a zeu luèm e vou métiguet, rac ma laquant dissancion é mésq er-ré e vihuai é peah hac amitié.

30. Er goal-gonzereah. Mar fal deoh gober pli-

jadur d'un ivius, goal-gonzet dirac-t'ou ag er-ré e ra droug d'é zeulagad; can e larou hoah goah eidoh, mar cèll. N'en dès nitra e ra mui a boén dehou, eit cleuet mélein er-ré m'en dès ivi doh-t'ai. Raccé, er goal-gonzereah e zou mechér carettan un ivius.

40. Er joé é huélet droug en Nessan Un ivius e hum rejouiss mar guel droug é couch guet en Nessan; hac e hum fache ag er mad e arrihue guet-t'ou. Caz-é guet-t'ou m'er mèlér, ha joé m'en décrier....

Dré ivi en diaul é ma deit er marhue ér béd.

En ivi e zou ur péhet bras ha marvel ag é natur, a p'en dai guir é laq S. Paul en ivius ér memb rang guet er-ré ne veint quet receuet én Nean: ha S. Basil e hanhue er vince-zé « Un ansaignemand ag « er hoh serpand, un ard ag en diaul, un arrès ag « er bunition éternel, un ampechemant d'en de- « votion, un hènd d'en ihuern... » Er péhet-cé e rantt é zén haval doh er goal-speret, péhani ne glasq hur holl nameit dré ivi dohemb; rac fache-é guet-t'ou ma vehèmb heurussoh eit-t'ou. En ivi n'en dai neoah meit veniel, a pe ne vai meid é fæd a dra distér; a pe ne zistruge quet er garanté ér galon; a pe ne rér quet dehou ur gousantemant parfæt.

Er remædeu doh en ivi e zou en humilité, er mortification, en distag-a-galon doh er madeu sg er béd-men. Rac mar pratiqueamb en tair vertu-zé, ne garchèmb nac en inourieu, nac er plijadurieu, nac en danné; hac èl-cé ne zouguehèmb quet ivi d'er-ré en dès, pe e zou ér stad d'en dont er

faus avantageu-zé.

Allas! cummunæd-é er péhet-cé é-mésq en dud! Quentéh èl ma huélér en en dés unan-benac vaillantiss, commodité, istim, isprit, abiltæt, devotion,etc., en ivi e luèmmou en teadeu inemp tehou. El
labourision, en artisandet, er vechérerion, er varhadision, en dès en eil doh éguilé er maliciussan
ivi. En ivi e daul memb é velim ar santeleah er-ré
e chervige Doué hac e vihue én é hræce. Clasq e
rér en tu d'ou dibanchein; gobér e rér goab a nehai;
assai e rér ou gounid dré fal gonzeu: un taul caër
é cavér mar eèllér ou laquad de béhein. N'en doh
hui ag en nombr-zé? Er péhet-cé zou inemp d'er
Speret-Santel, ha diæz de vout pardonnet. Er-ré
ivius, é-mé S. Chrisostom, e zou haval doh en diaulet, pé goah eit-t'ai; rac er-ré-zé ne glasquant quet
gobér poén na droug en eil d'éguilé.

### Ag er Gourmandiss.

Er Gourmandiss e zou ur garanté rai vras doh er plijadurieu én daibrein hac én ivet. Cavein mad er bouéd e zaibrér; cavein goust d'er péh e ivér, n'en dai quet gourmandiss. Mæs dihuènnet-é daibrein pé ivet rai; dihuennet-é daibrein pé ivet mui eit n'en dai requis eid antretenein ha conservein er yéhæd, ha hemb quin dobér meit ma cavér goust é taibrein pé é hivet.

Péhein e rér dré gourmandiss é huéh fæçon :

10. A pezaibrér pé ma hivér rai, de laret-é, mui eit ne oulèn er ræzon. Mab-den ne zeli daibrein nac ivet meid er péh zou requis eit maguein er horv, en derhel ér stad de chervige Doué ha d'obér é labour. Malheur, é-mé Jesus-Chrouist, d'er-ré n'ou dès quin chonge meid a garguein ou horv, rac ind ou dou nan goudé. 20. A pe vér tavantéq ha goubehet é taibrein pé é hivet, ha ne vai quæ meit d'er péh e chom arlerh; èl ma ra certæn tud péré e zaibr guet

 $\mathsf{Digitized}\,\mathsf{by}\,Google$ 

ou deulagad er péh e bresantér dirac-t'ai, hac e garehai ou dout tri pé puar cov de garguein, a pe gavant un dra benac d'ou goust. En dén just, émé er Speret-Santel, e zaibr eit sustantein é vuhé: mæs cov er-ré fal ne vai jamæs goalhet. 30. A pe rér dispigneu dijauge eit en dout friantage, bouét mat. treu delicat eit coutantein er oust; èl ma ra er-ré e zistro treu ag en tiegueah eit cass d'en tavarneu, pé e lair ou zud eit gobér friantage. 40. A pe glasquér er bouéd guellan, pé ivage delicat, eit cavouet mui a blijadur; èl ma ra er-ré e glasq a b ess er predeu mat, hac e rid d'er festeu é péré é vou muyan chervad d'obér. 50. A pe ortér er prèd guet on hirreah ha dibatiantæt quer bras, ma taibrér hemb necessité quênd en amzér reglet, drès peb tra en déieu-yun, èl ma ra er-ré ne hanàuant quet cource doh cource, ha n'ou dès, haval vehai. duin mechér meit daibrein, ha ridéq a davarn de davarn. 60. A pe zaibrér pé ma hivér hemb nécessité treu dihuènnet, pé e ouyér e rei gueu doh er yéhæd; èl mei daibrein hemb necessité quiq d'un dé-vigil, pé torrein ur yun commandet.

Er gourmandiss e zou ur sort péhet a idolatri, a pe lar S. Paul ag en dud gourmand n'ou dès quin Doué meid ou hov; en hum gollant int memb, hac é laquant ou gloër ér péh e ra ou méh ha disinour. Er gourmandiss n'en dai quet neoah attau péhet marvel, meit ne vou quet considerabl en dirangemant, ha ne garehér quet er chervad bet-ha mou-

guein caranté Doué ér galon.

Er gourmandiss e us er horv, e oanna er yéhæd, e bonnéra en isprit hac e laq burhud d'amoèdein : ean e zioust ag en treu spirituel, e yein en devotion, hac e ra liès lausquein en deværieu a Grechénesh guet er chonge ag er bouéd. En dangerussen branq en dès er gourmandiss e zou en ivraignereah.

# Ag en Ivraignereah.

En ivraignereah e zou ivet bet-ha troublein en isprit. Eit péhein dré ivraignereah n'en dai quet requis, èl ma crèd ul lod vad, coll er ræzon, pé urel a ziar er galon. Rac eèllein e rer pehein bras hemb coll er ræzon, hac eèllein e rér turel a ziar er galon hemb péhein. Eit péhein assès-é ivet mui eit n'en dai necessær; ha malheur, é-mé er l'rofæt Isaï, d'er-ré zou creihue a ben eid wet, ha vaillant eid ivraignein. Jugein e rér é vai istroh eid en necessær é ivér, a pe eèller laret ne vehai quet ivet pe vehai deur vehai : hac èl m'hun nès deja remerquet, jugein e rér é vai péhet marvel un action, a pe brononce er Scritur santel malheur inemp d'erré hé groa. Peb sort dereglemand én ivage n'en dai quet neoah marvel, mæs en imur, er seell, er gonz changet guet en ivage, e zou ur merche ag un dirangemant marvel. Ne yet quet ha laret, jamæs en ivage ne ra poén deign ; me ive, ha jamæs ne gollan me santimant: rac inemp d'er sort tud-cé é prononce er Speret-Santel malheur, a pe lar dré guéneu er Profæt Isai: Malheur deoh, péré e sau a vitin eid ivraignein, hac e zalh taul beèd en noz, beed quene vai tuèmmet tech guet en ivage.

Douget en ivraignereah, pehet infam é pebnnan, mæs hoah infamoh ha dangerussoh er merhet; rac en drougueu e stleige guet-t'ou, e zou hemb nombr. 10. Un ivraign e hum laq en danger de gommettein er pehedeu brassan. En ivage e ma en touyereah, er holèrieu, er foëttereah, er scandal, er gloër, er bégadeu lous, er bouffonnereaheu in-

Digitized by Google

fam, en dezirieu criminel, er baillardiah abominabl, etc. Ne veduet quet, é-mé S. Paul; ér guin é ma er baillardiah.

- 20 Un ivraign e zispign é zanné, e revin é diegueah, e ra poén d'é dud, e lausq é vugalé hemb ansaignemant, de zuein guet nan ha misèr. Ur mechérour ivraign ne vou jamæs pihuiq, é-mé er Speret-Santel. Ean e goll é inour; dén ne fi én-ou: é zelé e chom hemb bout payet; hac anfin ne goust nitra dehou laireah ha friponein eit en dout d'ivet.
- 30. Un ivraign e goll é speret a nebedigueu, e bonnérra é bèn, e us é yéhæd, e chairr clinhuedeu bras, hac e hast é varhue dré é gorvadeu. Ne hum garguet quet a wage, e-mé hur Salvér, guet eun a vout somprenet guet er marhue. Guet pihue é harrihuou matheur, é-mé er Scritur? Guet pihue é harrihuou en tabut? Pihue e gouéhou ér fozieu? Pihue e vou blesset? Guet pihue é harrihuou ma tihoéllei ou deulagad, nameit guet er-ré e gar en ivage?.... En ivraignet ne yeint jamæs de Ranteleah en Eutru-Doué, é-mé S. Paul

Opèn er péhet e zou é hivet bet-ha troublein er speret pé er ræzon, en ivage e zoug hoah de hilleih a fauteu: 1°. A pe rér gueu don er yehæd; 2°. A pe vanquér d'un devær benac; èl a gleuet en Overèn un dé a obligation, a obér ur yun commandet, a laret er Pedenneu ordrénet, etc.; 3°. A pe zispignér er péh e zou necessær eid en tiegueah; 4°. A pe hum laquér ér mæz a stad de bayein en delé; 5°. A pe vanquér a secour er peur én é vrassan necessité; 6°. A pe rér goal-exampl d'er-ré-ral; 7°. A pe santér é vou caus en ivage de douiet, de golèrein, de gonz sot, pé d'obér un infam sotiss benac, etc. Unan itré deu ùin e vai liès hardéhoh d'en droug.

Digitized by Google

Péhet-é hoah solitein er-ré-ral, pé rein dehai de veàuein. Ur faute bras-é enta. 10. Meàucin unaubenac esprés. 20. Manquein a viret doh er-ré-ral a veàuein, a pe vér obliget de guemènt-cé, pé ma heeller æzemand er miret. Malheur enta d'en davarnerion, péré e ra d'er-ré en dès deja assès, pé e onair é veaucint guet er péh e rant tehai; pé e ra d'ivet durand en Office de dud ag er hanton, pé deit a ziabcel esprés eit corvadein. Malheur dehai mar goarnant deu pé tri dé ivraignet én ou zi; mar rant ivage eit dillad, pé treu aral lairet; mar rant retirance de fal dud ha de fal actioneu én ou zi ; mar soutirant en dud youang, pé mar rant tehai d'ivet inemp de volanté just ha ræzonabl ou zud, etc.; mar dai ou zi ur scoll a fallanté, a oal gonzereah, a zissancion, a douyereah, a libertinage, etc. Allas! ne uélér meit rai ag er sort-zé.

Hilleih e béh hoah é hobér corvéeu, chairréeu, leigneu bras, etc., hac é sigur gobér inour d'ou zud, ou solitt d'ivet, hac e ra dehai de veàuein. Quer goah-é hoah en æredeu bras, é péré é tolpér nombr a dud, non pas eit pedein Doué de rein é venidiction d'er priedeu, mæs eit gobér chervad, coroll hac ivraignein. Ne vai quet mad er fest, ma ne vai meàu er-ré couviet hac er seèllerion. Un digaré caër e gavér é laret é ma er gustum hac er mod gobér èl-cé. Mæs Crechénion péré n'ou dès quin regl eit hum gomportein, meit Lezèn Doué, e zeli ou dout caz doh modeu er béd, péré e zisplige

quement de Zoué.

Er remæd doh er gourmandiss e zou bout reglet mad én daibrein hac én ivet, yunein, gobér pénigén, chongeal liès ér marhue hac én nan ha séhæd en dès anduret eid omb hur Salvér. Mar chonget erhad ér vistr hac ér gùin-aigr e oai bet reit dehou eit áispèlhein é séhæd, hui e zésquou hum goutantein ha cavouet mad er bouéd e ra Doué deoh, hac e ouyou gùel hum oarn doh er gourmandiss hac en ivraignereah. O men Doué! preservet-ni doh en ivraignereah hac er baillardiah: rac en eu vincezé é spécial e zou diæz bras de dennein ag ur galon é péhani é vènt ur uéh gouriennet.

### Ag er Golèr.

Er Golèr ezou un tærision divad ag er galon, e ra demb hum revoltein guet dibatiantæd inemp d'er péh'e zisplige temb. Me lar un tærision divad ag er galon : rac ur golèr reglet mat n'en dai quet ur péhet, a pe ne hum laquér é colèr meid eit gobér ur vad, pé miret un droug. Jesus-Chrouist en dès reit temb un exampl a guement-cé a pe hum laquas én ur goler santel inemp d'er-ré e brofanai en Tampl a Jerusalem. Requis vai guhavé colèrein eit laquad d'obér er mad, eit corrigein er-ré n'er groant quet. En effæd, bout-çou certæn tud a béré n'eèllér tènnein vad er bet, ma ne gonzer rust doh-t'ai. Er golèr reglet dré er garanté n'en dai quet vélimus. Un tad hac ur vam e fache doh ou bugalé, rac ne brezant quet chervige Doué de noz ha de vitin, ne dostant quet d'er Sacremanteu, pé rac ma hantant fal gompagnoneah; rac ma cleuant ou zud, ou serviterion é touvet, é conz sot, etc. Deliet-é dehai érsortoccasioneu-zé ou horrigein ferm, mæs hemb amportement na taul brutal; rac ou holèr e zeli bout revé Doué, ha non pas revé ou fantazi hac imur.

N'en dès ents meid en tærision divad ha desordre zou péhet, ha malheurusemand e arribue liessoh

eit ne chongér. 10. A pe zezirér de unan-benac un drong n'en des quet méritet; el ur pried brutal e hum laq é colér doh é voès, rac ma rebræche dehou é zefauteu a fallanté. 20. A pe zezirér ma vou punisset unan-benac mui eit n'en des méritet; el mei certæn tud furius péré é ziscarg ur foul anjulieu ha tauleu ar ou bugalé, ar ou serviterion eit fauteu distér. 30. A pe gastiér unan-benac hemb en dout beih ar nehou, eit contantein un dahinat coler pé malice. 40. A pe bunissér unan-benac eit hum vangein ha torrein er fantazi ar nehou, quentoh eit guet er chonge a bunissein en offance en dès groeit de Zoné: el-cé ur vam e hum laquei én ur golèr vras doh é bugalé mar manquant tehi; mæs ne rei cas er bet eit ou guelet é hoffancein Doué. 50. Anfin er golèr e zou desordr a p'hun troubl, a p'hun dirange bras a ziabarh, drès peb tra mar gueler splann quement-ce ar-n'amb. « Rac, é-mé S. Gregoër, er goler mad e droubl un tamiq en « isprit; mæs er golèr fal en dall.... » Quemèni-cé e zisco é ma diæz colèrein hemb péhein; ha S. Françæs a Sale e lar é ma æssoh hum viret a monet é colèr, eit hum viret a béhein a pe hum lausquér de golèrein.

Er golèr e za ag en orgueil, ag en ambition, ag en avarice; rac a-va-zé é ta er gorruption a galon mab-dén; hac hun experiance e zésq demb é homb douguet dré natur de hum sehuel inemp d'er péh e resist doh hun dezirieu. Ag er golèr é ta en drespet hac er haz doh en Nessan, en tabut, en dissanction, en anjulieu, en dezir de hum vangein ha d'obér droug, en touyereah, er blasfæmereah, er foëttereah, er multr, etc. Hac én ol circonstanceuzé é hès quasi perpet péhet marvel, drès peb tra.

mar dai rai zivad en tærision, mar maguer rai beel er goler er galon; mar hum gav guet-t'ou ur scandal considerabl...

Ne hum excuset quet en ul laret, ne douiet jamæs en hou coler; ne zeziret jamæs droug d'er-réral; jamæs ne ret hou malloh de nitra: rac n'en dai quet requis quement-cé eit péhein. En-n'emb e hum laquei é coler doh é Nessan, é-mé hur Salvér, e vou punisset dre er Jugemant: en hani e larou dehou Raca, de laret-é, ur guir a zisprisance, e vou condannet dré er Honseill; hac en hani e larou dehou Foz, guir anjulius, e véritou en ihuern. Arlerh quement-cé penaus é crèd en tadeu ha mameu colèrus rein d'ou bugalé hanhueu horribl ha scandalus?

Ne laret quet hoah é ma forh diæz ha burhud impossibl deoh miret a golerein guet er sourci hac en tergass ag un tiegueah. Rac mar dai diæz guhavé miret a santein er prontitud, eèllein e rér ahoël hum viret a gousantein, ha guet græce Doué er mouguein quentéh èl m'er santér. Désquet goasquein ar hou c'imur dré er reflexioneu-men: 10. Dre er goler hui e gollehai er batiantæt necessær deoh eid accomplissein Lezen Doué: Hum anduret en eil-éguilé, é-mé S. Paul, hac èl-cé hui e accomplissou Lezen Jesus-Chrouist. 29. Dré er golèr hui e gollehai en douster, hemb péhani n'hou pou quet en inour a vout galhuet bugalé de Zoué : Heurus er-ré dambonær, é-mé hur Salvér, rac galhuet veint bugalé de Zoué. 30. Dré er golèr hui e gontraignehai er Speret-Santel de guittad houcalon; rac ne chom quet én troubl ag er galon, émé er Scritur. 40. Én hou coler ne ouzoh petra e ret, na petra e laret; jamæs ne gredet e vai er guen dohoh, durand ma hum sauet inemp d'er urionné; rac er golèr, é-mé S. Jâq, ne ra quet er péh zous ræzonabl dirac Doué. 5°. Dré er golèr hui e goll hou ç'amiet, opèn ma ret poén d'er-ré e chom gueneoh. Rac-cé é lar er Speret-Santel: Ne veaih quet ami d'un dén colèrus; ne chomet quet guet ur furius... Guel vehai bihuein én un deserh guet el lonnet goué, eit chom guet ur voès attahignus ha colèrus.

Remæd doh er golèr. 10. El S. Francæs a Sale. groeit ur hontrad guet hou tead, eit ne larou guir a pe santehait hou coal imur. 20. Hum dennet ag en occasion mar dai possibl deoh, pe souffret guet patiantæt, hac hou touster e changeou bean en hani zou é colèr. 3º. Goulennet liès guet Doué er græce de dorrein hou fal imur, rac un dra caërrohé, é-mé er Speret-Santel, feahein er golèr, est gounid ur guær. 40. Diazéet sonn én hou calon er honzeu-men: Désquet gueneign, é-mé hur Salvér, é hon douce hac humbl a galon, ha hui e gavou er peah d'hou c'ineanneu. 50. Mar e hoès er malheur de golèrein, ne faut quet, é-mé S. Paul, ma cousquou en heaul ar hou colèr. Consquet guet er golèr e zou cousquet guet ur serpand. (Leinet er Chapistreu VIII ha IX, Parti III og er Vuhé devod.)

# Ag er Parèss.

Er Parèss e zou un dioust ag en treu spirituel, e ra demb delezel hun deværieu, pé hum aquittein a nehai guet lézidantæt, quêntoh eit hum gontraignein é fæçon er bet. Péheine rér dré barèss: 10. A pe gollér courage é huélet er boén e zouret quemér eit feahein en tantationeu, eit torrein er fal daicheu, eit gounid er Baraouis; hilleih e goll en espérance ag ou salvedigueah a pe larér dehai guet

Jesus-Chrouist: Ranteleah en Nean e oulen nærh ha courage, ha ne vou meid er-ré e hum gontraignou hac e hum boéniou, e yei d'inou.

2º. A pé bassér en amzér é seneandal, pé é hobér bagatellage, é ridéq a di de di, é tiscoural ar dreu inutil, é hoari, é teværral, é léh en impléein d'obér er mad a béhani é vér capabl. En dud séneant en dès de zougein ne gouéhchai guet-t'ai er péh e lar hur Salvér ag er servitour paressus : Taulet ean én tihoeldæd izellan; inou ne vou meit dareu a zésespoër ha tarhereah dènd.

30. A pe laquér termén a vomand de vomand, eit hum aquittein ag en deværieu a obligation, guet eun ag er geinance e zou doh ou gobér; èl derænein ul labour, tardein a monet de govessad, a obér pénigén. Goah-é hoah mar hum zioustér doh en deværieu het-hac ou lausquein ol. Ar er sort-zé é cri er Profæt Jeremi malheur, a pe lar: Méliguet-

é en hani e ra œvreu Doué guet lézidantæt.

4º. A pe ne brezer quet hum boéniein eit pratiquein er moyanden jaugeabl eit peeltad doh er pehet hac avance er vertu; el er-re en des donger doh er Govezion, doh er yuneu, doh en instructioneu; pe e guemer caz ha drespet doh er-re c ra dehai aviseu santel, pe e zisco dehai exampl vat....

50. A pe rér d'en isprit ha d'er chonge liberté de vout digampèn ha de valé durand en Overèn, er Pedènneu, pé en Instructioneu, etc. A pe ne rér cas a hum geinein eit chongeal é Doué, eit profittein ag er chongeu mad e zegass de beb-unan, eid offrein dehou er galon hac er poénieu, etc.

Ag en orgueil, ag en avarice, ag en dezir de goutantein er horv hac er goal inclinationeu é pa er parèss. Rac ne vanquamb d'hun deværien, pe ne hum aquittamb a nehai guet lézidantæt, nameit rac ne fal quet demb hum geinein na hum gontraignein est resistein doh hur fal deicheu. Er parèss o zou dangerus, hac ur vamen amponisonet a vinceu. Caus-é ma quemérér caz doh el labour, ma hum daulér rai guet er housquæt, ma collér courage, ha ma couéhér én désespeër, ma hum inzrouguer doh er urionné ha doh er-ré e lar hur profit temb, ma lausquér tout é liberté guet en isprit, ma hum ahurt er galon; hac er péh zou hoah goah, ne vourrér meid ér horrompl hac én infamité, etc En hani zou perpet occupet mat, n'en dès meid un diaul doh en tantein: mæs en hani ne ra quæt, en dès seih.

Ol é homb gannet eit labourad, é-mé en dén santel Job, peb-unan revé è vecher ha vacation, hac er-ré e dremen ou amzér é plijadur hac én æzemant, én un taul, én ur momant é tisquennant én ihuern. Cleuet e mès, é-mé S. Paul d'er bobl a Thessaloni, é hès én hou mésq tud arouarêq ha curius, ne rant meit ridea dukont ha dumen eit cleuet nehuétædeu : me ordrén dehai é Hanhue Jesus-Chrouist labourad ha gounid ou bouéd... Ha mar dès unan-benac ne sentt quet doheign, merchet ean el un dén escommuniet : ne faut quet m'en dou hanni commerce er bet gust-t'ou, eit m'en dou tout er méh hac en dismour. N'en dai quet laret eit quement-cé é ma attau er parèss ur péhet marvel : rac, ma n'en dai quet considerabl el lézidantæt, ma ne ya quet bet-ha forbanein caranté Doué ag er galon, nezé er parèss n'en dai meit veniel.

Mæs n'en dei quet erhoalh chongeal attau ér vue he. Rac hac éounieheoh oler béd, é-mé hur Salvér, petra é chervigeou quement cé deoh, mar det ha coll hou c'inean. Hur chonge principal e zeli bout guet en æffær a hur salvediguesh. Ne dardet quet a hum gonvertissein, 6-mé er Speret-Santel, ne zerænét quét a zé de zé ; ne ortet quet peèlloh , rac colèr en Eutru-Doué e gouéhou ar-n'ah én un taul; hac én dé ag é vangeance ean hou collou. Ne zougeamb quet ex boén e zou doh hum salvein: er vrastæd ag er recompance e zeli hun accouragein. Hum boéniamb de hanàuein ha d'accomplissein hun deværieu general, de laret-é, en deværieu cummun itré en ol Grechénion; hun deværieu particulier, de laret-é; en deværieu en des peb-unan revé é stad ha vacation; hac hun deværieu-ni hun hunan, de laret-e; en deværieu hun nès d'accomplissein revé en differant circonstanceu ag er vuhé. N'en domb quet Crechénion ma n'en domb sourcius de hanàuein petra e oulen Doue guenemb é peb occasion; ma n'en domb fidel de héli é volanté. Péhein e ramb dré barèss mar manquamb a zésquein en deværieuzé, pé mar manquamb dré lézidantæd a ou accomplissein.

Remæd doh er parèss. 10. Consideret peguemènd en dès Jesus-Chrouist poéniet ha souffret aveid-ohs petra e hoès hui groeit eit-t'ou? Petra ne hoès hui groeit inemp tehou hac eit hou tannation? 20. Chonget liès én noz-hont ag er marhue, é péhani dén n'eèllou gobér nitra, é-mé S. Yehan. 30. Tosteit liès d'er Sacremanteu eit quemér nærh ha courage de feahein ol er peh e gavet diæz én hend a hou salvedigueah, ha groeit hou ç'ol obéreu èl ma carcheoh hou poud int groeit én ær ag er marhue. 40. Chonget liès é vou requis temb daccor coutt de Zoué a hun ol chongeu, conzeu, dezirieu, ævreu, ag en ol amzér, ag er secourieu ha græceu en dès reit temb: réd-é enta profittein perhuéh a nehai. 50. Ne glasquet quet coutantem hou fal inclinationeu,

6-me S. Paul; rac ur galon e gar plijadurieu er béd; é hum zioust é-cource ag en treu spirituel. 60. Pedet, hum impléet perpet, castiet hou corv, meditet hou pedair sin dehuehen; hennen-é er remæd general doh en ol vinceu. ( Leinet er Hombat spirituel, ag er fæçon de gombattein inemp d'er parèss, Chapistr XIX. )

#### CHAPISTR III.

#### Groeit er mad.

Désourin e rér demb a vihan é ma é viret Gourhæmeneu Doué é tiscoamb en hun nès er Garanté a Grechéneah. Rac eit carein Doné, ne faut quet m'hur bou quin volanté meid é hani, ha réd-é gober er peh e ordren. Done en des reit temb dec Gourhæmen, e omb obliget de viret idan boen a zannation. Mar fal deoh arribue ér vuhé éternel, é-mé hur Salvér, miret er Gourhæmeneu: ha pihuebenac e dorr unan hemb quin a nehai dré ur péhet marvel, e vou dannet, ma ne ra pénigèn ag é faute quent merhuel. A hanamb hun hunan n'en domb quet capabl de viret Gourhameneu Doué: mæs guet er secour ag é hræce ni e èell ou miret ol, ha Doué ne refus quet é secour d'er-ré er goulèn a galon: rac el ma lar er Honcil a Trante arlerh S. Augustin, « Doué ne gommand quet treu impossibl; mæs a pe gommand, ean hun avertiss d'obér er

« péh e eèllamb, ha de oulen guet-t'ou secour eit

a gober er peh n'eellamb quet a hanamb hun hu-

\* nan, hac ean hun assist eit ma heellehemb don-

a net de ben. » Én tairhettan ag er Gourhæmenen-

zé é ma comprènet hun obligationeu é quevir en Eutru-Doué, hac ér seih aral, hun obligationeu é quevir en Nessan. Jesus-Chrouist en des memb laret é ma comprenet tout el Lezen hac ol er péh en des laret er Brofætet, er Ourhæmen en des reit Doué demb d'er harein ha de garein en Nessan. Expliquet hun nes deja er Ourhæmen zé én articl ag er Garanté a Grechéneah; rac-cé ne hum arrestehèmb quet paud amen ar er poend-ce. Quent commance en explication, remerquet mat penaus ag er Gourhæmeneu é general, lod e gommand, ha lod e zihuen; ha peb Gourhæmen é particuliér e gommand hac e zihuen un dra benac. Ind e oblige d'obér er mad, hac e zihuèn gobér en droug; ha chetui en differance e zou itré-dai reve ma hordrénant pé ma tihuènnant : revé ma tihuènnant, ind e oblige perpet, é peb momand ha circonstances rac péhein e zihuènnant; ha jamæs n'en dai permettet offancein Doué. Mæs revé ma commandant, n'obligeant quet perpet hac é peb circonstance; rac ne vér quet é peb momand hac é peb circonstance ér stad hac én accomod d'obér er mad e ordrénant.

#### ARTICL I.

# Ag er guettan Gourhæmèn.

Un Doué hemb quin e adorei, Ha parfætemand e garei.

Es Ourhæmèn-zé hun oblige de buar zra: 10. De gredein é Doué; 20. D'hur boud espérance én-ou; 30. D'er harein drès peb tra; 40. Ha de n'adorein

meit-t'ou é hunan. Hi e zihuèn dohemb a béhein inemp d'er Fé, inemp d'en Espérance, inemp d'er Garanté, hac inemp d'er Religion. Expliquet hun nès en tri poènd quettan ag er Ourhæmèn-zé én articleu ag er Fé, ag en Espérance, ag er Garanté a Grechéneah. Mæs quent passein d'er buarvet, péhani zon en adoration, laramb ur guir pé deu ar er vrastæd ag er Ourhæmèn en dès reit temb Doué d'er harein, eit ma comprenehèmb penaus ha peguemènd é homb obliget d'hé accomplissein.

Un Doctor ag er goh Lezen e oulennas guet hur Salvér péhani oai er vrassan ag en ol Gourhæmeneu; ha chetui er rescond e ras tehou: Huie garou er Mæstr hou Toué a greis hou calon, ag en dondæd a hou c'inean, a hou c'ol speret, hac a hou c'ol n'ærh. Honneh-é, é-m'ean, er guettan hac er vrassan. Gouhæmèn. Honnéh-é er guettan, rac Doué en dès hé scribuet én hur haloneu. Honnéh-é er vrassan, rac n'eèller quet miret parfætemand er Gourhæmenen-aral, hemb carein Doué; rac hi e badou de virhuiquin : ol en treu crouéet e dreménou, mæs er garanté ne dreménou jamæs, é-mé S. Paul. Honnéh-é er prassan, de laret-é, Gourhæmen un Doué e oulen tout hur halon; ha mar permett demb carein un dra-benac, red-é ma vou caret a gaus tehou hemb quin hac a balamor tehon. N'eellamb quet, é-mé Jesus-Chrouist, chervige deu væstr assambl; de laret-é, hur halon n'eèll quet bout partaget itré Doué hac en danné, itré Doné bac er plijadurieu criminel, itré Doué hac un ami e garer rai, ha ne garer quet eit Doue. Hun Tad ne venn quet ag un hanter calon; ean he goulen tout ha hemb partage, ha chetui petra-é carein Doué a greis hur halon, de la et-é. er harein a guement mei capabl ur galon de garein.

Digitized by Google

Carein Doué ag en dondæd a hun inean, e zou reglein hun ol squendeu naturel, hun ol inclinationeu ha dezirieu rové é volanté eit ne rehèmb na ne zezirehèmb nitra dihuènnet.

Carein Doué a hun ol speret, e zou chongeal é Doué guet ur grèd carantéus; studial é Lezèn eit n'hur bou quin volanté meid é hani; cavouét plijadur é sentein don é Ourhæmeneu; offrein dehou hun el chongeu hac obereu...

Carein Doué a hun ol nærh, e zou bout courajus de feahein en ol tantationeu ha diæzemand e arrihue guenemb én hènd a hur salvedigueah; bout ferm ha fidel de bratiquein er vertuyeu ha d'aboeissein perpet de Zoué én drèspet d'en diaul ha d'er béd.

N'en des quet a zoutance arlerh quement-cé é homb obliget d'ober hun ol actioneu eit gloër en Eutru-Doué: 10. Rac ean en des hur hrouéet ha conservet; 20. Rac ean en dès soign a hanamb é quement-momant-c'ou; 3º. Rac ean en des groeit, hac e ra hoah bamdé vad aveid omb; 40. Rac Jésus-Chrouist en des hur prenet; 50. Rac Doné zou hur sin dehnehan hac hun ol heurustæt. Just-é enta ma hoffrehemb de Zoue en ol dezirieu a hur halon, en ol chongeu volaniær á hur speret, hac en ol actioneu a hur buhé. Doué ean-memb en ordrén; cheleuet é gonzeu: Er Mæstr hou Toué e zou er Mæstr hemb quin, hui e garou er Mæstr hou Toué a greis hou calon, ag en dondæd a hou c'inean, hac a hou ç'ol nærh. Er honzeu zé e vou scrihuet én hou calon: hui ou larou d'hou pugalé; hui e chongeou én-ai a pé vehait azéet en hou ti, a pe vehait én hènd, de noz a pe vehait dihun, ha de vitin a pe zihousquehait. O men Douel pebeb meh eit bugale, mei obliget on Zad de gommandein dehai er harein!

Dré er guirieu-men ag er guettan Gourhæmèn, un Doué hemb quin e adorei, Doué e ordrén demb en adorein hac er chervige é hunan. Adorein Doué hae er chervige e zou rantein dehou en inour, er respet hac en aboeissance e zou deliet tehou el d'er Hroueour ha d'er Mæstr general dres quement tra zon. Sclær-é de uélet n'en dai deliet en adoration meit de Zoué hemb quin ; rac Doué é hunan zou er Mæstr general drès quemènt tra zou. En disposition-zé a speret hac a galon, péhani e ra demb rantein de Zoué en inour, er respet hac en aboeissance e zou deliet tehou el d'er Hrouéour ha d'er Mæstr general dres quement tra zou, e zou hanhuet er vertu a Religion, péhani zou en excellantan ag er vertuyen moral, ha péhani hur gloëstr antieremant de chervige Doné.

Er vertu a Religion e ra demb adorein ha chervige Doué é dihue fæçon : 1º. Dré Acteu interior, pé a speret ; 20. Dré Acteu exterior, pé a gorv. Doué doh hur hrouéein, en dès reit temb un inean hac ur horv : rac-cé é homb obliget d'ou impléein' ou deu d'en inourein ha d'er glorifiein. En Acteu interior a Religion e gonsist é Acteu a Fé, a Espérance hac a Garanté. Dré Acteu a Fé é hanàuamb hac é hinouramb Doué el er urionné souveræn; dré Acteu a Espérance é hinouramb é justice hac é vadeleah souveræn; ha dré Acteu a Garanté é hinouramb é ol parfætioneu. Rac-cé é lar quel liès S. Augustin n'cèller adorein ha chervige Doué a speret hac é gurionné, nameit doh er harein ; hac elcé er-ré e gar er béd hac e héli é vodeu ha custumeu, n'adorant quet Doué a speret hac é gurionné.

En Acteu exterior a Religion e gonsist é certæn actioneu dré béré é tiscoamb a zianves er respet e

zeliamb 'de Zoué: èl mei stouyein ar en eulin, souplein er pèn, joentein en deourn, bout modest én Ilisieu, én hur Pedenneu, én hur honzeu, én hur seèlleu, én hur gesteu, eit ne scandalehemb quet hun Nessan; bout modest én hur particuliér, a pe ne vai dén doh hur seèllet, dré er respet e zeliamb de bresance Doué péhani zou partout hac e nél tout.

En adoration interior e blige muyan de Zoué; de laret-é, Doué e oulen principalement ma hanauehèmb n'en domb meit peudr ha ludu dirac é vajesté ol-buissant, ha n'hun nès nitra n'hur behai receuet guet-t'ou : ean e oulen ma hum gonsacrehemb dehou, guet er peh hun nes; hur speret, eid aboeissein d'en ol gurionnéeu e ansaign demb en Ilis; hun ol hoand ha dezir, dré ur ferm confiance én é vadeleah hac én é visericord; hur halon, dré ur garanté sincèr eit-t'ou, ha dré ur haz nærhus doh en ol péhedeu ha fallanté ag er béd. Honnéh-é en adoration e oulen Doué guenemb é spécial. Mæs ean e oulen ehué en adoration exterior : èl ur sign ag er santimanteu guet péré é teli bout trezet hur halon én é guevir. Er haërran, er brassan hac en excellantan Act a adoration exterior e fehèmb rantein de Zoué, e zou er Sacrifice ag en Overèn.

Mæs en adoration exterior n'eèll boud agreabl de Zoué, meid é quement ma vai joentet guet en hani interior. Rac-cé er-ré en dès ou halon carguet a vanité, a folleaheu ha bobanceu er béd, e zou hypocrit ha gueuyad quel liès guéh ma stouyant dirac Doué ha ma larant tehou en en adorant, ma n'ou dès ahoël en dezir de húm gorrigein. Rac n'adorér Doué a speret hac é gurionné, nameid a p'er harér, é-me S. Augustin: ha goud e ramb assès é

ma impossibl carein er béd gnet é vobanceu, ha Doué assambl. En dezir sincèr de hum gorrigein e zou neoah ur hommancemand a garanté doh Doué.

Er vertu a Religion, é-mé S. Thomas, hun tosta mui de Zoué, etd er vertuyeu moral aral. Dré er Religion é payér en deaugueu d'en Ilis, èl er prémidi ag er blæd; é rér er proveu; é rér laret Overènneu; é rér fondationeu; é hantretenér er Chapélieu, en Ilizieu; é rér ou bihuance d'er-ré zou obliget dré ou stad de bedein sveid en ol, d'ansaignein er bobl ha de rein er Sacremanteu. Dré er Religion en hum hloestrer de Zoué dré er rô a burtæt, a aboeissance, etc. Pé en hum obligér d'un ævr mat benac inourabl aveit Doué, ha profitabla aveit hur salvedigueah. Dré er Religion é vai galhuet Doué eit bout test ag er péh e larér, pé e bro-

meuer, a pe douyer é justice.

Dré er Religion e stouyamb dirac er Hroezieu ha Limageu hur Salvér, non pas eid adorein er hoæd, er vein pé er figur ag er Groès; mæs eidadorein Jesus-Chrouist péhani zou bet staguet doh-t'hi eit hur salvediguesh. Dré er Religion é hinouramb er Uériès Vari mui eid en Ælet hac er Sænt, rac m'en dai Mam de Zoué. Mæs deusto d'hé halité, n'hé adoramb quet, rac en adoration n'en dai deliet meit de Zoué hemb quin; hac adorein er Uerhiès e vehai un abomination hac un idolatri. En Ælet hac er Sænt e inourér el serviterion fidel hac amiet en Eutru-Doué: hac a pe stouyer dirac ou Limageu, n'en dai quet er hoæd, er vein, er paper, nac er pentadur e inourer; mæs er peh e repræsantant. Er Religion e gommand ehué inourein Relégueu er Sænt, rac m'en dint er restageu precius a gorveu péré zou bet Tampleu er Speret-Santel, hac e resuscijou len a bloër.

Ni e inour enta er Uériès Vari én ur fæçon particuliér, rac m'en dai Mam de Zoué, rac m'en dai Rouannès en Nean hac en Doar, rac m'en dai sauet én Nean d'er hettan rang arlerh Doué, rac m'en dai hur Mam hac hun Avocadès, etc. Ni e inour en Ælet, rac m'en dint Ministret fidel en Eutru-Doué; rac m'ou dès ol un devær benac én hur hevir... En nombr quasi hemb fin ag en Ælet, e zou partaget é nàu Cairr, pé rum: 1°. Er Serafinet; 2°. Er Cherubinet; 3°. En Tronet; 4°. En Dominationeu; 5°. er Puissanceu; 6°. er Principautet; 7°. er Vertuyeu; 8°. en Arh-Ælet; 9°. en Ælet-Gardién.

Devær er Serafinet én hur hevir, e zou hun désquein de garein Doué pai fætemant. Devær er Cherubinet e zou désquein demb en hend mat, hac hun difari ag er goal hend. Devær en Tronet e zou laquad én hur halon ur gùir peah guet devotion, guet caranté doh en Nessan, ha caz dohemb-ni hun hunan. Devær en Dominationeu e zon reglein hun affærieu én Nean. Devær er Puissancen e zou hur gorantein doh ardeu ha finesseu en diaul. Devær er Principautet e zou secour en Ilis hac er Brincet Crechénion eit dihuen er Religion. Devær er Vertayeu e zou preservein en æd doh goal fortun, hac hur goarn doh en tampest, gurun, etc. Devær en Arh-Ælet e zou annoncein ar en doar er marveilleu extraordinær, distroein en drougueu a béré é vai menacet en Ilis pe er Ranteleaheu. En Ælet-Gardién e hum véll a gondui en dud, hac en treu ér bed. Peb den, peb Ranteleah, peb Escopii, peb Parræs, peb tiegueah en dès é Æl-Gardién: ou devær e zou hur gorantein én dangérieu a hur buhé, presantein hun dobérieu de Zoué, quemér sourci ag en treu zou idan ou goarnation.

Ni e inour er Sænt a gaus d'er græceu abondant on dès receuet guet Doué; a gaus d'er victoërien ou dès douguet ar en doar; a gaus d'er gloër a béhani é jouissant én Nean, hac a gaus d'en union sterd ou dès guet Jesus-Chrouist, ar béhani é couéh en inour e rantér d'é serviterion. Doué en des otoriset dré hilleih a Viracleu en inour e rantamb de Relégueu er Sænt. Squæd S. Pierr é couèh ar er-ré clan, e uellai dehai; ha mouchædeu touchet doh cory S. Paul, e uellai de ben sort clinhuedeu hac e zipositai en diaul ... Laquad e rér én Ilizieu Croezieu ha Limageo eit chervige de livreu d'en dud ignorant, reve S. Gregoër; eit ma tei chonge temb doh ou guélet, ag er Misterieu e represantant; eit ma tei demb quemér scuir ar er Sænt, a pe uélamb ou Limageu... N'antandamb quet é hès vertu er bet él Limageu-zé; ne laquamb quet hur honfiance én-ai, èl ma laquai an Idolatret én ou idolet : n'en dai quet el Limageu, mæs er péh e represantant. e inouramb.

Fari e ra enta en Héritiquet péré e demall demb é homb Idolatr rac ma hinouramb Limageu er Sænt. Sclær-é de bihue-benac e venn comprenein, é ma er haz hac er furi ou dès doh en Ilis Catholiq, e ra dehai decriein en dud a Ilis; hac é ma eit laquad er Fidelet d'ancoehad lezen Jesus-Chrouist, é tispènnant en Ilizieu, é fondant er Hroezieu hac el Limageu, péré e represantt er Misterieu a hur Religion, pé e zegass chonge temb ag en dud santel, péré en dès anduret, lod er marhue, lod aral poén fatiq ha miser eit streàuein er Grechéneah ér béd: En Ilis conduiet dré er Speret-Santel, en dès inouret a viscoah er Hroezieu hac el Limageu ér mod m'hun nès laret, hac ou inourou beèd er fin ag er

béd: ha n'en dès meit hé enemiset ha ré Jesus-Chronist e eell prononcein ur blassæm quen horribl èl mei laret en hi des hum drompet é quemènt-cé.

Er Religion e ourhæmen demb ehué pedein er Sænt eit meritein ou intercession ital en Eutru-Doué. Mæs n'ou fedamb quet ér memb fæçon ma pedamb Doué: rac ni e bed Doué el er vamen ag en ol madeu de rein demb en treu a bêré en hun nès dobér : ha ni e bèd er Sænt hac en Ælet de oulen en treu-zé guenemb hac aveid omb, é Hanhue Jesus-Chrouist. Ur ré-benac e larou é ma guel hum adressein a ben-caër doh Doué; ha mé me lar é masurroh hum adressein doh er Sænt; rac el meint justoh hac amiettoh de Jesus-Chrouist, eid omb. bout-ç'ou léh d'espérein é veint cheleuet guel eid omb. Er Sænt hac en Ælet en Nean e bresantt. é-mé er Scritur, hur Pedenneu de Zoué, hac e hum rejouiss a gonversion er béherion : doh ou fedein ni e ra enta un dra agreabl de Zoué.

Er Religion e ra demb respettein en dud consacret de Zoué, èl er Velean, er Venéh, etc. Hi e ra demb secour revé hur moyand er-ré e hum zispos de vout tud a Ilis. Er Religion e ra demb impléein erhad en déieu consacret de Zoué, èl er Sulieu hac er Gouilieu; respettein en doar beniguet, el léhieu santel, èl er Venæd, en Ilizieu, er Chapélieu. Er Religion e ra demb respettein en treu santel ag en Ilis, er Haliceu, en Orlemanteu, en deur beniguet, er Bara beniguet, en Oleàu sacret, er Prehecioneu hac en ol Ceremonieu aral ag en Ilis....

#### Ag er Péhedeu inemp d'er guettan Gourhæmèn.

Er guettan Gourhæmen hun oblige d'adorein Doué hemb quin, ha d'er harein parfætemant; hac e zihuen dohemb ol er péh zou contrel d'er garanté parfæt ha d'en adoration e zeliamb tehou é hunan. Er péhedeu inemp d'er Fé, d'en Espérance ha d'er Garanté e zou ol dihuennet dré er guettan Gourhæmen. Conzet hun nes a nehai; ha ne gonzehemb amen meid ag er péhedeu inemp d'er Religion, péré zou en Idolatri, er Sacrilege, hac er Superstition.

### Ag en Idolatri.

Boud Idolatr e zou adorein un dra crouéet; de laret-é, rantein d'un dra benac crouéet en inour brassan, péhani n'en dai deliet meit de Zoué é Grouéour. Allas! Quent m'hur boai recenet er sclerdér ag er Fé, en darn muyan ag en dud e oai Idolatr. Lod e adorai en heaul, en tan, en deur, etc., hac e gredai é hoènt Doué. Lod aral hoah dalloh, e rai Figurien a argant, a vein, a goæd, pé a zoar, hac ou adorai. A-dra-sur, en dud-cé e oai guel eid er péh e adorènt. Lod anfin e adorai lonnet brutal, e hum hloestrai dehai, e oulènnai ou secour doh er miserieu ag er vuhé, hac e laquai ou honfiance én-ai.

Er Grechénion e hoarh bermen ar goust en Idolatret, rac ma hoent dall assès eid adorein un Doué en doai groeit ou deourn. Mæs hilleih, hemb gobér èl-d'ai, n'en dint meit rai haval doh-t'ai. Hilleih en des doh-t'ai ou hunan ur garanté desordr, e cheleuant hac e héliant quêntoh eit volanté Doué: en amour propr e adorant, henneh-é ou idol. Hilleih e dorr Gourhæmeneu Doué eit coutantein ou avarice hac ou inclinationeu lubriq: ha goud e ret é lar S. Paul penaus en avarice hac er paillardiah e zou un idolatri. Ne nélér quet er Grechénion é hobér un Doué a goæd, doh en adorein ar ou deulin, èl en Idolatret-hont. Mæs ul lod vate laq én ou halon en ivi, er haz, er malice, er vanité, en ivraignereah, el lubricité, etc. D'ou zeiche mignon é consacrant ou chongeu, ou dezirieu, ou sourci, ha liès-mat ou inean.

Seellet petra-é hou c'idol: examinet peh teiche e ouni ar-n'ah, ha credet é hoh Idolatr én interior, mar en dès ur péhet benac er breferance én hou calon ar Lezèn Doué. Quemènt-cé zou Un abomination horribl él téh santel; rac Doué zou hanhuet en Doué jalous a hur halon, un Doué e fal dehou bout hemb quin caret, é-mé er Scritur.

#### Ag er, Sacrilege.

Er Sacrilege zou ur profanation ag en treu santel, pé consacret de Zoué. Bout-ç'ou tri sort treu santel: 1°. En dud consacret de Zoué; 2°. En treu beniguet; 3°. El léhieu beniguet. 1°. Ur sacrilege-é goal-drætein en dud consacret de Zoué, hac escommuniet-é en hani zou malheurus assès eid er gobér dré valice. 2°. Ur sacrilege-é gobér guet er sort tud-cé ur péhet lous benac. 3°. Ur sacrilege-é blessein dré valice beèd er goaid unan-benacén Ilis pé ér Venæd; 4°. Gobér inou actioneu inemp d'er burtæd, a béré n'en dai quet permettet conz; 5°. Interrein inou unan-benac éscommuniet, denoncet dré é hanhue, pé unan-benac ne vai quet badéet; 6°. Receu ér stad a béhet marvel ur Sacremant

benze, éspécial er Sacremand adorabl agen Autær; 7°. Gobér goab ag er l'edenneu pé Ceremonieu ag en Ilis; 8°. Profancin en treu sacret, pé en Orlemanteu beniguet, doh ou laireah, etc. Gobér un action benac dijauge hac anjulius de Groès Jesus-Chrouist, d'el Léhieu santel, de Limageu pé de Relégueu er Sænt; 9°. Laireah en Ilizieu, er Chapélieu, er Hovandeu, er Fondationeu: guerhein pé prenein Chapelenageu, etc.

### Ag er Superstition.

Er Superstition e ra rantein de Zoué pé d'er Sænt un inour dihavat doh en hani zou otoriset dré en Ilis; pé hum chervige inemp de Lezèn Doué pé de hani en Ilis eit donnet de bèn ag un dra benac, a voyandeu péré ag ou natur n'ou dès vertu er bet eid en dra-zé; el mei, hum chervige ag en oleau, a zeur beniguet, a oleu beniguet, a gonzeu ag er Scritur santel, etc., eit gobér ur maginage benac, pé guellad d'un droug benac, pé hum breservein doh ur malheur benac...

Ur Superstition-é hum fiein ar bedenneu faus, èl er pemzec joé... ha credein é ma ret attau ou laret pé quent pé quentéh èl sau-heaul, eit ne varhuehér quet subit... Superstition-é hum chervige dré vaginage a lezeu pé ag ur peh argand, eit miret doh droug... Laret oræzoneu, pé croèsein, pé discontein eit guellad de glinhuedeu. Superstition-é hum rein d'en diaul, pé gobér un accord benac guet-t'ou, èl er maginerion hac er sorcerion, eit donnet de bèn ag un dra benac; èl mei, eit cavouct argand, pé treu cuhet, eit goud er péh zou de zonnet, remerquein péh ær, péh dé, péh suhun commance un affær, pé autremant ne yei quet mat; hum cher-

vige a gonzeu eit chalmein haquebuteu, eid arrest un taul gueren, eit guellad de dud, pe de lonnet... Superstition-é consultein un divinour... Turel dré vaginage, pe clasq turel droug ar unan-benac pe ar é lonnèt... (Leinet el Livr Pedenneu, ar en Examen a Gousciance.)

Er superstition e zou un dra abominabl dirac Doué, hac e zoug de hilleih a béhedeu aral. N'eèllér quet hé excelsein, hemb manquein er promesseu ag er Vadient. Doué ne ra quet èl-cé treu extraordinær eit coutantein hur fantazi pé curiosité; n'en dès enta meid en diaul e eèllehai marcé ou gobér, eit distroein en dud a ou dout recour doh Doué, eit hum assurein a nehai, hac ou holt guet trompereah. Doué en dès punisset er superstition én ur fæçon terribl; hac en tiegueaheu é péré é rér pé é souffrér gobér maginage èl-cé, pé aveit tud, pé aveit lonnet, e zou ordinæremant malheurus ér béd - men.

#### ARTICL II.

## Ag en eil Gourhæmèn.

Hanhue Doué hemb ræzon ne douyei quet, Na dré nitra en des crouéet.

Dat en eil Gourhamen Doué e zihuen dohemb a brofanein é Hanhue santel; hac e ordrén demb en inourein.

Inourein e rér Hanhue en Eutru-Doué: 10. Dré er Bedèn; 20. Dré en dévizeu devod; 30. Dré ur vuhé santel hac a scuir vat; 40. Dré er rô; 50. Dré er sermant just ha legitim. En disinourein e rér:

10. Dré en touyadelleu diavis ha temerær; 20. Dré er parjur; 30. Dré er blassæm. Hui e gavou er Bedén expliquet arlerh er Sacremanteu. En ol e ouair petra-é en discourieu devod, hac ur vuhé santel hac a scuir vat. Ne gonzehèmb enta meid ag er rô, ag en touyadelleu, hac er blassæm.

### Ag er Rô.

Ur Rô e zou ur promèss groeit de Zoué ag un ævr mat benac, arlerh en dout hum aviset mat.

Me lar ur promèss, ha non pas ur simpl resolution. Rac ur simpl resolution e guemérehèn de monet de visitein unan clan, n'em obligehsi quet quemend el pe larehen : me bromet de Zoué, pé me ra rô a monet de visitein unan clan. Me lar ur promèss groeit de Zoué : rac penaus-benac ma heeller gober rô idan protection, pe é inour ur Sant benac; de Zoué vai neoah e prometter, ha non pas d'er Sænt. Me lar ur promèss.... ag un œvr mat benac : de laret-é, er péh e.hrater, e reli bout mat hac agreabl de Zoue; rac a vihannoh n'en des na rô nac obligation; é contrel, ur profanation a Hanhue santel en Eutru-Doué vehai. Par exampl. gobér goab a Zoué vehai laret : me bromèt de Zoué é hein de goroll, pé en hum vangein... Ne hum ingagér ordinæremant dré rô nameit de dreu péré n'en dint meit conseillet, el mei goarn er uerhiæt, yunein certæn déieu peb suhun, etc. Penaus-benac ma heèllér ehué hum ingagein de dreu commandet, el mei, ne veaucher jamæs, ne larehér jamæs gueu er bet, ne hantehér jamæs bobanceu er béd... Ér sort treu-zé é hès doubl obligation: en obligation ag er Ourhæmen, hac en hani ag er ro. Anfin me lar ur promèss... arlerh en dout hum

aviset mat : de laret-é, quent hum ingagein, réd-é examinein mat ha goud de betra en hum ingagér, hac open bout libr de hum ingagein. Ut lod vad e hum gay forh ambarrasset, manq a gonsiderein just ér-raug de betra en hum ingageant. Par-exampl, unan e larou : me bromèt de Zoué ne ziméein quet; mæs a pe za goulen guet-t'ou peh intantion ou doai ér momant-hont, ne ouair petra rescond. Lod aral én un dangér, pé én ur hlinhued, e bromèt perhindedeu, pé treu aral, péré ne vent quet é dalh guet-t'ai d'accomplissein. Hanhuein e rér quementcé ur ro diavis, ha ma n'eèll en dud-cé accomplissein ou fromèss hemb diæzein bras er-ré en dès berh ar nehai, pé hemb gobér gueu doh unan benac, ind e zeli hum adressein doh er-ré carguet a oarn hac a gondui en Ilis, eit bout dispancet ag ou rô, pé eit ma vou changet tehai én un dra benac aral. Mæs pihue benac e scrappehai un dispance, pé ur changemand ag ur rô dré ur gueu, pé hemb ur guir ræzon, ne cessehai quet a voud obliget, opèn ma commettehai ur péhet bras.

Eèllein e rér hum ingagein dré rô absolumant ha hemb condition; par-exampl: me bromèt de Zoué é hoarnein er uerhtæt; me ra rô é rein cant acouét d'er beurerion... Remerquet amen penaus mar dai argant pé madeu e hoès promettet, hon g'hériterion e vou obliget d'aquittein hou promèss, mar marhuet hemb hé accomplissein. Eèllein e rér ehué hum ingagein idan condition; par-exampl: me bromèt é yunein peb Guinér, mar recouran er yéhæd; a-zé ne hum obliget meid a pe vou accomplisset er gondition e hoès laqueit. Eèllein e rér hoah hum ingagein eid un amzér; par-exampl: me ra rô a oarn er uerhtæt durand ur blæ... Obli-

get-oh durand en amzér e hoès merchet; mæs ur uéh en amzér-hont tremenct, hou c'obligation e

cèss, meit-ha hui hé renchuéchai.

Quênt gober rô, seellet mat petra e yet d'ober; hac ur uéh m'hou pou ean groeit, ne vanquet quet a en accomplissein. Rac, é-mé er Scritur, guel vehai paud ne vehai jamæs groeit 16, eit manquein a ou aquittein a pe vent groeit.

#### Ag en Touyadelleu.

Touyet, pé gobér sermant, e zou quemér Doué eit bout test ag er péh e larér, pé e rér, pé e bromettér. Quement-cé e arrihue istroh eid én ur mod; rac er memb tra-é laret: Doué zou test a me honzeu; pé laret: Doué e ouair... Quer sur èl n'en dès meid un Doué... Men Doué... Ya sur, etc., mar e hoès intantion de douyet ha de guemér Doué eit bout test ar hou conz. Er memb tra-é hoah laquad en dourn ar en Aviél; rac inoué ma conzeu Doué; pé ar er Groès, pé ar er Relégueu; pé touyet dré en Nean, dré en doar, pé dré en treu crouéet, rac Doué en dès int grocit hac ou honserv.

Inourein e rér Hanhue en Eutru-Doué én touyadelleu, a pe vent just ha legitim; de laret-é, a pe
vent groeit guet en tair condition-men: gurionné,
justice ha necessité. 1°. Gurionné; de laret-é, rédé ma vou guir ha veritabl er péh e assuret dré sermant; ha mar dai promettein e ret, réd-é m'hou
pou ur guir intantion d'accomplissein er péh e hratet. Eit quemènt-cé réd-é ma vehait sur é ma guir
er péh e douyet. 2°. Justice; de laret-é, réd-é ma
vou just hac honest er péh e douyet, ha ma vou dré
ordr ré en dès otorité de oulèn er sermant gueneoh, é touyehait. El-cé é rér d'ur oard-minouret,

d'un tresolér ag un Ilis, d'un test ar ur monitoër, ar un dispance de ziméein, pé ar un affær benac a gonsequance, touyet en hum acquitteint erhad ag ou obligation. 30. Necessité; de laret-é, réd-é ma vou absolument requis touyet, pé ma vou quêstion ag un dra a gonsequance e zou requis gobér credein, ha n'eèllér quet gobér credein én ur fæçon aral.

Er sermant groeit guet en tair condition-zé, e zou un Act a Religion hac agréabl de Zoué. Mæs mar manq unan hemb quin a nehai, ne vér quet exant a béhet quel liès gueh èl ma touyér. 10. Mar touyet inemp d'er urionné, hui e gommèt ur péhet horribl e hanhuér parjur; rac ma ret de Zoué un outrage hemb par doh er hemér eit bout test a hou fallanté ha fausoni. Er-ré e vanq a hum aquittein ag er péh ou dès touyet, e gommèt ehué ur parjur, ha liès mad un injustice. Er-ré e douy dré acustumance hemb seèllet hac ean e vai guir pé gueu, e zou é goal stad. Petra chongeal enta ag er-ré e ra gueu doh ou minouret; e ra gueu doh en Ilizieu, e laqua argand cr Chapélieu én ou implé int, pé de brenein gageu...

20. Mar touyet inemp d'er justice, de laret-é, é rehait un dra fal, el touyet en hum vangehait a hou c'enemiset, é tallehait un dén dehai é peb occasion; touyet é recompansehait unan e fal deoh dismourcin, etc., hui e gommet arré ur péhet enorm. Rac outragein Doué é er hemér eit bout test é rehait er péh e zisplige tehou. Er sort touyadelleu-zén'en dint quet just. Péhein e rér doh ou gobér, ha péhein e reheoh hoah é hobér er péh e hoès p omettet. Rac pe vehai permettet accomplissein er sort promesseu-zé, Herod n'en dehai quet péhet é hobér dibènnein S. Yelhàn er Badéour eit coutantein

ur miserabl corolleres. ( Histoer en Testamand

nehué, Figur XXVIII.)

30. Mar touyet hemb ne vai necessité, de larêté, eid un dra distér, pé eid un dra n'en dai quet requis ma vou credet, hui e béh hoah: hac hou péhet e zou marvel mar touyet dré ur certæn malice, pé disprisance, pé guet scandal eir hou Nessan. N'en dès paud gùir necessité de douyet meid a pe vér galhuct é Justice eid un affær benac. Petra e vou laret enta ag er-ré e douy eit guerhein pé eit prenein? Ag en dud youanq sodet en eil guet éguilé, péré eit hun hardéhad d'er péhet, e douy en hum gaveint? Ha quemènt-cé inemp de volanté ræzonabl ou zud. Er-ré en dehai neoah tènnet unanbenac d'er péhet dré ur sermant faus pé injust, e zou obliget d'er reparein.

Æssoh-é hum viret a douyet, eit hum viret a béhein a pe douyér. Rac-cé en hun avertiss hur Salvér: Me lar deoh mé, ne douyet jamæs é fæçon er bet, na dré en Nean... na dré en Doar... mæs assès vou deoh laret, en dra-zé zou; en dra-zé n'en dai quet; rac er péh zou open, e za ag en droug. N'en dai quet permettet goulen ur sermant guet unan e ouyér e douyou é gueu, pé e douyou hemb intantion d'obér er péh e bromèt. Rac n'en dai quet permettet rein a volanté vat d'en Nessan occasion d'offancein Doué. Ur ré-benac e gredou ou dout un digaré d'ou zouyereah, rac m'ou dès un acustumance quer bras de douyet, n'en dai quet é dalh guet-t'ai, e-m'en-dint, hé zorrein; rac m'en dint quer pront, ma hachap en dra-zé guet-t'ai én un taul, hac é ma sottoh eit-t'ai er-ré e hanau ou frontitud, ha ne zihoallant quet a ou laquad de douyet.

Mæs er ræzonnieu-ze n'excusant quet dirac Doué.

Mar e hoès ur malheurus acustumance de douyet, groeit hou possibl eit hé zorrein; pedet unan-benac d'hou ç'avertissein a pe achappou gueneoh touyet: pedet, yunet, reit alézon eit goulèn guet Doué er græce de changein: douget er menaceu-men ag er Scritur: En hant e douy liès, e vou lén a fallanté, ha goalèn Doué ne lamou quet a ziar é di: héliet en avis e ra déoh S. Jâq: Drès peb tra, é-m'ean, ne douyet quet... Hum goutantet a laret, èl-cé-é; pé n'en dai quet èl-cé-é, a celfin ne vehait quet condannet. (Leinet el Livr Pedenneu, ar en Examèn a gousciance.)

### Ag er Blasfæm.

Er Blassæm e zou ur gonz anjulius de Zoué, un offance d'é inour, pé de hani er Sænt; el ma vehai laret: Doué e zou cruei... Doué n'en dai quet just... Doué ne hum sourci quet a hanamb... Doué ne hum véll quet a affærieu en dud... Mar dai just en Eutru Doué, perac e souffr ean en dra-men hac en dra.... perac ne ra ean danné d'er-ré vad, ha non pas d'er ré fal? Pé laret guet disprisance: je-reni-di... mort-di... tête-di... vantre-di... trand..., etc. Conz guet disprisance ag er Uériès glorius Vari, pé ag er Sænt: pé laret un dra benac inemp d'en inour ha respet e zou deliet dehai, etc.

Er blassæm e zou er brassan pehet, e-me S. Thomas, hac en horriplan, e-me S. Jerom. En diaulet hac er-re dannet e valloh hac e vlassæm hemb cess inemp de Zoue, ha n'en don quet souhet: rac inde sant e peb momand er bouis ag e vangeance. Mæs un dra horribl-e cleuet Crechenion doh hum sehuel inemp d'un Doue, pehani e veritt quement bout caret; inemp d'un Tad, pehani en des que-

mend a sourci a nehai. É vangeance e gouéh abred pé dehuehad ar er vlasfæmerion hac ar er-ré ou souffr, el mei en tadeu ha mameu, er vestr ha mæstrezet, en dud a Justice, hac ol er-ré en dès droæd hac otorité, ma ne brezant quet hum laquad é

poén a gorrigein er vlasfæmerion.

N'en dès nitra e expos mui de douyet ha de vlasfæmein eid en tavarneu, en hoarieu, er hompagnoneaheu debordet, er respet ag er héd, péhani e ra gobér èl er-ré-ral guet eun a vout goapeit; er vanité, dré ma credér é hès un inour é houd touyet. Malheur d'er-ré e ra diguemér mat ha ti d'en dud malheurus-cé, péré ne zigueorant ou bêg meid eid offancein Douë. Él Lezèn ancién é hoai ordrénet lahein a dauleu mein en hani e vezai bet malheurus assès eit blasfæmein: ha S. Loëis, Roué a France, en doai ordrénet toullein guet un houarn ru tead ha divès er vlasfæmerion.

Quênd achihue en articl-men, laramb petra-é en execration hac en imprecation pé goal-bedèn. En execration e zou un douyadel dré béhani en tou-your e gousantt bout punisset guet Doué, mar lar gueu, pé ma n'accompliss er péh e lar, èl pe larér: Doué d'em punissein, ma n'en dai gùir er péh e taran.... Re-varhuein ar en tache, ma n'accomplissan en dra-zé... Ar me housciance, pé ar men dannation... N'en dès quet brassoh touyadèl eid en execration, revé S. Augustin; penaus-benac mei mat ha permettet guet en tair condition hun nès merchet ihuelloh, eid er sermant.

En imprecation pé gosl-bedèn e zou un douyadèl horribl e rér en ur venacein a obér droug de unan-benac; èl pe larér: Doué d'em dannein, ma ne ran en droug men hac en droug... Ne fat quet

Digitized by Google

deign guélet arhouah, ma ne tallan un dén dehou. El ma vai ordinæremand er haz hac er gounar e ra prononcein er sort conzeu-zé, caïgein e rér guhavé guet-t'ai blasfæmeu épouvantabl, èl mei er honzeu meliguet-men e gleuer quel lies guet certæn tud hanter goue, pere n'ou des meid en hanhue a Grechénion: Oh! n'en dai quet hoah marhue Doué na clan é Vam ; ha ne ortein quet ma hei de di en diaul eit payein deign quement-cé. Er malloheu ·hac er malédictioneu e rér en eil-d'éguilé, e zou hoah branqueu ag en imprecation. Hérissein e rér é cleuet Crechénion, priedeu doh hum argarhein hac é sacrein en eil guet éguilé a vitin beèd en noz ; un tad hac ur vam é rein ou malloh d'ou bugalé; bugalé é tezirein er brassan drougueu d'ou zud; er verdér doh hum anjuliein; en amision én areih hac é counar é rein ou malédiction en eil-d'éguilé; tud furius é rein d'en diaul tout er peh e zisplige dehai, etc. Hum chongeal e rer bout burhud e toul dor en ihuern, a pe gleuér ar en doar el langage c gonzér inou.

Touyet guet un dra benac, pé rein hou malloh d'en treu crouéet, é spécial d'en dud, e zou ur péhet enorm, é-mé S. Thomas. Malédiction ur vam ar hé bugalé, e zistruge un ti beèd en dondæd, é-mé er Speret-Santel: hac ur hroaidur e ra é valloh d'é dad pé d'é vam, e vou laqueit d'er marhue. Ne ret hou malloh de nitra; rac, é-mé er Profæt David, en hani e gar er malédiction, er malédiction e gouéhou ar nehou, ha ne beèllei quet a zoh-t'ou.

Remerq. En-n'emb en dehai groeit ur sermant benac, hac e hum gavehai ambarrasset pé rac ne vehai quet ér stad d'en accomplissein, pé rac n'eèllehai quet é cousciance er gobér, e zeli, èl m'hun nès laret ag er rô, hum adressein doh é Escob, pé doh unan-benac carguet ag é berh, eit bout dispancet ag é bromèss, pé eit goud guet-t'ou petra en dès d'obér.

En eil Gourhemèn e zihuèn hoah a brononcein en Hanhue santel a Zoué, en Hanhue sacret a Jissus, Hanhue er Uériès ha hani er Sænt, dré acustumance, hemb attantion, hemb respet, hemb devotion.

#### ARTICL III.

Ag en dairvet Gourhæmèn.

Cèss peb Sul a labourad, Aveit chervige Doué devod mat.

Doug dré er Ourhæmèn-zé e ordrén demb santefiein er Sul, hac e zihuèn dohemb peb sort labour terrién én dé-zé, eit ma vehèmb liproh d'er chervige én ur obér ævreu a zevotion hac a Religion.

Doué, é-mé er Scritur santel, en dès groeit é huéh dé en Nean, en doar, er mor, ha quemènt tra zou én-ai, hac e reposas er seihvet dé: rac-ce ean en dès reit é venidiction d'er Sadourn, hac en dés ean santefiet. Eit quemènt-cé é santefiai er Juivet er Sadourn, penani e senéfi dé a repoz en Eutru-Doué. Mæs en Apostolet conduyet dré er Speret-Santel en dès queméret er hettan dé ag er suhun, hac en dès ean hanhuet dé d'en Eutru-Doué; rac én dé-cé é hoai resuscitet Jesus-Chrouist, hac én dé-cé é tegassas er Speret-Santel ar é Apostolet, eit rantein en Ilis ferm ha parfæt él Lezèn a garanté en doai reit tehi.

Désquet guet er Jaivet penaus é teliet santefieir er Sul; rac ne hoés meid en dé de changein. Hou

peet chonge, é-mé Doué, a santefiein er Sadourn; ( ha d'er Grechénion ean e lar : Hou peet chonge a santefiein er Sul). Hui e labourou hueh de, ha hui e rei ol hou labour durand en amzér-sé: mæs er seihved e sou en dé a repoz Doué hou Mæstr; ne labourehet quet é tra er bet en dé-zé, na hui, nac kou pugalé, nac hou servitour, nac hou matéh, nac heu lonnet, nac en estrangerion péré e chom gueneoh. Doué e lausq guet er Grechénion, el guet er Juivet, huéh dé eit gober ou labourien pamdièg, hac er Sadourn e zou unan ag en huéh dé-zé. Ur folleahé enta chongeal, èl ma ra hilleih, n'en dai quet mat commance labour er bet d'er Sadourn, na néein d'er Sadourn de noz, etc. Liès mad er sort tud-cé n'ou dès scrupul er bet eit lausquein labour ag er Sadourn beed er Sul d'ober, nac eid avance ag er Sul ou labour a ben el Lun.

Deu dra zou necessær eit santesiein er Sul: . 1º. Lausquein en dé-cé peb sort labourieu terrién; 20. En impléein de chervige Doué. 10. Réd-é lezel d'er Sul quement sort labour e ra un den eit gounid é vouéd, pé eit bout payet ; èl néein, brochennein, guentad, alége gran, charrèad, malein, pobad, etc., meitha requis vehai labourad en dé-cé. Par-exampl, n'en dai quet un droug laquad de séhein d'er Sul bugadeu e vehai é riscl a vraignein, charrai pé ahuélein foch péré e gommance tuffein; mèdein pé indram mell e ya de goll; pé gobér ul labour aral; mæs ordrénet-é goulen, mar eeller permission guet er Person. Dihuennet-é d'er Sul gobér foërieu, marhadeu, contradeu, guerhein ha prenein, meit ha requis vehai, rac ne vehai quet cavet en occasion un dé aral. Er Sul n'en dai quet groeit eit monet de giboes, eit gober voyagen, nac arrangein affærieu tampord. Peb-unan e zeli ag en dé r Sade

t chor

dé, hai

: mes

r; n. tui, s

teh . i

FILETUS

er Ji

q, k

əlle

10

quênt pouryæein én é diegueah bouéd d'el lonnet. deur, quenæd, ha tout er péh e vou ret tehou cavouét, eit n'en dou quin sourci en dé-cé meit chervige Doué: ha dré er memb ræzon, ne zeliér gobér d'er Sul nitra ag er peh e cell bout derænet beed el Lun. Er péh e laran eid er/Sulieu, e seell chué er Gouilieu miret. Dihuennettoh-é hogh én déieu santel-zé er horolleu, er festeu, en darempred ag en tavarneu, el leigneu bras, er chervadeu. en assambléieu safarus ha bobanceu er béd, hac é general peb sort desordr ha péhedeu aral; rac quement-cé e zistro mui a chervige Doué, eid el labour terrién, péhani a nehou é hunan e zou mat hac innocant; ha S. Augustin e lar é rehai en dud hilleih guel é labourad d'er Sulieu ha d'er Gonilieu. eit doh hum abus de veauein ha de goroll; hac é vehai honestoh d'er mèrhet boud é néein ou héguilliad, eit hum gavouét ér hompagnoneaheu debauchet.

2º. Réd-é impléein er Sul de chervige Doué, én ur obér ævreu a zevotion hac a Religion. En Ilis n'ordrén demb meid un dra d'er Sulieu ha d'er Gouilieu: assistein én Overèn. Mæs é gurionné ne vou hanni e gredou é heèllér santesiein un dé a bedair ær ar-n'uguent, dré un Overèn péhani ne bad quet guhavé un hantér-ær. Forh æz-é de bep-unan goud é houlèn guenemb en Eutru-Doué un dra benac opèn. Rac bout-ç'ou circonstanceu ma vér dispancet a gleuet en Overèn d'er Sul; ha neoah ne vér quet dispancet a santesiein en déieu consacret de chervige Doué. Bout-ç'ou enta un dra benac a béhani n'eèllér quet boud absolumant dispancet; de laret-é ehuehad dohemb hun hunan eit n'ossansehèmb quet Doué en dé-cé; hac impléein d'obér

Digitized by Google

ævreu a zevotion en amzér e chom guenemb arlerh hun occupationeu ordinær. Chetui lod ag en ævreu a zevotion e recommand temb er Religion én dé santel-zé: peb-unan zou libr de choæge er-ré e jaugeou muyan doh é stad hac é zispositioneu interior. Ne gonzan quet ag en obligation d'assistein én Overèn. N'en dès hanni ne ouair hoak é ma obliget iden boen a béhet de monet d'en Overèn-Brèd d'é Barræs, d'er bihannan a bep tri Sul unan: hac Ordrénanceu en Escobet a Uénèd e venace a escommuniein er-ré e vanq de guemènt-cé hemb escus mad er bet.

16. Er Religion e recommand assistein ér Gospereu hac Officeu aral, én Instructioneu, ér Hatechén, etc. 2º. Tostad, mar eeller, d'er Sacremanteu, eit trugairicad Doué ag er græceu receuet durand er suhun treménet, ha quemér nærh eid impléein mad en hani de zonnet. Ma n'eèllér quet covessad, examinein ahoël penaus é vai bet treménet er suhun; goulen guet Doué pardon ag er péhedeu e vai bet commettet; en trugairicad ag en ævreu mad e vai bet groeit, ha reglein penaus é telier bihuein er suhun de zonnet. 30. Peb-unan e zeli en déieu-zé studial é Religion; gobér ur reslexion benac ar é vuhé, leine, pé pedein unan-benac de leine dehou ul livr mat benac; laret er Rosær; mar bér tost d'en Ilis, monet d'adorein hur Salvér ér Sacremand ag en Autær; gobér er muyan e eeller a ævreu mat.... 40. En tadeu ha mameu ne fehent quet gober guel eid assamblein ou bugale hac ou serviterion, eid ou interrogein ar er peh e vai bet laret ér Hatechén, ér Pron, pé ér Perdèg... 50. Er-ré zou ér stad de rein alézon, e zeli er gobér é spécial en déieu-zé, pé ahoël dissorh a costé en alézoneu e fal dehai rein durand er suhun. 60. Rédé ehué visitein er-ré clan; laret tehai ur guir benac a gonsolation; ou désquein d'andur guet patiantæt ha resignation de volanté Doué; ou avertissein de govessad é cource, etc. Én ur guir, rédé, hum gomportein én ur fæçon ne vou pas memb nn ær ag en déieu santel-zé, ne vehai quet santefiet dré un exercice benac a zevotion pé a charité.

Péhein e rér inemb d'en dairvet Gourhæmèn: 1°. A pe labourér d'er Sul hemb necessité ha hemb permission; 2°. A pe vanquér hemb ræzon legitim a gleuet en Overèn, pé m'hé hleuér a gorv ha non pas a speret; 3°. A pe dreménér er rest ag en dé é debauche, é hoari, é coroll, pé é divertissemanteu aral ag er béd; én ur guir, a pe vanquér d'en deværieu hun nès expliquet, pé ma vér caus d'er-ré-

ral ma vanquant dehai.

Er Grechénion vad é santefiein er Sulieu ér mod m'hun nes laret, e denn benidiction Doué ar nehai hac ar ou madeu tamporel. Mæs er fal Grechénion péré ne seèllant meit doh er gustum hac exampl er - ré- ral, e brofitt ag er Sul eit commettein mui a béheden, eit n'ou devai groeit durand er Suhan. Diar sau en Overen, lod e ya d'en davarn, lod d'er fal gompagnoneaheu, lod d'er horolleu. Durand ma vent en Ilis, é vai ou deulagad é considerein pihue e vai gusquet brahuan : a pe zant er mæz, e vent e scellet men hum laquad eit bout guelet ... Durand en instructioneu, lod ne chongeant meid én ou labour, én ou danné hac ambarrass; lod aral én ou hoari ha divertissement. Cannein e rer guet en Ilis mélodi de Zoué de vitin, ha sonnenneu sot d'anderhue. Cheleuet e rér conzeu Doue de viun, ha bourden dishonest pe dangérus quénd en noz. Monet e rér, èl er-ré-ral, d'en Ilis guet un apparance bras a Religion, èl pe vehai eid adorein Doué; mæs mui a hoand e vehai de monet de certæn léhieu é péré é cavér perpet compagnoneah bourus hac amiabl... Ne zeliér quet bout souhet arlerh quemènt-cé mar dai fachet Doué dohemb, ha mar couén miserieu ar-n'amb. Ne rér quet goab a Zoué, ha nitra ne ouniér é monet inemp tehou. Ma ne buniss quet attau én ur fæçon splan ha visibl er-ré e vanq a santefiein en déieu consacret d'er chervige, ean er groei én ur mod benac abrèd pé dehuehad; ha sèl mui ma te-rænou, sèl terriploh vou en taul ag é vangeance.

#### ARTICL IV.

## Ag er bedairvet Gourhæmèn.

Tad ha mam a galon vat car, Aveit bihuein peel ar en doar.

En Ourhæmèn-zé e gomprén deværieu er vugalé é quevir ou zad hac ou mam: deværieu er Grechénion é quevir en dud a Ilis, hac er-ré en dès ar nehai un otorité tamporel benac: deværieu a vinouret é quevir ou goard: deværieu serviterion é quevir ou méstr: deværieu en dud youang é quevir en dud coh, etc. Comprénet-é ehué én-hi deværieu er-ré en dès un otorité benac é quevir er-ré zou idan ou berh; èl mei en tadeu ha mameu é quevir ou bugalé; er Vugulion ag en Ilis é quevir ou devèd, etc. É hamb d'expliquein er-ré principallan ag en deværieu-zé, berran ma vou possibl dembi

## 1º Deværieu er vugalé é quevir ou zad hac ou mam.

Goudé m'en dès Doué reglet temb dré en tair Gourhæmen quettan hun deværieu én é guevir, ean e gommance er Gourhæmeneu e seell hun Nessan dré reglein demb hun deværieu é quevir hun tad hac hur mam, de béré en hun nès muyan obligation arlerh Doué, hac ean e gommand temb ou harein a galon, ou respettein, sentein doh-t'ai, hac ou assistein revé er horv ha revé en inean.

evam mui cit hanni aral, non pas hemb quin cit dezircin dehai commodité, yéhæd ha contantemand ar en doar, mæs cit dezircin dehai græce Doué ér béd-men, hac er Baraou's ér béd aral. Er garantézé ne zeli quet enta boud én apparance hac a zianves cit hum gaërrad doh-t'ai, hac cit tènnein guet-t'ai; mæs ur garanté sincèr, ur garanté a galon revé ma command en Eutru-Doué: Tad ha mam a galon vat car... En hani e mour é dad hac é vam, é-mé er Speret-Santel, e zou èl un dén e zastum un tresor: can e gavou é ol joé én é vugalé, ha cheleues vou guet Doué én dé ag é bedèn.

2°. Er vugalé zou obliget de respettein ou zad hac ou mam. A pe gonzant, réd-é ou cheleuet; a pe gommandant, réd-é sèntein; a pe venaçant, réd-é dougein; a pe gorrigeant, réd-é profittein, hemb jamæs ou dambriss na gobér goab a nehai nac ou dilaret, meit-ha Lezen pé gloër en Eutru-Doué e ordrénehai quemènt-cé, ha hoah réd-é er gobér guet er brassan doustér hac humilité. Mar ou dès defauteu, réd-é ou suportein hac ou huhein, ne vern é péh stad en hum gavant, ha ni ehué; jamæs ne zeliamb ou dishanauein. Er-réen dès dougeance

Doué, e respett ou zud, é-mé er Speret-Santel; hac en hani e seell é dad hac é vam avel méstr en dés reit Doué dehou eit er hondui ér béd-men, e ra mour dehai dré é obéreu, dré é gonzeu, dré en doustér has patiantæd en dès én ou hevir. Un dra horribl-é guelet bugalé é tisprisein ou zad hac ou mam, é rein dehai goal seelleu, rescondeu drougueahus, é hoarhein ar ou defauteu, é hobér bourdeu malicius ar ou houst, e regarh guet-t'ai, é tezirein er marhue dehai, marcé memb doh ou scoein, etc. Él Lezèn ancién é hoai ordrénet laquad d'er marhue en hani e oai malheurus assès eit scoein é dad pé é vam, pé eit rein é valloh dehai.

30. Er vugalé zou obliget de sentein doh ou zad ha doh ou mam. Bugalé, é-mé S. Paul, aboeisset d'hou tad ha d'hou mam ol er peh zou reve Doué, rac quement-ce zou just .. Sentet parfætemant dohl'ai é peb tra, rac quement-cé e blige de Zoué. De laret-é, sèntet doh-t'ai ol er péh n'en dai quet inemp de Ourhæmeneu Doué na de ré en Ilis : ha mar dehènt a laret teoh gobér un dra benac dihuénnet, ret vehai rescond tehai guet S. Pierr, é ma justoh aboeissein de Zoué aveil d'en dud. Obliget vér de sentein ol er peh e seell en tiegueah hac el labour, ha hoah davantage ér péh e seell er vuhé vat. Rédé enta sentein mar ordrénant chervige Doué, monet d'er Hatechén, tostad d'er Sacremanteu, quittad er fal gompagnoneaheu, renonciein d'er fal hantiss ha deværranceu dangérus, etc. En aboeissance eit ma vou méritabl dirac Doué, e zeli bout prontt, joyus, carantéus ha hemb hum glêm. Mæs allas! haval vehai é vehai deit en amzér-hont a béhani é conz S. Paul: Donnet e rei, é-m'ean, un amzér 'é péhani é vou tud e hum garou ou hunan... tud glorius... diaboeissant d'ou zad ha d'ou mam, tud ingrad, hemb Lezèn ha hemb dougeance Doué. Él Lezèn ancien é hoai ordrénet d'en taden ha mameu péré en doai bugalé dissènt ha ne brezènt quet sboeissein goudé bout bet avertisset, ou hondui dirac er-re ancien ag er guær, ha laret tehai: Chetui hur mab péhani zou ahurtet ha dissènt; a p'en avertissamb, ean e ra goab a hanamb... Nezé er bobl ag er guær er golei a vein, hac el laquei d'er marhue... El-cé é punissait guharal er vugalé diaboeissant. Douget ehué; rac justice Doué ne change quet.

40. Anfin obliget-é er vugalé d'assistein ou zad hac ou mam revé er horv ha revé en inean. Soulaget hou tad én é oaid avancet, é-mé er Scritur, ha ne ret anguin er bet dehou durand é vuhé. Mar commance ponnérrad é speret, escuset ean ; n'en dispriset quet a gaus d'en avantageu e hoès drès-t'ou; rac er charité hou pou én é guevir, ne vou quet ancoeheit. Hum gomportet er memb fæçon e quevir hou mam, rac Doué hou recompançou ag er batiantæt hou pou bet é souffrein hé defauteu. Infammæd é en hani e abandonn é dad ; ha peguemend é ma méliguet dirac Doué en hans e laqua isprit é vam d'aigrein. Ur hroaidur zou obliget de zésquein é dad hac é vam . mar dint ignorant; d'ou avertissein de dostad d'er Sacremanteu; d'ou soulegein en ou hlinhueden. d'obér ou deværein prontan ma heèllou; d'obér dehai reglein ou affærieu é cource; de bayein ou delé, ha d'obér pedein aveit-t'ai durand ma vihuou.

Petra e larehèmb-ni hermen ag er vugalé dinatur péré e abandon ou zud én ou brassan dobér? Péré e zispign mal-a-propos én hoarieu, én tavarneu, é braguerisseu er péh e ouniant, hemb hum sourciein ag ou zud e lausquant marcé de zuein guet en nan, etc. Lod e zou crihoh hoah a galon, hac e lairou zud e zeliehent soulagein guet ou hani propr. Malheur d'er sort tud-cé: rac, é-mé er Speret-Santel, er malheurieu ne lameint jamæs a ziar ti en hani e rantt en droug aveid er mat. Ah! é-mé S. Bernard, calettæt vou Doné é quevir er-ré e vou bet calet é quevir ou zud.

2°. Deværieu en tadeu ha mameu e quevir ou bugalé,

En todeu ha mamen e zou obliget de zessau ou bugalé, d'ou instrugein, d'ou horrigein ha de rein

exampl vat tehai.

10. Ur voes saisi e zeli hum gonservein erhad, guet eun a vout multrerès d'er fréh e zoug itré hé digosté, dré ur molliah benac, dré un taul coler dré ivraignereah, dré brontitud, pé dré fantazi brutal ur pried rust hac infam. Quasi hanni ne vai goah ag ul labour reglet; mæs er Vedecinerion abil e lar é ma dangérus bras eid ur voès ér stad-cé néein guet ur rod, dibun pé pellenein næd, etc. A pe vai arrihue hé zermén, ne faut quet manquein a galhuein é cource unan abil benac d'hé secour. Me lar unan abil, rac ne faut quet hum fiein é certæn mèrhet péré e hum vantt é houiant tout, hac èl-cé e laq é dangér bras buhé er vam, buhé hac incan ur hroaidur. Hanni ne zeli hum vêllein ag er vechér-zé hemb congé er Person ag er Barræs, revé en Ordrénanceu ag en Escopti a Uénèd.

2º. Quentéh èl ma vai gannet ur hroaidur, ne zeliér quet tardein a obér er badéein: ne zeliér choæge eit bout Parén ha Marén meit tud houest hac a scuir vat; ha réd-é dihuèn doh-t'ai a er bass ag en Ilis d'en davarn. Dihuènnet-é ehué doh en tad ha doh er vam a el laquad de gousquet ér gulé guet-t'ai quent dé ha blæ, idan boén a escommu-

nication. Ne zeliant quet hoah el lausquein é hunan, pé idan goard bugalé distér-aral, péré en dehai mui a sourci a hoari eid a nehou, guet péré é cèl-

lehai couch ha bout marce estropiet.

30. Un tad hac ur vam e zou obliget de zessau ou bugalé, de laret-é, de bourvæein dehai bihuance ha gusquemant revé ou moyant. Ret vehai bout dinaturroh eid ul Lion eit manquein d'en devær-zé. -Ma ne hoès quet int maguet, é-mé S. Ambroës, hui e hoès int lahet.. Guæd e uélér neoah a dud ivraign, ha dispignerion, péré ne chongeent meid a hum zivertissein, durand ma vai ou famill é tuein guet en nan; ha hoah ne faut quet hum glêm na demantt. Peguemènt hoah a dadeu avar en dès mui a sourci ag ou lonnet, eit n'ou dès ag ou bugalé? Petra laret ag er mameu e lausq ou bugalé de vrei-. gnein én ou lousteri, de vout daibret guet en anstu. e dro cain dehai eit daibrein er peh e ra vat d'ou halon, pé ou lausq de grial durand ma ridant a di de di de durantal un tam mat benac? Petra laret chué ag er-ré e zimé un eil guéh, hac e abandon liès mad ou bugalé quettan eid er-ré dehuehan? Queih vugalé! ar nehai é couéh tout er béh, el labour calettan, er fallan e zou perpet eit-t'ai. Ou diméein e rér prontan ma heèllér, eit bout digarg a nehai, ha liès mad hemb goulen guet-t'ai hac ind zou coutant.

Hilleih e gouch en ur scossel aral quen dangerus. Rac é sigur m'ou dès bugale de zessau ha d'avance, ne guemérant quet en ouar de bedein Doué, ne parnant na Sul na Gouil el mei deliet, ne rant repos er bet d'ou zud; réd-é m'ou dou danné ne vern penaus é teint: réd-é ma vou pihuiq ou bugalé, hac é teliehent-int hum zannein. Queih tud! mar laus-

quet hou pugalé de vout fal, ind ou dou perpet rai a zanné; mar ou dessauét é dougeance Doué,

ind ou dou perpet asses.

40. Peb-unan zou obliget de bourvæein d'é vugalé ur gusquemant honest revééstad hac é voyand. Rac ur sotiss-é ou laquad de vragal eit en dout gloër guet-t'ai, èl ma ra ul lod vat péré e olo ou ré a sei hac a zantell, eit ma veint seellet. Lod aral n'ou dès quin pen-conz meid ag ou bugalé, ha ne yehait quet deit mat guet-t'ai, ma ne laret é mant brahue, é mant dresset el ma faut. Hilleih e gass ou ré de ziscoein d'en assambléyeu, hac e hum gav payet mad ag ou foen, mar cleuant ou mêlein. Én ur guir, en darn-muyan e ra d'ou bugale a vihan leconnieu a vanité; ou désq de garein er braguerisseu ha modeu er béd, doh ou mêlein a p'ou devai treu nehué, é vantein dehai er bobanceu, é tisprisein dirac-t'ai er-ré e vai fal usquet, etc. Ne faut quet enta bout souhet mar dai quer sodet er youantiss guet braguereah ha vanité. Gusquet-int honest ha modest : rac en honestiss hac er modesti e zou vertuyeu; mæs er vanité, el lux hac en divodestiss e zou vinceu. Ne zeliér quet rein de unan mui eit d'un aral; rac er garanté en dès un tad pé ur vam doh ur hroaidar mui eit doh é verdér, e denn liès de ivi, de gaz, de valice, de scandal, ha goah guhavé. Er Patriarch Jacob n'en doai reit d'é vab Jogeb nameid ur sai un tamiq brahuoh eit d'é vugalé aral; ha quement-cé e oai bet caus ma queméras é verdér caz doh-t'ou.

50. Un tad hac ur vam e zeli désquein é cource ou bugalé de boéniein ha de ounid ou bouéd : rac mar dai dangérus ou occupein a gommance guet labourieu rai calet, dangerussoh-é hoah ou lausquein de boëz é sigur ma vent én un oaid tinér. En arouaredigueah e zou perpet dangerus, é spécial eit tud youang, ha memb eit bugalé. A pe za en oaid tehai, é ver obliget de seellet de beh stad é mant galhuet : réd-é ou éprouvein, mæs non pas ou forceins de laret-é, ne faut quet attau ou lezel de monet d'ou fantazi; mæs ne faut quet ehué ou hontraignein de monet inemp d'ou volanté. Rac, é-mé er Scritur, un tad hac ur vam e eèll rein ti ha danné d'ou bugalé: mæs ac Zoué-é rein dehai ur parti guet péhani é heèlleint hum salvein. Réd-é pourvæein d'avancemand ar hroaidur, ha rein un danné benac tehou; mæs ne faut quet grateah hemb intantion de rein, na mui eit n'eeller rein, na manquein a rein er peh e vai bet grateit. Réd-é partagein just é lod de beb-unan revé Doué, ha rein dehai er moyand de vihuein el tud honest. Ne laran quet neoah rein en tout dehai; rac, é-méer Speret-Santel, durand hou puhé ne ret quet d'hou mab... otorité arn'ah; ne ret quet er péh e hoès d'un aral, guet eun n'hou pehai quæ, ha ne veheoh obliget goudé d'er pedein de rein deoh ....

60. Un tad hac ur vam e zou obliget d'instrugein ou bugalé. En hani, é-mé S. Paul, ne guemér quet sourci ag é ré... e renonci d'er Fé hac e sou goah eid un Infidel. Nitra inouraploh de Zoué eit formein dehou serviterion mat: ha pihue er groei guel eid en tadeu ha mameu? N'en dai quet erhoalh ou désquein de ounid ou bouéd: necessærroh-é hoah ou ansaignein d'obér en affær-hont péhani zou hé hunan necessær. Réd-é enta ou désquein é cource d'obér Sign er Groès, de brononcein guet respet en Hanhue santel a Zoué, d'er pedein guet devotion. Réd-é rein dehai d'antand é mant crouéet

Digitized by Google

non pas eit hoari ha hum zivertissein, 'mæs eit hanauein, carein ha chervigein Doue, ha dré er
moyand-cé bout heurus guet-t'ou én é hloër. Réd-é
expliquein dehai, guetlan ma heèllér, Misterieu en
Drindet santel, en Incarnation hac er Redamption;
conz tehai liès ag er pedair fin dehuehan, ha profittein ag en accidanteu, ag er miserieu ag er vuhémen eit ou disposein de garein er vertu ha de
guemer caz doh er péhet, péhani zou pen-caus d'en

drougueu e arrihue guet mab-den. A vusul ma cresquant én oaid, r

A vusul ma cresquant én ooid, rédé ansaignein dehai guet brassoh sourci en obligationen hun nès de Zoué; ou désquein d'obér tout én é hloër, de gomprenein é Ourhæmeneu ha ré en Ilis, eit ma tihoalleint doh er péh çou dihuénnet, ha ma reint erhad er péh çou commandet. Rédé ou désquein d'assistein guet devotion én Overén, de hum zerhel guet respet én Ilis; ansaignein dehai er fæçon de govessad, ou hass abrèd ha liès; dihoal a vourdal dirac-t'ai ar er Govezion, a ou attahignal ar guement-cé, a ou menace ag ou Hovezour nac a obér eun dehai ag en dud a Ilis: rac quemènt-cé zou caus de hilleih a sacrilegeu. Rédé ehué ou hass é cource d'er Hatechén ha d'er scol a guemènt ma vai possibl.

A pe gommançant hanàuein er béd, sourci bressan un tad hac ur vam e zeli bout d'ou avertissein de zerhel doh en hènd mat, de reglein ou buhé doh er gurionnéeu e zésquér ér Hatechén, de laquad ou studi principal de bligein de Zoué, de zihoal doh er fal gompagnoneaheu hac a hantein er-ré mechant, en ul larct tehai er honzeu-men ag er Scritur santel: Me hroaidur, mar clasq er béherion hou counid dré gonzeu caër, ne sèntet quet doh-

Lai, ne yet quet guet-t'ai, ne laquet quet hou troæd en hènd ma quérhant; ne yant meu d'obér droug. É gurionné, un dra horribl-é guélet é péh fæçon é vihue en dud youanq assambl. Ne uélér guet en darn muyan meit hantiss dangerus, meit gesten dijauge, meit bouffonnereaheu méhus, meit bourden infam, etc. En tadeu ha mameu n'en dint quet hemb goud quemènt-cé; hac hanni ne ra cas. Ah! bugalé, é-mé er Speret-Santel, beèd pegource é carehait hui en amouèdage? Beèd pegource er-ré hemb speret é tezureint ind er folleah ag er béd péhani ou holl? N'en dai quet quemènt-cé e hoès grateit de Zoué én hou Padiènt.

7°. Un tad hac ur vam e zou obliget d'avertissein, de gorrigein ha de gastiein ou bugalé revé
Doné. Ne zouget quet castiein ou croaidur, é-mé
er Speret-Santel, rac mar er fouettet, ne varhuou
quet... ha hui e breserv é inean doh en ihuern. Plæguet ean enta a youanq... guet eun ne yehai ha calettat, ne vanquehai a sèntein dohoh, ha ne zehai de
vout shif hac anquin hou calon. Er-ré n'ou horrigeant quet, n'ou harant quet; mæs er-ré ou har,
e laqua poén é peb momant d'ou ansaignein... Mar ou
lausquet de monet d'ou chonge, hui hou pou méh guett'ai. Mar ou désquet erhad, int hou consolou én hou
poénieu.

Réd-é enta avertissein er vugalé; rac mab-dén, é-mé er Scritur, e zou douguet d'en droug a vihan. Mæs mar guélér ne rant cas arlerh meint bet avertisset ur uéh pé dihue, réd-é ou hastiein guet doustér ha caranté, eit corrigein ou vinceu, eit ou laquad de vout mat, parfæt ha santel. Doué e gommand ou hastiein; mæs ean e zihuèn a er gobér dré golèr, dré gaz, dré amportemant, dré fantazi, dré fal imur, etc. N'en dai quet erhoalh fouëttal na

corrigein; réd-é er gobér a balamor de Zoué, hac ér mod ma command en Eutru-Doué. Malheur enta d'en tadeu ha mameu péré é sigur corrigein ou bugalé, ou ra d'en diaul, e zezir er marhue pé un droug horribl benac dehai, e ra ou malloh dehai.... Er vugalé, é-mé S. Chrisostom e vou lén ag er goal-speret, a pe vai ou zud malheurus assès sit ou rem dehou. Benidiction un tad, é-mé er Scritur, s laq ti é vugalé de vout sonn: mœs malediction ur vam en distruge a blad-nuah. Hui è zezir droug d'hou pugalé! Doué e rei deoh hou coulèn: droug e artihuou guet-t'ai abrèd pé dehuehad.

Ne faut quet castiein bugalé ma n'ou des méritet ha hemb ræzon : ne faut quet ou goal drætein nac ou bourreauein é sigur ou horrigein: mæs rédé ou hastiein revé er ræzon hac ou oaid, guet un douster ferm, guet caranté doh Doué ha doh-t'ai, eit ma veint guel, parfættoh, santelloh. A pe uélér guet-t'ai un dra benac e eèllehai ou doug d'offancein Doné, réd-é ou avertissein guet doustér, ou menace guet caranté, ha mar bai ret, ou hastiein eit Doué: rac ne zeliér quet scoein hemb avertissein ha laret perac vai. É gurionné, ne ouzan quet penaus hanhuein certæn tud-ç'ou péré eid un nitraig ma vang ou bugalé, e sco ar nehai goah eit pe vehent lonnet brutal; ha ne rant cas eit ou guéleté péhein: ind e gav memb ur bourd ma houvant offancein Doué. O tud hemb Religion!

8°. Anfin un tad hac ur vam e zou obliget de rein scùir vat d'ou bugalé; de laret-é, ou désquein mui dré ou obéreu eit dré ou honzeu : rac, é-mé S. Leon, en exampleu e zou creihuoh eid er honzeu. Dihoalleènt enta, é-mé S. Jerom, ne uélehai ou bugalé guet-t'ai un dra benac e vehai occasion

dehai d'offancein Doué. Caër en dou un tad hac ur vam rein aviseu santel d'ou bugale; mar dislarant ou honzeu dré ou obéreu, ind e rei, peb-unan d'é sort, goah eit pe larehent gronce dehai gobér en droug. Caër ou dou mêlein dehai en tamperance, er vertu a burtæt, ma ne uélant guet-t'ai meit debauche, chervad, ivraignereah, gesteu dijauge, actioneu impudiq, etc.

N'en dai quet erhoalh de dad ha de vam rein scuir vat dien bugale, réd-é hoah ma spieint erhad doh-t'ai eit ne veint quet couchiet dré oal-exampl er-ré-ral. Rac er goal speret e hum chervige ag en dud memb eit coll en dud; he liès ean e goll ér mæz er-ré n'eell quet coll én ti. Ne faut meid ur hroaidur couchiet en ur hanton, eit couchi ol erré-ral: rac er goal exampl, ha conzeu en dud lous èl ur gangrèn e ouni ol ur hartér, é-mé S. Paul. Eit miret doh un droug quer bras, un tad hac ur vam ne zeliant jamæs laquad ou hugalé de gousquet guet-t'ai, na pautret ha merhet assambl, nac ou lausquein, a guement ma heèlleint, de monet de hum zivertissein, de hoari, de oarn el lonnet assambl: rac, é-mé er Hatechén, en hantiss a dud youang pautret ha merhet hardéh en eil doh éguilé. e zou un occasion tostan a béhet, doh péhani é vér absolumand obliget de beellad, Hilleih e ouair quement-cé ar ou houst, ha neoch n'en dint quet sourciussoh ag ou bugalé. (Ar er fæçon de zessau er vugalé, ha memb de bratiquein Gourhæmeneu Doué ha ré en Ils, leinet Magasin spirituel er Beurerion. )

Tadeu ha mameu, chetui ou teværieu principallan é quevir hou pugalé. Dessauet int, instruget int, corriget int, reit perpet exampl vat dehai. Rac eit boud intsortiet a hou ti hac a-zan hou perh, n'en doh quet hoah digarg a nehai. Obliget - oh hoah de seèllet penaus en hum gomportant, ha de rein dehai en aviseu mad e gavehait necessær. A pe santehait é tostei deoh er marhue, galhuet ind eit rein dehai hou penidiction, èl er Patriarch Jacob. Ne ouheoh quet testamandein dehai nitra gùel eid en aviseu e ras en den santel Tobie d'é vab quênt merhuel.

merhuel. « Me mab, é-m'ean, laqueit donn én hou calon « er péh e laran dcoh : A p'en dou Doué receuet a me inean, interret me horv; inouret ha respettet a hou mam durand ma vihuou... Chonget é Doué w hamdé, ha dihoallet a gousantein jamæs d'er péa het, hac a vanquein de Ourhæmeneu hun Doué. Reit en alézon ag er péh e hoès, beaih charitabl « ér mod ma heèllehait. Mar e hoès hilleih a zanné. « reit hilleih a alézon : ma ne hoes quet calz, reit « a volanté vat ag er péhiq e hoès... Rac en alézon « e zelivr ag er péhet hac ag er marhue, ha ne « lausquou quet un inean de gouéh en tihoeldæd a ag en ihuern. Dihoallet doh peb sort lousteri a « baillardiah ; no lausquet quet er golèr de ounid « hou speret nac hou conzeu. A p'en dou unan-. benac labouret eid-oh, payet ean quenteh... Di-« hoallet a ober jamæs d'er-ré-ral er péh ne gareheoh quet ma vehai groeit deoh : goulennet per-« pet conseil guet un den parfæt hac aviset mat. Mélet Doué é peb amzér; pedet ean d'hou condui a attau dré en hend mat : me mab, ne zouget quet; « guir-é é homb peur; mæs ne vou quet danné e vanquou demb, mar hun nes dougeance Doué, « mar hum viramb doh peb sort péhet, ha mar groamb æyren mat. » O caërræd un Testamant!

## 3º. Hun Deværieu e quevir en dud a Ilis.

Er bobl e zeli d'en dud a Ilis inour, respètaboeissance hac assistance.

10. Réd-é inourein en dud a Ilis hac ou respettein: rac ma talhant leh Jesus-Chrouist ar en doar; rac m'ou dès receuet guet Doué puissance hac otorité ol ar-er péh e gondui d'en Nean; rac m'en dint hur Bugulion spirituel, ha Medecinerion hun ineanneu; rac m'hun nès én ur fæçon brassoh obligation dehai eit n'hun nès d'hun tad ha d'hur mam. dré m'en des reit Doué demb dré ou deourn madeu preciussoh eid er-ré en dès reit temb hun tud. Ne faut quet hou disprisein é sigur m'en dint sauet a dud peur, pé rac ne vihuant quet revé er santeleah ag ou stad. Rac Jesus-Chrouist n'en doai chomget meit tud peur eit boud é Apostolet; ha ne larér quet deoh é teliet inourein er Velcan rac m'en dint a noblance pé a leigné vras ; mæs rac ma talhant leh Jesus-Chrouist. Mar ou des defauteu, hui e zeli chairrein hou teulagad ar nehai, ha non pas ou décriein nac ou disprisein én hou calon; rac en disprisance e rer ag en dud a llis e ya peelloh eit ne chongér, a p'en dai guir en en dès hur Salvér laret tehai: En hani hou tispris, em dispris mé; hac en hani em dispris mé, e zispris Doué me Zad, péhani en des men degasset ar en doar. En disprisance e rér ag en dud a llis hac ag er peh e ansai gnant, e zou ur merche en hum goll er Religion en hur mésq.

29. Réd-é aboeissein d'en dud a Ilis ér péh e seell hur Salvedigueah. Aboeisset d'hou Pugulion spirituel, é-mé S. Paul, ha sèntet doh-t'ai ér péh e lareint teoh: ind ou dès ou deulagad attàu ar-n'ah hac e zihoal dohoh; rac ma teliant daccor contt de Zoué a hou c'ineanneu. Ne uélér neoale meit rai a dud péré e hum san inemp d'ur Person rac ma ra é zevær, péré e gav un taul caër en anjuliein ha gober er hontrel d'er peh e ansaign. Er sort-zé e zou caus ma couéh vangeance Doué ar er-ré-ral ou souffr hac ou cheleu. Ne fall quet deoh sentein doh Bugulion mat ha santel! lamet veint gueneoh, é-mé un Doctor bras (Origen), ha nezé é harrihuou gueneoh en amzér-hont a béhani é conz er Profæt Amos: Me zegassou, é-mé en Eutru-Doué, ur guêrteri ar en doar; non pas ur guêrteri a vara hac a zeur; mæs ur guêrteri a gonzeu Doué. Deit-é just en amzér-zé bermen. Er vugalé en dès goulènnet er bara a gonzeu Doué, é-mé Jeremi, ha ne oai hannide drohein dehai.

James neosh en oboeissance d'en dud a llis ne zeli boud ar goust hou c'inean. Rac mar behai hanni malheurus assès eit hou solitein d'obér droug, ne sèntet quet; ne gueméret quet scuir ar en droug e rant, mæs groeit, é-mé hur Salvér, er mad e ansaignant... Rac en hantou cheleu, em cheleu mé...

3º. Réd-é assistein en dud a llis; de laret-é, pourvæein dehai ou bihuance hac ou necessær. Er Velean péré e hum aquitt erhad ag ou harg, é-mé S. Paul, e zeli boud doublemand mouret ha recompancet, é spécial er-ré e laq poén de berdég ha d'ansaignein er bobl; rac peb mechérour e veritt é recompance. Mar hun nès reit deoh er madeu spirituel, n'en dai just m'hur bou hur bihuance tamporel? Dén ne ya d'arad hemb espérance a æstein; dén ne blantt ur uniêq, hemb boud ingorto a brofittem. S. Paul e ra d'antand é ma bet ordrénet a viscoah rein ou bihuance d'er Velean, ha payein en deaugueu d'en

Ilis. Ne dardet quet a bayein en deaugueu hac er premidi, é-mé Moys d'er bobl Juiv, rac en deaugueu ag en doar e zou deliet de Zoué. Anfin er Speret-Santel ne laqua meit Doué é-raug er Veleon s Douget en Eutru-Doué ag en dondæd a hou c'inean, ha respettet er Velean: caret hou Crouéour, ha n'abandonnet quet er Velean: inouret Doué a greis hou calon, groeit inour d'er Velean ha payet en deaugueu èl m'en dai ordrénet. (Eccl. 7. V. 31.)

Ne hum arestamb quet amen de verchein deværieu er Vugulion spirituel é quevir ou devêd. En ol e ouair é mant obliget: 1° De rein exampl vat d'er bobl; 2°. d'ou instrugein; 3°. d'ou secour; 4°. de bedein aveit-tai.

# 4°. Deværieu er bobl é quevir er-ré zou carguet a gondui ou affærieu tamporel.

Ne hum arrestehemb quet ehué d'expliquein en deværieu-zé. Asses vou laret de bep-unan é ma obliget de respettein er-ré en des berh ar nehou, èl mei en dud a Justice, hac en Duchentil de béré é ma chuget; d'aboeissein dehai ér péh e seèll ou otorité, non pas dré zougeance a vout punisset, mæs a volanté vat hac a balamor de Zoué péhani e ordrén quemênt-cé; de bayein dehai perhuéh-mad en taxeu ha droædeu aral; de bedein Doué d'ou honservein; de zihoal a vurmurein inemp tehai, a oal gonz a nehai hac a ou zroublein én exelcice ag ou hargueu....

Deværieu en dud é carg é quevir ou sujité, e zou conservein er peah, rantein Justice de bep-unan, punissein en dorfæterion, recompancein er vertu, ampeche hac arrest er scandal, gobér miret Lezèn

Doué, Lezèn en Ilis, hac en Ordrénanceu; anfin gobér bonheur ha lehuiné er bobl....

Deværieu minouret é quevir ou goard n'en dint quet dihaval doh ré er vugalé é quevir ou zad hac ou mam: hac ur oard e zeli en doud ag é vinouret er memb sourci e zeli un tad hac ur vam ou doud ag ou bugalé. Ur oard e zou neoah obliget d'en doud ur soign particuliér a zanné é vinouret, ha de glasq moyandeu just ha legitim eit ou laquad de brofittein, pé de zoug rantt...

En dud youanq, revé S. Paul, e zeli considerein en dud coh èl ou zud, ou inourein, ou respettein, suportein ou de fauteu, hac ou assistein, a guemènt ma heèllant, en ou dobérieu. En dud coh e zeli considerein er-ré youanq èl ou bugalé, ou désquein de zisprisein er béd. de bratiquein er vertu, ha rein

é peb mod exampl vad dehai.

Er beurerion è zeli goud grad d'er-ré ou secour, rantein chervige dehai a pe cellant, ha drès peb tra pedein Doué cit-t'ai. A fæd er-ré n'ou secourant quet penaus-benac m'ou des er moyant, ind e zeli perpet ou inourein, ou respettein; dihoal erhad a vurmurein hac a hum sehuel inemp tehai. Expliquet hun nès en ur gonz ag en alézon, deværieu en dud pihuiq é quevir er beurerion. Me lausq ehué beèd en explication ag er Sacremand a Briedereah, de gonz a zeværieu en dud diméet en eil é quevir éguilé.

# 5°. Deværieu er serviterion é quevir ou méstr.

Stud er serviterion e zou psud scunnoh eit hani er véstr. Ur servitour n'en dès de rescond meid a nehou é hunan: mæs ur mæstr en dou de rescond a nehou hac a guemènt hanni zou idan-d'ou. Er serviterion e zeli enta considerein é ma Doué en dès int laqueit ér stad-cé, ha hum aquittein erhad ag ou deværieu, péré zou carein ou méstr, ou respettein, aboeissein ha bout fidel dehai.

- 10. Ur servitour e zeli carein é véstr; dezirein dehai er madeu éternel hac er madeu ag er vuhé; assai ou gounid de Zoué dré é gonzeu mat, dré é Bedénueu, ha dré en exampl caër ag ur vuhé santel. Ean e zeli ehué conz mad a nehai partout; excusein ou defauteu guellan ma heèllon, hemb jamæs dizolein nitra ag er péh e bass én ti. Rac méliguel-é, é-mé er Speret-Santel, ur raportour hac un dén a zeu dead, rac ma laq en dissancion itré er-rê e oai é peah.
- 2º. Ean e zeli ou respettein, ou rescond guet doustér, conz a nehai guet inour; ha mar behai requis tehou ou dislaret, ne zeli er gobér meit guet er vrassan humilité, en ur chongeal é ma Doué en des reit tehai otorité de gommandein. Er respèt-zé e zeli neoah bout revé Doué. Rac pe zehai d'er véstr commandein un dra benac contrel de Lezen Doué pé de hani en Ilis, er serviterion ne zeliant quet aboeissein; ret vehai quêntoh ou huittad, hac é teliehènt-int coll ou gobr.
- So. Ur servitour e zeli aboeissein d'é véstr. Serviterion, é-mé S. Paul, aboeisset d'hou méstr tamporel, guet dougeance, guet respèt, guet ur galon simpl, èl de Jésus-Chrouist memb. N'ou cherviget quet hemb quin rac m'en dint doh hou seèllet, èl pe vehai d'en dud é falehai deoh pligein; mæs hum gomportet èl serviterion mat de Jesus Chrouist; groeit quement-cé a galon vat, ha hui e rei volanté Doué... Rac ma housoh é rei Doué deoh é héritage aveit recompance. Serviterion, 6-mé S. Pierr, aboeisset

d'hou mestr guet un dougeance vras, non pas hemb quin d'er-ré sou douce ha patiant, mæs memb d'er-ré sou rust ha diæz; rac un dra agreabl de Zouéé suportein a gaus tehou en ol afflictioneu e rér demb souffrein hemb ræzon.

- 4º. Er serviterion e zou obliget de vont fidel d'ou méstr. Jamæs ne zeliant gobér gueu doh-t'ai, na rein nitra ag en ti hemb permission, na lezel hanni, pas memb er vugalé, d'obér domage er bet dehai, na quemér nitra dré-zan dourn, pé é sigur hum zigoil, rac ne gavehent quet en ou dehai gobr assès, pé eit gobér chervad, na memb eit rein en alézon. Ind e zeli campènnein d'ou méstr, hemb discouffi nitra; labourad èl pe vehai eit-t'ai é labourehent, revé Doué: ha mar guélant er serviterion aral, pé memb er vugalé ag en ti doh hum zirangein pé é laireah ou méstr, ind e zeli miret pé shoël avertissein. Rac mar lausq ur servitour gobér gueu doh é væstr, obliget vou de restituein.
- S. Paul e ourhæmenai d'é ziscipl Tite désquem er serviterion de voud aboeissant d'ou méstr, de blæguein dehai é peb tra, hemb ou distaret, hemb gobér gueu doh t'ai; mæs de rein dehai é peb occasion ur merche ag er vrassan fidelité, a-celfin ma hinoureint é peb tra Doctrin Doué hur Salvér. S. Paul e ra splann d'antand a-zé é ma doh hum aquittein erhad ag ou deværieu é consist er vellan devotion eid er serviterion. Hum drompein e ra enta er-ré e hum glem rac ne rér quet dehai amzér d'ou chonge de laret hilleih a Bedénneu; rac n'eèllant quet cleuet dihue pé tair Overèn bamdé, na mouet a pe garant d'en Ilis, na bout d'er Sul ha d'er Gouil a vitin beèd en noz én ou devotioneu, etc. Doué ne oulen quet quemênt-cé guet-t'ai: ha serviterion guet de-

votioneu pennadus el-ce e zou lies caus d'ou mestr, de golèrein, de douyet, de zecriein en devotion, ha de vlassemein inemp de Zoué ha d'é Lezèn. Ne vou enta meid é haccomplissein ou obligationeu ér mod m'hun nes laret, é reint inour de Zoué ha d'en devotion.

## 6°. Obligationeu er véstr é quevir ou serviterion.

Er véstr a dieguesh e zeli bout, revé S. Augustin, bugulion santel ou zud, eid ou hondui hac ou désquein erhad, aveit ma taccoreint de Zoué pr gontt vad ag er-ré zou idan-d'ai. Obliget-ind enta de gonsiderein: 10. Penaus ou serviterion e zou bugalé de Zoué ha mambreu de Jesus-Chrouist quer clous èl d'ai, é mant ou berder, hac en ou dès én Nean an Tad cummun, péhani ne seèllou quet doh er-ré en dou commandet, na doh er-ré en dou cherviget, mæs e rei de bep-unan er recompance en dou meritet én é stad. 20. Obliget-int de zihoal ne vehai hanni én ou zi ne ou yehai quet er Misterieu principallan ag er Religion, hac er péh zou necessær eit bout salvet; ha mar behai unan benac elcé, ind e zeli er hass d'er Hatechén, pé en désquein int-memb. 30. Ind e zeli gobér ma vou laret er Beden assambl de noz ha de vitin, ha laquad poén ma tostei liès ol ou zud de govessad 40. Ne faut quet lezel hanni a nehai de goll en Overen d'er Sul ha d'er Gouil, na hanni de labourad en déieu santel-zé: é contrel, réd-é gobér dehai monet d'en Officeu, d'en Instructioneu ha d'en De votioneu aral ag er Barræs. 50. Er-ré zou ér stad bac én oaid, e zeli yun en déleu ordrénet dré en Ilis. 6°. Eid ou

distroein ag er fol deværranceu ag er béd, ingageent ind de hum laquad en ur Verdiah benac a zevotion, eit m'ou dou mui a gourage d'obér ævreu mat. 70. Ne souffreent jamæs hanni én ou zi de douyet, de sacrein, de vlasfæmein, na hanni e gonzon sot, pé e rei un dra benac dijauge ha dishonest. Er mæz e zeli bout d'er sort tud-cé. 8º. Ne zeliant quet ehué andur én ou zi hoari fal eit coll argant, na tolp digampen er bet, na coroll, na filage. 90. Jamæs ne zeliant andur é mésq ou zud fal livreu péré e gouchi en isprit hac er galon; mæs ind e zeli ou doud ul livr mat benac, hac en ou discueli, pé a pe veint ol assambl, unan e leinou a voéh ihuel eit ma cleuou er-ré-ral. 100. Ma ne brez quet er serviterion arlerh m'eint bet avertisset, hum quittein ag ou deværieu, pé torrein ou fal daicheu, pé renonciein d'er fal hantiss, pé d'er fal gompagnoneaheu, réd-é rein ou hongé dehai, coustect e goustehai.

Charles Boromé en drivet Concil a Vilan, d'er véstr é quevir ou zud. Mæs Doué er Scritur santel, e ordren hoah dehai: 1°. l'ayein perhuéh mat gobreu ou serviterion, a pe veint paré. Ne oarnet quet gueneoh, é-m'ean, beèd en trenoz payemand en hani en dès labouret eid-oh.. Hou peèt chonge, é-mé S. Jâq, penaus er payemand e zalhet gueneoh hac e zou deliet d'er ré en dès chairret hou ç'æst, e gri inemp teoh, hac er hri zé e zou oueit bet-ha discoharn hun Doué. Quemènt-cé e ra reih d'antand ne zeliér gobér gueu er bet doh er serviterion, na tardein rai a bayein dehai ou gobreu, etc.

20 Commandet-é ehué d'er véstr carein ou serviterion. Ne oal drætet quet ur servitour péhani e labour guet fidelité, é-mé er Speret-Santel, nao ur gounidec péhani e hum ra tout deoh... Caret ean èl oh hou c'hunan, ne refuset quet dehou el liberté e veritt, ha n'el lausquet quet de gouéh é peuranté. Mar da d'ou serviterion gobér ur faute benac, ind e zeli ou avertissein guet charité ha non pas guet colèr.

30. Anfin er véstr e zeli, èl en tadeu ha mameu, rein exampl vat d'ou serviterion. Ind e zeli boud ér-ré guettan é hobér er péh e ordrénant dehai ; dihoal a ou anjuliein, a ou goal drætein, a douyet hac a golèrein guet-t'ai. Malheurussæd-é er véstr péré ne hum sourciant quet péh buhé e gonduiou ou serviterion! Hac é vehent int touyerion, blasfæmerion, paillardet, ivraignet, debauchet, hemb Lezen na dougeance Doué, ne rant cas er betimeit ma reint ou labour. Miseraploh-é hoah er-ré e vehai fache guet-t'ai ou doud én ou zi tud honest, tud fidel de chervige Doué de noz ha de vitin, de dostad liès d'er Sacremanteu; etc. Ne fal dehai ou dout doh ou chervige meit tud ou secourou de sal obér, .de drompein, de laireah, de fraudein, ha d'obér ful droyeu aral. Méh em behai é conz ag er-ré e glasq esprès tud corromplet, eit ma caveint æssoh en tu de goutantein ou inclinationeu infam.... Jugemand er-ré e gommand, e vou er halettan.... Hac en tourmant brassan e vou eid er-ré puissantan, 6mé er Scritur santel.

Péhein e rér inemp d'er bedairvet Gonrhæmen, a pe vanquér d'en deværien hun nès-merchet amen. Doné en dès grateit er vuhé éternel ér béd-hont, d'er-ré e hum aquitt a nehai, hac ér béd-men bénidictionen tamporel: mæs er-ré e vanq dehai, e zou menacet ag er marhue éternel, ha liès vangeance Doné e gouéh ar nehai ag er vuhé-men.

Digitized by Google

١

### ARTICL V.

## Ag er bempèt Gourhamèn.

Ne veès multrér de zén er bet A yolanté nac a effæd.

Douz dré er Ourhæmèn-zé e zihuen dohemb a hum lahein ni memb, a lemel dré hun otorité propr er vuhé guet hun Nessan, hac a vout caus dehou de béhein é fæçon er bet; hac ean e ordrén demb dezirein ha gobér d'hun Nessan en ol vad e zeziramb hac e rehèmb demb-ni hun hunan revé Doué, ér mod m'hun nès laret én articl ag er Garanté a Grechéneah.

1°. Dihuènnet-é dohemb dré er bempèt Gourhæmèn a hum lahein ni-memb, a hum vlessein, a oher gueu én ur mod benac doh hur yéhæd, a hastein hur marhue dré reforcereah, pé dré zebaucheu, pé memb dré gastimanteu rust ha diavis, a zezirein er marhue demb-ni hun hunan dré imur pé dré zésespoër, etc. Guæd e zou cablus ér poénd cé!

20. Dihuènnet-é dohemb a lemel dré hun otorité propr er vuhé guet hun Nessan, a hastein é
varhue é mod er bet, a er scoein, a er blessein,
a zezirein er marhue dehou dré fal imur, pé eid en
doud é zanné, c oarn ivi, pé caz, pé malice doht'ou, rac, é-mé S. Yehàn, en hani en dès caz
doh é Nessan, e zou ur multrér. Dihuènnet-é ehué
a gonseillein d'en Nessan gobér un droug benac
d'un aral én é gorv; a en doug de golèrein doh un
aral, pé de hum vangein ar nehou. Multrér vér
hoah a pe vanquér é quevir en Nessan de certæn
deværieu a justice pé a charité, ha ma ta dehou

merhuel faute a vont bet assistet. Par exampl, hui e hanàu tud péré zon én dehuehan necessité; cablus vehait ag ou marhue, mar eèllet ou secour, ha n'ou secouret quet. Hui e uél un dén é monet guet un hènd é péhani é couéhou droug guet-t'ou; cablus vehait ag en droug-cé, ma n'en avertisset quet.

Peb-unan e ouair en en des Doué reit d'en dud a Justice carg de bunissein el lairon hac en dorfæterion : mæs er-ré-zé n'er groant quet dré ou otorité propr, mar jugeant revé er regleu en des merchet Doué dehai. Ne/yehai quet memb permettet demb lahein un dén e uélehemb dob hul laireah : rac un dén èl-cé e vehai ér stad a béhet marvel, ha doh el lahein, ni e vehai marcé caus d'é zannation. Mæs petra gobér mar hum gavér én dangér a vout lahet, ma ne lahér? En Theologiennet e lar é teliér én ur circonstance èl-ce assai cubein pé téhein én ur mod benac; ha ma n'eeller quet absolument, e ma per-, mettet hum zihuen, ha memb trættein hun enemis én ur fæçon ne vou quet capabl d'obér droug temb, meit ne vou quet er golèr hac en dezir de hum vangein e rei demb er scoein. ha n'hur bou jamæs bet intantion d'el lahein.

3°. Anfin dihuènnet-é dré er Ourhæmen-zé a vout caus d'en Nessan de béhein é fæçon er bet. Multrér ver d'en Nessan én é inean, a pe rér esprès certæn treu péré en dougou de fachein, de hum vangein, de douyet, de vlasfæmein; a p'er scandalisér. Er scandal e zon ur gonz, pé un action fal, pé e zisco bout fal, ha dré guemènt-cé e ra occasion d'er-ré-ral de béhein. 1° Me lar ur gonz fal, èl er bégadeu infam, er bourdeu sot, er goal gonzereah, en décriance ag en devotioneu, ag en instructione, etc., commandein pé conseillein d'er-ré-ral

fal ober, gober goab ag er-re e ra mat, ha méleine er-ré e ra droug. 20. Me lar un action fal, èl mei fal ober dirac er-re-ral, drès peb tra a pe ver obliget de rein exampl mat. El-cé en dud e ra ur fal action benac dirac er-ré zou idan ou berh, e gommett den behet, ur fal action hae ur scandal. Er gulieu rai dost en eil d'éguilé, laquad bugalé pautret ha merhet de gousquet assambl, ou lezel ér memb gulé guet ou zud a pe gommançand ou doud antandemant, hum abillein diffourniss, hum zivraillein rai é sigur sustantein ur hroaidur; gobér mineu, gesteu divalahue, bouffonnereah, hoarieu sot, etc., chetui péhedeu a scandal hac e zann hilleih a dud. Ne gonzan quet ag er filagen noz, ag er horolleu, ag en ivraignereaheu, ag er festeu bras : peb-unan e ouair é mant ur scol a libertinage hac a fallanté. 3º. Me lar n'en dai quet requis ma vou fal er gonz pé en action eit rein scandal; assès-é m'hi dou en apparance a vout fal. Rac-cé mar laret, pé mar groet un dra n'en dai quet droug, dirac unan tinér a gousciance hac e grèd é ma drong pé conz pé gobér èl-cé; hui e ra goal exampl ha scandal dehou. Hilleih a dreu e zou permettet; mæş n'en dai quet attàu mat ou gober : rac, é-mé S. Paul, mar hum scandalis me Nessan rac ma taibran quiq, péhani zou permettet teign, guel vehai gueneign ne zaibrehen jamæs, eit boud occasion a scandal dehou. Par exampl; hui e hantt unan-benac; hou cuélet e rér liès assambl; commance e rér conz a hanah: chetui ur scandal : réd-é deoh hum gùittad. Mæs e laret-hui, ne ramb droug er bet; ne hum uélamb meid é mat hac én honestiss : ne vern quet, réd-é deoh hum guittad. Mæs en talvet d'er-ré e oal chongeou.... En talvet teoh ehué: obliget-oh de hum guittad eid arrest er scandal e ret.

Mæs arrihue e ra lies ma hum scandaliser ag en ævreu mad e uéler guet en Nessan. Chetui er regle ezeliet héli ér circonstanceu-zé: ma n'en doh quet obliget d'ou gobér ha ma n'en dint quet necessær, lausquet ind un nebediq, dré charité, beèd-quen'hou pou groeit d'hou Nessan antand er ræzon. Mæs mar dint necessær eit gloër en Eutru-Doué hac hou salvedigneah, par exampl, manquein d'en Overèn eit gobér ardro ur hlan én da gér ag er marhue, groeit ind attau ne vern petra e vou laret pé chonget a hanah. Mar dai hoah dré ingûen ha fal imur é cav unan-benac droug ér vad e ret, ne hum sourciet quet a nehou ha groeit mat perpet.

Er scandal e zou ur pehet bras; rac, é-mé hur Salvér: Gùel vehai d'un den ma vehai staguet ur mein-melin doh é oug, ha taulet é creis er mor, aveit scandalisem unan ag er-ré vihan-men, de la-ret-é, unan ag er-ré-men en dès ur galon humbl, simpl hac innoçant. Malheur enta d'en hani dré béhanu é harrihue er scandal. Un dén èl-cé e zou obliget de gondui ur vahé santel hac examplus, d'obér é bossibl eit distrugein en droug en dès groeit dré é fal exampleu, ha de bedein Doué eid er-ré de béré é ma bet caus de béhein.

N'en dai quet quen æz miret er Ourhæmen-men el ma creder; ha brassoh-e paud en nombr ag er vultrerion, eit ne chonger. Rac pihue e eell assurein e cousciance, mar consider erhad er peh hun nes laret amen, n'en des biscoah lamet na guet-t'ou e hunan na guet hanni aral, er vuhé ag er horv, pe er vuhé ag en inean? A dra sur, pe zizolehai Doué d'un inean er peh e bass ar en doar, hi e uelehai e ma carguet er bed a dud pere e hum bussuni en eil-eguilé dre ou discourien, e hum zistruge dre ex

scandal, dré er jalousi, dré er haz, dré er malice, etc. En darn muyan e grèd bout divlam ha direbræche, durand ma lausquant er beurerion de zuein guet nan ha de verhuel guet misèr; durand ne rant cas a instrugein hac a gorrigein er-ré zou idan ou otorité. N'en doh-hui ag en nombr-zé? Hum examinet. (Consultet hoah Magasin spirituel er Beurerion, ar er Ourhæmèn-zé.)

### ARTICL. VI.

## Ag en huéhvet Gourhæmèn.

Ne veès paillard é-nep fæçon, A gorv, nac a intantion.

Dout dré er Ourhæmèn-zé e zihuèn dohemb er chongeu, er honzeu, er seèlleu hac en ævreu dishonest, hac e gommand temb bout pur ha guerhén hur homportemant.

Commettein e rér er péhet lous dré chonge, dré gonz, dré zezir, dré action, ha memb dré omission, a pe ne brezér quet impléein er moyandeu e ordrén Doué de bep-unan quemér, eit conservein er uerhtæt revé é stad. Doué e zihuèn ehué dré en huéhvet Gourhæmèn tout er péh e zoug d'el lubricité, èt mei en arouaredigueah, er vuhé lache ha delicat, er gourmandiss, er horolleu, el livreu dishonest, er sonnenneu sot, el lux, er gusquemanteu diffourniss, en hantiss rai hardéh é spécial itré goasset ha merhèt, er braguerisseu ha modeu væn e guemérér hemb quin eit bout seèllet hac eit pligein d'er béd, en amitié tinér. (Leinet er Chapistr XVIII, Parti III ag er Vuhé devod.)

Ne hum arrestehèmb quet de gonz eg er péhet infam-zé, péhani e goll en darn muyan ag en dud, hac e zou de zougein eit quemend oaid, eit quement stad ha condition zou. Un dra e mes de recommandein d'er-ré en des er malheur de gouéh ér péhet-cé: ne ouhent quet hum expliquein rai splann guet ou Hovezour, a gaus d'en nombr bras a circonstanceu péré e change en espece a nchou. Ind e zeli enta disclæriein ou stad ha condition; stad ha condition en hani zou bet lodêq én ou féhet, hemb hanhuein hanni; er chongeu cousantet hac en dezirien e change ehué en espece a nehou. Expliquet hun nès é-mésq er péhedeu capital én articl ag er baillardiah, tout er péh e eèllamb laret ar er vincezé. E hamb amen de laret ur guir pé deu ar er horolleu, péré zou, revé S. Chrisostom, ur scolage a lubricité, ha revé S. Augustin, ur profession publiq a bep sort infamité.

Tertulian, péhani e hanhuai er sort bobanceu-zé un trafiq a baillardiah, e larai, bout - cou ardro pembzec-cant vlæ, d'er-re zou taulet guet-t'ai : . « Ne ful quet deoh enta quittat compagnonealt a enemiset Jesus-Chrouist... Ne fal quet deob rea nonciein d'er scolage-zé a bep sort fallanté.... « na hum denn ag en air-zé ag en amzér ampouia sonet guet boeh er sonnerion.... Laret er peh e a garehait é mant honest, n'en dès drong er bet, « ha rac-cé en hum bliget én-ai : ne zistrampér a quet en ampouison én huilér eit rein d'ivet; mæs er rein e rer dech er peh e garet muyan, eit m'en werehet æssoh .. Mar domb obliget de zihoal « guet er brassan sourci doh en ol péhedeu inemp a d'er buriæt, penaus é vou permettet cheleuet er peh n'en dai quet permettet laret? Penaus 6 « vou permettet seellet guet plijadur er peh e ve-« hai pehet bras gober?... Caër e hoes laret e mant

a honest ha n'en des quet a zroug én-ai : n'en dai

a quet possibl deoh derhel hou teulagad, nac hou

« chonge, nac hou calon.... Open hac é vehai guir

« laret ne ret quet drong er bet a hou tu, hui

« zou caus pé occasion d'er-ré-ral d'obér... Caër e

« hoès clasq digaréeu eid assai mouguein hou cous-

« ciance, den ne dro guet enemiset Jesus-Chrouist,

« meit goudé m'en des ean abandonnet. »

Diarben er horolleu hac en deværranceu dangerus é ta en amitié tinér ha naturel quer cummun é-mésq en dud youang, de voud ul lubricité pommet. E ver queti-quetan pihue e hum alegeou hac e hum usquou brahuan eit monet d'er bobanceu-zé: hum guintein e rér eit diffædein, eit pligein ha bout hoanteit. Digueor e rant en or d'en ol péhedeu dré er seelleu lubriq, dré er honzeu libr ha tinér, dré er gesteu dijauge, dré er bouffonnereaheu sot, dré en dezirieu lous, dré en amoèdage a speret, dré er grèd criminel a galon, dré en dirangemanteu méhus, etc. Ha ma n'eell un dén, éme er Speret-Santel, querhet divott ar er gleu-tan hemb losquein é dreid, èl-cé ehué n'eèll quet tostad de gompagnoneah er merhèt hemb couchi é galon, mar touche doh-t'ai. Ér sort deværranceu-zé é ma sur en diaul, é-mé S. Chrisostom: en dro e zou é gamaradet, hac ean zou é creis, eit turel é flem hac é dantationeu ar peb-unan, é-mé S. Charles.

Me ouair é lar S. Francès a Sale é heèli bout gubavé circonstanceu é péré ne vehai quet marcé un droug coroll: mæs ean e lar quement-cé guet conditioneu péré n'en dint quet de oust er-ré e vour é bobanceu er béd. ( Leinet er Chapistr

XXXIII, Parti III ag er Vuhé devod.)

Er horolleu e zou dihuennet dré en Ilis ha dré Ordrénanceu er Roué. Rai hir vehai scribue en Decredeu ag er Honcilleu inemp de guemênt-cé; ne gonzein meid ag er Reglemanteu a Escopti Guénèd, péré e venace a escommuniein er-ré e fourniss ti hac er-ré e ya d'er festeu noz, d'er filageu, d'en néereaheu, ha d'en ol fat assambléyeu-zé. En inourabl Charles-Yehan a Vertin, Escob a Uénèd én 6. Lihér ag er blæ 1753, e ordrén absolumant « d'en « dud a llis gobér ou fossibl eit diffacein er filagen a « bautret ha merhet, er ridereahen noz, é spécial a ag ur guær d'un aral, en æredeu bras ha saffarus. « er fraudeu hac er horolleu publiq : rac malheu-« rusemant ne ouyér meit rai péh quen dangerus « int. ha de beguemênd a béhedeu é vênt occasion... « Ean e zihuèn hoah doh en dud a Ilis a monet de a laret en Overen d'en Ilizieu, d'er Chapélieu, ital m péré, pé dré en occasion a béré é vai goureneu. melladeu, pe corolleu; hac ean e venace a es-« communiein hac a laquad idan cansurieu en Ilis

e er-ré n'aboeisseint quet. »

Er Parlemand a Vretagn e zihuèn gobér assamblé na tolp er bet de noz é sigur néein... hac e zihuèn ehué doh en davarnision a rein d'ivet durand en Office d'er Sul ha d'er Gouil, idan boén a bayein en amand... Goudé ean en dès hoah dihuènnet dohi peb sort tud a goroll, hac a hoari dirac en ol tost d'en Ilisien ha Chapélien durand en Office, idan boén a vout punisset revé er vrastæd ag er faute. Un dra estrange-é ma vér obliget de guemér quemènd a boén eit miret doh Crechénion a offancein Doué hac a hum goll. Petra e glasquet-hui guet bobanceu Lucifer, de béré en e hoès renonciet én hou Padiènd.

Doné dré er Ourhæmèn-zé e ordrén demb pratiquein er burtæt, hac en ol moyandeu e eèll chervige temb eit conservein er vertu csër-zé, peb-unan revé é stad. Er Grechénion e zou obliget de vihuein pur ha guerh, rac m'en dint mambreu Jesus-Chrouist ha tampleu er Speret-Santel. (Mar fal deoh un instruction hirrohar en necessité ag er nerhtæt, hac er moyandeu d'hé honservein, leinet er Chapistreu XII ha XIII, Parti III ag er Vuhé devod, dré S. Francès a Sale.)

### ARTICL VII.

## Ag er seihoèt Gourhæmèn.

Madeu dén er bet ne lairei, Nac inemb ræzon n'ou dalhei.

Doug dré er Ourhæmèn-zé e zihuèn dohemb a obér gueu é mod er bet doh hun Nessan. Gobér e rér gueu doh en Nessan é tair fæçon principal > 1°. Doh el faireah; 2°. É terhel hemb ræzon er péh zou dehou; 3°. É hobér domage tehou.

I. Laireah e rér en Nessan: 1º. E hattrap guett'ou un dra benac dré nærh pé dré finèss; 2º. É
hobér dehou fal procæzeu; 3º. É huerhein rai
quir; 4º. É prenein rai varhad-mat; 5º. É trompein
er varhadoureah; 6º. É tèunein usur, pé profit ag
ur prest simpl. Peb-unan e quair assès péh quer
hras péhet-é laireah dré nærh pé dré finèss. Ur fal
hrocès e rér de unan-benac: 1º. A pe oulènnér
guet-t'ou er péh ne zeli quet; 2º. A pe glasquér
biæseu, troyelleu, faus tesseu, faus papérieu, faus
touyereah eit gounid ur procæs; 3º. A pe stleigér

nr process eit laquad en aral de gouch en un defaut benac. A pe refuser dre attahignage, un accord honest dre avis tud a gouciance hac abil, choæget ag en eil tu hac éguilé, é péhér d'er bihannan inemp d'er garanté.

Laireah e rér en Nessan é huerhein rai quir : 10. Ur marhadour ne vou meit-t'ou én ur hanton, e uerhou un dra guhavé quasi en hantér mui eit ne tall, pé e uerhou faus pouis, fal vusul, etc. Er vechérerion, é sigur n'en dès meit-t'ai ha m'en dai requis ou havouét, e uerh ou labour rai quir, pé mui eit ne tall, rac ma rant crediq. 20. Er vechérerion, pé er varhadision péré e hum accord itrédiai eit taussein ou déuéhieu, ou labour, pé où marhadoureah, eit forcein en ol de brenein rai quir. Er vechérerion pé er varhadision péré e hum zécri, unan eit laireah pratiqueu en aral, e béh d'er bihannan inemp d'er garanté.

Laireah e rer en Nessan e prenein rai varhadmat: 1°. A pe brofiter a beurante unan benac eit prenein guet-t'ou un dra bihannoh eit ne tall, rac ma vai requis teliou guerhein. 2°. A pe dennet guel marhad guet hou Nessan, rac ma hoès prestet argant tehou, pe rac ma hoès ean payet er-raug 3°. A pe brener rai izel briz guet unan ne ouair quet

petra e tall er péh e uerh.

Laireah e rér en Nessan a p'en trompér pé é sæd a labour, pé é sæd a varhadoureah: 10. A pe n'impléér quet mad en amzér, èl er ounidion hac er serviterion péré e laq en amzér de goll, e ra fal labour, pé e ziscoussi er péh e vai itré ou deourn, pé e zistro er-ré-ral a obér vat. 20. A pe uerhér fat varhadoureah eit hani mat, lonnet siet hemb dizoleiner si quênd accord a briz. Ar er poènd-cé, rede

é remerquein é hès sieu cuhet ha ré dizolo; ré n'en dint quet a vras consequance, ha ré e rantt ul lon dangerus, pé domageabl, pé inutil d'er prenour. 10. Er guerhour, ha ne vehai quet goulennet guett'ou, e zou obliget quend accord a briz, de zizolein ur si cuhet ér péh e uerh, mar dai er si-zé pé dangerus eid er prenour, el mei d'ur voyageour ur marh e hum daul én deur, pé domageabl, èl ma vehai ur marh mourous pé un avad clan; pé inutil eid er peh m'er pren, el ma vehai un eigeon mohir eid un arour. Mæs ur guerhour ne beh quet mar crèd é ma disi é varhadoureah. Ean e zeli neoah bout consentabl de dorrein er marhad pé de zizomagein er prenour, a pe za dehou handuein en en des groeit domage, meit ha laret en dehai: Me verh en dra èl me ma, ha ne rescondan a nitra, penaus-benac ne handuan si er bet én-ou...

20. Ma n'en dai er si-zé na dangerus na domageabl, ha mar eèll er prenour gobér é chervige guet en dra, er guerhour n'en dai quet obliget d'en dizolein, meit-ha goulennet vehai guet-t'ou ; rac neze é vehai obliget de laret. Mæs beet goulennet pé ne you, obliget-é d'izellad a briz revé en domage ag er si : rac un dra siet ne tall quet un dra disi ; ha bout bet trompet n'en dai quet ur rezon just eit trompein er-ré-ral. 3º. Mar dai dizolo er si hac æz de uélet, er guerhour n'en dai quet obliget d'el laret, é spécial a pe hum fi er prenour ar é abiltæt hemb goulen nitra. Mar hum drompehai neoah a vras er prenour guet tout é abiliæt, deliet-é en avertissein d'er bihannan dré charité, é spécial mar bai en dra prenet inutil pé domageabl dehou. Mæs ma n'en dai quet forh abil er prenour, na calz aviset eit guelet er si deusto peh quer

sclær-é, er guerhour e zou obliget d'el laret, mar dai pé dangerus, pé domageabl, pé inutil dehou.

Peb-unan e ouair é ma dihuennet guerhein æd caiget, er guellan é blein er sah; guerhein deur é mésq leah, pé é mésq ivage, etc. Trompein er-ré e hum fi ar-n'amb, èl ur gounideq péhani ne labour quet assès, pé e guemér un dra benac é sigur . ne gay quet é ma payet assès; ur servitour péhani e lair dré zan dourn, é sigur n'en des quet gobr assès; ur meitour péhani e ra er fallan gran d'en Eutru, pé e ra gueu doh é veiteri é tiscar coæd, plançon, é sigur mei fermet quir dehou; pé e vorfond en doar a pe guitta; unan en des ur gommenant, ul leh, hac e ziscar choucheu, pe coæd bras aral, é sigur m'eint bet priset guet-t'ou, ( er jouissance pé er gorbl e zou bet priset, mæs non pas er chouche); pé e ra gueu doh é Entru é sigur ma pay rai a argant commenant, rai a nehuéyeu, etc. En dud-cé n'ou des ræzon er bet eid escusein ou friponereah. Rac ma ne gavent quet ou frosit a pe oent é hober en accommodemant, perac é cousantent-int? P'ou devezai disclæriet ou intantion ér momant ma hoènt é hobér en accord, er mæstr n'en devezai quet fiet é dra én-ai. Ind ou dès ean enta. trompet, hac abuset ag é gonfiance eid el laireah.

Anfin laireah e rér en Nessan dré usur. En usur e zou ur profit e dennér a gaus d'er péh e vai bet prestet, a pe gueméret mui eit ne hoès reit. Un usur-é prestein argant minouret, péhani e vou dacoret a pe veint én oaid, hac er profit peb plæ opèn. Un usur-é goulèn déuéhieu, corvæyeu, chervadeu, pé ur chervige benac guet hou Nessan, é sigur ma hoès prestet un dra benac tehou. Un usur-é laquad lonnet ar en hantér profit guet er gondition ma

vou en hani ou mag, e zougou tout er holl, mar dant ha bout estropiet pé merhuel dré accidant. Anfin un usur-é prestein argant, péæd, pé gùin, pé ne vern petra e zismantt dré en usage, guet en obligation de zacor un dra benac mui eit ne vai bet prestet, pé mui eit ne tall un dra dismantet. Me ouair é hès contradeu péré zou permettet, ha dré béré er prestour e denn mui eit n'en devai reit: mæs ean e oarn ehué en droæd ar é dra, hac e zoug tout er riscl ag en accidanteu e eell couéh guet-t'ou. Par exampl, er hontrad dré béhani é prestér lonnèt ar en hantér profit, e zou permettet; mæs er prestour e zoug perpet tout er holl ag é lonnet, mar couéh un accidant benac guet-t'ai.

Cuhein e rér liès en usur idan en aparance a gontradeu mat, a béré é hès hilleih faus é cousciance, èl en darn muyan ag er hontradeu termèn acquit. Par exampl, unan e brest eit nau vlæ cant scouet d'un aral eid er secour de bayein ul léh a vil scouet, hac e dènn er profit a gant scouet, é sigur ma vai consort ér prèn, etc. Ne ouian quet petra laret ag er-ré e brest argant, hac e guemér eid assurance doar-gounit pé lonnet, a béré é jouissant beèd quene-vai dacoret er som prestet én antiér. Haval gueneign el lairon ar en hènteu bras ne rant quet paud goah eid e ra er sort tud-cé; ha csër ou dou laret, jamæs divlam ne veint ma ne zacorant d'er-ré ou bien ou doar pé lonnet, hac er profit ou dès tèrnet a nehai.

N'en dai quet permettet tennein profit ag ur simple prest, meit-hac ur gùir domage hou pehai-hui é prestein, pé ma vanqueheoh ur profit sclær dre m'en dehai manquet hou teléour a zacor deoh d'er hource merchet, pé rac ma reoh dehou aclær d'an-

tand en domage veritabl é souffreoh é prestein, ha m'en dehai hum obliget d'hou tizomagein. N'en dai quet ehué permettet quemér argant na treu aral é prest guet en usurér péhani ne brest meid èl-cé, nameit ha necessité vras hou pehai, ha n'eèlleheoh quet cavouét él léh aral. Rac n'en dai quet permettet rein d'en Nessan léh d'offansein Doué.

II. Gueu e rér hoah doh en Nessan é terhel inemp d'é volanté er péh zou dehou. Èl a pe guhet pé dré attahign, pé aveit hou profit-hui, pé dré gaz, quittanceu, papérieu péré en tènnehai ér mæz a affær. A pe oarnet gueneoh er péh n'en dai quet deoh, èl ur péh doar, un ærhue, ur glustr benac, ur bènhuêq, ul lon fariet, un dra benac cavet ér mor pé ar en doar, etc. Rac faus-é laret: er péh e gavet e zou deoh. Ha hui e vehai coutant ma hoarnehai un aral guet-t'ou er péh e hoès fariet? A pe dardet a bayein hou telé; a pe refuset pé ma nahet er péh e zeliet; a pe ret digueoreu bras, pé rai a chervad, ha ma hum laquet dré-zé ér mæz a stad a bayein hou telé; a pe ne laquet quet poén de ounid na d'armerh cit payein er péh e zeliet, etc.

III. Domage e rér d'en Nessan: 10. A pe losquér pé ma revinnér é dreu; a pe lausquér el lonnet d'obér domage dehou; a pe dorrér gué, pé planconneu dehou; a pe ampouisonnér pé ma vlessér é dud pé é lonnet, etc. 20. A pe oal gonzér hemb guir ræzou a unan-benac, ha ma virér doh-t'ou dré guemènt-cé a ounid é vouéd, pé ma vér caus de laquad ur meitour ér mæz; pé d'ur servitour torrein é obr, pé de unan youang manquein ur chanche vat ha jaugeabl, pé miret doh ur marhadour a uerhein, doh ur mechérour a gavouét pratiqueu, etc. 30. En ingaillesion péré n'en dint quet léal, e garg

Digitized by Google

rai lod eit hum zigarg-int pé ou amiet; ur syndiq, un dén a affær e daul tout er horvæyeu ar lod eit menagein lod aral; ur voès a diegueah e zispos a certæn treu inemp de gousantemant just ha ræzonabl hé frièd; er vugalé péré e zispigu hemb goud d'ou zud; rac en hani e guemér un dra benac d'é dad pé d'é vam, hac e lar n'en dai quet péhet, e zeli bout seèllet èl ur multrér, é-mé er Speret-Santel. Er serviterion péré e zaibr pé e ive ag er péh n'en dai quet deliet dehai, pé e ra en alézon guet treu ou méstrhemb ou fermission, etc. 4°. Er-rézou chuget pé d'er fourn pé d'er velin, hac e ya él léh aral: er-rée hum guemér doh er hoædeu pé foresteu, etc. (Leinet arré Magasin spirituel er Beurerion ar er Ourhæmèn-zé.)

## Ag er Restitution.

Er-ré en dehai groeit gueu doh en Nessan én ur fæçon benac ér mod m'hun nes laret, e zou obliget de reparein en domage groeit. Rac, el ma larér, restitution pé dannation; ha S. Augustin e lar ne vou quet pardonnet er péhet, ma ne vai restituet en danné goal gueméret pé reparet en domage groeit, mar dai possibl én ur mod benac er gobér. Troeit ha distroeit ér mod ma carehait, covesseit er péh e garehait en domage groeit, en danné goal gueméret, jamæs ne vehait pardonnet ma ne restituet. Hui e rei, mar caret, alézoneu, pedenneu, yuneu, pénigènneu calet.... Caer hou pou gobér; réd-é restituein, pé bout dannet.

Mæs a p'en dai quer requis-cé restituein, pegource é ma ret er gobér? Prestan ma heèllehait : rac er retardemant dré ou coal e gresq er péhet; ha quel liès guéh ma laret én hou calon, ne restituein quet, pé ma vanquet dré hou coal a obér attantion é teliet, pé ma cavet en occasion de restituein ha ma ta chonge teoh a er gobér, mæs n'hou toug quet neoah hou volanté de restituein, hui e ra quel liès a béhet, a béré é teliet hum acusein é Covezion. Rac opèn m'en dai ret restituein, réd-é hoah covessad er pehet. Ma ne restituet quet, hou ç'hériterion e vou obliget de restituein eid-oh.

De bihue é ma ret restituein? D'en hani en dès souffret en domage; ha mar dai marhue, d'é hériterion. Mæs ma ne hanàuet nac er mæstr ag en dra nac é hériterion, hum adresset nezé doh un dén abil hac aviset mat, ha treménet dré er péh e larou

deoh.

bene:

1

:1:

Petra e zou ret restituein? Er péh e hoès queméret pé e zalhet inemb de volanté hou Nessan; pé ahoël é just talvouedigueah, ma n'eellet quet restituein en dra. Mæs marce ne vehait quet hosh quitt guet quement-ce : rac obliget ver de restituein en danné goal gueméret, ha de reparein opèn en domage groeit. Par exampl, é laireah dec scouét, mar e hoes groeit gueu pemzec, obliget-oh de restituein pemzéc. En ur guir, rescondabl vér ag er profit manquet, ag en domage arrihuet diarben el , laironci. Ma n'en dai quet possibl deoh reparein tout, restituet er peh e cellehait: ha ma ne hoès nitra, queméret ahoël er resolution ferm ha sincèr de restituein a pe cellehait, ha n'ancochet quet é teliet poéniein hac armerh peellan ma heellehait, eit reparein ahoël ul lodig benac ag en domage groeit.

Er-ré en dès groeit en domage, e zou er ré guettan obliget d'er reparein: ha mar dai en dra lairet én é stad hac én é béh, en hani en dès ean, e zou er hettan obliget d'er restituein. Mæs mar manq erré-zé a er gobér, pé ma n'cèllant quet er gobér, peb-unan ag er-ré zou bet lodéq én domage, e zou obliget de restituein én ou léh. Chetui, revé en Théologiennet, er-ré zou lodéq én domage : 10. Er-ré e gommand gobér domage d'en Nessan, èl mei ur mæstr, ur væstrès, un tad, ur vam... péré e gass ou zud d'obér gueu, èl de laireah coæd, lann, ar-gand, fréh, potage, etc.

2º. Er-ré e ra fal gonseil: èl de zistroein un dra benac quend en invantoer, de guemer quend ur partage, pé d'ur servitour de guemer é cuh, etc. Discoein d'ul lair dré béh léh monet, laret tehou penaus hum guemer ha pegource é cavou guellan é daul, etc. Désquein de dud youang en tu d'atrap

ou zud, étc.

30. Er-ré e gousantt hac e lausq gobér gueu, a pe céllant ha ma teliant miret : èl un tad, ur vam, er véstr péré e lausq ou zud d'obér domage : er serviterion péré e lausq en éstran d'obér gueu doh ou méstr; pé e lausq er serviterion aral pé er vugalé de friponein.

40. Er-ré e vêl, e gonz mat ha caër ag er-ré e ra domage, eit rein courage dehai d'obér goah, pé aveid ou miret a reparein er gueu ou devai groeit; pé e ra goab, e oal drætt, e anjuli er-ré ne fal quet

dehai gobér domage el er-ré-ral....

5°. Er-ré e soutir er-ré-ral de friponein, de laireah: er-ré e brèn treu e ouyér pé e zoutér e vehai bet lairet: er-rée guh friponet eit ma laireint, pé ou secour de uerhein er péh ou devai atrapet: er-ré e ra d'ivet d'er vugalé pé d'er serviterion e ouyér pé e zoutér e atrap doh ou zud eit gobér chervad.

-60. Et-ré en dès ou lod ag en treu lairet : èl

ivet gùin lairet, daibrein quiq atrapet, friantage groeit dré guh: rein en tu pé secour de laireah: derhel er squèl pé er sah: monet de oarn durand ma wou un aral é hobér é dro, etc.

7°. Er-ré ne sannant griq a pe zeliehent conz, crial, pé avertissein; el er serviterion, er oarne-rion, ha ol er-ré zou carguet dré ou stad d'éhuehad ne vehai groeit gueu doh ou Nessan.

80. Er-ré ne hum laquant quet é poén a barrad a pe cellant ha ma teliant parrad doh en droug : èl

er-ré zou payet pé gopreit eit quement-cé.

90. Er-re ne zizolant quet el laironci e rer, pe el lairon, a pe vai requis ou dizolein... A pe vai ur Monitoër, é hoh obliget, meit-ha hui e vehai exant, pé de zisclæriein reih er peh e ouzoh, pé de reparein en domage groeit. Ha hoah é hoh escommuniet guhavé ma ne zisclæriet.

Doué dré er seihvet Gourhæmèn e ordrén demb: 1°. Bout coutant guet er péhiq hun nès; 2°. Hum boéniein eit gounid er péh zou requis temb; 3°. Ma n'eèllamb quet labourad, clasq ur moyand honest benac eit bihuein; 4°. Ma n'eèllamb quet guet hul labour hac hur poén hum dènnein a visér, adorein providance en Eutru-Doué ha laquad hur honfiance én-ou; 5°. Restituein en danné goal gueméret ha reparein, guellan ma heèllamb, en domage hun nès groeit d'en Nessan; 6°. Ma n'en dai quet possibl demb guet tout hur sourci hac hun armerh en dizomagein, clasq ahoël en occasioneu de rautein chervige tehou, ha pedein Doué eit-t'ou.

Chetui ur reflexion e hum bresant, haval gueneign, de bihue-benac e leinou guet un tamiq attantion er peh hun nes merchet ar er Ourhæmenmen. N'en des quet er bed paud a dud n'ou des caz hac horreur doh el laironci hac er rapin, ha neoah n'en dès quet calz n'en dint lairon ha ne zalhant inemp d'er ræzon madeu ou Nessan: ha mar dès ur ré-benac ne hum gavant quet obliget de restituein, dihoalleènt ne vehai en avarice hac er stag ag ou halon doh er madeu tamporel, e zallehai ou speret.

Jamæs enta ne gueméret nitra d'hou Nessan, jamæs gueu ne ret doh-t'ou; rac, é-mé hur Salvér, hacé teheoh-hui de vout pihuiq assès eit bout mæstr ag er béd antiér, petra e chervigeou quemènt-cé deoh mar det ha coll hou c'inean? N'en dai quet requis laireah ur som vras'eit gobér ur péhet marvel; ha bout-çou tud de béré ne vehai quet ret laireah paud opèn pemb planq, eit meritein en ihuern. Petra vou enta ag er-ré e atrap a glei hac a ziheu, a pe eellant? Rac, é-mé S. Paul, nac el lairon, nac er-ré avaricius... na rapinerion danné en Nessan, ne yeint jamæs de Ranteleah en Eutru-Doué.

#### ARTICL VIII.

## Ag en eiheet Gourhæmèn.

Birhuiquin gueu ne lavarei, Nac ehué faus test ne vei.

Doug dré er Ourhæmèn-zé e zihuèn er faus testoni, er jugemanteu temerær ar hun Nessan, er goal

gonzereah hac er gueu.

Er faus testoni. Hum zoug faus test ar en Nessan e zou assurein é Justice un dra n'en dai quet gùir. Er faus testoni e zou un torfæt péhani e gri vangeance én Nean hac ar en doar, rac ur faus test e hum chervige a Hanhue adorabl en Eutru-Doué eid assurein er gueu ha gobér domage; ean e ra

goab ag en dud a Justice, péré e zalh leh en Eutru-Doué; ean e ra de dud divlam hac innoçant coll ou danné, ou reputation, hac er vuhé.

Pihue-benac e zou malheurus assès eit hum zoug faus test ar é Nessan, e zon obliget idan boén a zannation, de reparein en domage de béhani é vai bet caus, hac é teliehai-ean couéh dré-zé ér vrassan peuranté; ha mar dai bet caus dré é faus testoni de gondanein unan-benac d'er marhue, obliget-é de hum zislaret, hac é teliehai-ean coll é vuhé.

Er jugemanten temerær. Er Jugemant temerær e zou ur fal chonge e rér ar goust en Nessan, hemb ræzon legitim er bet. Par exampl, me uél ur vanden tud é tévis hac é hoarhein, ha me lar ém haloné mant é hoal gonz a hanan; me ra ur jugemant temerær: me uél unan gusquet brahue, ha me chonge gueneign é ma glorius; me ra ur jugemant temerær: me uél ré é tostat liès d'er Sacremanteu, ha me juge é clasquant boud istimet; me ra ur jugemant temerær: unan-benac e dremèn ital-on hemb conz doheign, ha me chonge gueneign é ma orgueillus pé fachet; chetui hoah ur jugemant temerær, ma ne mes ræzon legitim er bet de chongeal quement-ce, etc. Ne vai ræzon legitim de jugein é ma droug er peh e ra un aral, nameid a pe -vai dizolo ha sclær en droug, ha ne gavér moyand er bet d'en escusein. (Mar deziret handuein en danger ag er jugemanteu temerær, hac er remædeu doh er malheurus inclination hun nès de oal jugein, leinet er Chapistr XXVIII, Parti III ag er Vuhé devod.)

Dihuennet-é ehué suspettein droug ag en Nessan, nameit-hac ur just ræzon e vehai d'er gobér. Par exampl, a pe uélér guet-t'ou un aparance bras a zroug, pé ma ra un dra e vai ordinæremant droug, n'en dai quet péhet hum zessein a nehou, é spécial mar bér carguet d'éhuehad doh-t'ou ha d'er horrigein. N'en dai quet ehué permettet teoh laret d'un aral er jugemanteu e ret ar hou Nessan, pé er suspetteu e formét ar é sal gomportemant, nameit-ha requis vehai quemènt-cé eit miret un droug pé eit gobér ur vat; ha hoah dihoallet ne vehai en inguên hac er goal sort a hanah hou touguehai de zécriein hou Nessan.

Er goal gonzereah. Goal gonz e rér é gueu, goal gonz e rér é guir : 10. Goal gonz é gueu e zou laquad ar goust unan-benac ur péhet, pé un defaut, a béhani ne vai quet cablus. Ne vér quet quitt eid en dout covesseit ur péhet èl-cé; réd-é absolumant er reparein, mar dai possibl. Obliget-oh enta de hum zislaret, quitt a vout passet eid ur gueuyad velimus : rac quement-ce n'arrihue gueneoh meit dré hou coal. Mar dès moyand, réd-é deoh hum zislaret dirac ol er-ré en dès hou cleuet é hoal gonz: ha mer dai a gonsequance vras er péh e hoès laret. avertisset int de hum zislaret ehue, mar on des ean brudet : ha ma n'er groant quet, obliget vehait d'er gober en ou leh, hac open de reparein tout en domage e eèllehai couéh ar hou Nessan dré hou coal gonz. Ne oal gonzet quet, ha n'hoù pou quet a reparation a inour d'ober. Mæs mar goal gonzet, hui e guemér ar-n'ah en obligation de reparein inour hou Nessan, hac e vehai diar goust hou c'hani.

2°. Goal gonz é guir e zou décri, pe conz fal a unan-benac hemb intantion vat na just rezon er bet. Me lar, hemb intantion vat na just rezon: rac jamæs n'en dai permettet goal gonz ag en Nessan, na dizolein é zefauteu, meit-hac ean e vehai un avantage benac é quemènt-cé, pé un necessité benac d'er gober; ha hoah red-é seellet guet peh intantion ha de bihue en ou dizoler. Par exampl. n'en dai quet goal gonz-é avertissein un tad, ur mæstr ag en droug e ra ou bugalé, pé ou serviterion: nac avertissein er Person, pé un dén honest benac en dès otorité én ur Barræs, ag er scandal, pé fal affærieu e bass én ur hanton pé én un ti benac, eit ma laquei reihtæt, mar eell: nac avertissein unan-benac e uélér é hantein hemb goud certæn tud vincius ha debauchet. Obliget ver memb guhavé d'avertissein; èl mei serviterion péré e uélehai er vugalé ag en ti doh hum zirangein, pé é laireah ou zud, etc. Obliget veheoh hoah de zisclæriein d'er Person un ampechemand e hanaueheoh ar un diméenneu, de laquad hou c'hanhue ar ur Monitoer, meit-hac exant vehech, ha de zisclæriein er urionné d'er Juge, idan boén a voud escommuniet, etc.

Cablus ver ag er pehet a oal gonzereah: 1°. A pe larer ar goust en Nessan brassoh droug eit n'en devai groeit. 2°. A pe dauler ul lihue du ar é ævreu mat, en ul laret, par exampl, en ou groa eit bout seellet hac istimet, etc. 3°. A p'er meler guet un ton yein ha milis. 4°. A pe zizoler é zefauteu, pé ur faute benac en dès groeit. 5°. A pe gleuer er mêlein ha ma rer d'antand pé dre ur silance trist pé dré ur gest benac, ne vai quet tout gùir er vad e larer a nehou. 6°. A pe rer goab a nehou é s gur bourdal, pé dirac-t'ou pé ardran é gain. 7°. A pe rer dehou un affront, un anjuli benac; èl mei temall dehou un defaut, pé ur péhet benac. 8°. A pe rer dehou hanhueu péré e ra hoarhein ar é goust.

Er goal gonzereah e zou unan ag er brassau pébedeu e fehai bout commettet, a p'en dai gùir é tistruge er garanté, er vrassan ag en ol vertuyeu. Ur goal gonzér e zou goah eid ur multrér; ha guel vehai guet ul lod vat coll ou buhé, eit coll on inour. ( Leinet er Chapistr XXIX, Parti III ag er Vuhé devod.) Er goal gonzereah é tra ponnér hac a gonséquance, e zou ur péhet marvel. N'en dai quet neosh ur péhet marvel conz ag un dra publiq hac hanauet guet en ol. Mæs de zougein e zou perpet a velimein ur gouli péhani e hum chairrehai prontoh, pe ne vehai quet refresquet; liès-memb un dra hanauet én ur harter, ne vai quet én ur harter aral; ha mar dizolet un dra a gonséquance, péhani e vai cuhet pé ne vai quet hanàuet guet paud a dud, hemb ne hoès ræzon er bet de gonz a nehou, hui e gommett ur pehet marvel. Er goal gonzerion ne yeint jamæs d'en Neun, é-mé S. Paul.

Er - ré e cheleu guet plijadur goal gonz, e zou quer cablus, ha marcé cablussoh eid er goal gonzer. Rac ne vehai quet goal gonzet pe ne vehai quet cheleuet. Petra vou enta ag un tad, ag ur vam, ag er véstr, ag er - ré en dès droæd de gommandein, mar lausquant er-ré-ral de oal gonz dirac-t'ai: rac, é mé S. Paul, n'en dai quet hemb quin er-ré e ra en droug é véritt er marhue éternel, mæs ehué er-ré e

gousantt d'en droug,

A pe gleuet goal gonz, ha ma hoès un tamiq otorité benac drès er goal gonzér, groeit tehou tàuein. Ma ne hoès berh er bet ar nehou, assaiet dihuèn er-ré e zécriér, pé hum dènn ag er gompagnoneah, (mar permèt deoh hou tevær), pé discoeit ur min trist ha fachet boud obliget de gleuet treu èl-cé. Mæs ma n'eèllet na sorti ag er gompagnoneah nac, arrest er goal gonzereah, recommandet hou calon de Zoué, occupet hou speret guet ur urionné ter-

ribl benac, ha continuet hou labour. Dihoallet ne vehái er méh hou talhehai ér sort compagnoneaheu-zé

Anfin coustéet e goustou, réd-é reparein er goal gonzereah. Mæs penaus arrest ur gonz e rid ér harter, hac e gresq dre guement beg ma pass? Penaus laquad er-ré-ral d'ou dout quemend a istim el ou doai quênt, eid en hani e hoès décriet? Me ouair é ma ret hum zislaret a pe vai é gueu é vai bet goal gonzet: mæs mar dai gùir er peh e hoes laret, n'en des quet moyand teoh hum zislaret, rac ur gueu vehai quement-ce; ha S. Paul e lar: N'en das quet permettet gobér un droug, eit ma harrihuou ur vat. Penaus enta gobér ? Mar dai hoah fresq er blèss e hoès groeit, avouéet dirac ol er-ré en dès hou cleuet, en e hoès fal hroeité tizolein defauteu hou Nessan, en e hoès quæ a guemènt-cé, hac en ou fedet d'ancoehad er péh e hoès laret. Mæs mar e hoès léh de gredein é ma deja ancoeheit, ne gonseillan quet deoh gobér er reparation ér fæçon-zé, guet eun ne refresqueheoh er gouli : hum goutantet nezé a laret ag en hani e hoes décriet, tout er vad e ouiet a nchou : rac n'en dès dén ne gavér ur vat benac de laret a nehou: reit tehou é peb occasion mercheu a istim hac a respet : dihuennet-ean é gurionné a pe gleuchait goal gonz a nehou: rantet chervige dehou a pe gavehait en tu : pedet Doué eit-t'ou, etc.

Mæs mar en des tennet hou coal gonzereah de gonsequance eid en hani e hoes decriet, obliget oh de reparein en domage. Par exampl, hui e ra laquad ér mæz ur servitour, rac ma hoes laret é ma ur goal beh guet é dead, pé n'en dai quet sur a zourn... hui e ra d'ur gounideq coll é ounideu, rac ma hoes laret é ma fal é labour... hui e lar ag ur mechérour é tiscousi en treu ha ne ra nitra a fæ-

çon... ag ur marhadour é ma un affrontér, n'en dai quet mad é varhadoureah, etc.... Diarbèn er péh e hoès laret, dén ne fi mui én-ai; nitra ne gavant de ounid: hui e zou caus. N'en dai quet erhoalh teoh hum affligein dirac Doué, covessad, goulen pardon; réd-é opèn gobér reparation.

Mæs petra e larehèmb-ni d'er-ré e zizoar er-ré varhue eit goalennein ou buhé treménet ha gobér ou frocæs; ag er-ré e laq tud youang idan en treid, hac e ra dehai manquein ou chanche; ag er-ré e daul ou velim ar en dud a Ilis hac e vir doh-t'ai a obér quasi nitra a vad én ur Barræs? Penaus vou d'er-ré-ze reparein en drong e rant? Par exampl, ur Beleg en devezai miret doh hilleih a behedeu en ur hanton: en devezai convertisset hilleih a beherion: mæs couéhet cou un taul tead ar vehou: ha bremen quasi den n'en dès confiance en-ou, etc. Pihue e rescondou ag er vad en devezai groeit, ag en droug en devezai miret, ag en ineanneu en devezai secouret de hom salvein? Pihue? En hani en dès ean décriet. N'en don quet souhet goudé quement-cé mar lar et Speret-Santel : Er goal gonzér e zou abomination en ol dud.

A p'en dai quen dizz-cé reparein er goal gonze-reah, laquamb hun ol sourci d'éhuehad doh hur honzeu, eit ne larehèmb jamzes ur guir inemp d'hun Nessan, meid el me carehèmb ma vehai laret a hanamb hun hunan. Laramb liès de Zoué guet er Profæt David: Men Doué, laqueit ur oard ar mem bég, hac un alhué ar men divès: ne bermettet quet ma hum abusou me halon guet conzeu péré hou c'offance. Chongeamb erhad én hun péhedeuni, ha n'hur bou quet amzér de chongeal é ré hun Nessan.

## Er Gueuyér.

Ne laret quet gueu, é-mé er Speret-Santel, rac en acustumanoe-zé n'en dai quet mat. Er gueu e zou ur gonz pé ur sign contrel d'er péh e chonget, guet intantion de drompein. Me lar, con'rel d'er péh e chonget: rac conz inemp d'er urionné guet er gredèn é vai guir er péh e larér, n'en dai quet laret gueu, mæs hum drompein. Me lar hoah, guet intantion de drompein: rac laret piqueol dausennen, marveilleu e ouyér erhad ne veint quet credet guet hanni, n'en dai quet ur gueu.

Bout-con tri sort gueu: 10. Ur gueu e ra næz, pé domage, pé poén. 20. Ur gueu eit hoarhein, eit bourdal. 30. Ur gueu eit gobér plijadur de unanbenac hemb gobér poén d'un aral, pé e larér eit hum denn a affær. En eu zehuehan n'en dint quet liès-mat péhedeu marvel, penaus-benac m'en dint

perpet péhet.

1º N'en dai jamæs permettet laret gneu ne vern é péh occasion nac é péh affær. Ur gueu e zou un drong a nehou é hunan; hac er péh zou un drong a nehou é hunan, e zou dihuènnet perpet hac é peb occasion. Naren, é-mé S. Augustin, en digaréen e glasquér eid escusein er gueuyér, e zou ol faus. Hac é vehai possibi tennein ol er-ré dannet ag en ihuern, ha salvein ol en dud guet ur gueu distér, ne vehai quet permettet el laret. N'en dai quet enta permettet laret gueu eit miret a vout noæzet, eit miret doh brud, eit sauvein hur buhé, eit sauvein ur hroaidur e vehai prest de verhuel hemb Badiènt. Rac én un occasion èl-cé ne vehai quet permettet gobér ur faute inemp d'er burtæt; ne vehai quet enta permettet ehué gobér ur faut inemp d'er urion-

Digitized by Google

ne; ha guel vehai ma tehai ol er béd de vout collet, eit ma vehai offancet Doué dré en distérran péhet.

2º. Ur gueu e ra poén vras d'en Nessan, pé e ra domage vres dehou en é vuhé, pé en é inour, pé en é zanné, pé en é gredèn (én é Fé), e zou ur péhet marvel : rac er gueu-zé e zou inemp d'er urionné. inemp d'er justice ha d'er charité deliet d'en Nessan. Rac-cé é lar er Profæt David : Doué e gollou ol er-ré e lar gueuyér el-cé, rac ur bêg gueuyad e lah en inean, é-mé er Speret-Santel. El-cé er-ré e ansaign esprès un dra benac inemp d'er Fé, inemp de Lezen Doué pé d'Ansaignemanteu en Ilis, (guæd e gavér ag er sort Doctoret-cé ar er Mæzeu): erré e annonce esprès faus Miracleu, faus indulgeanceu : er-ré e uerh pé e ansaign Pedènneu, Oræzoneu guet péré ne varhuér jamæs hemb Covezion: er-ré e lar esprès é Covezion en ou dès groeit ur péhet enorm benac, n'ou dès quet groeit en essed, eit m'ou lausquou ou Hovezour d'obér ur Govezion general: er-ré e zéguis quemènd ur péhet bras henac, ma rant de gredein n'en dai meit veniel, etc. Ol er-ré-zé e ra ur péhet marvel, ha guhavé ur sacrilege.

30. Er bizzeu, en troyèlleu, er honzeu doubl, a zeu antand, a béré en hum chervigér eit hum dènnein a brèss, e zou ehué gueuyér: rac laret gueu-é rein de gredein èl gùir un dra e ouiér e zou faus; ha ne hum chervigér a droyèlleu, a gonzeu a zeu antand, nameit eit quemènt-cé. Ehué en Ilis en dès condannet er-ré e ansaignai é hoai permettet bizzein ha bout doubl a pe oai necesszer pé profittabl quement-cé eit conservein er vuhé, pé en inour, pé en danné, pé aveid un zvr mat benac, etc. Ne laran quet é vér obliget de zisclæriein perpet ha de

laret ol er peh zou guir : dangerus vehai memb quement-ce pe vchai ret el laret de guement hanni er goulen. A pe vehait neoah interroget é Justice pé guet tud péré en dès droæd d'hou c'interrogein, obliget-oh nezé de laret simpl ha næt er urionné èl m'hé handuet. Mæs mar doh interroget guet tud de béré ne jauge quet dohoh disclæriein hou ç'affærieu pé ré hou Nessan, distroeit er parlant ar un dra aral, eit rein dehai d'antand ne fal quet deoh rescond, ba ne jauge quet doh-t'ai hou c'interrogein. Me ouair é ma diæz quement-cé a pe vér interroget guet tud a galité: mæs guel vehai neoah laret gronce : Er peh e oulennet, n'en dai quel m'affær, pe n'en don quet obliget de rescond.... hac é teliehent-int hum inzrouguein, eid ou zrompein hac offancein Doué dré en distérran gueu.

40. Mélein unan-benac mui eit ne veritt, e zou ehué ur gueu hac ur péhet. Rac hui en tromp dré m'en douguet de gredein en en dès parfætioneu n'en dès quet én effæd, hac en istimet, durand m'en dispriset én hou calon. Me ouair n'en dai quet permettet disprisein hanni: mæs bout-çou quémb itré rantein de beb-unan en inour e zou deliet tehou, hac en antretenein én é vinceu dré vélationeu faus.

50. En hipocrisi e zou chué ur gueu. Rac un hipocrit e assai laquad de gredein é ma guel eit n'en dai, ha dré-zé ean e glasq trompein en dud, ha memb en Eutru-Doué, pe vehai possibl. Er charité e zihuèn dohemb a ziscoein hun defauteu dirac er-ré-ral, guet eun a ou scandalisein: mæs er sincerité hac en humilité e zihuèn ehué dohemb a glasq passein eit guel eit n'en domb.

Ne laquamb enta jamæs fausoni er bet én hur honzeu, eit n'en dou quet hur Salvér léh d'obér demb er rebræche e rai d'er Juivet: Perac ne handuet-hui me langage, é-m'ean? Rac n'eèllet quet cheleuet me honzeu. Er goal-speret e zou hou tad, ha hui e fal deoh gobér er péh e blige tehou.... A pe lar gueu, ean e gonz revé é vechér, rac m'en dai gueuyad ha tad er gueuyér. É peb occasion dihoallamb doh er gueuyér, avèl er Roué santel David: Laret e mès men guir, é-m'ean, me zihoallou guet sourci é peb occasion, eit ne béhein jamæs dré me zead. (Leinet er Chapisir XXX, Parti III ag er Vuhé devod.)

Doué dré en eihvet Gourhæmèn e ordrén dembs 1°. Carein er nrionné, ha bout perpet gùirion. 2°. A pe vehèmb interroget é Justice, laret er urionné sclær ha splann. 3°. Dihoal doh en ol péhedeu hun nès expliquet amen. 4°. Jugein mad a actioneu hun Nessan a guement ma heèllamb: rac mar dai splann en droug ha n'ellér en escusein é mod er bet, n'en dai quet possibl jugein ne béh quet.

#### ARTICL IX.

## Ag en nàuvet Gourhæmèn.

En ævr ag er hiq ne zezirei, Meit guet prièd, pé é péhei.

Doux dré en nauvet Gourhæmen e zihuen en dezir membag en actioneu dishonest péré zou dihuennet dré en huéhvet Gourhæmen.

Doué é tihuên en actioneu dishonest, en dés chué dihuênnet en dezir ag en actioneu-zé: mæs èl ma ta d'ul lod vat credein é vent divlam durand n'ou dai quet groeit en droug ou devai deziret, Doué en dès groeit ur Ourhæmèn esprès eit condannein er fal zezirieu; ha penaus-bensc n'en dai conzet meid ag en dezirieu dishonest, rac m'en dai ér poénd-cé é ma douguettan mab-dén de hum escusein, Doué e zihuen neoah er fal zezirieu é general; rac en dezir e gomprèn er volauté d'obér en action, ha Jesus-Chrouist e lar é ma ag er galon é ta en actioneu lous, er multr, el laironci, etc.

Me ouair penaus er fal chongen de béré ne ramb quet occasion dré hur goal, ha deh péré é resistamb guet dongér ha caz doh-t'ai, e gresq hur meriten dirac Doué é léh boud ur péhet. Mæs mar domb cablus: 10. A pe ramb a hur vat ha libr volanté occasion d'er fal chongeu, a pe ne resistamb quet doh-t'ai quentéhel m'ou santamb; 20. a pe gousantamb tehai; 30. a pe hum arrestamb guet-t'ai guet plijadur, penaus-benac ne gousantamb quet: peh ræzon hur behai-ni de gredein ne béhamb quet dré er fal zezirieu, a p'en dint ur gousantemant ag er volanté d'ur fal action? Rac-cé é lar hur Salvér : En hani e seèll ur voès guet ur fal zezir, en dès deja commettet er péhet én é galon. El m'hun nès de ja expliquet en treu-zé én articl ager baillardiah. ne hum arrestehemb quet davantage.

Doué dré er Ourhæmèn-men e ordrén demb distag hur halon doh en treu crouéet, mortifiein en inclinationeu ager hiq, ha gobér brizél d'er yæn curiosité.

### ARTICL X.

# Ag en decvet Gourhæmèn.

Mad ar en door ne hoantei, Eit-t'he poud ean dré dromperi.

Doux dre er Ourhæmen-ze e zihuen dohemb-a

zezirein madeu hun Nessan, meit-hac ean vehai eit hur houd int dré voyandeu just ha permettet.

Péhein e rér inemp d'er Ourhæmen-zé, a pe zouguér ivi d'en Nessan, a gaus d'é gommodité, d'é zanné ha d'é avantageu aral : a pe zezirér hum æzein diar é goust, èl er varhadision péré e zezir ma vou quêrteri eit guerhein guel ou marhadoureah; er-ré e zezir ma vou brizel eit ou doud en tu de laireah hemb eun a vout punisset; er-ré e zezir er marhue d'on zud eit ou dout ou danné, etc.

Mæs n'en dai quet ur péhet dezirein madeu hun Nessan eit hur boud int dré voyandeu just ha permettet, a p'en devai hoand de hum zizobér a nehai. Dré er ræzon-zé é ma permettet guerhein, prenein, trafiquein.... Me lar, a p'en devai hoand de hum zizobér... rac n'en dai quet ræzonabl dezirein un dra e fal d'hun Nessan goarn i quemènt-cé e vehai dezirein ma hum ziæzehai eit hun æzein, ha dezirein d'un aral er péh ne garehemb quet ma vehai deziret temb. N'en dès enta meid en hoand en dehai hun Nessan de hum zizobér ag é dra, e rantt legitim en dezir hur behai-ni d'hur boud ean.

Doué dré er Ourhæmèn-zé e ordrén demb reglein hun ol dezirieu revé é volanté; resistein doh
er malheurus inclination hun nès de glasq perpet
hur houtantemant, hur hommodité, hun æzemant, etc. Quemènt-cé zou pèn-caus temb de
dorrein Gourhæmeneu Doué, ha ne vou meid é
feahein hur goal inclinationeu, é spécial hun teiche
mignon, é heellehemb hum viret a béhein hac a
vout dannet. Hennéh-é er gùir hénd en dès ansaignet temb Jesus-Chrouist, hac er-ré e guemér un
aral, e zou én dangér bras a fari.

# CHAPISTR IV.

# Cheleuet en Ilis.

N'ABORISSAMB de Zoué èl ma faut, nameid a pe sentamb doh en Ilis. Obliget-omb enta de oud ha de oarn Gourhæmeneu en Ilis. Rac Jesus Chronist en dès reit tehi, de laret-é, d'er-ré guettan ag er Vugulion spirituel en des choæget eit hé goarn hac hé hondui, er bouvoër d'obér Gourhæmencu, hac o ordren demb sentein doh-t'ai idan boen a vout seellet èl Payannet. Ni e gay ér Scritur santel en en dès en Apostolet excelset er bouvoër-zé ér Honcil a Jerusalem; hac ou honzeu e ra splann d'antand é hoai er Speret-Santel e gonzai dré ou gueneu. Hun Tad santel er Pab hac en Escobet, péré e zalh léh ha carg en Apostolet, en des excelset er memb pouvoër ér Honcilleu general ha particuliér. En assambléyeu-zé é ma bet groeit en darn muyan a Ourhæmeneu en Ilis. Mæs el ma vehai rai hir ou expliquein ol ( rac bout-çou eit peb stad ha peb condition ), ne gonzehemb meid ag er-ré e oblige en ol Fidelet. N'en des meit huéh comprenet ér Guerzen-men:

- 1. Santefi ol er Gouilieu Ordrénet, èl er Sulieu.
- 2. Sul ha Gouil cleu en Overen, El ma teli peb guir Grechen.
- 3. The béhedeu e govessei Ur uéh ér blæ, ma ne rès mui.

- 4 T'he Dad Salvér e receuei Peb Pasq humplan ma heèllei.
- 5. Er Hoaris, er Hortualea E yunei hac er Vigilieu.
- D'er Sadourn ha d'er Guinér E ma Vigil é peb amzér.

Er Gourhæmeneu-zé considerét erhade regl d'er Fidelet pegource ha penaus é teliant miret Gourhæmeneu Doué. Rac, 1°. Obliget-omb de refresquein liès én hun isprit er chonge a vadeleahen Doué én hur hevir; de lusquein hur halon trema en Nean dré en dezir ag ev vuhé éternel; de gonsiderein gloër er Sænt ér Baraouis, èl ur voéh pénani e lar demb hemb cèss quemér scùir ar nehait ha querhet ar ou fazeu; de drugairicad Doué ag er victoërieu ou dès douguet dré hræceu hac én é Hanhue. Eit hun doug de hum aquittein ag en deværieu-zé en en dès en Ilis instituet er Gouilieu.

- 20. El Lezen naturel ha Gourhæmeneu Doué hun oblige de rantein a speret hac a gorv d'hur frouéour en inour hac en abseissance e zou deliet dehou el d'er Mæstr general drès quement tra zou; de santessein un de peb suhun, eid en impléein de chervige Doué: eit n'hur bezai quet ancoeheit en obligation-zé é command temb en Ilis assistein én Overèn d'er Sulieu ha d'er Gouilieu miret.
- 3º. Obliget-omb, eit bihnein é græce Doué, de nættat hun inean ag er péhedeu marvel e eèllehemb hur bout commettet, ha d'hé maguein guet er bara a vuhé en dès lausquet hur Salver guenemb ér Sacremand ag en Autær. Eit ne vezemb quet bet lisidant d'accomplisseis en obligationeu-zé, é hordrén demb en Ilia covessad ha communicio ur uéh ér

blæ d'er bihannan, hac é regl demb en amzér d'er

gobér.

40. Obliget-omb de gastiein hur horv; d'er hontraignein de sentein doh en isprit; de yunein guhave, revé ma larai hur Salvér d'er Farisiennet en en devai é Zisciplet yunet goudé é Ascansion. Eit n'hur bezai quet chairret hun deulagad ar en obligationeu-zé, é commend temb en llis yanein ha gobér vigil de centæn déieu.

Er Ourhæmen pehani e ordren payein en deaugueu, hac en hani e zihuen a ober æredeu durand en Avend hac er Hoaris, e zon ehne handnet guet en ol: mæs en ihue Ourhæmen-ze n'obligeant quet en ol Fidelet: rac et-ré n'ou des quet a zoar-labour, e zou exant a bayein deaug; ha n'en dai quet permettettoh d'er-ré en dès groeit rô a uerhtæt, diméein en un amzer arel, eid en hani dihuennet dré en Ilis.

# ARTICL I.

Ag er guettan a Ourhameneu en Ilis.

Santefi ol er Gouilien Ordrénet, èl er Sulieu.

En Ilis dré er Ourhæmèn-zé e ordrén d'hé bugaié santefiein er Gouilieu miret, el ma santefiant er Sulieu; de laret-é, lausquein en déieu-ze peb sort labourieu terrién, (hum viret drès peb tra a béhein ); on impléein de chervige Done el er Sulieu, hac antréein er santimanteu en des bet en Ilis é hinstituein peb Gouil. (Leinet en explication ag en dairved a Ourhæmeneu Doué, ha hui e gayou penaus é teliet santefiein er Gourlieu.)

Ul lod vad ag er Gouilieu e oarnamb, e zou bet instituet dré en Apostolet. Er-ré-ral e zou bet instituet a oudé. Peb Escob en dès er bouvoër d'instituein ré nehué en é Escopti, a pe uél é vai préfittabl quemènt-cé eit gloër en Eutru-Doué ha santefication er Fidelet: hac obliget-omb, ne vern mèn-é, de viret er Gouilieu e oarnérél léh mahum gavamb.

Lod ag er Gouilieu e zou bet instituet eid inourein er Mistericu a hur Religion; lod eid inourein
mémoër er Uériès glorius Vari; lod aral eid inourein triomfl er Sænt é gloër en Eutru-Doué. Eid
antréein en déieu-zé é santimanteu hur Mam santel
en Ilis, réd-é meditein er Mistèr e inourér, pé buhé er Sænt a béré é rér mémoër; trugairicad Doué
ag er græceu en dès reit tehai; quemér er resolution de guerhet ar ou fazeu, ha hum laquad idan
ou frotection. Guet en instruction e yan de rein
deoh ar er Gouilieu principallan, ne vehait quet
ambarrasset eit goud petra e oulèn gueneoh en Ilia
én déieu santel-zé.

# INSTRUCTION ar el Lideu principallan e oarn en Ilis.

#### EN AVÈND.

En guir-men Avènd e senéfi: Donnedigueah. En Ilis e handu tair Donnedigueah a Jesus-Chrouist. Er guettan e zou en hani ag é Incarnation, a p'en dès hum hroeit dén aveid omb itré digosté er Uériès, ha m'en dai deit de chom é mésq en dud. En eil e zou en hani e ra bamdé en ineanneu, a pe zisquen én-ai dré é hræce, pé eit ou honvertissein mar dint é goal stad, pé eit cresquein ou meriteu mar

dint é stad vat. En dairved e vou én achémand ag er béd, a pe zei de jugein er-ré vihue hac er-ré varhue. En Ilis durand en amzér santel ag en Avend e avertiss hé bugalé: 1°. De gonsiderein en dobér bras ou doai ma vezai deit Jesus-Chrouist d'ou zennein a visèr, ha d'en trugairicad ag er græceu en des meritet tehai dréé Incarnation; 2°. De laquad ol ou spi de brofittein ag er græceu-zé, ha de veritein ma rei Jesus-Chrouist é zamurance én ou halon; 3°. De hum breparein guet un dougeance santel de zacor contt dehou un dé ag on ol chongeu, conzeu, ævreu hac omissioneu.

En Avend e bad pedair suhun, eit represantein demb er puar-mil vlæ treménet a oudé er hommancemand ag er béd, beèd en amzér ma tas hur Salvér ar en doar. Guharal er Fidelet e yunai en Avend just el er Hoaris; hac en Orlemanteu violet a béré en hum chervige hosh en llis durand en amzér-zé, e zegass chonge temb é teliamb er seèllet el un amzer a benigen. En effæd, eit hun avertissein d'obér pénigèn, é leinér demb én Officeu ag en Avend en instructionen e rai S. Yehan er Badeour d'er Juivet, eit ou disposein dré ur guir bénigen de receu Jesus-Chrouist; huc ag er hettan Sul é leinér en Overen en Aviél ag er Jugemant general, eit discoein péh quen terribl vou é zehuehan Donnedigueah eid er-ré n'ou dou quet prezet profittein ag er guettan. Penaus-benac en llis ne regl hinihue d'hé bugalé sort pénigèn er bet d'obér durand en amzer santel-ze, he intantion-e neoah ma pratiqueint muyan e celleint a ævreu mat; ma reint or mortification benac; ma renoncieint d'ou inclinationeu; ma peèlleint guet sourci doh en occasionen a behet, etc. (Mar doh er stad d'on

poud ul livr a Officeu en Ilis én ul langage e antandet, me gonseil deoh hou poud unan.)

## NENDELÊQ.

Er bempèt dé ar-n'uguênt a vis en Avend.

ER guir Nendelêq e senéfi Gannediguesh. En Ilis e hanau tair Gannedigueah a Jesus-Chrouist. Er guettan e zou é Gannedigueah éternel, dré béhani é ma angeandret ag é Dad a ol éternité. En eil e zou é Gannedigueah tamporel é Bethelem; hac en dairved e zou é Gannedigueah spirituel én hun ineanneu. Eid inourein en tair Gannedigueah-cé 6 lar er Velean tair Overen de Nendeleq. Én Overen greis-nozé hinourér Gannedigueah tamporel Jesus-Chrouist, péhani, dré er guirieu ag er Gonsecration e vai laqueit ar en Autær d'er hource m'el laquas er Uéries ar un nebediq plous é Bethelem : réd-é nezé adorein Jesus - Chrouist gannet én ur breu é creis er vrassan peuranté, dré garanté aveid omb. Én Overen ardro goleu-dé é rér mémoër ag er momand heurus-hont ma hannoncas un Æld'er Vugulion é hoai gannet Jesus-Chrouist; hac inourein e rér nezé Gannedigueah spirituel hur Salvér é caloneu en dud just. Eid assistein én Overèn-zé guet devotion, réd-é hum joentein a speret guet er Vugulion, péré e adoras Jesus-Chrouist nehué gannet, ha guet en Ælet, péré e annonças é Gannedigueah d'en dud dré er Hantiq caër-men : Gloria in excelsis Deo, etc. Gloër de Zoué é lein en Neun, ha peah d'en dud a volanté vad ar en doar... En dairved Overèn é leinér er hommancemand ag en Aviél revé S. Yehan, péhani e gonz splann a

Gannedigueah éternel hur Salvér; rac-cé nitra ne vir a laret é hinourér nezé é Gannedigueah divin, dré béhani é ma angeandret ag en Tad a oléternité. Eid assistein én Overèn-zé guet er santimanteu e recommand en Ilis, réd-é hum joentein a speret guet en Ælet hac er Sænt, péré e ador Mab Doué en Nean, péré en trugairica ag er græceu en des reit d'en dud, ha péré, revé S. Paul, en adoras a guentéh èl ma hoai gannet. Un dra vad-é assistein én tair Overèn-zé, penaus-benac ne vér quet obliget. Guharal en llis e bermettai d'er Velean laret istroh eid un Overen d'er Gouilieu bras; rac ne vehai quet bet possibl d'en ol Fidelet assistein pe n'en devezai peb Beleg laret meid unan. Rac-cé en tair Overen e larer hoah de Nendeleq, e zou ur merche ag un usage pratiquet guharal er Grecheneah

Jesus-Chronist dré er circonstanceu ag é Gannedigueah e ra demb Leçonnieu caër. Gannet-é é voyage, de greis-noz, én ur hreu, ér vrassan peuranté, én un amzér yein, cri ha calet, etc. Ean hun désq enta: 1º. de voud aboeissant, humbl, ha de hum gonsiderein el perhinderion ar en doar; 20. de garein er beuranté, de zisprisein er madeu hac en inourieu; 30. de garein er souffranceu, ha de feahein en inclination malheurus hun nes de glasque attau hun æzemant hac hur satisfaction. En un antréein ér béd ean en dès groeit brizél d'en orgueil. d'er vanité, d'en ambition, d'er væn curiosité ha d'er goal inclinationeu ag en natur corromplet, eit hun désquein de zisprisein er peh e istim er bed . ha de garein er péh e zispris er béd. Er-ré e yai de Vethelem d'en adorein, ne gleuent guet-t'ou guir er bet: mæs é stad peur ha truhéus, é zareu, é huannadou e oai quel liès a voeh peré e larai dejà

d'en ol : Mar fal deoh boud a men Disciplet, renonciet deoh hou ç'hunan, queméret hou croès ha
héliet mé. Ér momand ma hinour en Ilis er Mistèr
ag é Gannedigueah, ean e brepar hoah græceu spécial d'en ol Grechénion. Mæs èl n'en dès quet paud
e hum laq ér stad d'ou receu, ha ma hès memb
hilleih e ra ag en noz-zé un noz a zebauche hac a
libertinage, er græceu-zé e vai dispartiet guet abondance itré en ineannen devod péré e brepar én hou
halon un damurance pur ha santel d'un Doué deit
de vout croaidur dré garanté aveid omb. (Leinet
er Figur VII a Histoër en Testamand nehué.)

#### GOUIL S. STEVAN.

En huéhvet dé ar-n'uguênt a vis en Avend. (Leinet er Figur LXVI ag en Testamand nehué.)

GOUIL S. YEHAN EN AVIÉLOUR.

Er seihvet dé ar-n'uguênt ag en Avènd. (Leinet er Figur IV ag en Testamand nehué.)

GOUTL ER SÆNT INNOÇANDET.

En eihvet dé ar-n'uguênt ag en Avènd. (Leinet er Figur XII ag en Testamand nehué,)

CIRCONCISION JESUS-CHROUIST.

Er hettan de a vis Guenver.

Dout eit difforh er bohl Juiv doh en ol pobleu aral dre er merche ag en Aliance en doai groeit guet Abraham, en doai ordrenet tehai zein er Circon-

cision d'er bautret en einvet de goude ou gannedigueah. Er Circoncision e oai ur ceremoni gloæsus ha méhus, hac ur merche é tamb ér béd cablus ag er pehet Originel. Hur Salver ne oai quet obliget d'el Lezen-zé; rac dré ma hoai er santeleah memb, n'en doai péhet er bet d'effacein. Neoah èt ma hoai deit d'aquittein er boén deliet d'hur péhedeu, a béré en en doai hum garguet, ean e hum' laquas ér memb rang guet er béherion, eit rein demb un examplag er vrassan humilité; hac eit siellein er garanté infini en dosi aveid omb, ean e gommanças a nezé scuillein lod ag é Oaid, é-tretant ma vezai deit en amzer d'er schil tout beed en dehuehan tapen, eit payein hur rançon. Reitoai bet tehou nezé en Hanhue a Jesus péhani e senéfi Salven, revé m'en doai en Æl annoncet d'er Uériès; rac ma tai ar en doar eit hur salvein. En Hanhue a Jusus c zou quer bras, ma teli, é-mé S. Paul, quement hanni zou én Nean, ar en doar, hac én ihuern stouyein ar é zeulin d'en Hanhue a Jesus. N'er prononcet enta meit guet attantion, respet ha devotion.

Tri tra e recommand temb en Ilis en dé-men eit commance erhad er blæ. 1°. Hum offrein antieremant de Zoué guet Jesus-Chrouist, eit ma vehèmb gredus d'er chervige beèd er fin a hur buhé. 2°. Gobér én hur halon ur Circoncision spirituel en ur ziouriénnein a nehi en ol teicheu hac inclinationen e zisplige de Zoué. 3°. Renehuéein er promesseu a hur Badiènd. Hennéh-é en donné-mad ag er blæ nehué e oulèn Doué guenemb. Dihoallamb drès peb tra a bassein en dé é visitein hur hærènt hac hun amiet, èl m'en dai er mod é mésq en dud ag er béd. Custum miserabl, péhani e denu de hilleik a béhedeu. Groamb ehué er reflexion-

men: paud a vlæyeu hun nès commancet hac achihuet; ha ni zou guel hinihue eit ne oemb dec vlæ
çou, uguent vlæ, hanter-hant vlæ çou? Tostad e
ramb bamde d'er marhue... Ha ni e uélou er blæmen é hachihue? Pe vezèmb marhuet er blæ tremenet, é péh stad é vezèmb-ni comparisset dirac
Doué?... (Leinet er Figur IX ag en Testamand
mehué.)

### GOUIL ER ROUÉET.

## En huéhvet de a vis Guenver.

En dé-men e zou hanhuet Gouil er Rouéet, rac ma tes d'er memb dé tri Roué a zoh er sau-heaul de Vethelem, eid adorein hur Salver. Aparissein e ras tehai én ou bro ur Stiren péhani ou honduyas bet-ha Jerusalem. Inou er Brincet ag er Velean e zisclærias tehai é hoai é Bethelem é teliai gannein er Messi, revé er Brofætet. Ind e yas enta de Vethelem doh er splander ag er memb Stiren, hac e gavas inou én ur hreu Jesus guet er Uériès ha S. Jogeb. Ind en adoras hac e offras tehou eur, ançans ha mirrh. Dré en eur ind en hanauai eit ou Roué: dré en ançans, ind en hanàuai eit ou Doué, ha dréer mirrh ind e hanaqai é hoai den. Eit ne vezent quet oueit de zacor contt d'en tyrant Herod ag er peh ou dosi guelet, un Æl ou avertissas de retourn d'ou bro dré un hènd aral. En Ilis e inour d'el Lid bras-men tri Mistèr, dré béré en en dès Jesus-Chrouist commancet discoein é hloër d'en dud. 10. Adoration en tri Roué, péré sou bet er-ré guettan Payannet en dès galhuet d'er Fé; ha guet péré é homb bet ehué galhuet d'en hanàuedigueah a Zoue. (Leinet er Figur X ag en Testamand nehue.)
20. Badiend hun Salver dre zeourn S. Yehan er
rivier a Jourdæn, de dregont vlæ goude. (Figur
XIV ag en Testamand nehue.) 30. É guettan Miracl, a pe changeas deur é guin én æreden é Cana.

(Figur XVI ag en Testamand nehué.)

Eid antréein é santimanteu hur Mam santel en Ilis, ni e zeli trugairicad Doué en dout hur galhuet dré é visericord hemb quin de vout Crechénion a Bayannet ma hoai hun tud én hur raug; durand m'en dès dré un effæd ag é justice abandonnet er Juivet hac ul lod vad arel d'ou dalledigueah. Damb èl en tri Roué d'adorein Jesus-Chrouist : offramb tehou en eur eg ur garanté pur ha sincèr; en ançans ag un devotion gredus ha courajus, hac er mirrh ag er mortification a hur goal inclinationeu. Mar hun nès commodité, groamb ur presant benac d'er beurerion; ha pedamb Doué de rein sclærder ha secour d'er-ré zou é goal stad, eit hanàuein ou dalledigueah ha distroein doh-t'ou a uir galon. Dihoallamb a hum abandonnein de certæn divertissemanteu otoriset dré gustumeu er béd É contrel, cheleuamb boéh hun Doué péhani hun avertiss, avèl en tri Roué-hont, de retourn d'hur bro (d'en Nean) dré un hènd aral contrel d'en hani e guemér en dud ag er bed; me antand un hend contrel d'en hani ag er péhet, ar béhani é ma en diaul é spial dohemb eit hur holl.

FURIFICATION ER UÉRIÈS.

En eil dé a vis Huavrèr.

Doux eit lausquein guet er Bobl Juiv ur merche



ag er Miracl en doai groeit én ou andræd doh ou delivrein ag en Egypt durand ma cassai un Æl eit laquad d'er marhue bugalé cohan en Egyptiennet. e ordrénas dehai offrein dehou er mab cohan a ben famill deu uguênt dé arlerh é gannedigueah, hac er prenein goudé dré en offrand a certæn lonnet. Er memb Lezen e zihuennai doh er merhet a antréein én Tampl quênt deu uguent de a oudé ou gullevoud, mar boai ur pautr, ha quêns puar-uguent de mar boai ur verh ou doai bet : hac arlerh en amzér-zé é hoent obliget de hum bresantein en Templ eit hum barifiein. Er ceremoni-ze e oai ur merche é ma cablus ha criminel mab-dén. quênt ma ta ér béd, a gaus de béhet hur hettan tade Adam. Æz-é de uélet ne oai quet dalhet er Uériès: santel d'el Lezen-ze; rac biscoah ne oai bet couciet. dré er péhet; hac er fréh divin hi doai douguet itré hé digosté, n'en doai groeit meit rantein hé furtæt caërroh ha parfættoh. Hi e hum bresantas neoah el er merhet aral, eit hum burifiein, eit rein demb un exampl a humilité, hac hun désquein d'aboeissein de Ourhæmenen Doué ha de ré en Ilis, hemb clasque escus na digaré. Hanhuet-é el Lid-zé Chandelour. a gaus d'er goleu e zonguér ér Prehesion en dès en His instituet en dé-ze, eit represantein er voyage e ras er Uériès santel é monet d'en Tampl guet hé Mab Jesus itré hé divréh. Er goleu-zé e represant hur Salvér, péhani zou sclærdér er béd, revé conzeu un dén santel hanhuet Simeon, péhani dré un inspiration a-ziar-lué e oai deit d'en Tampl ér momant-hont, guet un intanvès devod hanhuet Anna. hac en hanàuas eid er Messi.

Eid antréein é santimanteu en Ilis, ni e zeli en dé-cé, 1º. Hum officin de Zoué é sacrifice guet Jesus-Chronist, eit ma vehemb perpet gredus d'obér é volanté. 2°. Purifiein hun inean non pas ag er péhet marvel hemb quin, mæs memb ag en ol inclinationeu d'er péhet veniel. 3°. Quemér scùir ar er grèd en doai Simeon de receu Jesus-Chrouist itré é zivréh; ha désquein guet Anna er Brofætès pratiquein peb sort ævreu mat. 4°. Hum laquad idan protection er Uériès, hac é fedein d'hur presantein d'hé Mab Jesus, eit ma laquehemb hun ol joé ha gloër é vout tout d'en hani en dès hum reit tout aveid omb... (Leinet er Figur XI ag en Testamand nehué.)

## ER SEPTUAGÉSIME,

# Hac en déieu aral quend er Hoaris.

 $\mathbf{E}_{\mathtt{R}}$  Sal quênt Merhèr el Ludu, e zou hanhuet Quinquagesim, de laret-é, hantér-hantvet, rac ma hès en effed hanter-hant de a va-ze bet-ha Pasq. En eu Sularal é-raug hennéh, e zou hanhuet Sexagesim, de laret-é, tri-uguêntvet; ha Septuagesim, de laret-é, decvet-ha-tri-uguênt, rac ma hès ardro dec dé ha tri-uguent a va-zé bet-ha Pâsq. En Ilis hun avertiss el-cé a ziabeell guet péh sourci é teliamb hum breparein d'obér hur Pasq dré ur glahar santel a hur péhedeu, dré er mortification a hur goal inclinationeu, dré ur bénigen salvus a hur fal vuhé, eit ma heèllchemb é gurionné laret guet hur Salvér Sul er Bassion: Pihue e eèll temall deign é hon péhour, a pe mès reparet me fal vuhé dré er moyandeu en des laqueit en His itré men deourn? Eit rein demb el lecon-zé é quitta en Ilis a nezé hé Hantiqueu a joé, é spécial en Alleiuia, hac en hum 10\*

chervige a Orlemanteu violet, péré dré ou lihue trist e zou un ansaign a bénigèn.

Mar e hoes hoah ur santimant benac a Religion . ne vou quet dizz tech santein er chagrin e ra d'en Ilis er fal Grechénion, péré e hum abandon én anizer-ze d'el libertinage méhussan diarbèn modeu ha custumeu péré zou ur rest a bayannage hac a idolatri. Peh ur folleah! hum zisposein de yun ha d'ober penigen dre er chervad, dre en debauche, dre er gourmandiss! Pihue ne gredehai é vehai permettet offancein Doué durand en déjeu-zé? Ne hum abuset quet guet er hustumeu meliguet-zé, péré e bass ér béd eit deværranceu honest Mæs a pe uélehait en dud hemb Fé ha hemb Religion é monet d'en tavarneu, pé d'en assambléveu bobancus, hum dennet a costé pé quêret d'en Ilis eid adorein Jesus-Chrouist, eit gober dehou Amand inourabl: hac assaiet tennein é visericord ar-n'ah hac ar erré en offance. Hur Mam santel en Ilis eit secour hé bugulé vat de zifautein ag un tu er scandal e ra er fal Grechénion de vallardé, en dès instituet pratiqueu a zevotion péré zou streauet ar er mæzeu én ul lod vad a Barræsieu. Mar eellet, assistet en devotioneu-zé eit brassan gloër en Eutru-Doué.

## MERHÈR EL LUDU.

En ceremoni ag el Ludu e bratiq en Ilis ér hettan dé a Goaris é andræd en ol Fidelet, ne oai pratiquet goharal nameid eid laquad é pénigèn er béherion de béré é hoait ingorto rein en absolven de Bâsq. Larein e rér en dé-zé er seih l'salm a Bénigèn guet Oræzonen aral, cit goulèn guet Doué er græce ag

ur guir gontrition hac er remission ag er péhedeu. Béniguein e rér nezé ludu e laquér ar bèn er Fide-let, èl ur merche é ma trezet ou halon guet quæ ha glahar ag ou fauteu, hac eit degass chonge tehai é ma bet tènnet ou horveu a zoar hac é retourneint arré de zoar.

Tosteir de receu el ludu-zé guet er santimanten a zougeance hac a bénigen en doai bet en Ninivitet guharal, a pe hum olezant a ludu eit distannein colèr en Eutru-Doué. Doh ou receu, chonget a zevri: 1º. é hoh condaunet de verhuel ur uéh; zº. é varhuehait quend peèl; 3º. é varhuehait prestoh eit ne chonget; 4º. é varhuehait èl m'hou pou bihuet; 5º. é varhuehait eit bout heurus pé malheurus durand un éternité. Profittet ag cr reflexioneu-zé eid laquad é cource reihtæd én hou cousciance.

#### ER HOARIS.

ER Hoaris e zou un amzér santel a huéh suhun ha hantér, instituet dré en Apostolet eid inourein er yun a zeu-uguênt dé hac a zeu-uguênt noz e ras Jesus-Chrouist én déserh hemb daibrein nac ivet, hac eit payein de Zoué en deaug ag er blæ, en ur gonsacrein d'er bénigèn en eu-uguênt dé-zé, pérée ra pe-dost en decvet parti ag er blæ. En amzér santel-zé e zou, revé S. Paul, déieu a salvedigueah, dré ma fourniss d'er Grechénion secourieu puissant eit tènnein ar nehai misericord en Eutru-Doué, hac eit hum santefiein. Rac, 1º nezé en hum ati assambl en ol Fidelet dré er memb exerciceu a bénigèn. 2º. En Ilis e bèd én ur fæçon spécial eit conversion er béherion hac eit perseverance en dud

just. 3°. Er Perdegueu hac en instructioneu e vat stanquoh. 4°. Er yun, el ma lar er Preface ag en Overen, dré ma hoanna er horv, e arrest en nærh ag er goal inclinationeu, e sau en isprit trema Doué, hac hur secour de zoug ar-u'amb hun hunan ur victoër e veritou demb ur recompance éternel. (Leinet er Figur XV ag en Testamand nehué.)

Eit tremén erhad er Hoaris, hum laqueit é cource er stad vad eit ma vou profittabl eid-oh hou vuneu hac ævreu mat: rac n'hou pehai meritt er bet dirac Doué doh ou gobér ér stad a béhet marvel. (Conzet-é ér bempet Gourhæmèn ag er yun ag er Hoaris. ) Yunet a guement ma vou possibl deoh. Mæs ne gredet quet é ma erhoalh teoh yun a vouéd hemb quin : rac n'en dai quet hou pèg é hunan en dès péhet; ne faut quet enta ma vou é hunan punisset. Doué hac en Ilis e oulen gueneoh ur yun general; de laret-é, ma castiehait ol hou squendeu, hou teulagad, hou tead, hou tiscoharn, hou coust; ma rehait brizel d'hou coal deicheu; ma hum virehait doh er plijadurieu, ne laran quet hemb quin er-re dihuènnet ha dangerus, mæs memb er-ré permettet hac e cèllet de ziovér. Peèlleit doh er hompagnonesheu; hum occupet dalhmat; hum dennet a costé eit bout deoh hou c'hunan; reit aléson revé hou comodité; pedet liæssoh ha hirroh eid en ordinær; enfin yunet a guement tra e cellehait; visitet er-re clan hac er brisonnerion; laqueit reihtæt én hou cousciance, etc. Profittet ag er Hoaris eit hum breparein d'obér de Basq'ur Govezion hac ur Gommunion vat, eit ma heellehait bout lodeq ér joé a Resurrection Jesus-Chrouist, arlerh bout bet lodeq er benigen en des pratiquet aveid-omb durand é vuhé. En dout yunet a vouéd

durand er Hoaris n'en dai quet un dra quer melabl, é-mé un Tad santel ag en llis: rac er Hoaris ur neh treménet, er yun-zé e dremén chué guett'ou. Guel vehai enta ma heèlleheoh laret én achémand ag en amzér santel-zé: Ne mès quet yunet tout er Hoaris; mæs me mès reparet en domage em boai groeit d'em Nessan én é inour, pé én é zanné; me mès pardonnet d'em enemiset; teichet oèn a guênt de douyet, de golèrein, de oal gonz, de veàuein, de baillardein... ha guet græce Doué, memès torret ol me vinceu. Preciussæd ur yun-é hennéh! En amzér a Goaris e dreménou; mæs er fréh hac er meritt ag er sort yuneu-zé ne dreméneint quet guet-t'on.

#### SUL EL LORÉ.

A ouds Sadourn er Bession bet-ha Sadourn Vasq en Ilis n'en dai quasi occupet meid a Bession hac a souffranceu hur Salvér, é spécial durand en dehue-han suhun péhani zou hanhuet santel, a gaus mei bet accomplisset én-hi er Mistèr bras a hur Redamption. Golein e rér er Hreèsieu hac el Limageu, eit gobér canveu de varhue Jesus-Chronist, hac eit hun avertissein de ouilein hur péhedeu, péré zou bet caus d'é souffranceu.

Er Sul quênt Pasq en Ilis e laqua é deourn hé bugalé Loré béniguet e zouguant ér Prehecion ha durand en Overèn, eid inourein antré triomflus hur Salvér ér guær a Jerusalem huéh dé quènd é Bassion. Chouquet oai ar un azènnès, eit discoein demb en disprisance e rai a inourieu er béd: et vugalé hac er bobl munud e yas én arbèn dehou

guet branqueu gué én ou deourn, en ur grial: Gloër hac mour de Vab David... Lod eid en inourein e daulai idan é dreid branqueu Loré, lod aral ou dillad: mæs er-ré puissant ag er guær e oai droug guet-t'ai ma rantait tehou en inourieu-zé. (Leinet er Figur XLIV ag en Testamand nehué.) Chairrein e rer en or ag en Ilis durant ma tro er Prehecion, ha n'hé digueorér meid arlerh m'en devai en Officiant scoeit ar nehi tair guéh guet troæd er Groès, eit degass chonge temb é hoai chairret dor en Nean doh en dud quént mei deit Jesus-Chrouist d'hé digueor demb dré é varhue hirvoudus.

Er circonstanceu a antré triomslus hur Salvér é Jerusalem e zou quel liès a figur ag en dispositioneu guet péré é teliamb tostad d'er receu de Basq : 10. Chouquet oai ar ul lon brutal, eit merchein demb é teliamb hur bout feahet durand er Hoaris hur goal inclinationeu, péré hur rantt haval doh él lonnet. 20. Querhet e rai ar vranqueu gue hac ar zillad, eit merchein en disprisance e zeliamb gobér ag en treu væn ha dibrofit. 30. Er-ré e oai oueit én arben dehou e zouguai branqueu Loré, eit merchein et victoër e zeliamb hur bout douguet ar enemiset hur salvedigueah dré en oræzon, er yun; en elézon hac er mortificationeu aral. Mæs allas! guæd e zou a Grechénion haval doh er bobl valigueant-hont, péhani de huéh dé goudé m'ou dosi ean inouret, e oulennai ma vezai bet grucifiet! Rac lod e zoug Loré en ou deourn el pe vehent victorius ag ou fel deichen, durant ma vourrant ét sclavage méhus eg er péhet. Lod arel e zisco bout reglettoh ha devotoh durand er Pasq : mæs quênt peell é retournant ar-ré d'ou debaucheu ha d'ou libertinage èl quent. Dihoallet ne veheoh ag en nombre-zé. ER RIEU-HEME-LID.

En de quênd é Bassion Jesus-Chrouist e antréas guet é Apostolet én ur sâl vras ha goarnisset, é péhani é holhas ou zreid hac é hinstituas er Sacremand ag en Autær hac er Sacrifice ag en Overen. Hennéh-é er Mister bras e inour en His er Rieuhemb-Lid En dé-zé é rer ehué er vénidiction ag en Oleau a béhani en hum chervige en Ilis ér Badienteu solannel, ér Gonfirmation hac én Nouyen. Guharal ne vadèait én Ilizieu nameit Sadourn Vasq ha Sadourn er Pantecoust, hac en de quênd é rait er venidiction ag en Olcau. Mæs el ne larait quet nezé, mui eit bermen Overen Guiner er Groès, requis oai gobér er vénidiction ag en Oleàu er Rieuhemb-Lid. Dioarnissein e rér en Autærien arlerh en Office, eit ou laquad é beguin, ha degass chonge temb é hoai bet diusquet hur Salvér én amzér ag é Bassion. A va-zé beed Sadourn Vasq ne sonnér quet er hleher, eit rein demb d'antand é has en Apostolet de guh a pe zas tehai guélet ou Mæstr itré deourn é enemiset. Conservein e rér er Sucremand én ul léh a costé, eit ma heèllou en Officiant communicin en trenoz, ( rac, el m'hun nes dejs remerquet, ne larer quet Overen Guiner er Groes), hac eit represantein en nozeoh trist ha hirvoudus e bassas Jesus-Chronist ér Jardrin-Olivet. (Leinet er Figurieu LI, LII ha LIII ag en Testamand nehué.)

Ne vanquet quet en dé-zé a drugairicad Jesus-Chrouist ag er garanté infini en dès het aveid-oh, é lausquein gueneoh é Gorv sacret hac é Oaid precius eit bout bihuance hou c'inean. Hum joentet guet en Ilis eit gobér dehou Amand inourabl eid en ol anjulieu en dès d'andur ér Sacremand ag en Autær, aberh en Huguenaudet hac er fal Grechénion. Assistet en Overen-bred, ha communiet mar
eellet, eid inourein madeleah hemb par hur Salver,
pehani e receuas doh é daul en hani e yai d'er guerhein d'é enemiset. Visitet en Ilizieu el pe vehoon
é héli Jesus-Chrouist ag er Jardrin-Olivet beèd er
Halvær. Passet ur hartériad benac ag en noz doh en
adorein, ha goulènnet guet-t'ou ma santehait ul
lodiq benac ag en tristé ha melconi ag en nozeohhont e dreménas itré er Jardrin-Olivet ha Palès
Anna.

Er ceremonieu ag en Office hanhuet Tenebreu e rer d'er Merher, d'er Rieu ha d'er Guiner d'anderhue ér Hoyandeu hac ér Parræsieu é péré é hès calz a Velean, n'en dint meid ur rest ag en usage pratiquet guharal én Ilis. De noz é rait en Office-zé, hac el ne oai quet er mod nezé laquad antulérien ar en Autærieu, alum e rait goleu en ul leh benac eit turel splandér én Ilis. Lahein e rait lod ag er goleuzé a vusul ma splannai en dé, hac ér fin ag en Office ne oarnait meid unan alum, eit m'en devezai guelet er bobl hac er Velean sorti ag en His. Er brud bac en tapage e rér bermen én achémand ag en Office, ne oai guharal meid ur signal e rai en Officiant d'er Velean ha d'er bobl de sorti, a pe oai paré en Tenebreu. Rein e rér neosh un explication misterius d'er ceremonieu-ze. Seetlein e rér er goleu alumet ar un antulér tri-cornèg, a béré é lahér unan én achémand a hep Psalm, èl ur figur ag en Apostolet, péré e abandonnas ou Mæstr hac e yas de guh durand é Bassion Er oleuen ihuellan e lausquer alum beed er fin ag en Oilice, e seeller el ur figur a Jesus-Chrouist. Quent ma vai paré en Office, en hé huher ardran en Autær pe el leh aral, eit represantein marhue hur Salver. Nezé é hadresser de Zoué Pedenneu eit goulen ma profitiou en ol ager græceu en des meritet temb dré é varhue hac é Bassion. Anfin en achémand ag en Office en hé discoér arré alum, eit represantein é Resurrection. En trous e rér én Ilis quend sorti, e eell bout consideret el ur figur ag er burhudeu blaouahus e arzihuas ér béd de varhue hur Salvés.

## GUINÉR ER GROÈS.

Guinar er Groès e zou en dé a souffranceu Jesus-Chrouist, hac en dé ag é drioms. Me lar en dé ag é souffranceu, rac en dé-cé é hosi bet stleiget dré er ruyeu a Jerusalem, é hoai bet jotadet, flagellet, curunet a spern, bac anfin staguet doh ur Groes. (Leinet er Figurien LIV, LV, LVI, LVII ha LVIII ag en Testamand nebué. ) Me lar en dé ag é driomfl, rac en dé-cé é feahas en diaul, en en disarmas, hac en er garottas eiden turel ér punce ag en abim; én dé-cé é tigueoras en or ag er Baraouis, hac é contraignas en Nean hac en doar, er-révihue hac er-re varhue, d'en hanauein eid ou Mæstr. En Ilis e bèd en de-cé eid en ol dud, Payannet, Juivet, Héritiquet, Escommuniet, etc., eit rein demb d'antand é ma marhuet Jesus eid en ol dud, hac eit goulen ma tei en ol de brofittein ag é varhue. Presantein e rér er Groès d'er Fidelet de voquein, eit ma hadoreint Jesus-Chrouist marhuet doh-t'hi sit hur péhedeu, ha ma queméreint é grad en ol poénieu ha trebilleu ag er vuhé, én union guet é souffranceu. Ne larer quet Overen en dé-ce, eit discoein er glahar en des en llis a gaus de Bassion hé Fried: (Rac en Oyerèn e zon un action a joé). En

Officiant hemb quin e gommuni guet en Hosti laqueit é reserv ag en dé quent. Guharal ne oai quet er mod laret Overen d'en déieu yun; hac én Ilis Gréq ne overenner hoah durand er Hoaris nameit d'er Sadourn ha d'er Sul.

N'en dès ér blæ dé er bet ma tisco er Grechénion mui a Religion hac a zevotion, eit Guiner er Groes. Ou guelet e rer é yan guet sorupul, é tihoal doh en hoari ha doh en deværranceu ordinær: é hassistein ér Perdeg guet ur min trist ha glaharet, é houilein memb a pe gleuant conz a souffranceu Jesus-Chrouist... Caërræd un dianves, pe vehai er galon e vehai touchet! Mæs allas! ul lod vad e schill daren ar souffranceu hur Salvér, hac ou halon n'ou lausq quet d'andur en distérran poén a balamor tehou. Huannadein e rant mei marhuet eit ou fehedeu, ha neoah ne rant quet cas eit renehuéein é verhue dré er stag ag ou halon doh er péhet. Ridêq e rant a brès de voquein d'é Groes; mæs caz ou dès doh er hroëzieu; ou halon, èl ma lar S. Paul, e zou enemis de Groès Jesus-Chrouist. Dihoallet ne veheoh eg er sort tud-cé; rac hou partage e vehai guet Pilat ha guet Judas. Passion Jesus-Chrouist e zou sur un dra birvoudus. Mæs un inean sourcius de brofittein ag er græceu en des meritet temb dré é varhue, e gav é quement-cé mui a joé hac a gonsolation, eid a hlahar hac a dristé. Rec Jesus-Chrouist dré é varhue en des reparet en outrage groeit de Zoué dré er péhet; can en des payet eidomb, ha diverchet guet é Oaid en arrest a hur hondannation; ean en des gouniet demb en droæd de seellet en Nean el hun héritage. Marhuet-é ardro tair ær diar creisté. Preciussæd ur momant! Bamdé ardro er hource-zé reit lusq d'hou speret ha

d'hou calon de hum sehuel trema Jesus-Chrouist. Eid inourein en ær-zé én ur fæçon particuliér Gùiner er Groès, hum laqueit ar hou teulin ha boquet d'en doar, ne vern mèn é vehait; chairret perhuéh én hou calon huannadeu dehuehan hou Toué é verhuel dré garanté aveid oh, ha hum chonget erhad petra e garcheoh gobér aveit-t'ou.

#### SADOURN-VASQ.

DADOURN-Vasq en Ilis e inour er Mister a interremant hur Salvér, hac en disquên ag é inean d'el Limbeu. (Leinet er Figur LIX ag en Testamand nehué. ) Guharal ne gommançait en Office en dé-cé nameid ardro tair ær diar creiste, hac èl ma padai quasi durand en noz, n'en dai burhud question énon meid a Resurrection Jesus-Chrouist. Ne larait quet Gospereu, rac ma hoai treménet er hource a ben ma hoai paré en Office. A oudé mei deit er mod de dorrein er yun quentéh el creisté, en Ilis en des changet er hource ag en Office-ze : mæs en Office n'en dai quet changet, ha ne larér hoah eit Gosperen nameid er Psalm Laudate Dominum, omnes gentes... hac er Magnificat... Quênd achihue en Overen, guharal é rait tan nehué bamdé quênt commance en Office, eid alum er goleu, hac en er bénigueait. Ne rér bermen er ceremoni-zé nameit Sadourn-Vasq; hac en tan-zé e cell bout consideret el ul Limage a Jesus-Chrouist marhuet ha resuscitet. Er Oleuen-Vasq e chervigeai guharal de durel splander en Ilis durand en Office. He beniguein e rait, nezé, el bermen, hac é seèllet e rér èl ur figur a Jesus-Chrouist. Laquad e rér én-hi pemb gran ançans quent he alum, eit represantein action

Jogeb a Arimathi, Nicodem hac er merhet devod, péré e vaumas corv hur Salvér ér bé. Er pemb toul ag er oleuen é péré é laquer en ançans, e represantt pemb Gouli Jesus-Chronist. Hé alumein e rér goudé, eit merchein é resuscitas hur Salvér goudé ma hoai het baumet é gory. Alum e rér guet-t'hi el Lampreu hac er goleu aral doh en Autær, eit represantein er gred nehué e alumas é culon en Disciplet, a pe gleuezant é hoai resuscitet ou Mæstr. Un Diacr-é e zeli gobér er venidiction-zé, eit degass chonge temb ne oai quet en Apostolet, mæs Disciplet ha merhet devod e vaumas corv Jesus-Chronist, hac e annonças er-ré guettan é Resurrection. Cannein e rér goudé quement-cé Profætieu, péré zou en abregé ag er Religion, hac e oai cannet gubaral eid instrugein er-ré e hum bresantai eit bout badéet. Arlerh é rér er vénidiction ag er Fonce. Ne ouhér quet laret pegource en en dès commancet en Ilis pratiquein er ceremoni-men ; mæs S. Basil e ra splann d'antand é hosi pratiquet é græ en Apostolet. Cannein e rér en dé-cé en Overen Alleluia, de laret-é, melamb Doué, pehani zou ur han a joé, eit merchein er rejouissance zou én Ilis a gaus de Resurrection hé Frièd.

S. Paul e zésq deoh péh santimanten e zeliet hou poud eid inourein en dé a Interremant hur Salvér. Ne ouyet-hui, é-m'ean, penaus ol a guemènt ma homb bet badéet é Jesus-Chrouist, é homb bet badéet én é varhue? Interret-omb bet guet-i ou ér Vadiènd, eu ne béhehemb mui, hac eit ne hélie-hèmb mui hur goal inclinationeu, mæs ma quêrhe-bèmb dré un hènd nehué. Er circonstanceu a Interremant Jesus-Chrouist e verche deoh guet péh dispositioneu é teliet er receu dré er Gommunion.

ro. Liennet oai bet é gorv guet ul lincèl guèn; hou calon e zeli ehué bout pur. 2º. Laqueit oai bet én ur bé queméret é prest; hou calon e zeli bout peur. 3º. Ne oai bet interret inou hanni én é-raug; hou calon ne zeli quet léuein d'er péhet. 4º. Goleit oai bet er bé guet ur piqueol mein; hou calon e zeli bout chairret doh modeu ha vanitéeu er béd. Assistet én Office guet ur joé santel; adoret Jesus-Chrouist interret ha resuscitet goudé; durand er vénidiction ag er Fonce, goulènnet guet-t'ou er græce de vihuein èl ur guir Grechèn; examinet ha hui e accompliss er promesseu a hou l'adiènd; degasset guencoh deur béniguet en dé-cé, eit hum chervige a nehou inemp de dantationeu er goal-speret.

#### SUL - VASQL

En Gouil bras a Basq e hum gav er Sul arlerh er pleniér a loërad Merh. Hanhuet-é Pasq, a gaus d'en havaledigueah en dès guet Pasq er Juivet. Ordrénet oai d'er bobl Juiv inourein peb plæ dré ul Lid solannel ou delivrance a sclavage en Egypt, hac er Gouil-zé e oai hanhuet Pasq, de laret-é, passage, eit degass chonge tehai é hoènt passet ag ur vro a viser hac a drebill d'ur vro a liberté hac a brospérité. Ordrénet-é ehué d'er Grechénion inourein peb plæ er Mister a Resurrection Jesus-Chrouist, de lazet-é, er passage e ras ag er marhue d'er vuhé, a pe joentas arré é inean doh é gorv, ha ma sortias len a hloër er mæz ag er be; eit ma tei chonge tehai é ma dré er Mistèr-zé en en dès ou delivret a-zan bili en diaul, a sclavage er pehet, hac ag er marhue éternel. Commandet oai d'es

Juivet sacrifiein un oén é peb famill, hac en daibrein rostet. Commandet-é ehué d'er Grechénion receu de Basq en Oén divin rostet ar er Groes dre garanté aveid omb. Obliget oai er Juivet de zaibrein en Oén Pascal guet bara hemb bihouil ha lezeu huerhue. Er Grechénion e zou ehué obliget, eit communiein erhad, de burifiein ou halon ag er bihouil a valice hac a fallanté, ha de gastiéin ou hory dré er huerhoni ag er mortification. Er Gouil a Basq, revé S. Gregoër a Naziance, e zou Gouil er Gouilieu, de laret-é, er brassan ag en ol Gouilieu; rac-cé en er goarnér durand tri dé; ha guharal é hoai goarnet durand er suhun. Ol en déieu aral a vuhé Jesus-Chrouist e zou bet déieu a affliction hac a drebill: mæs en dé ag é Resurrection e zou un dé a hloër hac a driomfl. (Leinet er Figurieu LX ha LXI ag en Testamund nehué. )

Mar doh resuscitet guet Jesus-Chrouist, er Gouis lieu a Basq e vou eid-oh déieu a joé hac a rejouissance. Mæs mar doh hosh interret ér bé ag er péhet, n'en des na joé na peah aveid-oh; quêret de ouilein guet S. Pierr. S. Paul e zesq demb doh peh merche é heèllamb hanauein ha ni zou én effæd resuscitet guet Jesus-Chrouist. Mar doh resuscuet guet Jesus-Chrouist, é-m'ean, clasquet en treu a ziar-lué él léh mei azéet Jesus én tu diheu de Zoué; queméret goust eid en treu ag en Nean, ha non pas eid en treu ag en doar; de laret-é, douguet hou chongeu ha dezirieu trema en Nean; caret Doué hac er peh e gondui de Zoué, el mei en orazon, er mortification a hou c'imur ha fantasi, en exerciceu a verto hac a zevotion, etc.; ha dispriset tout er péh zou istimet ha cherisset guet en dud ag er béd, èl mei en inourieu, er plijadurieu, er madeu, er braguereaheu.

er moden, er vanitéeu, hac en æzemand ag er vuhé. Sontéet erhad hou calon; ha mar cavet én-hi nr haz nærhus doh er péhet, hac ur grèd sincèr de gondui ur vuhé nehué, hum rejouisset guet en Ilis én dé-men en dès groeu en Eutru-Doué. A pe yehait d'er Fonce guet er Prehecion, consideret guet plijadur er Piscin sacret-cé, é péhani en e hoès receuet en droæd de galhuein Doué heu Tad hac en Ilis hou Mam. Pedein e rér ér sau durand en amzér a Basq, de laret-é, beèd er Pantecoust, eit degass chonge temb é ma un amzér a joé, hac é represantt el lehuiné éternel ag er vuhé aral, avèl ma represantt en amzér a Goaris en trebill ag er vuhé-men e zou ret temb tremén é pénigèn, é huannad hac é hirvoud, mar fal demb bout lodéq ér joyeu éternel.

## ANNONCIATION ER UÉRIÈS.

Er bempet dé ar-n'uguent a vis Merh.

HANHUET-é er Gouil-zé Annonciation, rac en décé é tas en Arh-Æl Gabriël de gavoués er Uésiès-Vari, eid annoncein dehi é hoai choæges guet Doué eit bout Mam d'é Vab uniq. Er salud caër e ras en Æl dehi, hé laquas souhet, hac en eun a goll hé furtæt, hé laquas ambarrasset. Mæs quentéh èl m'en doai assuret tehi n'hi doai nitra de zougein, hi e ras hé housantemant, hac ér memb momand en hum accomplissas itré hé digosté er Mistèr ag en Incarnation, de laret-é, Mab Doué, en eil Person ag en Drindèd, e zas de vout dén aveid omb én ur guemér ur horv hac un inešn haval doh hur ré-ni. (Leinet er Figur V ag en Testamand nehué.)

Er Mistèr-zé e laq en Nean hac en doar souhet. Ur Uériès deit de vout Mam hemb cessein a vout

Guéries : peh marveil! Un Doué deit de vout den : en hani zou a ol viscoah, e gommance boud nr hroaidur : contein e rér en déieu ag é vuhé : péh puissance! Roué er Rouanné, er Mæstr drès quement tra zou, e bariss ar en doar é quis ur sclay hac ur péhour : péh humilité! Un Doué adoret én Nean, e za de vout dispriset, outraget, goal drætet guet en dud eit ou salvein : péh caranté! Adores enta Jesus-Chrouist er hettan momand ag é Incarnation ; hum gonsacret tout dehou èl m'en des hum sacrifiet tout eid oh; deziret a greis hou calon ma vou hanauet, caret ha cherviget guet en ol dud. Contamplet bonheur er Uéries Vari : mæs consideret hosh devantage men en he haves en Ælermomenthont, ha désquet guet-t'hi carein er silance, en oræzon, er vuhé dissorb. Nezé é tiscoas peguemend é carai er burtæt, en humilité hac en aboeissance : er burtæt, rac ma ras d'antand é hoai guel guet-t'hi chom hemb bout Mam de Zoué, eit manquein d'er rô a uerhtæt hi doai groeit. En humilité, rac ma laras: me zou matéh de Zoué... ér momant ma hozi choæget eit bout Mam dehou. En aboeissance, rac ma rescondas: re-vou groeit teign èl ma hoès laret. Conceuet a hanah hou ç'hunan er santimant hum-plan e vou possibl dech, en ur gonsiderein é ma eit guellad d'hou c'orgueil é ma disquennet Mab Doué quen izel.

#### PREHECION S. MARC.

Er bempet dé ar-n'uguênt a vis Imbril.

'Hac er ROGATIONEU d'el Lun, d'er Merh ha d'er Merher quênt Rieu en Asçansion.

En Prehecion e rér bermen partout ér Grechéneah Gouil S. Marc, e zou bet instituet é Rom é græ er Pab S. Gregoër, eit distannein coler en Eutru-Doué ha distroein a ziar er bobl er malheurieu e gouéhai bamdé ar-nehai é punition ag ou féhedeu. Eit hum vangein ag er sacrilegeu e gommetter, de Basq é spécial, Doué en doai degasset ar en doar serpandet asquellet ha velimus, bac ur vocen estrange péhani e zistrugeas un tarh bras a dud. Quen dangerus oai nezé strihuein ha badaillad, a gaus d'en ampouison streauet én air ag en amzér, ma varhuai calz a dud ér circonstanceu-zé. A va-zé é ma deit er gustum d'obér Sign er Groès ar en divès a pe vadaillér, ha de laret : Doué re-hou secourou, a pe gleuer unan-benac é stribuein. Er Pab santelzé e ordrénas ur yun solannel, hac e-gomposas Litanieu er Sænt, eit bout cannet er Prehecion, e péhani é hassistai ean memb guet ol é Velean. En devotion-zé e dennas misericord en Eutru-Doué ar er bobl, hac a oudé en Ilis en dès continuet er memb ceremoni peb plæ.

Un occasion tostiq haval doh honnéh en des reit léh ehué d'instituein er Rogationeu é græ S. Mamert Escob a Vienn. Er bugul santel-zé eit distroein en afflictioneu hemb par a béré é hoai menacet é bobl, e ordrénas úr yun solannelén é Escopti guet Pedènneu publiq durand en tri dé quent Rieu en Asçansion; hac a nebedigueu er pratiq-zé e zou hum streauet partout er Grecheneah. En Ilis e ordren hoah gober vigil en de ma rer Prehecion S. Marc ha d'er Rogationeu, penaus-benac m'hi des iamet er yun e oai guharal, rac ma couch en devotioneu-ze en amzer a Basq, pehani zou un amzer a joé.

En intantion en dès bet en llis é recommendein er Prehecioneu-zé partout, e ra deoh d'antand é teliet assistein én-ai guet humilité, respet ha devotion. Rac n'en des quet bihannoh a béhedeu bermen é-mésq er Grechénion, eit ne oai én amzér meint bet instituet; ha rac-cé en hon nès quemend a zobér hermen, èl e oai nezé, a bedein er Sænt de oulen græce ha misericord aveid omb. Dongein e rér en afflictioneu tamporel hac er vocèn : mæs ne rér cas er bet ag er gorruption péhani e ravage er Grechéneah: hac a pe uélér er vocèn a vallardé é resuscitein arlerh er Pasq, é heeller laret é ma bet faus er benigen ag er Hoaris, ha sacrilege en darnmuyan ag er Hommunioneu a Basq. Péh ur ræzon aveid omb de greinein ha de hum humiliein! Eit ma vou profittabl en devotioneu-zé aveid omb, hum laquamb é stad vat, ha pedamb eid en dobérien publiq, eid en exaltation hac er brospérité ag en Ilis Catholiq, eit conversion en Heritiquet hac er fal Grechénion, eit hun Tad santel er Pab, hac er Vugulion spirituel, eid er peah itré er Brincet Crechénion, eid er madeu ag en doar, péré d'er hourcezé e vai exposet de galz a oal accidandeu, etc.

RIEU EN ASÇANSION.

Deu - uguênt dé goudé Sul - Vasq.

A oung Resurrection Jesus-Chronist bet-hac 6

Asçansion, ean e aparissas liès d'é Zisciplet eit discoein splann dehai é hoai resuscitet, hac eit rein dehai en instructioneu requis eit condui en Ilis. Anfin ean ou hassas guet-t'ou ar er Manné-Olivet, hac e vontas d'en Nean én ou fresance. Inou é ma azéet én tu diheu de Zoué en Tad eit bout hun Avocad hac hur Belég, hac eit preparein demb ul léh en é ranteleah, mar caramb héli en exampl en dès reit temb ha miret é Ourhæmeneu. (Leinet er Figur LXII ag en Testamand nehué.)

Jesus-Chrouist é vontein d'en Nean e zigueor deoh en or ag er Baraouis. Huannadet enta trema er vro heurus-cé, é péhani é huélehait er péh lagad n'en des biscoah guelet, hac é cleuehait er péh scoharn n'hi dès biscoah cleuet : hum gonsideret ar en doar èl ur forbannet : distagnet hou calon doh er béd hac é vanitéeu : queméret hou croès, hac héliet Jesus-Chrouist. Rac mar boai requis, el m'en des laret, ma handurezai, ma resuscitezai a vésq er-ré varhue, ha ma hantréezai èl-cé én é hloër, ne vehait quet disquêntet erhoalh eit chongeal é heèllehait-hui monet d'inou hemb poén ha hemb souffrance. Eit tremén erhad en dec dé e zou a va-zé beed er Pantecoust, héliet en avis e ras hur Salvér d'é Zisciplet, ha hum dennet, muyan ma heèllehait, ag er hommerce ag er bed eit disposein hou calon de receu er Speret-Santel. Sel mui m'hé digarguehait ag en istim a hanah hou ç'hunan, sel pihuiqueoh vou er græceu e receuehait.

#### ER PANTECOUST.

Hanter - hant de a oude Pasq.

En guir Pantecoust e senéfi hantér-hantvet dé. Er

Gouil-zé e oni consideret bras él Lezèn ancién. rac ma hoai én hantér-hantvet dé goudé delivrance er Juivet ag en Egypt, é ras debai en Eutru-Doué é Lezèn ar er Manné-Sinai, hac én dé-cé é hoffrènt ehué de Zoué er primidi ag er blæad nehué. Er Grechénica e inour Gouil er Pantecoust guet al Lid paud caërroh; rac én dé-cé é tisquennas er Steret-santel ar en Apostolet, eit merchein en ou halon hac é calon er Fidelet, el Lezen a garanté en des siellet Jesus-Chrouist guet é Oaid. En dé-cé é ma bet offret ehué de Zoué er hettan fréh a æst spirituel en Apostolet; rac tri-mil ag er Juivet e hum gonvertissas ér hettan Perdég e ras S. Pierr. A oudé en Ascansion en Apostolet guet er Uéries ha Disciplet eral e oai hum dennet é Jerusalem én un ti a costé, hac inou é treménent en amzér én Oræzon. Ardro nau ær de vitin ind e gleuas ur brud el pe vehai bet ag un taul ahuél; parissein e ras quentéh el teadeu tan ar ben peb-unan a nehai, hac én un taul ind e zas de vout tud nehué len a fornès, a sclærdér, a grèd hae a gourage. (Leinet er Figur LXIII ag en Testamand nehué.)

Eid antréein é santimanteu hur Mam santel en Ilis, consideret é hinouramb en dé-cé en achémand a ol Misterieu Jesus-Chrouist hac en accomplissemand ag é labour. Adorct er Speret-Santel, ha pedet ean d'obér én-ah er péh en des groeit én Apostolet; de laret-é, de scrihue donn én hou calon Lezèn Jesus-Chrouist, ha de rein deoh er græce d'hé harein ha d'hé fratiquein: goulennet é spécial er seih Donæzon péré zon: 1°. dougeance Doué; 2°. en devotion; 3°. er sciance; 4°. en nærh; 5°. er gonseil; 6°. en antandemant; 7°. en avis-mat. Laqueit reihtæt én hou g'affærieu eit ma heèllehait

hum gavouét devod-mat ha tranquil én Ilis ardro er hource ma tisquennas guharal er Speret-Santel ar en Apostolet.

#### SUL EN DRINDED.

# Er hettan Sul arlerh er Pantecoust.

En Ilis e gonsacr er blæ hæt-ha-hæt, mæs é spécial er Sulieu d'inourein ha d'adorein en Drindèd santel, de laret-é, un Doué hemb quin é tri Person distinguet, en Tad, er Mab, hac er Speret-Santel. Mæs bout-çou ardro pemb-cant-hantér-hant vlæ a p'hi dès consacret é particuliér er hettan Sul arlerh er Pantecoust eit refresquein é mémoër hé bugalé en obligation ou dès d'adorein hemb arsau un Doué é tri Person; eit rein léh dehai de gonsiderein penaus en ou dès hum aquittet ag en deværzé abad er blæ, ha de guemér er moyandeu d'en accomplissein guet mui a zevotion én amzér de zonnet; rac hennéh-é er hettan ag en ol deværieu a Religion.

Examinet enta en dé-cé ha lui e hoès impléet en ol momandeu a hou puhé d'adorein ha de chervige Doué a speret hac a galon; ha hui e hoès ean trugairicait en dout reit teoh er Fé hac en hanàue-digueah a Vistèr adorabl en Drindèt hac ag en ol Misterieu aral. Drès peb tra goulènnet guet-t'ou pardon a hou péhedeu, é spécial a hou lézidantæd é himpléein erhad er Sulieu, hac ag er bihan a gas e ret é huélet en offanceu e rér bamdé d'é vajesé olbuissant. Queméret ur resolution ferm d'obér un attantion parfæt ar er Mistèr-zé quel liès guéh ma rehait Sign er Groès.

#### RIEU ER SACREMANT.

En deuzecvet dé arlerh er Pantecoust.

· ER Rieu hemb Lid e zou consacret eid inourein en institution ag er Sacremand ag en Autær. Mæs èl ma vai occupet en Ilis én amzér-zé guet souffranceu hé Frièd, hi hé dès consacret ur Rieu aral guet un eihvet eid inourein er Sacremant divin-ze guet pomp ha magnificance. Choæget bi des eit quement-ceer Rieu quettan arlerh en einvet ag er Pantecoust, eit degass chonge temb é ma dré er Misièr bras-cé é ma maguet, fortifiet ha parfætionet en Ilis, péhani e oai bet formet ha diazéet Sul er Pantecoust. Er Pab Urbain IV e instituas er Gouil-ze ér blæ 1262, eit méhequad en Héritiquet péré en doai en hardéhtæt de nahein presance Jesus-Chrouist ér Sacremand ag en Autær. En Héresi sacrilege-zé e gommanças é Angé-ardro er blæ 1000; ha renehuéet-é bet a oudé è græ Zùingl ha Culvin. Gobér e rér en dé-cé ur Prehecion solannel é péhani é vai douguet er Sacremant, eid inourein er victoër triomslos en dès douguet en Ilis ar enemiset er Misièr-zé.

Intantion en Ilis e zou ma laquehait hou atudi durand en eih dé-zé de ziazéein sonn én hou calon er gredèn ferm ag er Mistèr bras-cé; ma reparehait en defauteu a hou Communioneu treménet, hou tibarfætioneu ha lézidantæd é cleuet en Overèn, hac hou comportemant divodest én Ilisieu; ma huannadehait ar en outrageu hac anjulieu e receu hur Salvér ér Sacremand ag é Garanté aberh en Héritiquet hac er fal Grechénion. Guet er santimanteuzé é téliet assistein ér Prehecion hac ér Vénidiction durand en eih dé, èl eit gobér Amand inourabl

aveid oh hac aveid er-ré-ral. Laret liès er honzeumen: beèt mêlet Jesus hur Salvér ér Sacremand ag en Autær, guet en intantion de ounid en Indulgeanceu e zou accordet d'er-ré où larou guet devotion. Pihue-benac e vou ingrad é quevir Jesus-Chrouist ér Sacremand ag é Garanté, e vou dishanauet guet-t'ou én dé ag é vangeance.

## GANNEDIGUEAH S. YEHAN ER BADÉOUR

Er buarvet dé ar-n'uguênt a vis Mæèhuèn.

En Ilis ne rantt de Sant er bet en inour e rantt de S. Yehan er Badéour. Rac er Sænt aral e zou deit ér bed, el er hummun ag en dud, cablus ag er péhet originel : mæs S. Yehan e oai bet santefiet quent ma hosi gannet, dré bresance Jesus Chrouist er circonstance heurus-hont ma has er Uériès Vari de visitein he haniterhue Elizabeth (Leineter Figur VI ag en Testamand nehué. ) Destinet oai guet Doué de zésquein er Bobl Juiv de handuein hur Salvér, ha de brenarein en dud d'er receu a pe vezai deit ar en doar. Condui e ras en deserh ur vuhé rust ha calet beed quene zas a vorden er Jourdæn eit perdéq er bénigen, ha badéein er-ré e zai d'er havouet. Ean e remerquas Jesus-Chrouist é tonnet ehué é-mésq er foul; ean en discoas guet é vis en ul laret : Chetui Oén Doué, chetui en hani e efface péhedeu er béd. Hanhuet-é badéour, rac m'en dès bet en inour de vadéein é Zoué, ha ma vadéui er Juivet eit ou disposein de receu er Messi. Gobér e rér en noz quend er Gouil-ze ur ouiliaden, eit represantein er rejouissance e annoncas en Æl e vezai bet é-mésq en dud diarben Gannedigueah S.

Yehan. Rac èl ma ta d'er-ré e guérh én tihoeldæd ag en noz, hum rejouissein a pe uélant en dé é holeuein, rac ne dardou quet arlerh ne sauou en heaul; èl-cé ehué en dud péré en amzér-hont e guêrhai én tihoeldæd ag er pehet, e zeliai hum rejouissein diarben Gannedigueah S. Yehan, péhani avel ur goleu-dé e barissai ar en doar é-raug hur Salvér en heaul a justice, sclærder er bed. Er Grechenion dissolitt péré diarbèn en tan-joé-zé e hum abandon d'el libertinage ha de follesheu er béd, e zeliehai shoël chongesl é hoai eit pligein d'ur gorolleres é ras Herod dibennein S. Yehan er santellan dén e zou bet biscoah ar en doar, revé Jesus-Chrouist. En Ilis e gonsacr eid inourein é varhue, en nauvet de ar-n'uguênt a vis Æst. (Leinet er Figur XXVIII ag en Testamand nehué.)

Eit profittein ag en exampleu a innoçance, a burtæt hac a benigen en des lausquet guenemb S. Yehan, peelleit doh er bed, doh e vodeu ha bobanceu: caret er vuhe dissorb, er mortification, er benigen, en disprisance e vou groeit a hanah, etc. Ne glasquet quet pligein d'en dud diar goust hou c'inean; mæs pliget perpet de Jesus-Chrouist; ha groeit hou possibl eit ma vou hanauet, caret ha cherviget guet en ol: désquet guet-t'ou bout douce hac humbl a galon, ha ne vou nitra capabl d'hou

troublein.

#### GOUIL S. PIERR HA S. PAUL.

En nauvet dé ar-n'uguênt a vis Mæéhuéo.

SANT Pierr a bésquour ma hoai, e oai bet galhuet ha choæget guet Jesus-Chronist eit boud é Viquel ar

en doar hac er pen ag en Ilis Catholiq. Hur Salvér e ras tehou er hettan rang a inour hac a otorité drès en Apostolet aral eit goarn ha condui en Ilis; hac en ol Pabet é oudé en dès héritet er garg-cé doht'ou. S. Paul e oai a gommance enemis bras d'er Grechénion: mæs a oudé ma hoai hum gonvertisset, ean e zas de voud ul lestra inour eit doug Hanhue Doué partout dré er béd. El Livr a Acteu en Apostolet n'en dai burhud meid en Histoër a vuhé hac a viracleu S. Pierr ha S. Paul. Leinet é spécial er Figur LXVIII. Martirizet - int bet ou deu é Rom en nauvet dé ar-n'uguênt a vis Mæéhuén S. Pierr e oai bet grucifiet é ben d'er gueas hac é dreid d'er lué; ha S. Paul e oai bet dibennet. ( Leinet er Figur LXXII ag en Testamand nehué.) Siellet ou des guet ou goaid en Ilis Romæn, péhani zou er vam hac er vestrès ag en of Ilisieu streauet partout dré er béd, ha péré joentet guet-t'hi, ne rant ol meid ur memb Ilis idan ur memb pen visibl, réhani zou hun Tad santel er Pab Héritour de S. Pierr ha Viquel Jesus-Chrouist ar en doar. En tan joé e rér en noz quend er Gouil-zé, e ra demb d'antand é teliamb hum rejouissein guet en Ilis ag er sclærder en des streauet Doue er bed dre er moyand ag en eu Apostol-zé.

Éit ou inourein en ur fæçon agreabl de Zoué, hum laqueit idan ou frotection; pedet int de zihnen ha de breservein en Ilis dok er Sysm hac en Héresieu; goulènnet dré ou intercession conversion en Huguenaudet hac er fal Grechénion; conjuret en Eutru-Doué de rein perpet d'é bobl Escobet ha Belean santel; queméret scuir ar en exampl a bénigèn en dès lausquet guenemb S. Pierr; ouilet èt d'hou hou fauteu, ha reparet er scandal e cèllcheon

hou pout reit d'er-ré-ral: consideret guet péh prontitud en hum gonvertissas S. Paul, ha laqueit of hou studi de ziloui hou calon ag er péh e ellehai bout caus teoh de zisplige de Zoué: anfin groeit liès en dé-cé Acteu a Fé ar er gurionnéeu principal ag er Religion; ha ne vanquet quet a drugairicat Doué ag er græce en dès reit teoh de vout croaidur d'en Ilis Santel, Catholiq, Apostoliq, ha Romæn.

### ASSOMPTION ER UÉRIÈS.

### Er bemzecvet dé a vis æst.

Hennen-é er brassan Gouil en dès er Uériès; rac inourein e rér én un taul hé marhue, er sau a he inean hac a hé horv de lein en Nean, ha hé houronnemand a hloër. 10. Er Uériès Vari en dès payet tribu d'er marhue, el er hummun ag en dud. Avertisset oni bet dre un Æl a he ær dehuehan. A pe santas é hoai tost er momant heurus-cé, hi e destamandas er pehiq hi doai a zillad d'er beurerion, e ras hé bénidiction d'er-ré e oai present, hac e rantas hé inean de Zoué guet doustér ha hemb poén er bet. 20. En Apostolet e hum gavas ol ar hé zremén-varhue, nameit S. Thomas, péhani e arrihuas de dri dé goudé ma hoai bet interret, hac e oulennas guélet hé horv. Mæs ne oai quet bet cavet ér bé, hac en Apostolet e jugeus é hoai resuscitet, hac en en doai en Ælet hé douguet cory hac inean de lein en Nean. 30. Inou é ma bet placet ér rang ihuellan arlerh Doue, drès en ol Sænt hac Ælet, ha couronnet Rouannès en Nean hac en doar. Sauet-é bet é gloër revé m'hi dosi hum humiliet. Gobér e rér Gouil Maria é creis-Æst partout é France ur Prehecion solannel, eid aquittein rô er Roué Loëis XIII péhani e hum laquas en dé-cé guet é Famill

hac é Ranteleah idan protection er Uériès.

Jesus-Chrouist a lein er Groes e récommandas de S. Yehan en Aviélour seellet er Uéries avel é Vam ; hac a lein en Nean ean e recommand hoah d'en ol Grechénion ou dout recour doh-t'hi èl doh ou Mam. Mæs eit meritein hé frotection, laqueit poén de bratiquein bé vertuyeu, é spécial hé humilité, é histimein perpet er-ré-ral guel eid-oh; hé furtæt, é preservein hou calon doh en ol inclinationeu d'er péhet; hé feuranté, é tisprisein er madeu, en inourieu ha vanitéeu er béd; hé abandon de Brovidance en Eutru-Doué, doh hum resignein d'é volanté ne vern petra e arribuou gueneoh. Hum rejouisset guet-t'hi ag er gloër hac inour hi des receuet én Nean: supliet-hi d'alum én hou calon ur grèd nærhus d'arrihue él lehuiné ag er Baraouis. Mæs chonget erhad é teliet eit quement-cé dezirein hemb cèss er marhue : rac hemb en dezir-zé ne vér quet Crechén, é-mé S. Augustin. En effæd, ne vér quet Crechén hemb er Fé: mæs péh Fé en des un den e zouge quittad ur vuhé é péhani é ma exposet é peb momand de goll græce Doué hac é inean, hac e garehai peèllad doh-t'ou ér momand ma teli monet de jouissein a Zoué? En hani ne huannad quet ar en doar avèl ur forbannet, é-mé S. Augustin, ne vou famæs lodeq é joyeu en Ælet hac er Sænt. Ha hui e ra èl-cé?

### GANNEDIGUEAH ER UÉRIÈS.

En eihvet dé a vis santambr.

A Pe inour en Ilis Gannedigueah er Uériès, hi e ra splann d'antand é crèd é ma gannet pur ha næt a béhet dré ur hræce particulier. He zad hac é mam S. Joschim ha Santès Anna, e vihuai forb peur ér béd, penaus-benac ma hoènt a leigné er Roué David: mæs dré ou vertu ha santeleah ind e veritas ma hum chervigezai Doué a nehai eit rein er vuhé d'er bihuiquean ha de gaërran mèrh e zou bet biscoah ar en doar. É hoent er mæz a oaid d'ou dout bugalé, eit rein demb d'antand é ma Conception ha Gannedigueah er Uériès un ævr a bræce hac a vénidiction. Comprenet, mar eèllet, en excellance ag en donæzoneu e scuillas Doué ar en hani e oai destinet guet-t'ou eit bout Mam d'é Vab uniq. Parissein e ras ér béd èl ur verlehuen péhani e annonçai d'en dud er fin ag en noz tihoél ag ou zristé hac er hommancemand ag en dé heurus ag ou lehuiné. Dessanet-é bet é peuranté: bihuet hi des peur, cuhet, humbl, perpet occupet guet Doué ha guet hé devær. Youanguiq-flam oai hosh a pe ras de Zoué rô a uerhiæi; hac en Tadeu santel e remerq penaus én hé raug ne oai bet guelet exampl er bet a guement-cé.

Intantion en des en llis er Gouil-ze ma hinoure hait santeleah er Uériès, ma quemérehait scuir ar he vertuyeu, é spécial hé furtæt, hé humilité hac hé feuranté; ha ma laquehait poén devout dign de receu Jesus-Chrouist dré ur vuhé exant d'er bihanuan a béhet marvel, avel m'hi des hi bihuet dré ur hræce particuliér exant a bep sort péhet memb veniel. Eit quement cé, peelleit don el langageu inutil, don er hompagnoneaheu vanitéus ag er béd; bourret é vout gueneon hou c'hunan eit ma vehait lipron de hum antretenein guet Doué; cresquet bamdé é græce hac é vertu, el er Uériès, eit ma vehait cavet dign de jouissein guet l'hi ag er gloër éternel.

ĖS.

éries.

ır hı

nd be

igue :

### GOUIL ER ROSÆR.

Er hettan Sul a vis Gouil-Miquel.

Ac en ol Berdiaheu instituet é inour er Uéries, n'en des marcé hanni streauettoh eit hanier Rosær. Er Uéries hi-memb e avertissas S. Dominiq d'instituein en devotion-zé, el ur remæd hac ur secour puissant inemp d'en heresieu ha d'er vinceu. Er faveurieu spécial en des Doué accordet é peb mod d'er Verdér ag er Rosær, e zou mercheu splann é hagré er pratiq-zé. Ur victoër parfæt douguet ar en Turquet é græ er Pab Pie V, dré er secour ag ou Fedenneu, e ras d'un nebediq goudé d'er Pab Gregoër XIII reglein ma vezai groeit er hettan Sul a vis Gouil-Miquel en Office ag er Rosær én ol Ilisieu ma hoai un Autær ag er Rosær. Ér blæ 1716, er Pab Clemant XI e reglas ma vezai groeit en Office-zé partout ér Grechéneah, eit trugairicat Doué ag é vadeleaheu, hac é spécial a zihue victoër aral douguet arré ar en Turquet dré er secour a Bedenneu er Verdér ag er Rosær, unan ar en doar a Hongri, hac en aral én Inisen a Corse. N'en dès quet burhud a fin d'en Indulgeanceu en dès accordet en Ilis d'er-ré zon ingaget en devotion-zé. Mæs eit bout lodeg en-ai, red-e hum laquad er Verdiah, hac hum aquittein ag en obligationeu a

Digitized by Google

mehi. (El livr Pedenneu hou tésquou de laret er Rosær.)

Un dra vad-é hum laquad ér Berdiaheu instituet hac approuvet guet en llis eid inourein er Uériès. Mæs un dra abominabl-é guélet ul lod vat péré e hum vantt a vout hé serviterion, é vihuein én ur fæçon contrel d'er péh e ansaign en Aviél, hac é vout guhavé er scandal ag ur hanton. Eit bout guir servitour d'er Uériès, réd-é laquad poén de bratiquein hé vertuyeu, rein d'en ol en exampl ag un devotion sincèr ha carantéus, hum sehuel guet courage inemp d'er-ré e attaq hé inour, gobér brizel d'er modeu ha vanitéeu er béd, anfin bout ur guir Discipl de Jesus-Chronist. Rac ne chonget quet é heèller bout deit mat guet er Vam, hemb gober volante he Mab : é contrel, de er Jugemant hi e vou er guettan doh hum sehuel inemp d'er-ré e zispris é hræceu eit bihuein d'ou fantazi, hac é houlen ou hondannation.

### EN DEDICACE,

# Pé Consecration ag en Ilis.

## En drivet Sul a vis Gouil-Miquel.

En Dedicace ag un Ilis e zou ur ceremoni dré béhani un Escob e gonsacr ur batimant eit boud un ti a Bedén hac un domurance de vajesté en Eutru-Doué ar en doar. Inourein e rér peb plæ er mémoër ag er Gonsecration-zé dré ur Gouil solannel; ro. Eit trugairicad Doué agé vadeleaheu, hac éspécial ma plige guet-t'ou gobér é zamurance én hun Ilisieu, èl pe vehai eit bout gûel én amèn de cheleuet hur

Pedenneu ha d'hur maguein guet é gonzeu ha guet Corv adorabl é Vab uniq. 20. Eit degass chonge temb é homb Tampleu d'é Vajesté; é homb destinet eit composein er batimant spirituel, a behani é vou groeit en Dedicace én Nean, mar auduramb bout taillet ha policet ér béd-men dré en afflictioneu ha trebilleu. Rac bout-cou un havaledigueah admirabl itré er peh e vai groeit eid en Dedicace ag un Ilis, hac er péh e hum hroa bamdé eid er batimant spirituel e zeli un dé bout consacret én Nean. Quent batissein un Ilis, er mæstr-batissour e choæge e vein hac e ra ou zaillein : peb mein e vai placet él léh destinet tehou; hac er vein-zé arranquet ha joentet assambl e form ur batimant, péhani e vai consacret arlerh eit boud un Ilis. Chetui er figur ha chetui bermen en explication. En dud e zou er vein bihue ag er batimant spirituel a béhani é vou groeit en Dedicace én Nean; Doué e zou er mæstrbatissour, péhani dré un effæd ag é justice e abandon lod a nehai d'ergorruption ag ou halon, durand ma ta dié ur pur effæd ag é visericord de choæge lod aral cit cavouét léh tehai én é vatimant : er-ré-men e vai taillet ar en doar dré er Sacremanteu, dré en instructioneu, dré er græceu, dré en afflictioneu : er garanté péhani ou joenti ol assambl guet er mein sol (Jesus-Chrouist), ne vou parfæt nameid én Nean: bet-ha nezé ne vou laqueit peb mein él léh desmet tehou; hac arlerh Jesus-Chrouist, er Belég-bras a ol éternité e rei en Dedicace ag é Ilis, pé, el ma lar S. Paul, hé fresantou de Zoué pur he glan, eit bout de virhuiquin heurus guet-t'ou.

Eid inourein erhad er Gouil-zé, renehuéet én hou calon er santimanteu a respèt e zeliet hou pout eid en Ilisien; ha reit un draiq-benac a hou c'hani eit ou antretenein: hum bliget doh hum gavouét én-ai eit gobér hou Pedenneu: chonget lies é hoh hui-memb un Tampl de Zoué, hacételiet dihoal a brofanein é-mod er bet en Tampl-zé: pedet Doué d'obér a hansh er péh e garou; troheét, tailleét, losqueét, affligeét er béd-men, eit ma cavehait misericord ér béd-hont, ha ma rei deoh ul léh é assamblé er Sænt.

### CALAN - GOÚYÁN.

Curroi é berr guirieu petra en des reit occasion de Ouil en ol Sænt. Er bobl Romæn ( guet eun merhad ne vezai bet jalousi itré ou Idolet p'ou devezai reit de unan ur rang ihuelloh eit d'er-ré-ral) en doai batisset tehai un Tampl rond, hac ou laqueit ol tro-ha-tro. Ardro er blæ eili-cant-pemb-ha-tregont ur Pab hanhuet Adrian, e oulennas en Tamplzé eit gobér un Ilis, hac er honsacras de Zoué er hettan de a vis Calan-Gouyan idan protection er Uéries huc en ol Sænt; hac a oudevéh er Grechénion e inour en dé-cé guet ul Lid spécial. Intantion hur Mam santel en Ilis e zou ma tei hé bugalé en dé-cé d'inourein en ol Sænt, er-ré zou hanavet guenemb hac er-ré n'en dint havauet meit guet Doue; ma repareint dré ou devotion en ol direspet commettet é quevir er Sænt durand er blæ; ma huéleint én un taul er foul a exampleu caër en dès lausquet guenemb tud a bep oaid, a bepestad ha condition, ha ma considereint er recompance a béhani é jouissant é gloër en Eutru-Doué; ma trugairicaint Jesus-Chrouist ag er victoërieu en des meritet d'é serviterion péré zou deja én Nean, hac ag er græceu e ra bamdé d'er-ré e vihue hosh ar en doar, eid acribue chué ér bonheur éternel.

A pe ourhæmener deoh heli en exampleu a humilité, a charité, a batiantæt, a bénigen en des reit temb Jesus-Chrouist durand mei bet ar en doar, hui e gav de laret é hoai Doué ha ne oai nitra diæz tehou; mæs a fæd-oh-hui, é hoh carguet a fallanté, ha n'en des quet calz moyand tech pratiquein er vertuyeu-zé. Mæs péh digaré e gavehait-hui, mar considerer er Sænt péré en dès bihuet én hou rang? Conceuct ha gannet int bet, el-oh, er pehet: chuget int bet, el-oh, d'en tafitationeu, ha d'en inclination d'er péhet : er béd hac en diaul en dès hum laqueit de unan eit on dioustein doh er mad, hac ou stleigeal d'en droug : n'ou des quet neoah collet courage; douguet ou des memb er victoër. Méh e zeliet enta hou pout ma hoh quel lausq ha quen digas. Perac ne reheoh-hui er peh en des grocit bugalégueu distér ha tud avancet én oaid? Mar cavet é hès poén é resistein dob er goal inclinationeu, consideret er vrastæd ag er recompance e zou reservet d'er-ré e renonciou dehai ou hunan, e guemérou ou hroès hac e héliou Jesus-Chrouist. Er poénieu-zé ne badant meid ur momand; mæs er recompance e von éternel. Petra e gavehait-hui de rescond a pe vou discoeit tech en e hoès itré hou teourn er memb moyandeu ha secourieu guet péré en dès hum salvet er Sænt ?

## commemoræson er fidelet treménet. En eil dé a vis Calan-Gouyan.

(Mar deziret goud petra en dès reit occasion d'instituein er Gouil-zé, leinet er Chapistr VII ag er Reslexioneu ar er ped ir fin dehuehan.

. En Ilis en dès destinet un dé particuliér aveit pe-

dein eit soulsgemant en ineanneu e sudur poén er Purgatoër, hac en des choæget eit quement-cé en trenoz Gouil en ol Sænt, eit discoein demb er Gommunion e zou itré en ol mambreu ag en Ilis. Rac er Fidelet e zou én Nean, ér Purgatoër hac ar en doar, e zou ol mambreu d'en Ilis. Galhuet ind ol d'en heurustæd éternel. En tair Ilis-cé ne rant meid unan idan er memb pen (Jesus-Chrouist). En Ilis e zou ar en doar e hum zoug de veritein er memb bonheur, doh hum rejouissein de Calan-Gouyan zac ma jouiss deja er Sænt ag en heurustæd-cé: hac en trenoz hi e adrèss hé Fedenneu de Zoué eid en Ilis ag er Purgatoer, eit ma pligeou guet-t'ou bèrvad hé foénieu hac hé zènnein de gompagnoneab er Sænt.

En llis n'antand quet ma pedehait eid en incanneu e ouvet sur e zou ér Baraouis, nac eid er-ré e ouvet sur e zou en ihuern, el en Héritiquet, es Bayannet, er Sysmatiquet, er-re Escommuniet, hac en Apostadei. Mæs hi e antand ma pedehait eid. en ol ineanneu treménet é Communion er Sænt, ha memb eid er héherion en des reit quênt merhael ur merche benac a bénigen, pé e zou bet somprenet guet er marhue. En trenoz Gouil en ol Sænt e zou enta destinet eid pedein aveid en incannet ag er Purgatoër é general, ha non pas aveit hou quærent hac hou c'amiet é particuliér. Er Sacrifice ag en Overen e zou sur en excellantan Peden e febeoh gobér aveit-t'ai : mæs cèllein e rér opèn ou soulagein dré er yun, dré en alézon hac en ævreu mat groeit en ou intantion. Nitra ne vir dohoh a reservein déieu aral durand er blæ eit pedein aveit hou quærent hac hou ç'amiet. Er Chapistr VII ag er Reflexioneu ar er pedair fin dehuehan, e zésquon deoh peguemènd é ma agreabl de Zoué ha profitabl aveid-oh en devotion é quevir en ineanneu ag er Purgatoër.

## CONCEPTION ER UÉRIÈS.

### En eihvet dé a vis en Avend.

En Ilis n'hi dès quet prononcet é ma bet conceuet er Uériès exant ag er péhet originel : mæs hi e zisco splann é crèd é ma bet gorantet a nehou dré ur hræce particuliér, a pe inour en dé a hé Honception guet ul Lid solannel. A pe vai quéstion ag er péhet originel, S. Augustin ne veên quet ma vou conzet ag er Uériès, a gaus d'en inour e zou déliet de Jesus-Chrouist hé Mab. Er faveur spécial-zé en dès ehué meritet tehi mei bet exant ag en inclination d'er péhet, ha m'hi des treménet tout hé buhé hemb commettein en distérran péhet.

Eid antréein é santimanteu en Ilis, inouret er hettan momand-hont a santefication er Uériès, ha trugairicait Doué en dout reit d'er béd en hani a béhani é ma gannet Jesus-Chronist. Purifiet hou calon ag en ol inclination d'er pénet; queméret er resolution de voud ur guir servitour d'er Uériès, hac ur veritabl Discipl de Jesus-Chronist hé Mab.

Rai hir vehai rein deoh instructionen ar er Gouilieu aral e hum gav durand er blæ.

### ARTICL II.

# Ag en eil a Ourhæmeneu en Ilis.

Sul ha Gouil cleu en Overèn Èl ma téli peb gùir Grechén.

En Ilis dré er Ourhæmen-zé e ordrén d'en ol Grechénion deit d'en oaid a ræzon assistein devod-mad én Overen d'er Sulieu ha d'er Gouilieu miret, meit hac ind ou dehai un escus mat ha ræzonabl. N'en dai quet erhoalh eit cleuet erhad en Overen, boud a gorv én Ilis; réd-é open assistein én-hi a speret hac a galon, de laret-é, guet devotion, respet, attantion, modesti, ha guet un dougeance santel.

10. Eit cleuet erhad en Overen, rédé boud ér stad heurus a græce Doué; pe ahoël goulen a greis er galon pardon ag er péhedeu; quemér er ferm resolution d'ou huittad ha d'obér pénigen a nehai. En Ælet e greine guet respet dirac Doué; penaus é heèll enta ur péhour monet dirac-t'ou guet ur gousciance corromplet, hac ur galon staguet doh er péhet? En hani e assist én Overèn guet er sort santimanteu-zé, n'en dai quet dihaval doh er-ré e staguas Jesus-Chrouist doh er Groès.

2°. En Overèn e zou er Sacrifice ag er Groès offret a nehué en ur fæçon n'en dès quet a oaid scùillet. Deliet-é deoh enta dezirein a guement ma hob capabl hé hleuet guet er memb respet ha devotion en doai en tair Mari ital troæd er Groès a pe oai hur Salvér é verhuel doh-t'hi. Deliet-é deoh hoah bout ha pedein én Overèn guet un dougeance santel, èl pe veheoh é mésq en Ælet, péré e hum humili

dirac er vrastæd a buissance hac a vajesté un Doué, eid er mêlein, en inourein hac en adorein.

En Ilis e ordrén deoh é spécial assistein liessan ma heèllehait én Overèn-Brèd én hou Parræs idan boén a voud escommuniet mar manquet a bep tri Sul unan, hemb ur ræzon legitim. Chetui en avantageu caër e dennehait ag en asistance én Overen-Bred en hou Parræs: 10. Gober e rer inou paud a dreu capabl d'inspirein deoh ur respèt bras eid er Misterieu ag er Religion, èl mei en Deur béniguet, er Prehecion, er Bara béniguet, er Pronn hac en Instruction: en Overen-Bred e vai laret é intantion en ol Parræssiennet bihue ha marhue. 20. En ol Fidelet ag ur memb Parræs doh hum gavouét èl-cé joentet guet hou Bugul eit presantein ou dobérieu de Zoué, e represantt en Ilis general, de laret-é, er mambreu joentet guet er pen, (Jesus-Chrouist ). 30. Er Vugulion spirituel e rescond de Zoué a salvedigueah ou deved : rac-cé en deved e zon obliget de hum bresantein dirac-t'ai eit clenet en ansaignemanteu a salvedigueah.

Hilleih e goll en Overen dré ou goal hemb ne brezant quasi chongeal é péhant: er-ré e vai dehue-had bras tehi; er-ré ne vent én-hi meid a gorv ha non pas a attantion, el er-ré e chonge guet plijadur én ou ivraignereah, én ou horolleu, én ou infamité; er-ré e ya dehi eit bragal ha guet gloër, eit seellet ha bout seellet: er-ré e lausq ou chonge guet treu aral e goll enué en Overen, mar bai peell ou speret fariet el-cé esprès pé dré ou faute; mæs ma ne vai meid ur berriq amzér, n'en dai meid ur péhet veniel. Dré hou coal ha dré hou faute vai mar beoh dibarfæt én Overen, a pe zet dehi guet un isprit carguet ag en treu ag er béd, rac ma chomet beèd

en dehnehan clohad de cheleuet mil lanternage, 6leh monet é cource d'en Ilis; a pe zet dehi en ur reguéassal, en un hoari; a pe ret guir de unan-benac de hum gavouet inou, ha ma laquet hou chongé

guet-t'ou.

Mæs mar doh oueit d'en Ilis guet un intantion vat, mar e hoès groeit hou possibl eit hum laquad é presance Doué, ha renonciein d'en ol chongeu aral; n'en doh quet nezé cablus ag en dibarfætioneu a hou speret. Pe hum gavehai neoah hou teulagad de seèllet un dra benac, ha ma hum arresteheoh esprès d'er honsiderein pé de chongeal én-ou, nezé é vcheoh cablus ag er chongeu digampèn-zé, dré m'hou pehai sèntet doh-t'ai, penaus-benac n'hou pehai quet reit occasion dehai. Mæs mar hum gavet de seèllet hemb chongeal, ha mar distroet hou speret quentéh èl ma ta deoh hum avisal, ne ret a-zé faute er bet, rac en drespèt teoh é vai hum lairet hou speret de chongeal èl-cé.

Mar dai én un Overèn simpl é hassistet, hui e rei mat hé hleuet pèn d'er bèn ar hou teulin, nameit durand en eu Aviél. Én un Overèn cannet é heèllér a gourceu széein: mæs a oudé er Sanctus beèd er Gommunion, réd-é hé hleuet ar en eulin, mar dai possibl. Er uellan fæçon de gleuet en Overèn. e zou héli er Pedenneu hac en actioneu e ra er Belèg doh en Autær, ha chongeal ér circonstanceu a varhue hac a Bassion Jesus-Chrouist, represantet dré bephani a nehai. Rac en Overèn e zou ehué ur represantation, pé, mar caret, ur gontinuation a varhue hac a Bassion hur Salvér. A pe offr er Belèg er bara hac er gùin de Zoué, ni e zeli ehué ou offrein guet-t'ou, ha hum offrein ni-memb eid adorein Doué, eid en trugairicad, eit goulèn pardon, hac

eit goulen er peh zou necessær demb. (Leinet er Chapistr XIV, Parti II ag er Vuhé devod, hac en explication ag er ceremonieu ha Pedenneu ag en Overèn, e gavehait amen arlerh ér Chapistr ag er Beden.) Er-ré ne ouyant quet hum represantein Passion Jesus-Chrouist diarbèn er péh e ra er Belèg doh en Autær, e eèll cleuet en Overèn en ul laret er Pedenneu e onyant meit ma hassisteint én-hi guet respèt, confiance, ha fé, ha m'ou don d'er bihantan un intantion general de hum joentein doh er Belèg, ha d'offrein guet-t'ou de Zoué er Sacrifice adorable-zé eid en adorein, eid en trugairicad, eit goulen pardon, hac eit goulen dré Jesus Chrouist tout er péh e oulèn er Belèg doh en Autær.

Ne yet quet d'en Overen d'er Sulieu ha d'er Gouilieu dré ur pur acustumance hac eit contantein hou tevotion hemb quin : me antand é teliet hou poud open en dispositioneu merchet amen, en intantion d'accomplissein Gourhæmen en Ilis. Rac, par exampl, unan e yehai d'en Overèn en deieu-ze eit contantein é zevotion ha guet en intantion a gleuet houh un aral goudé, eid accomplissein Gourhæmen en Ilis, e vehai obliget de gleuet un eil Overen, deusto m'en dehai deja cleuet unan en décé. Quêret d'en Ilis èl pe yeheoh d'er Halvær de uélet grucifiein Jesus-Chrouist : én ur monet én Ilis creinet guet ur respet ha dougeance santel é presance en Eutru-Doné; queméret deur béniquet guet devotion ha contrition a hou péhedeu, assistet én Asperges guet er memb devotion eit purifiein hou c'inean muyoh-mui dirac Doué, hac eit peellad tantationeu er goal speret a ziar-n'ah durand en Overen: ér Prehecion chonget én hur Salvér casset a Juge de Juge, ha contraignet de zoug é Groes ar er Halvær.

Mæs en Ilis e ouair splann é hès calz a dud e vihue ér stad a béhet marvel hac én inclination d'er péhet marvel, ha ne za er-ré-zé d'en Ilis meid eit gobér goab a Zoué, hac en outragein el er Soudardet-hont péré e stouyai dirac Jesus-Chrouist hac er soucadai en ur obér seblantt a en inourein : perac enta é hoblige hi er sort tud-cé de gleuet en Overen? Chetui er peh e mès de rescond ar guementcé: en Ilis é hordrénein d'é bugalé assistein én Overen, e ordrén dehai de guettan tout hum laquad en dispositionen requis eit he hleuet erhad, de laret-é, assistein én-hi guet er santimanteu ag ur fé bihue, ag un humilité vras, ag ur gontrition parfæt: hac èl ne juge ag ou halon nameit doh ou dianvès. hi e grèd en ou dès er santimanteu-zé, durand ne nel en ou homportemant nitra e rehai dehi jugein er hontrel: mæs hi e zihuen doh er Velean a laret en Overèn dirac ré ne ziscoëhent quet é mant presant én-hi a speret hac a galon guet un attantion santel. Rac-cé en Ilis e gommand assistein én Overen, hac e zihuen monet dehi hemb en dispositioneu requis ha necessær, pé ahoël hemb ur resolution sincèr de changein a vuhé, mar bér ér stad a béhet marvel.

## ARTICL III.

Ag en daireet a Ourhæmeneu en Ilis.

T'he béhedeu e govessei Ur uéh ér blæ, ma ne rès mui.

En Ilis dré er Ourhæmèn-zé e ordrén d'en ol Grechénion covessad ou féhedeu ur uéh peb plæ d'er

bihannan, d'ou Ferson pé d'ur Belég aral aprouvet én ou Farræs. Hanni n'en dai dispancet ag er Ourhæmen-ze ag er momand ma vai capabl de béhein marvelemant, boed er fin ag é vuhé : er vugalé-memb e zou dalhet d'hé accomplissein quentéh él m'ou des en oaid a ræzon. En Ilis n'hi des quet merchet de béh cource ag er blæ é téliér gbbér er Govezionzé: mæs er Ourhæmen hi des groeit d'hé bugalé de gommuniein de Basq, e zou ur merche sclær é ma eit ma hum brepareint d'er Gommunion-zé, en hi dès commandet tehai covessad ou féheden d'er bihannan ur uéh ér blæ. Ne larér quet deoh neoah gortoz bet-ha Pasq hemb monet de govessad ; rac ma ne dostet meit blæ-ha-blæ, hui e hoès de zougein ne reheoh ur fal Govezion hac ur Pasq sacrilege; hac èl ma houyet, en hani en dès er malheur d'obér ur fal Govezion, n'accompliss quet Gourhæmeneu en Ilis.

Ordrénet-é deoh gobér er Govezion-zé én hou Parræs; ha n'eellet quet monet d'hé gobér él leh aral hemb permission hon Person. Chetui pe-dost er péh en dès asrestet en Ilis ar guement - cé ér buaryet Concil general a Latran ér blæ 1215. « No · vern peh Fidel deit d'en osid a ræzon e govessei.. « perhuéh ol é béhedeu d'er bihannan ur uéh ér « blæ, d'é Veleg propr, de laret-é, d'é Berson pé « d'ar Belèg aral aprouvet én é Barræs, hac e la-« quei é ol studi d'accomplissein er bénigèn e vou « reit dehou, eit ma vou ér stad de gommuniein « d'er bihannan de Basq, meit-hac ur ræzon benac « legitim e vehai d'en derænein beed ur hource « aral. Pihue-benac ne sèntou quet doh el Lezèn-« zé, ne zeli quet bout lausquet d'antréein én Ilis « durand é vuhé, nac interret én doar béniguet

arlerh é varhue... Mar behai unan-benac e zezirehai monet d'obér er Govezion-zé ér mæz ag é Barræs, ean e zeli goulen eit quement-ce permis-« sion guet é Berson : rac ma ne vehai accordet e tehou er bermission-zé, er Belég doh péhani en a hum adressehai, n'eèllehai quet er chelenet é « Covezion, hac en assolven e rehai dehou e vehai « sacrilege... » Obliget omb enta de dostad d'er Sucremand a Bénigèn ur uéh ér blæ d'er bihannan, idan boén a escommunication.

Me ouair en Ilis ne oblige absolumant hé bugalé de dostad d'er Sacremand a Bénigen nameid ur uéh er blæ: mæs er sourci e zeliamb hur bout perpet de hum oarn doh finesseu er goal speret, de hum gonservein é græce Doué, de laquad hur salvedigueah én assurance a guemènt ma heèllamb, e zeli gobér demb tostad liès d'er Govezion guet eun a hum acource doh er péhet, guet eun a gouéh ér stad malbeurus a zallediguesh hac a obstination. Rac-cé unan e hum lequehai én dangér a ancoebad ur péhet marvel benac mar da ha tardein a monet de govessad, e zou obliget de dostad prestan ma heèllou, guet eun a vanquein dré é faute a obér ur Govezion vat hac antier. Unan en des ræzon de gredein é ma ér stad a béhet marvel, ne zeli quet chué tardein a dostad d'er Govezion. Ne laran quet neoah é vér obliget de rideq de glasq ur Hovezour quentéh èl ma vér couéhet ér péhet marvel, nameitha requis vehai pé communiein pé receu ur Sacremant benac aral : mæs me lar é teliér profittein ag er guettan occasion, eit hum sehuel ag er stad-cé. Rac penaus eousquet tranquil ar vorden en ihuern?

pihue-benac e eell covessad hac e varhue guet ur péhet marvel hemb quin ar é gouciance, e hum goll dré é lézidantæd, hac é vehai possibl en en dehai ean ur Gontrition vras ag é béhet. Mæs er-ré ne gavant Covezour er bet, pé n'eèllant quet covessad, e zou obliget d'obér un Act a Gontrition parfæt guet en dezir de govessad quentéh èl ma heélleint. Recommandet-é hoah er Govezion de unan saisi hac e dosta d'hé zermén : d'er-ré e ya én ur voyage dangerus ar er mor : d'er-ré e ya d'er brizél : d'erré e ya eit peèl amzér d'ur vro é pehani ne gaveint quet Covezerion, pé n'antandeint quet el langage : d'er-ré e hum zispos de guemér ur stad a vuhé, etc. Anfin en Ilis e zezir ma tostehemb d'er Sacremanteu quel liès èl m'hun nès dobér eid antretenein hun înean en ur guir devotion : rac er-re ne dostant meit a pe vai rel, e zisco assès ne rant paud a gas nac a Zoué nac a ou inean.

### ARTICL IV.

Ag er bedairved a Ourhæmeneu en Ilis.

T'he Dad Salvér e receuei Peb Pasq, humplan ma heèllei.

En Ilis dré er Ourhæmèn-zé e ordrén d'en ol Fidelet Crechénion communiein guet en dispositioneu requis ha necessær, de Basq, én ou Farræs, ha non pas él léh aral hemb congé ou Ferson. N'en des hanni exant a accomplissein el Lezèn-zé, pas memb er vugalé; a pe juge ou Hovezour en ou dès squénd vat assès eit hanauein er gonsequance ag un action quer santel èl honnéh Peb-unan e zou obliget d'obér é Basq én é Barræs, ha hanni n'eèll

Digitized by Google

er gobér él léh aral hemb congé é Berson. Ne accomplissér quet er Ourhæmèn-zé dré ur fal Gommunion; hac er circonstance ag ur sacrilege groeit de Basq, e zeli boud expliquet ér Govezion e vér : obliget d'obér eit er reparein. Pihue-benac e vehai obliget d'obér ur Govezion general, rac m'en dehai bihuet dalh-mad é goal stad, e vehai obliget ehué de zisclæriein peèd Pasq en dehai groeit durand é fal vuhé.

Er-ré e hom gav clan durand er Pasq ha n'eèllant quet monet d'en Ilis, e zeli galhuein ou Hovezour quentéh el ma vou treménet er pemzec de a Basq, eit hum laquad ér stad d'aquittein en obligation-zé. En Ilis e ordrén d'er Govezerion dalæein en absolven d'er-re ne gaveint quet disposet mad eit gobér ou Fasq; hac en dud-cé e zou obliget d'obér er péh e zou commandet tehai dré ou Hovezour, ha de retourn de govessad d'en amzér en dou merchet tehai : rac obliget int d'accomplissein Gouthæmen en llis prestan ma heelleint, ha ma ne brezanter gobér, ind e béh. Aveid er-ré e ya quent Pasq én ur voyage benac péhani e virou doh-t'ai a obér ou Fasq guet er-ré-ral, recommandet-é dehai gober ou Fasq er-raug. Er-re e za d'er guær goude Pasq, e zou obliget de hum bresantein prestan ma heèlleint

En llis ne gommand d'hé bugalé communiein meid ur uéh ér blæ: mæs hi e zezir ma vihueint perpet santel assès eit boud ér stad de gommuniein liès. (Hui e gavou en dispositioneu requis eit communiein liès expliquet én Articl ag er Sacremand ag en Autær.)

## ARTICL V.

# Ag er bempèt a Ourhæmeneu en Ilis.

Er Hoaris, er Hortualeu E yunei, hac er Vigilieu.

 $\mathbf{E}_{ exttt{N}}$  Ilis dré er Ourhæmèn-zé e ordrén d'en ol Grechénion péré en dès ur blæ ar-n'uguênt accomplisset, yunein en cu-uguênt dé a Goaris, er Hortualeu hac er Vigilieu ordrénet. Yunein e zou tremén un déuéh guet ur prèd bouéd hemb quin, guet en intantion a obér pénigèn. Guharal ne zaibret d'en déieu yun nameid ardro tair ær goudé creisté, ha hoah de Goaris é hortait beèd ardro cuh-heaul. Nezé ne oai quet permettet mui eit bermen, daibrein quiq en déieu yun; dihuennet oai memb ivet guin. Mæs a nebedigueu é ma deit er gustum de zaibrein · ardro creisté; hac a oudévéh en Ilis e bermet gobér de noz ur golation, meit ma vou paud scannoh eid ur prèd ordinær; de laret-é, ne vou quet daibret paud, ha ne vou daibret na quiq, na pésquet, nac uïeu, etc. N'eèller quet reglein peguemend e eèll peb-unan daibrein de golation : un dra sur-é ne zeliér quet daibrein èl d'ur prèd ordinær. Er yun e zou instituet eit castiein er horv ha gober satisfaction de Zoué dré er bénigen: ne zeliér enta daibrein nitra, nac ivet pas memb ur ueh deur, meit ha dober vras e vehai, nameit de gource er prèd hac er golation. (Leinet Magasin spirituel er Beurerion ar er Ourhæmen-zé, hac ar er-ré-ral.)

A Lezènneu en Ilis n'en dès marcé hanni e dorrér guet bihannoh scrupul eid en hani ag er yun N'en des digaré ne glasquér eit bout dispancet a nehi. A guemend en des neoah ur blæ ar-n'uguent accomplisset, n'en des exant a yun nameid er maguerezet, er merhet saisi, en dud clan, er-ré en des labourieu quer calet d'obér, ma vehent obliget de lausquein ou labour mar behênt contraignet de yan, hac er-re n'eellant quet yan hemb revinnein ou yéhæd. Rac-cé er-ré e cell guet un tamiq poén gobér ou labour pé en derænein beed ur hource aral, hac yun, n'en dint quet exant a er gobér. Erré zou requis tehai labourad eit bihuein, ha n'eèllant quet guet ou labour yon el mei deliet, e rinq gober er pehiq e eellant. Ma n'eellant quet a gren yun, ind e zeli goulen dispance guet ou Hovezour. ha difautein pé dré Bedenneu, pé dré alézoneu, pé dré ævreu mad aral, er breche e rant de Lezèn en Ilis. Rac n'en dès hanni ne gav en tu de hum gastiein en ur mod benac. En dud avancet en oaid n'en dint quet exant a yun durand ma heèllant er gobér. Péh ur méh e zeliehèmb-ni hur bout mar considetamb guet péh grèd ha courage é yunai er Grechénion guharal! Hur Mam santel en Ilis en des douceit el Lezen ag er yun a gaus d'hur goannedigueah ha d'hur fallante, ha hoah ni e grèd hum glèm ha clasq mil digaré eit bout dispancet a nehi! Hac ingorto omb-ni a monet d'en Nean hemb gobér pénigen?

Péhein e rér inemp d'er Ourhæmèn-zé: 10. A pe zaibrér d'en déieu yun pé quiq pé ur mæz benac hac e bass eit bout quiq. 20: A pe zaibrér pé ma hivér hemb necessité vras istroh eit d'er hource ag er prèd. 30. A pe zaibrér quent cource er prèd; a pe vér rai beèl doh taul, a pe zaibrér rai, pé treu rai friand. 40. A pe zaibrér de golation quemènd èl

d'ur prèd ordinær. 50. Er véstr péré e vir doh ou zud a yunein, pé e ra dehai esprès labourieu calet eit ne veint quet ér stad de yun, e béh ehué inemp d'er Ourhæmèn-zé. (Laret hun nès ar er guettan Gourhæmèn petra zou ret gobér eit santefiein er Hoaris.)

Er Hortugleu e zou bet instituet: 10. Eit consacrein de Zoué dré er bénigèn er hommancemand a bep sassun ag er blæ. 20. Eit pedein Doué de rein d'é llis Bugulion mat ha santel : rac nezé é rér en Urheu. 30. Eid er pedein de gonservein er madeu ag en doar, hac en trugairicad ag er-ré en des reit temb Cortualeu en nehué-han e hum gav er Merhèr, er Gùinér hac er Sadourn ag er guettan suhun a Goaris. Cortualeu en han, pé en Drindèd, e hum gav er Merher, er Guiner hac er Sadourn arlerh Sul er Pautecoust. Certualcu en dilost-han, pé S Maheu. e hum gav er Merher, er Guiner hac er Sadourn arlerh Gouil er Groes é mis santambr. Cortualeu er Gouyan e hum gaver Merhèr, er Guiner hac er Sadourn ag en dairved suhun ag en Avend. En Ilis . hun oblige de yun er Hortualeu ér mod mei laret ihuelloh, ha d'obér en déieu-zé Pedenneu ha peb sort ævreu mat. Hui e ouair é téliet hum laquad ér stad a hræce, eit ma vou meritabl hou penigennen dirac Doué.

Er Vigilieu e zou yuneu commandet en de quent certæn Gouilieu bras, eit ma hum breparehemb dre er benigen d'ou santesiein: èl mei Vigil S. Yehan er Badeour; Vigil S. Pierr ha S. Paul; Vigil en Assomption pe Gouil Maria e creis-Æst; Vigil Calan-Gouyan; Vigil Nendeleq. Hanhuet-e en deieu ze Vigil pe Veil, rac guharal er Fidelet ne yent quet de gousquet en noz quend er Gouilieu-ze: he

Digitized by Google

zremén e rênt én Ilis é pedein, èl ma rér hoah noz Nendeleq. En abusanceu e arribuai diarbèn er veilleu-zéezou caus n'en dint quet mui pratiquet. Boutçou hoah Vigilieu aral é péré n'en dai quet ordrénet yun, èl mei en dé ma rér Prehecion S. Marc, hac er Rogationeu, a béré en hun nès conzet ér guettan Gourhæmèn.

### ARTICL VI.

# Ag en huéhoèd a Ourhæmeneu en Ilis.

D'er Sadourn ha d'er Guinér É ma Vigil é peb amzér.

En Ilis dré er Ourhæmèn-zé e ordren demb gobér abstinance peb Gùinér ha peb Sadourn durand er blæ; de laret-é, hi e zihuèn dohemb a zaibrein quiq d'er Gùinér ha d'er Sadourn, nameit ha dé Nendelêq e hum gavehai unan ag en déieu-zé. En abstinance-zé e zou bet ordrénet eit n'ancoehemb quet é téliamb dalh-mat bihuein é mortification hac é pénigèn. En Ilis en dès choæget eit quemènt-cé er Gùinér a gaus de varhue hur Salvér, hac er Sadourn é mémoër ag é interremant, hac eit hur preparein dré er bénigèn de santefiein er Sul.

Peb Escob en des er bouvoër d'ordrenein en é Escopti yonen ha vigilieu particulier é circon stanceu extraordinær, èl mei a gaus d'ur séhour bras, d'ur guêrteri, d'ur vocèn, d'ur goal glinhuèt: hac un estrangeour e hum gav én Escopti-hont én ur circonstance èl-cé, e zou obliget de yun pé d'obér vigil èl en dud ag el leh. Mæs pe hum gavehai tud ag en Escopti-zé, dré chanche, én un Escopti aral é pé-

hani ne vehai quet ordrénet yun, er-ré-zé ne vehènt quel ehué obliget de yan. Me lar dré chanche, rao pe yehent espres er mæz ag ou Escopti eit cavouet en tu de fraudein el Lezen, ind e behehai. Chetui hoah un exampl ar guement-ce. Me laqua é permet Escob Quimper d'é bobl d'aibrein quiq deu pé tri dé peb suhun durand er Hoaris : en dud a Escopti Guéned e hum gavehai, dré chanche, é Quimper en déieu-zé, e cellehai daibrein quiq just el en dud ag el leh: mæs pe yehent espres ar zoar Quimpén eit cavouét en tu de zaibrein quiq, ind e béhehai: hac en dud a Quimper e zehai ar zoar Guened, e behehai é taibrein quiq en deieu ma vehai permettet daibrein é Escopii Quimpér. N'en des quin ræzon a guement-cé, nameit ma téliér hum gomportein revé er reglemanten particuliér ag en Escopli é péhani en hum gavér hemb fraud na treizoni.

### CHAPISTR V.

DOUÉ BN DÈS DIAZÉET É DI AR SEIH PILÈR.

# Ag er Sacremanteu.

Un Sacremand e zou ur merche sansibl en des Jesus-Chrouist instituet eit hur santesiein. Ur merche sansibl, de laret-é, un dra, un action e gouéh idan er squendeu, hac e senesi ur hræce invisibl e zou reit d'en hani e receu er Sacremant. Par exampl, ér Vadiend ni e uél en deur hac action er Belèg péhani e vadé; ni e gleu er péh e lar; chetoi merchen sansibl. En deur, en action hac er honzen-zé e senesi é ma purisiet inean en hani e

vadéér, ag er péhet originel, hac é ma deit de vout croaidur de Zoué ha d'en Ilis; chetui ur hræce ne nélamb quet. Ur merche.. en dès Jesus-Chrouist instituet. N'en dai quet ret boud abil eit goud n'en des meit Doué e cell instituein Sacremanteu : rac n'en des meit Doué e cell rein d'ur merche sansibl en nærh hac er vertu de laquad ur hræce surnaturel ép hun inean. Anfin ur merche sansible, instituet eit hur santefiein : de laret-é, eit hur rantein agreabl, pé agresploh de Zoué. Bout-cou Sacremanteu péré e rantt mab-dén agreabl de Zoué, èl er Vadiènd hac er Benigen, en ur rein dehou er vuhe a hræce n'en doai quet quent; rac-cé en ou hanhuer Sacremanteu er-ré varhue dré er péhet. Bout-çou Sacremanteu aral péré e rantt mab-dén agreaploh de Zoué, dré ma cresquant ha ma sonnant én é inean er græce en doai deja hac er-ré-zé e hanhuer Sacremanteu er-ré vihue, de laret-é, réd-é boud ér stad a hriece Doue eit ou receu.

Bout-çou seih Sacremant: er Vadiend, er Gonfirmation, er Sacremand ag en Autær, er Benigen, en Nouven, en Urh hac er Briedereah. Er Sacremanteu-zé e zou èl quel liès a riolen dré béré é rid ar-n'amb er meriteu infini a varhue hac a Bassion hur Salver. Ol é touguant guet-t'ai deu effæd. De guettan, ind e laq én inean er græce santefius, pé ur hresquance ag er græce santefiús : d'en eil, ur græce e hanhuer Sacramantel, de laret-e, propr de bep Sacremant. Rac-cé er Vadiend hur groa Crechénion; er Gonfirmation hur groa Crechénion parfæt; er Sacremand ag en Autær e vag hun inean; er Benigen e uella d'hur hliahueden spirituel; en Nouyen hur secour de verhuel erhad; en Urh e ra Bugulion d'en Ilis; hac er Briedereah e bourvæ sujité dehi.

Digitized by Google .

Bout-çou tri ag er Sacremanteu-zé n'edilant quet bout receuet istroh eid ur uéh ér vuhé: er Vadiènd, er Gonfirmation hac en Urh; rac ma tougant én inean un drivéd effæd e hanhaér caractær; de laret-é, ur certæn qualité spirituel péhani zou imprimet én inean ha péhani ne vou jamæs diverchet. Dré-zé é vou difforhet én ihuern er-ré en dou receuet er Sacremanteu-zé, doh er-ré n'ou dou quet ou receuet. Pebéh méh eit-t'ai! Remerquet: en hani e receu unan-benac ag er Sacremanteu-men hemb en dispositioneu necessær, ne receu quet er græce ag er Sacremant; mæs ean e receu er haractær, meit ne vou quet en drespèt tehou en en dou ean receuet. Rac-cé unan e receu er Vadiènd en drespèt d'é galon, ne receu quet er haractær ag er Vadiènd.

N'en dai quet a santeleah nac a veritt er Belég, pé en hani e ra er Sacremant, é tenn er Sacremanteu ou nærh hac ou vertu: mæs a veriteu insini Jesus-Chrouist péhani en dès ind instituet, eit pourvæein de zobérieu spirituel en Ilis, ha peb Fidel é particulier. Rac-cé ne vern hac ean e vou santel pé péhour en hani ou ra, er Sacremand en dès perpet é essed, mar er receuér guet en dispositioneu necessær. Mæs en hani e ra ur Sacremand ér stad a béhet marvel, (meit-ha necessité e vehai) e gommèt ur péhet nehué, rac ma profan un dra santel.

## ARTICL I.

# Ag er Sacremand a Vadiènd.

Ea Vadiend e zon ur Sacremant, de laret-é, ur merche sansibl instituet dré Jesus-Chronist, péhani e efface er péhet originel, hur gros Crechénion, bugalé de Zoué ha d'en Ilis. Badéein e senéfi gol-hein, nættat; hac er Sacremant-cé e burifi hac e nætta hun inean ag en ol péhedeu, ér memb momand ma ta en deur ag er Vadiènd de olhein ha de burifiein hur horv.

Ol é tamb ér bèd cablus ag er péhet originel, hac er Sacremand a Vadiend ne gav meid er péhet cé d'effacein ér-ré es receu quênd en oaid a ræzon e mæs a pe receu un dén deit d'en oaid a ræzon er Vadiend, er Sacremant-cé e efface non pas hemb quin er péhet originel, mæs ehué en ol péhedeu actuel en dai commettet, hac en ol poénieu déliet aveit-t'ai de justice Doué e vai ehué pardonnet de-hou. Rac-cé, hac en en dehai en dén-zé commettet en horriplan torfæteu, quentéh èl m'en dès receuet er Vadiend, ne chom mui déléour a nitra de justice en Eutru-Doué, péhani dré un effæd ag é visericord, e bardon dehou er Vadiend é ol péhedeu hac en ol poénieu déliet aveit-t'ai.

Bout-çou neoah certæn drougueu en des er péhet originel tennet ar-n'amb, hac e chom gueuemb
goude er Vadiend, el mei en ignorance pe diouiegueah, en inclination d'er pehet, er miserieu ag er
vuhé hac er sujediguesh d'er marhue; ne vehemb
delivret ag er-ré-zé meid arlerh er Resurrection
general, hac en delivrance-zé e eell hoah bout seellet el un effæd ag er Vadiend. Doué en des vennet
lausquein en drougueu zé guet mab-den er vuhémen, eit degass chouge tehou é peb momand ag er
stad heurus a béhani é ma couéhet dré é oal, eid
en derhel en humilité hac é dougeance, hac eit rein
léh dehou de hum excelsein dalh-mat ér pratiq ag
er vertuyeu.

Er Vadiend hur groa bugalé de Zoué dré er vuhé nehué e ra demb é Jesus-Chrouist, dré en droæd
e ra demb de galhuein Doué hun Tad, ha de seèllet en Nean èl hun héritage. Er vuhé nehué-se e
zou er vuhé a hræce, péhani hur joentt doh Doué
dré er Fé, en Esperance hac er Garanté. Reit-é
demb é Jesus-Chrouiat, hac a gaus d'é veriteu: rac
dré er Vadiènd Jesus-Chrouist e za d'obér é zamurance én hur halon, hac hur joent doh-t'ou én ur
fæçon ma vai ean-memb e vihue én-n'amb, ha ma
homb é vambreu. A gaus d'en union-zé hun nès
guet Jesus - Chrouist, Doué hur hemér eid é
vugalé hac hériterion d'é Ranteleah guet JesusChrouist.

Er Vadiend hur groa hugale d'en Ilis dre m'hul laqua e rang er Fidelet, dre en droæd e ra demb de receu er Sacremanteu, ha de vout lodeq ha participant en ol madeu spirituel ag en Ilis. Er Vadiend, el m'hun nes laret, n'eell quet bout receuet istroh eid ur ueh, rac m'en dai unan ag en tri Sacremant e zoug caractær en inean. Un torfæt bras vehai enta badeein a nehue ne vern pihue-é, a pe ver sur e vai bet badeet. Mæs unan e vehai ræzon de vout en arvar hac ean e vehai badeet, pe ne vehai quet, e zeli bout badeet idan condition er fæçon-men: Man'en dous badeet, me he vadé e Hanhue en Tad †, hac er Mab †, hac er Speret † Santel.

N'eeller quet bout salvet hemb er Vadiend; rac Jesus-Chrouist en des laret: En-n'emb ne vou quet gannet a nehué dré en deur hac er Speret-Santel, n'antréou quet é Ranteleah en Nean. Un articl a Fééenta penaus er vugalé e varhue hemb Badiend, ne uéleint jamæs en Lutru-Doué. En Tadeu santel ag en Ilis ne gredant quet assurein é handurant en ol

tourmanteu ag en ihuern; mæs sur-é é handurant poén en dannation, péhaui zou er holl a Zoué hemb zecour er bet.

Petra e rescondou é Jugemand en Eutru-Doué quemend a Grechénion brutal, péré, dré ou fallanté, ou lubricité pé ou lézidantæt, e zou caus de varhue ou bugalé quent ma vent dest ér béd, pé ne rant cas er bet eit ou guélet é verhuel hemb Badiènd?

En Ilis e hanau tri sort Badiènd: er Vadiènd a zeur, a béhani é conzamb amen; er Vadiènd a volanté, hac er Vadiènd a oaid. Er Vadiènd a volanté e zou un dezir sincèr ha nærhus de receu er Vadiènd, a pe n'eèllér quet hé receu én effæd. Rac cé un dén deit d'en oaid a ræzon, péhani ne gavehai quet pé deur, pé unan-benac d'er badéein, e eèll neoah bout salvet én ur obér un Act a Garanté pé a Gontrition parfæt guet en dezir de receu er Sacremant-cé queutéh èl ma cavou en occasion. Splanné de uélet n'en dai quet quêstion a-zé ag er vugalé péré n'ou dès quet en oaid a ræzon, ha n'en dint quet ér stad de zezirein bout badéet, na d'obér un Act a Garanté pé a Gontrition parfæt.

Er Vadiend a oaid e zou er Martyr; de laret-é, er marhue anduret eit Jesus-Chrouist. Rac-cé, a pe andur bugalé pé tud vras er marhue eid er Fé quent bout badéet, er-ré-zé zou badéet én ou goaid, hac e zou salvet. Chetui perac é hinour en Ilis èl Martiret en Innoçandet e ras Herod massacrein a

gans de Jesus-Chrouist.

Ne zeliamb quet ancoehad en aliance e ra Doué guenemb ar er Fonce a Vadiènd, hac er hontrad, e ramb guet-t'ou. Doué e bardon demb hur péhedeu hac en ol poénieu déliet aveit-t'ai d'é justice; can

hun delivr a sclavage en diaul, hur hemér eid é vugalé, hac e ra demb en droæd d'er galhuein hun Tad, ha de seèllet en Nean èl hun héritage. Douë e vou fidel d'é bromèss mar bèmb ehué fidel d'er

péh hun nès grateit.

Dré er hontrad hun nès groeit guet Doué, ni hun nès hum obliget de gredein ferm en Dourin en dès ansaignet Jesus-Chronist, hac e sésq en Ilis ag é berh d'er Fidelet: de renonciein d'en diaul, d'é vobanceu ha d'é ol ævreu; de viret Gourhæmeneu Doué ha ré en Ilis, ha de vihuein èl guir Grechénion.

Dré vobanceu en diaul é hantandér en assambléveu, er festeu, er horolleu, en divertissemanten dihuennet, er braguerisseu væn ha dijauge, er modeu ha custumeu fal, én ur guir tout er péh e chervige de vaguein en orgueil hac er vanité dré ur faus aparance a hloër hac a inour. Hanhuet int bobanceu en diaul, rac m'en dai ean e inspir de vabden en ol vanitéeu-ze, ha ma hum chervige a nehai eit hun trompein hac hur holl. Bont taulet guet-t'ai e zou enta cerein er péh e chervige d'en diaul eit han tennein guet-t'ou en dannation, ha renonciein d'er promesseu ag er Vadiend Honneh zou ur urionné ar béhani ne rér quet calz a attantion; ha goab vehai guet er Grechénion scan a benn hac amoædet guel bobancen en diaul, pe vehai temallet tehai en ou des renonciet d'ou Badiend.

Dré ævreu en diaul é hantandèr en ol péhedeu de béré en hur solitt en diaul dré é dantationeu. Rac en diaul hun doug dalh-mat d'er péhet, hac é sèntein doh-t'on n'en domb capabl meit d'obér

droug.

Ham obligein de vihuein èl ur giùr Grechen e



zou laret: Me fal deign heli Doctrin hac exampleti Jesus-Chrouist; ean é hunan e gueméran eit me Mæstr; me hum laq é rang é Zisciplet; eit-t'ou hemb quin é fal deign bihuein ha merhuel. Chetui petra hun nès grateit: Doué ne zalhou é bromèss meid é quement ma vehèmb sidel d'hun hani.

El ne oèmb quet ér stad de rescond a hanamb hun hunan én amzér ma homb bet badéet, en Ilis en des vennet ma vezai reit temb ur Pærén hac ur Væren eit rescond en ul leh, eit rein demb un hanhue, hac eit bout caption eid-omb en ur bezai . accomplisset er peh e hratèmb de Zoué. Mæs æz-é de oud n'en dai quet erhoalh m'en des ré-ral conzet én hun hanhue : peb-unan zou obliget de renehuéein lies er promesseu e zou bet groeit eit-t'ou ar er Fonce a Vadiend, eit rein de bep cource lusq d'é speret ha nærh d'é galon d'ou accomplissein; hac eit reparein er fauteu en dehai groeit inemp tehai. Deliet-é drès peb tra ou renehuéein én occasionneu-men : 10. quentéh èl ma vér deit d'en onid a ræzon; 20. quênt recen er Sacremand a Gonfirmation; 3º. quênt gobér er guettan Communion; 4º. Sadourn-Vasq ha Sadourn er Pantecoust, é hassistein ér vénidiction ag er Fonce; 50. peb plæ d'en de ma ver bet badeet; 60. A pe ver en danger a varhue.

Eit hum breparein erhad de guement-cé consideret pebéh græce en dès Doué groeit teoh en dé ma hoh bet badéet: hum zisposet d'obér ur Govezion vat, eit ma pardonnou deoh ol hou fauteu hac ingratitud én é andræd: Quêret mar dès tu d'en llis ma hoh bet badéet: hum laqueit rostan ma heèllehait d'er Fonce a Vadiènd, ha renehuéet inou hou promesseu quettan. (Cayein e rèr él Livr Pedenneu

ur fæçon de renehuéein er promesseu ag er Vadiènd.)
Ne zeliét que la quad pels sort tud de vont l'æren

Ne zelier quet la quad peb sort tud de vout l'æren ha Mærén: réd-é choæge Catholiquet mat hace vou bet confirmet, mar des moyand; rac en llis n'hi des commerce er bet guet en Héritiquet én é Fedennev. ha jaugein e ra ma vou Crechénion parfæt er-ré e hum bresantt de rescond er-ré-ral : réd-é ma veint instruget hac ansaignet mat; ma houieint er Misterieu ag er Religion, Gourhæmenen Doué ha ré en Ilis, er senéfication hac en obligation ag er promesseu ag er Vadiend; rac ma hum garguant a zésquein ol en treu-zé d'er-réezalhant ar er Fonce sautel : mæs penaus en ou désqueint int d'er-ré-ral, ma n'ou goulant int-memb? Anfin réd-é ma veint tud a vuhé hac a schir vat; rac en-n'emb ne zisco quet dré é vuhé é renonci enn-memb d'en diant, no jauge quet doh-t'ou rescond eid un aral.

Un tad hac ur vam ne zeliant quet hum vontein de zerhel ou hroaidur ar er Fonce a Vadiend, na memb d'er badéein, meit ha necessité wras e vehai, a gaus d'en aliance spirituel e hum gav itré en hani e vadé hac en hani badéet hac é dad hac é vam; just èl itré er-ré e zalh ar er Fonce a Vadiend, hac en hani e zalhant de vout hadéet hac é dad hac é vam. Me lar er-ré e zalh ar er Fonce a Vadiend; rac pe vehai crechéniet ur hroaidur quênt bout casset d'en Ilis, en aliance spirituel n'hi dès léh er bet aveid er-ré en dalh ar er Fonce a Vadiend.

Ur Pærén hac ur Værén e zou obliget: 1°. de garein ou Filloret ha Fillorezet èl ou bugalé spirituel; 2°. de recommandein d'ou zad ha d'ou mam ou désquein de chèrvige Doué, pé hum garguein int memb a er goher: 3°. d'ou disposein de receu er Sacremand a Gonfirmation a pe veint ér stad ha

ma caveint en occasion: 4°. d'expliquein dehai er péh ou dès grateit eit-t'ai ar er Fonce a Vadiénd, eit ma veint ehuéhet de hum aquittein ag ou fromesseu: 5°. de bedein Doué aveit-t'ai. A dra sur, pe vehai consideret a dost deværieu er-ré e zalh ar er Fonce a Vadiènd, ne vehai quet quemènd a brèss de hum voutein de vout Pærén ha Mærén.

N'en dès meid en Escobet hac er Velean en des er bouvoër hac er bermission de vadéein guet er ecremonieu ordinær ag en Ilis. Mæs a pe vai necessité, ne vern pihue-é e cell badéein hemb solannité, meit ma rei a zevri er péh e ra en Ilis én ur vadéein.

Eit bedéein réd-é turel deur er bèn en hani e vadéér, én ul laret: Me he vadé é Hanhue en Tad+, hac er Mab+, hac er Speret + Santel; hac én ur ebér quemènt-cé, en dout en intantion d'obér er péh e ra en llis én ur vadéein.

Boud e oai hoah guharal dihue fæçon de vadéein,

péré n'en dint quet mui én usage.

Er guettan e oai d'espærgein tair guéh guet deur maturel en hani evadéait, én ul laret: Me hevadé, etc. Aparance e zou é hoai ér fæçon-zé é vadéas S. Pierr tri mil én un dé. En eil fæçon e oai de soubein tair guelr en hani e vadéait é deur naturel, en ul laret: Me he vadé, etc. Er fæçon-men e zou bet peèllan én usage; mæs a oudé guerço ne vadéér mui nameid é turel deur ar bèn en hani e vadéér.

En His e oulen ma vou taulet deur tair gueh e croès ar ben en hani e vadeer, a gaus d'en Drinded Santel, bac eit degass chonge é ma a veriteu Jesus marhuet er Groès, é tenn er Vadiend he nærh hac he vertu: mæs er ceremonien-ze n'en dint quet necessær eit ma vou mad er Sacremant, hac assès e sit quement-ce ma vou taulet deur ur neh hemb

quin, en ul laret : Me he vade, etc. Ma n'eller quet turel deur ar ben en hani e vadéér, réd-éturel ar é gorv él léh ma heèllér, ha laquad ehuéh ma touchou en deur doli er hig ha ma ridou. Réd-é ehué ma vou en hani e daulou en deur, e brononçou er honzen, ha non pas un aral : réd-é open m'ou frononçou én ur durel en deur, ha non pas quent pe goude : red-é anfin prononcein sclær ha reih : Me he vadé é Hanhue en Tad, hac er Mab, hac er Speret-Santel, guet en intantion d'obér er péh e ra en Ilis én ur vadéein.

Eit badéein en Ilis e hum chervige a zeur béniguet esprès eit quemènt-cé Sadourn-Vasq pé Sadourn er Pantecoust. Mæs eelleine rer, a pe vai necessité, hum chervige a guemènt sort deur zou, meit ma vou naturel. Hanhuein e rér deur naturel deur fetén, deur punce, deur riviér, deur ag ul lenn. deur mor, deur glau, deur erh; en ur guir, deur ne vai quet composet guet ard.

N'en dai quet permettet badéein guet solannité nameid en un Ilis Parræs; ha peb-unan e zeli bout badéet én é Barræs. Mæs a pe vai necessité, eèllein e rér badéein partout.

# Explication ag er Ceremonieu ag er Vadiend.

Ordrénet-é d'er-ré e bresantt ur broaidur de vout badéet, arrestein guet-t'ou é toul dor en Ilis. eit rein d'antand ne veritt quet antréein abarh durand ma vou idan bili en diaul dré er péhet originel. Interrogein e rér er Pærén hac er Værén petra e oulennant eid er hroaidur e bresantant, eit ma tisclærieint hac ean e vai bet crechéniet, hac opén eit rein d'antand penaus en Ilis ne accord er Vadiend

nameit d'er-re he goulen pe dre-d'ai ou hunan, pe dre re-ral.

Bein e rér dehou hanhue ur Sant pé Santès, eit ma seellou er Sant pé Santès-cé, èl é scuir ér bédmen, hac èl é Batrom dirac Jesus-Chrouist.

Arlerh, er Beleg e huéh é henal tair guéh é croés ar en hani e ya de vadéein, eit diblass en diaul dré vertu er Speret-Santel, péhani zou hanhuet henal en Eutru-Doué, hac eit discoein é ma dré veriteu Jesus-Chrouist grucifiet é teli en diaul bout diblasset.

Nezé er Belèg e ra Sign er Groès ar dal en hani e vadé, eit discoein penaus é-léh en dout méh a Groès Jesus Chrouist, é téli hum hlorifiein a en héli, de laret-é, a ziscoein partout hac é peb mod é ma Crechén, hac a bratiquein hemb méh ha hemb dougeance er Religion a Grechéneah.

Er Belêg e ra ehué Sign er Groès ar galon en hani e vadé, eit merchein é téli laquad é gonfiance é Jesus-Chrouist grucifiet. En ol Signeu-Croès aral e ra er Belêg durand er Vadiènd, e senéfi é tenn er Sacremand é ol næth ha vertu a Groès Jesus-Chrouist hac a veriteu é Bassion.

Gobér e rér eltué hilleih a Bedenneu eit conjurein en diaul d'abandonnein er berh en doai dré er péhet originel ar en hani e vadéér, ha de guittad ur galon péhani e ya de vout Tampl er Speret-Santel dré er Vadiènd.

Laquad e rér é bêg en hani e vadéer haléa, péhani zou er symbol ag er barfætion, en rein dehou d'antand é téli hum boeniein eit bout parfæt, ha laquad é ol joé guet en treu a Zoué, hac é pratiquein é Lezèn.

Er Beleg e ra nezé Sign er Groès gues é scopitell ar zifren hac ar ziscoharn en hani e vadé, eit represantein er Miracl e ras hur Salvér a pe uèllas guet é scopitell d'un dén board ha mud. En Ilis e hum chervige chué ag er honzen e laras Jesus nezé, eit goulen eid en hani e vadéér, ma vou perpet distanq é ziscoharn eit cheleuet er urionné, ha ma vourrou attau doh hé héli.

Arlerh quement-cé er Beleg e grog en hani e vadé eid er hondui en Ilis, eit rein d'antand é ma d'en dud a Ilis en en des Doué reit er bouvoër de zigueor demb en or ag en Nean ha d'hur hondui d'inou.

Nezé er Belég e lar a voéh ihuel Symbol en Apostolet, hac e ourhæmen d'er Pærén ha d'er Værén ou laret assambl guet-t'ou é hanhue en hani e vadéér, péhani e vehai obliget d'ou laret eanmemb p'en devehai en oaid a ræzon; rac en Ilis ne receu de vout badéet nameid er-ré e ra profession a gredein é Jesus-Chrouist, hac a héli é Zoctrin. Laret e rér ehué er Pater a voéh ihuel, eit rein d'antand penaus en Ilis ne guemér eit hé bugalé nameid er-ré e ouair er Bedèn-zé en dès ansaignet temb Jesus-Chrouist.

Avance e rér arlerh quement-cé de-dall er Fonce a Vadiend, hac inou, goudé en dout goulennet guet en hani e vadé, hac ean e renonci d'en diaul, d'é vobanceu ha d'é ol ævreu, er Belég en oignemantt guet en oleau sacret ar é ziscoai hac ar é galon, eit senéficin græce en Eutru-Doué, péhani e ra nærh d'er Grechénion er poénieu ha brizélieu ag er vuhé spirituel, ha péhani e scanna er yau a Lezèn Jeaus-Chrouist, e hum obligeant de héli.

Nezé er Belég e oulèn guet en hani e vadé, hac ean e gréd é Doué en Tad, é Doué er Mab hac ér Speret-Santel; hac ean e gréd en Ilis Santel, Catholiq, er Gommunion ag er Sænt hac er Vuhé éternel; ha goudé m'en dès rescondet, pé m'en dès é Bærén hac é Værén rescondet eit-t'ou, é crèd ol en treu-zé, er Belèg e oulèn guet-t'ou hoah hac ean e zezir bout badéet: rac en Ilis e vènn boud assuret a Fé hac a gredèn er-ré e guemér eit hé hugalé, ha n'accord er græce-zé nameid d'er-ré hé dezir hac hé goulèn.

Quentéh el m'en devai rescondet d'er péh e oulènnér guet-t'ou, er Belég er badé ér fæçon ma

hon nes laret.

Nezé er Belég e ra Sign er Groès ar lein é bên guet en Oleàu sacret, eit rein dehou d'antand é ma deit én ur certæn fæçon de vout Belég ha Roué dré er Vadiènd, revé er henzeu-men ag en Apostol S. Pierr: er Grechénion e zou un Nation choæget, ur Bobl santel, composet a dud péré zou Belean ha Rouanné, dré en union e zou itré-omb ha Jesus-Chrouist, péhani zou Roué ha Belèg. Eèllein e rér ehué laret é homb ur Bobl composet a Velean, dré ma homb obliget, èl ma lar S. Paul de hum offrein dalh-mat de Zoué el un Hosti purifiet dré er mortificationeu; hac ur Bobl composet a Rouanné, dré er berh e ra demb græce en Eutru-Doué ar hur goal inclinationeu.

Goude quement-cé er Belég e laq ur houiss pe ul lién guen ar ben en hani en des badeet, eid en avertissein de gouservein beed er marhue er græce hac er santeleah ag er Vadiend. En amzer ne vadeait nameit Sadourn-Vasq ha Sadourn er Pantecoust, é rait d'er-rénehué badéet ur saiguen, eit merchein en innoçance ag er Vadiend; obliget oent dezoug en abid-cé durand eih dé: ind e assistai én Officen durand en amzer-zé, hac e gommuniai bamdé én

Overen e oai laret en ou intantion; er Sul ma quittent ou sai guen, e zou hoah hanhuet hinihue, Dominica in albis (depositis); de laret-é, er Sul ma quitter en abideu guen eit quemer en abideu ordinær. (Sul Quasimodo.)

Presantein e rér chué ur olcuèn alumet d'en hani badéet, eit rein dehou d'antand é téli splannein ér béd avèl ur goleu, dré er pratiq ag en ol vertuyen

ha dré er santeleah ag é vuhé.

Nezé er Belég e olh é zeourn dré respèt eid en Oleàn sacret; er Pærén hac er Værén e olh ehué ou ré, eit representein er burtæd a intantion guet péhani en ou dès rescondet eid en hani ou dès dalhet ar er Fonce a Vadiènd.

Anfin leinein erérer hommancemand ag en Aviél, revé S. Yehan, eit pedein Jesus-Chrouist d'obér é zamurance guet en hani zou bet badéet, ha de rein dehou er græce de gonservein beed er marhue er galité a groaidur de Zoué en dès receuet ér Vadiènd. Nezé er Belég e ra d'er Pærén ha d'er Værén en avertissemanteu e zou merchet ér Rituel. (Ar er Sacremant-cé hac er-ré-ral, leinet Magasin spirituel er Beurerion, etc.)

### ARTICL II.

# Ag er Sacremand a Gonfirmation.

En Gonfirmation e zou ur merche sansibl instituet dré hur Salvér Jesus-Chrouist eit hur gobér Crechénion parfæt, dré ma receuamb én-ou er Speret-Santel guet é ol donæzoneu.

Er Gonfirmation e zou ur merche sansibl, dré ma laq en Escob é zeourn ar bèn en hani e gonfirm, ha ma ra Sign er Groès ar é dal, én ul laret er honzeu-men: Signo te signo Crucis, etc. Instituet-é dré Jesus-Chrouist avel en ol Sacremanteu ag el Lezen nehué. Hanhuet-é Confirmation, rac ma ra nærh d'er Grechénion de gonservein er vuhé nehué on des receuet ér Vadiènd. Er Sacremant-cé e zoug ehué caractær én inean, quer clous èl er Vadiènd, guet en differance-men: er Vadiènd hur groa Crechénion, hac er Gonfirmation hur groa Grechénion parfæt; er Vadiènd hur groa bugalé de Zoué, hac er Gonfirmation hur groa soudardet de Jesus-Chrouist. Er Gonfirmation e zou enta èl en achémand ag er Vadiènd.

Receu e rér ér Sacremant-cé er Speret-Santel péhani e zésquén én inean guet é ol donæzoneu; eit rein dehi nærh de feahein en ol tantationeu interior hac exterior. Hanhuein e rér tantation interior er revolt a hur goal inclinationeu, péré e chervige d'en diaul eit hur solitein de droein cain de Zoué. Hanhuein e rér tantation exterior en drougueu, en anjulieu, er goal exampleu, hac é general ol er péhe eèll en dud gouniet guet en diaul impléein eit laquad er Grechénion de zivarchein ag en hènd mad. Er Speret-Santel e ra demb næth de resistein doh en tantationeu-zé, en ur gresquein er garanté én hun inean.

A fæd donæzoneu er Speret-Santel, er Scritur e gontt seih: er Barfætion, er Gonseil, en Antandemant, en Nærh, er Sciance, en Devotion, ha Dougeance Doué.

Er barfætion e zou un donæzon ag er Speret-Santel, péhani e zistag hur halon doh er béd, hac e ra demb clasq ha carein hemb quin en treu a Zoué. En antandemand e zou un donæzon péhani e ra demb comprénein ha sontéal er gurionnéeu ha Misterieu ag er Religion.

Er gonseill e zou un donæzon péhani e ra demb perpet choæge er péh e zoug muyan de hloër en

Eutra-Doué ha d'hur Salvedigueah.

En nærh e zou un donæzon péhani e ra demb feahein guet courage en ol trezèlleu ha diæzemanteu e hum bresautt demb én hènd a hur salvedigueah.

Er sciance e zou un donæzon péhani e ra dembhanauein en hènd e zeliamb quemér, hac en dangérieu don péré é teliamb dihoal, eid arrihue én Neau.

En devotion e zou un donæzon péhani e ra demb hum zoug guet plijadur d'obér er péh e ouiamb e blige de Zoué.

Dougeance Doué e zou un donzzon péhani e inspir demb ur respet carantéus eit Doué, hac e ra

demb dougein a zisplige dehou.

N'en des meid en Escobet e eell confirmein; hac eit receu er Sacremant-cé, réd-é: 1°. bont badéet; 2°. réd-é en doud en oaid a ræzon, eit ma vehér guel ér stad de hum breparein. Guharal ne seellait quet doh en oaid eit confirmein; ha hoah bermen én Ilis Gréq é confirmér er vugalé quentéh èl ma vent badéet. Mæs a oudé guerço en Ilis Latin e e zezir m'en devou er-ré e hum bresantt eit bout confirmet, groeit memb ou hettan Communion. 3°. Réd-é boud ér stad a hræce Doué, de laret-é, en dout conservet er santeleah ag er Vadiend, pé en dout hé reparet dré ur guir bénigèn. 4°. réd-é goud er Misterieu principalan ag er Fé, ha boud ar yun, mar dès moyand.

Eèllein e rér bout salvet hemb bout confirmet:

mæs ur péhet marvel vehai neoah manquein pé dré zisprisance, pé dré lézidantæt, a receu er Sacremant-cé a pe gavér en tu; rac quemènt-cé e vehai diaboeissein de Zoué ha d'en Ilis, péhani e ordrén d'er Grechénion er receu ur uéh hemb quin én ou buhé, quentéh èl ma cavant en occasion.

Er-ré ne vent quet bet confirmet, e zou obliget de monet, mar des tu, de gavouét ou Escob, a pe uélant é vent én dangér a goll er Fé, pé é commancér gobér brizél d'er Religion. Rac ér circonstanceu malheurus-cé é hès muyan dobér a nærh eit dis-

coein é vér Crechén.

## Explication ag er Ceremonieu ag er Gonfirmation.

En Escob e astènn é zeourn drès er-ré e hum bresantt eit bout confirmet, eit pedein er Speret-Santel de zisquen en ou inean, ha d'on disposein de recen é zonæzoneu. Nezé guet é vèd trampet én Oleau sacret ean e ra Sign er Groes ar dal en hani e gonfirm, én ul laret Pedenneu péré e verche vertu er Sacremant cé. En Oleàn a béhani en hum chervige, e zou composet a yvl-Olivet ha baum, péré en dès ur senéfication misterius. En yel, pehani en dès er vertu de zouçad ha de rein nærh, e ra demb d'antand penaus græce er Speret-Santel e ra cavouét douce hac æz er peh e seblantt bout cri ha celet é Lezen Doué, hac e ra demb nærh d'antreprênein guet courage er péh e zisplige muyan d'en natur corromplet. Er baum, péhani en des ur vlaz huêq hac e bresery doh er gorruption, e rademb d'antand penaus græce er Speret-Santel hur preserv doh er pehet, hac e ra demb streauein partout dre hun

exampleu mad en doustér hemb par e gavér é héli Jesus-Chrouist.

Ar dal en hani e gonfirm é ra en Escob Sign er Groes guet é ved, eit rein d'antand penaus er vertu principal ag er Sacremant-cé e zou de viret dohemb a hur bout méh ag en Aviél, ha de rein demb courage d'avouéein a voéh ihuél er Fé a Grechéneah, memb hac é téliehèmb coll hur buhé, ha de laquad hun ol gloër é Croès Jesus-Chrouist, péhani zou bet er benhuèq a hur Redamption.

Anfin en Escob e ra ur jottad d'en hani e gonfirm, en ul laret: Er peah re-vou gueneoh, eit rein d'antand penaus n'en des na peah na lehuiné eidomb er béd-men, nameid é quement ma homb prest d'andur tout a balamor de Jesus-Chrouist.

Er mod oai guharal rein ur Pærén hac ur Værén d'er-ré e yai de vout confirmet : mæs quement-cé n'en dai quet mui requis.

### ARTICL III.

## Ag er Sacremand ag en Autær.

ER Sacremand ag en Autærezou ur merche sansiblinstituet dré Jesus-Chrouist, é péhani éma én effæd bac é guriouné Corv, Goaid, Inean ha Divinité hur Salvéridan en aparanceu ag er bara hac er gùin.

Hanhuet-é Sacremand ag en Autær, rac m'en dai ar en Autær é ma offret ha consacret. Hanhuet-é er Sacremant santel dré excellance, rac ma hum gav én-ou én effæd hac é gurionné Jesus-Chrouist, péhani zou er vamén ag en ol santeleah. Hanhuet-é en Daul santel, rac m'en dai ur banquêt spirituel.

de béhani é couvi Jesus-Chrouist en ol Fidelet eit ou maguein guet é Gorv ha guet é Oaid propr. Hanhuet-é en Hosti santel, rac ma compren Jesus-Chrouist, péhani zou en Hosti sacrifiet aveid omb. Hanhuet-é er Goinmunton, a gaus d'en union e laq itré-omb ha Jesus-Chrouist. Anfin hanhuet-é Bara en Ælct, rac ma compren é gurionné Jesus-Chrouist, péhani zou bara en Ælet disquêunet ag en Nean.

Er Sacremand ag en Autær e zou ur merche sansibl; rac penaus-benac, arlerh er guirieu ag er Gonsecration, ne chom mui ar en Autær na bara na gùin, chom e ra neoah en aparanceu a nehai. Dré en aparanceu ag er bara hac er gùin, me antand er peh e goueh idan er squendeu, el mei el lihue, er figur hac er oust. Er memb lihue, er memb figur hac er memb goust en doai er hara bac er gùin quend er Gonsecration, m'ou hay hoah goudé: mæs me ouair sur n'en dai quet bara na guin e uélan; rac dré er guirieu ag er Gonsecration er sustance ag er bara e vai changet ér sustance a Gorv hur Salvér, hac er sustance ag er guin ér sustance ag é Oaid, hac er changemantecé e hum hroa dré er vertu ol-buissant a gonzen Jesus-Chrouist, e brononce er Belêg é Hanhae hur Salvér. Er changemant-cé e zou hauhuet transubstantiation, de laret-é, changemand ag ur sustance én ur sustance aral. Cavouét e rér ér scritur exampleu a changemanteu haval; èl mei er changemand a voes Loth én ur yoh halén; a vialen Aaron én ur serpand; a zeur e guin en Æreden e Cana. En hani en des groeit en of changemanten-zé, en dès ehué eèllet changein er bara én é Gorv, hac en dès ean changet én effæd, rac en des el laret ha n'eell quet hur trompein.

Instituet-é dré hur Salvér Jesus-Chrouist en noz quend é Bassion, arlerh en dehuehan coen e ras guet é Apostolet. Chetui penaus é teviz en Aviélerion ha S. Paul en histoër ag é institution : Jesus, arlerh en dout coéniet guet é Apostolet, e sauas a-zoh taul eit golhein ou zreid. Arlerh ean e hum laquas arré don taul, ha durant ma hoènt é taibrein, ean e gueméras bara, e drugairicas Doué, e vénigueas er bara, en torras a dameu, hac er rannas itré é Zisciplet, én ul laret: queméret ha daibret; en dramen e zou me Horv péhani e vou laqueit d'er marhue eid oh. Groeit quement-men guet chonge a hanan. Nezé ean e gueméras chué er Halice; de laret-é, er goupen guet pehani é hivai; ha goudé en dout trugairicait Doué, ean er bénigueas hac er ras tehai, én ul laret : ivet ol ag en dra-men ; rac hennen e zou men Goaid, er Goaid ag en aliance nehué, péhani e vou scuillet eid-oh hac eit hilleih e remission ag er péhedeu : groeit quement-men guet chonge a hanan.

N'en dei un dra estrange ma hes hum gavet a oudé tud disquentt assès eit laret penaus Jesus-Chrouist ne ras d'é Zisciplet nameid er figur ag é Gorv, ha penaus er-ré e gommuni, ne receuant meid er figur a Gorv hur Salvér? Pe vehai guir quement-cé, penaus en en devezai Jesus-Chrouist eellet laret d'é Apostolet é rai dehai er memb Corv e yai de vout laqueit d'er marhue, hac er memb Goaid e vai de vout scuillet é remission ag er péhedeu? Mæs, e lar en Héritiquet, penaus Jesus-Chrouist goudé m'en dai montet de lein en Nean, é heèll ean boud ér Sacremand ag en Autær? Er Fé ne lar quet demb sontéal pensus é heèll bout quement-ce : mæs hi e lar demb credein ferm é ma Jesus-Chronist ér Sacremant guet er memb Corv en doai guharal ar en doar, e zou bet conceuet itré digosté er Uériès glorius Vari, e zou bet grucifiet, hac e zou montet d'en Nean. Ne glasquamb quet comprénein penaus é heèll bout quement-cé; ur Mistèr-é: ni e zeli credein; Jesus-Chrouist en dès ean revelet: petra e oulennamb-ni davantage?

Ne hum arrestamb quet d'examinein a béh sort bara en hum chervigeas hur Salvér eid instituein er Sacremand ag en Autær. Assès vou demb goud penaus n'en dai quet permettet én Ilis Latin consacrein nameit guet bara hemb bihouil, penaus-benac én Ilis Grêq ma hum chervigér a vara guet bihouil.

En Apostolet ne zelient quet bout souhet ag ur Mister quer bras; rac hur Salvér en doai int disposet a ziabeell, dré er promèss en doai groeit de reim dehai é Gorv de zaibrein hac é Oaid d'ivet. Gùir-é é hoai bet abandonnet ér circonstance-zé guet ur ré-benac ag é Zisciplet, péré haval doh en Héritiquet ag en amzér-men, e hum scandalisas é cleuet é gonzeu, rac ma chongènt en en devezai reit é Gorv de zaibrein a béhieu, èl er hiq e bernér ér vocereah. Mæs en Apostolet e gredas er péh e larai dehai, penaus-benac ne gomprénent quet penaus é vezai bet quemènt-cé; hac er Grechénion fidel e ra er memb tra.

N'en dai quet hemb quin én un Hosti é hunan en hum gav Jesus-Chrouist ér mod-cé! mæs én ol Hostieu e gonsacr er Belêg, ha memb én ol partieu a bep Hosti, laqueit int quen distér èl ma carehait. Rac-cé a pe dorr er Belêg en Hosti, Corv hur Salvér n'en dai quet torret eit quemènt-cé: mæs er memb Corv e hum gav quen antiér é peb parti e cèll bout spurmantet ag en Hosti, èl ma hosi én Hosti quênt bout torret, hac en distérran parti e gomprên quemènd èl en Hosti antiér, dré ma comprên Corv, Goaid, Inean ha Divinité Jesus-Chrouist.

Ne faut quet chongeal n'en des meit Corv Jesus-Chrouist hemb quin idan en aparance ag er bara, hac é Oaid hemb quin idan en aparance ag er guint rac èl m'en dai bihue hur Salver, n'eell quet boud é Gorv hemb é Oaid, nac é Oaid hemb é Gorv. Rac-cé ne vern idan péh aparance é communiér; receu e rer Corv, Goaid, Inean ha Divinité Jesus-Chrouist: hac èl-cé er-ré e receu idan en aparance ag er bara hemb quin, e receu quemend el er Belég, pehani e gommuni idan en aparanceu ag er bara hac er guin. Permettet oai guharal d'er Fidelet communiein idan en aparanceu ag er bara hac er gùin: mæs a oudé er Honcil a Gonstance, en Ilis en dès dihuènnet quemènt-cé a gaus de certæn Héritiquet, péré e gavai occasion dré-zé de laret penaus er-ré ne gommunieut nameid idan un aparance hemb quiu, ne receuent quet Jesus-Chrouist en antier. Bermen n'en dai permettet communicia idan en eu aparance nameit d'er Velean hemb quin a pe larant en Overen, ha de var-a-unan aral é certæn circonstanceu, el mei d'er Rouanné a France en dé ma vent sacret, d'en Diacr ha d'er Soudiacr péré e assist hun Tad Santel er Pab, a pe lar en Overen...

Ne laran quet hemb quin é teliamb adorein hur Salvér ér Sacremand ag en Autær: mæs me lar é vehai péhet bras é vanquein a er gobér. Rac Jesus-Chronist e veritt boud adoret partout él léh me mas hac èl mei én estæd hac é gurionné ér Sacremant-cé, ean e veritt boud adoret. Ne laran quet adorein er Sacremant: rac n'en dai quet er sign sansibl é adorér, mæs Jesus-Chrouist cuhet ér Sacremant. A pe oai Jesus-Chrouist ar en doar, ne oai quet é zillad e adorait, mæs Mab-Doué en eil Person ag en Drindèd, péhani on douguai. Rac-cé er sæçonieu-

men de gonz, er Sacremand adorabl; adorein er Sacremant; adoration ag er Sacremant, etc., ne senéfiant nameid, é ma adorabl Jesus-Chrouist ér Sacremant; adorein Jesus-Chrouist ér Sacremant; adoration a Jesus-Chrouist ér Sacremant, etc. Élcé en en dès conzet er Honcil a Trante, péhani e escommuni pihue-benac e larchai ne zeliér quet adorein Jesus-Chronist ér Sacremand ag en Antær.

En usage de gonservein er Sacremand én Ilisieu, e zou pratiquet a oudé en Apostolet, eit ma vou cavet prestoh de gass d'er-ré clan a pe vai dobér. hac eit m'en dou er Fidelet er gonsolation de monet d'en adorein. En exposein e rér ar en Autær de certæn déieu, eit couvi én ur fæçon spécial er Grechénion de hum joentein guet en Ælet eid en adorein. Er gobér e rér guhavé a gaus d'un dobét public benac, eit presantein de Zoué er merche caërran ag é garanté én hur hevir, a-cel-fin en ur seellet don é Vab uniq, ma seellou ehué donemb guet truhé, ha ma rei demb misericord. En doug e rér guhavé é Prehecion, eit reparein dré ur manniel triomfl e rer dehou, direspet er fal Grechenion, hac eit ma taulou é vénidiction partout él léh ma tremén.

Jesus-Chrouist en des instituet er Sacremand ag en Autær: 1°. Eit rein demb er merche preciussan ag é garanté én hur hevir. 2°. Eit bout magadur spirituel hun ineanneu, hac eit rein demb peb sort græceu.

er merche preciussan ag é garanté en hur hevir : durand ma hoait é complodein el laquad d'er marhue, Jesus ne seèllai meit doh é garanté. Ag un tu eau e uél é ma ret tehou merhuel eit hun têumein a sclavage er péhet ha meritein demb er vuhé éternel: ean e hum abandon d'er murhue. Mæs eit cavouét en tu de choin attau guenemb eit bout hur honsolation ha magadur spirituel durand er perhindæd anquinus ag er vuhé-men, é garanté en doug d'instituein er Sacremand ag en Autær. Quel liès guéh ma rehait quemènt-men, e lar ean, hui er groei guet chonge a hanan

20. Jesus ér Sacremand ag en Autær e zou magadur spirituel hun ineannen. Me zou, é-m'ean;
er bara a vuhé... rac me Horv e zou é gurionné ur
magadur, ha men Goaid e zou é gurionné ur breuvage; en hani e receu me Horv hac e ive men Goaid,
e chom én-an ha me chom én-ou.... Hennen e zou er
bara disquênnét ag en Nean; en hani en daibrou e

vihuou éternellemant.

30. Anfin Jesus e zon ér Sacremand ag en Autær eit rein demb peb sort græceu. 10. Dré-zé ean e gav en tu d'obér guenemb un union quer sterd. ma chom én-amb, ha ma chomamb én-ou, ha ma heellamb laret guet S. Paul, n'en dai quet mui ni e vihue, mæs Jesus-Chrouist e vihue én-amb, 20. Er Sacremand ag en Autær e joent assambl er Fidelet én ur fæçon n'ou des ol meid ur galon hac un inean, dré en union e zou itré d'ai ol ha Jesus-Chrouist. 30. Ean e gonserv caranté Doué én hur halon, hac e gresq er vuhé a hræce hun nès receuet ér Vadiènd hac ér Sacremanteu aral, dré ma comprên er vamen ag en ol græceu hac a santeleah, ha ma rantt hun inean santelloh ha preciussoh dirac Doné, eit ne ra er Sacremanteu aral. 4º. Ean e oanna hac e ziminu en inclination hun nès d'en droug, hac en hærr a hur goal daicheu, hac e ra demb en nærh necessær eid avance é parfætion:

Digitized by Google

rac-cé er-ré ne brezant quet hum chervige ag ur remæd quen excellant, e gousantt liès d'en tantationeu, hac e gouéh er péhet ag er guettan guéh ma vent attaquet. 5°. Ean e zou aveid omb un arrès ag er Resurrection glorius hac ag er Vuhé éternel, en dès Doué grateit temb, mar miramb é Ourhæmeneu ha mar bemb fidel dehou. En hani e receis me Horv hac e weimen Goaid, é-mé Jesus-Chrouist, hennéh en dès er vuhé éternel, ha m'er resuscitou en dé dehuehan ag er béd.

De remerquein hun nes neosh pensus ol er-ré e receu er Sacremant-cé é stad vad, ne receusnt quet quemend a hræceu en eil el éguilé; rac peb-unan ne receu meit revé en dispositioneu a duemzér hac a garanté en des doh Doué, péhani e hum ra dehou dré garanté; hac er-ré er receu guet dispositioneu péré n'en dint na tuem na yein, e vang d'er respet e zou déliet d'er Sacremant-cé, hac ou Hommunioneu ou hondui a nebedigueu d'ur Gommunion sa-

crilege.

Gobér ur Gommunion sacrilege e zou receu er Sacremant hemb en dispositioneu e oulen hur Salvér, par exampl, er receu ér stad a béhet marvel. Er-ré e gommuni ér stad-cé, e receu, gùir-é, Corv, Goaid, Incan ha Divinité Jesus-Chrouist quer clous èl er-ré e gommuni é stad vat: mæs ar ou malheur en er receuant; rac S. Paul e lar penaus en hani e gommuni indignemant, e zaibr hac e va é Jugemant. Terriplæd ur santance! Quemènt-cé e ra demb d'antand é ma diæz bras reparein ur Gommunion fal hroeit. Ur Hrechén e gommuni é goal stad, e gommèt un torfæt brassoh eit hani Judes, péhani e uerhas hur Salvér; eit hani Herod ha Pilat péré er receuas eit gobér goab a nehou,

hac eit hani er Juivet péré er staguas don er Groès. Dré ur Gommunion èl-cé é tér de vout cabtus ha rescondabl a Gorv hac a Oatd hur Salvér.

N'en dès quet a fin d'en drougueu e stleige ar hé lerh ur fal Gommunion Er-ré principal e zou en abandon guet Doué, en dalledigueah a speret, en obstination a galon, un imur chiffus, en ahurtemant és péhet, er resistance doh er urionné, er Jugemant terriplan hac eu dannation éternel. N'en dès nitra e arfleu davantage colèr en Eutru-Doué, eid er profanation sacrilege a Gorv hac a Oaid precius Jesus-Chronist; ha S. Paul e lar é puniss liès er fal Gommunioneu dré glinhuedeu corporel, ha dré er mathue subit.

# Ag en dispositioneu requis eit communiein rerhad.

Deu sort dispositioneu e zou requis eit communiein erhad, bout-çou ré eid er horv, ha ré-ral eid en inean.

A fæd dispositioneu er horv, bout-çou dihue principal: 1°. Réd-é boud ar yun a oudé creis-noz, meit hac ean e vehér én dangér a varhue; de laret-é, ne faut quet en dout daibret nac ivet nitra a oudé creis-noz. 2°. Réd-é tostad d'en Daul Vesq guet respèt ha modesti.

À fæd dispositioneu en inean, bout-çou ehué dihue principal: 1°. Er burtæd a gousciance, hemb péhani er Gommunion e zou sacrilege; 2°. En devotion a galon, hemb péhani er Gommunion n'en dai na tuem na yein.

1º. Réd-é tostad guet purtæd a gousciance, hemb péhani er Gommunion e zou sacrilege; de laret-é,

réd-é en dout conservet er santeleah ag er Vadiend. pé en dout hé reparet dré ar guir bénigen, pé mar caret, el ma lar er Hatechén; réd-é hout pur ha næt a bep sort péhet marvel, de laret-é, boud ér stad a hræce Doué. Rac-cé en-n'emb e hum sants cablus ha ne vehai meid ag ur péhet marvel hemb quin, e zeli dihoal a monet de gommuniein hemb gober er rang ur Govezion guet en ol conditionen requis. Bout bet é covessad n'en dai quet attau ur merche assuret ag er burtæd a gousciance. Ul lod: vad e chonge guet-t'ai bout pur ha næt a behet rac ma vent bet é covessad, hac e vai neoah perpet criminel dirac Doué. Èl-cé é rér hilleih a sacrilegeu. Eit ne vehait quet trompet ér mod-cé, choæget er Hovezour abillan e cellehait cavouet, ha treménet dré ol er péh e gonseillou deoh. Désquet ehué guet sourci ol er péh zou requis eit gobér ur Govezion vat, ha pratiquet int poent-oh-poent guet er brassan sourci.

2º En devotion a galon, hemb péhani er Gommunion n'en dai na tuem na yein, e gonsist é hantréein é santimanten ag ur Fé bihue, un Esperance ferm, ur Garanté berhuidant, un humilité parfæt, un obligation vras de Zoué, hac un dezir santel de hum joentein doh Jesus-Chrouist.

Réd-é tostad guet ur Fé len a respêt hac a gonfiance, rac ma houyamh é hamb de receu Jesus-Chrouist hur Roué, hur Juge, hun Ami, hur Brær, hun Avocad, hur Medicinour spirituel, hur Salvér, hun Doué... Caërræd un action!

Réd-é tostad guet ur galon ambraset guet en tan a garanté Doué, rac ma hamb de receu er Sacremand a garanté. Jesus-Chrouist e hum ra demb dré garanté: rein dehou caranté eit caranté, n'en dai quet rai. Rédé tostad guet un humilité parfæt, én ur chongeal pihue omb-ni, ha pihue-é en hani e yamb de receu. Pihue omb-ni? Ur yoh doar, peudr ha ludu; un afin a visèr, a beuranté hac a fallanté... Pihue-é en hani e yamb de receu? Crouéour en Nean hac en doar, er Mæstr general drès ol quement tra zou... Ræzon hun nès enta de laret ne veritamb quet er receu, meit hac ean memb e breparehai hur halonen eit quement-cé: rac ne faut meid ur guir ag é berh eit guellad d'hun inean.

Réd-é tostad guet un obligation vras de Zoné; rac opèn er vad en dès groeit temb hac e ra hoah hemb cèss, ean e ra ur Miracl pamdièq, hac e guh ol er splandér ag é hloër, ol er vrastæd ag é buissance ha majesté idan en aparance ag er bara, eit donnet de guemér position a hur halon ha de gonfor-

tein hun inean, etc.

Ansin réd-é tostad guet un hirrean santel de hum joentein don Jesus-Chrovist; rac a pe ra demb en inour de zisquen beed-omb, damb enué én arben dehou guet ur grèd carantéus. Mar santamb en dobér hun nes ag é secour, hun incan ne zeli quet cessein a laret tehou: Deu, me Jesus, ne dardet quet, me hou suppli. (Hui e gavou en Acteu él Livr Pedènneu.)

Mar tostet guet en dispositioneu-zé, n'hou pou quet de zougein a obér Communioneu péré n'en dint na tuem na yein, ha péré zou quen dangerus. N'hou pou quet chonge a gommuniein, èl ma raul lod vat, eit bout seèllet, eit boud istimet guet en dud. É contrel, hou studi principal e vou communiein, èl mei recommandet, guet en intantion a inourein Doué, a hum joentein doh Jesus-Chrouist, hac a obtenein guet-t'ou græceu eid oh hac eid er-

ré-ral. Manq a obér attantion ar er poend-cé, en darn-muyan e gommuni rac m'en dai er mod, dré acustumance, eit bout seèllet, hemb chongeal petra

e rant, nac eit petra è communiant.

Souhet vér bermen a pe gleuér laret penaus er guettan Crechénion e gommuniai bamdé a pe gavent en tu: mæs n'en dès quet léh de vout souhet mar considerér er burtæt hac er santeleah ag er vuhé e gonduiènt. En Ilis e zezir hoah bermen ma hum laquehai ol hé bugalé ér stad, dré ur vuhé santel hac a scuir vat, de gommuniein liès. Mæs, allas! quer bras-é er horrompl én hur mésq, ma hès mui a ræzon de laret d'en darn-muyan gobér pénigèn ag er Hommunioneu ou dès groeit, eit de gonseillein dehai communiein liès.

Eit communiein liès, réd-é bout pur hac exant a bep sort péhet marvel, a bep sort inclination d'er péhet marvel, ha memb d'er péhet veniel, hac en doud un hirreah santel hac ur grèd berhuidant de hum joentein doh Jesus-Chrouist. En doud inclination d'er péhet veniel, e zou bout teichet d'ur péhet veniel hemb en dout quæ a nehou a p'er hommettér, ha hemb gobér cas a hum gorrigein. Un disposition quen digas é quevir en Eutru-Doué e zou caus ma rér Communioneu péré n'en dint na tuent na yein, ha péré e gondui a nebedigueu d'er Gommunion sacrilege.

A fæd er-ré e bass ul lod vad ag ou buhé én divertissemanteu, én arouaredigueah, é hoari, ér hompagnoneaheu; én ur guir, en dud péré e héli modeu ha custumeu er béd, ne zeliant jamæs communiein, ma ne brezant laquad poén de changein a vuhé. Mæs er-ré e hum boéni a zevri de dorrein en taiche malheurus ou dès d'er péhet veniel ha péré neoah deusto d'ou resolutioneu mat, e gouéh liès dré fragilité ér memb fauteu, er-ré-zé e gav ur remæd souveræn ér Gommunion, hac e zeli communiein liès, mar ou juge ou Hovezour disposet a hènd-aral d'er gobér. (Leinet er Chapistr-XX, Parti II ag er Vuhé devod.)

En Ilis ne gommand d'hé bugalé communiein meid ur uéh ér blæ. Mæs peb-unan e santt assès n'en dai quet erhoalh quement-cé eit rescond d'en-intention en dès bet Jesus-Chrouist é hinstituein er Sacremand ag en Autær. Ur horv hemb é vihuance ne zalh quet peèl én é sau; hac un inean hemb hé magadur spirituel ne ouhai quet resistein peèl doh hé enemiset. Rac-cé er-ré ne hum boéniant quet eit communiein liessoh eit ne ordrén en Ilis, e eell laret guet David: Me inean e zou fatiquet ha dissehet, rac ma mès ancoeheit a zaibrein mem bara. Jesus-Chrouist e venace en dud parcessus-cè ag er marhue spirituel, a pe lar: É gurionné, ma ne receuet me horv ... n'hou pou quet er vuhé spirituel én-ah.

Guharal é rait er Gommunion d'er vugalé memb péré n'ou doai quet en oaid a ræzon. Mæs bermen é hortér eit rein dehai ou hettan Communion, beed quene vent ér stad de hum examinein, ha de zifforh Corv Jesus-Chrouist doh er bara ordinær. Eit quement-cé en Ilis e recommand d'en tadeu ha mameu désquein é cource ou bugalé de vihuein santelemant, ou degass d'er Hatechén, hac ou instrugein d'obér ur Govezion vat. Ul lod vad e nehance ur Person eit laquad ou bugalé d'obér ou hettan Communion é sigur ma vent bras, ha ma vent oaidet: mæs ne rant quet paud a gas hac ind e vai ér stad d'hé gobér pé ne vent quet. D'er Hovezour-é de jugein

quement-cé. En darn-muyan ne rant ou hetten Communion nameit rai abred: rac, haval vehai e seeller er Hatechen avel un hoariet necessær: hac ur uén ma ver sortiet a nehou, é hancoeher er pen e vai bet désquet, el pe eelleher bout salvet hemb goud en Doctrin a Grecheneah, ha ne laquer quet mui a boen d'er pratiquein, eit pe ne vehai meid ur ceremoni inutil. A-va-zé é ta el libertinage hac en desordreu e uélér bamdé ér Grecheneah.

Er guettan Communion e zou ur vamen a vonheur a pe vai groeit mat, hac ur vamèn a valheur á pe vai fal hroeit. Eit hé gobér erhad, réd-é goud en Doctrin a Grechéneah, hac en doud en ol dispositioneu hun nes merchet eit gober ur Gommunion vat. Réd-é drès peb tra pé en dout conservet en innoçance ag er Vadiend, pé en dout hé reparet dré ur guir hénigen, ha dré ur Govezion groeit guet er honditionen requis ha necessær. Eit conservein er græce ag ou hetten Communion, er vugalé e zeli quemér scuir ar hur Salvér én amzér ma hoai croaidur; de laret-é, hum aquittein erhad ag ou deværieu a Grechéneah, aboeissein a balamor de Zoué d'er-ré e gommand ar nehai, ha cresquein bamdé é santeleah hac é parfætion dirac Doué ha dirac en dud. De zihoal ou dès doh en arouaredigueah, doh er fal gompagnoneahen, doh en hantiss rai harden, don modeu ha custumeu er bed, ha doh peb sort occasionen aral d'offancein Doué; ha quentéh èl ma hom santant cablus ag ur péhet benac, ind e zeli quemér er resolution de govessad prestan ma heelleint, ha gober é-tretant ur benigen jaugeabl, péhani e rei dehai bout guel ar ou goard én amzer de zonnet. Bugalé, groeit el-ce, ha n'hou pou quet quæ. (A zivond en excellance ag er Sacremand ag en Autær, er breparation ha dispositioneu requis eid er receu, er fæçon de gommuniein, hac er Gommunion spirituel, leinet er busrvet Livr a Imitation Jesus-Chrouist; er Chapistreu XX ha XXI, Parti II ag er Vubé devod, hac er Chapistreu LII, LIII, LIV ha LV ag er Hombat spirituel. Me lausq beèd er Chapistr ag er Bedèn de gonz ag er Sacrifice ag en Overèn.

#### ARTICL IV:

## Ag er Sacremand a Bénigèn.

En Bénigen e cell bout consideret pé el Vertu, pé el Sacrement.

Er vertu a Bénigèn e zou ur hæ en doud offancet Doué hac ur haz doh er péhedeu commettet, guet ur resolution ferm n'ou hommettehér mui, ha de hum gastiein a nehai.

Er Sacremand a Bénigèn e zou ur merche sansibl en dès instituet Jesus-Chrouist, dré, béhani en hun nes remission ag er péhedeu hun nès commettet goudé er Vadiènd.

Bout-cou en differance-men itré er Sacremand a Bénigèn hac er Vertu a Bénigèn: er Sacremant-cé n'en dai necessær nameid a oudé Jesus-Chrouist, hac er vertu a bénigèn e zou bet necessær a ol viscoah eit bout pardonnet guet Doué. Rac a ol viscoah Doué n'en dès pardonnet ou féhedeu nameit d'er-ré en dès groeit pénigèn a nehai, de laret-é, en dès bet quæ ha caz ou doud offancet Doué, hac en dès queméret ur resolution sincèr n'en offanceint mui, ha de hum gastiein ag er péhedeu ou dès commettet.

Quentéh èl ma hum santamb cablus a béhet, ne zeliamb quet gortoz beed en trenoz eit gober pénigen : rac er-ré e zeræn eit hum gonvertissein beed un oaid avancet pé beèd un amzér n'eèlleint mui péhein, er-ré-zé e hum lag ér riscl ne hum gonvertisseint james sinceremant, ha de zougein ou dès n'arrihuehai guet-t'ai èl guet Antiochus, pehani e oulennai misericord, hemb ne brezas Doué er cheleuet. Rae liès-mat Doné e ra goab én articl ag er marhue ag ur péhour, péhani en devai grocit goab a nehou durand é vuhé. Goud e ramb é ma misericordius en Eutru-Doué, hac é heèll accordein d'ur péhour ur græce haval doh en hani e ras d'el Lair mad ar er Groès. Mæs ne zeliér quet huta fiein ar ur Miracl el hennéh: er guellan-é hum gonvertissein é cource, eit nevehér quet somprenet.

Er Sacremand a Benigen e zou ur merche sansibl; rac consistein e ra er Gontrition, er Govezion hac er Satisfaction a berh er Penitand, hac en Absolven a berh er Beleg; de laret-e, red-e d'er-re en des pehet a oude on Badiend, 10. on dout quæ ag ou feheden; 20. ou hovessad d'ar Beleg aprouvet; 30. quemer er resolution d'ober satisfaction a nehai; 40. ha receu en absolven guet er Beleg de Be-

hani en ou devou int disclæriet.

Jesus-Chrouist en dès instituet er Sacremant-cé a p'en dès reit d'é Apostolet en alhuyeu ag er Barsouis, hac er bouvoër de bardonnein er péheden. Receuet, é-m'ean dehai ha d'en dud a Ilis, receuet, er Speret-Santel; pardonnet rou ou féhedeu d'er-ré m'hou pou int pardonnet tehai.... Rac-cé er Sacremand a Bénigèn e zou absolumant necessær eid effacein er péhedeu marvel commettet goudé er Vadiènd. Gùir-è, a pe ne gayér quet en tu d'er

receu, é heèllant boud effacet dré un Act a Garanté pé a Gontrition parfæt guet en dezir sincèr de govessad quentéh èl ma cavehér en occasion : mæs gùir-é perpet é ma dré vertu er Sacremand a Bénigèn é vent ehue pardonnet ér circonstance-zé.

A fæd er péhedeu e ouyér sur n'en dint meit veniel, penaus-benac m'en dai un dra forh profittabl d'er Bénitandet ou hovessad, quement-cé n'en dai quet neoah necessær; rac eèllein e rant boud effacet dré er gonirition a galon ha dré en ævreu mat, èl mei er Bedèn, er yun hac en alézon.

Én institution ag er Sacremand a Bénigèn ésplann muyan madeleah ha misericord hur Salvér é quevir er beherion. Arlerh m'en des hur golhet er Vadiend, hac hun delivret a-zan berh en diaul, ean e cellai laret temb : « Groeit e mes eid oh mui eit ne veritech; m'hon lausq bermen ar bonis a hou tivréh : labouret mar caret de gonservein er « græceu e mès reit teoh; rac mar ou hollet, n'em bon mui truhé er bet dohoh. « Mæs ean e uélai é homb goann ha fragil; rac-cé ean en des instituet er Sacremand a Benigen eit rein demb en tu de yout pardonnet, mar caramb, a hun péhedeu, ne vern péh quen enorm ha quen nombrus é heèllehent bout. Mæs guet eun, é leh bout pardonnet, ne rehèmb ur sacrilege, ni e zeli hum breparein guet er brassan sourci de receu er Sacremand a Bénigèn.

Pemb tra zon necessær eit gober ur Govezion vat: 1°. en Examen a gousciance; 2°. ur guir Gontrition; 3°. ur Ferm propos; 4°. ur Govezion vat; 5°. un dezir sincer d'ober Satisfaction de Zoue ha

d'en Nessan.

# Ag en Examen a gousciance.

 ${f E}$ n Examèn a gousciance e zou un inclasq perhu $\epsilon$ h e ra un dén ag é ol péhedeu. Bout-çou deu sort ; unan e zelier gober de noz, ar er peheden ag en déuéh; hac en aral a pe hum breparér de govessad, ar er péhedeu commettet a oudé en dehuéhan Covezion d'er bihannan. En Examèn a gousciance quênd er Govezion e zou necessær, idan boén a obér ur sacrilege: rac pihue-benac e ancoehai a zisclæriein ur péhet marvel hemb quin faute a en doud examinet erhad é gousciance, ne receuehai quet er pardon ag é béhedeu, hac e vehai obliget de gommance el a ben, ha d'ober penigen ag er sacrilege en dehai groeit. Er-ré e bratiq bam-noz en Examén e zeliér gobér ar er fauteu ag en déuéh, ne vai quet diæz dehai gober un Examen perhueh a pe hum breparant de govessad. Mæs anfin penaus gobér en Examén-zé?

Quent commance, hum dennet en ul leh benac a coste, hum laqueit ar hou teulin, ha hum humiliet é presance Doué eit goulen a greis hou calon assistance er Sperct-Santel, eit ma hanauchait en nombr, er vrastæt hac en infamité a hou péhedeu. Hum adresset doh hur Salvér guet fé ha confiance en ul laret guet en Dall ag en Aviél: Jesus.... hou peèt truhé doheign.... groeit ma huélein. Scoeit ar hou calon èl er Publiquein, en ul laret el d'ou i Men Doué, hou peèt truhé doheign péhour ma hon. N'en dai quet question a laret calz a gonzeu. Er Béhourès ag en Aviél ne zeuhantéras quet ur guir durant ma hoai stouyet ital treid hur Salvér, durant m'ou golhai guet en dar a hé deulagad, ha m'ou séhai guet hé bleàu: ha neoah Jesus-Chrouist

e laras, é hoai pardonnet teht hilleih a béhedeu, rac ma hoai bras hé haranté. Doué e oulen ur galon trezet guet anquin hac humiliet, ha non pas conzeu caër e larér a vêg hac e zislarér ér galon.

Commancet hum examinein ar Ourhæmeneu Doué, ar ré en Ilis, ar er seih péhet Capital, hac ar en obligationeu e hoès revé hou stad. (El Livr Pedenneu e eèllou hou ser our un tamiq.) Un taulseèl ar en differant circonstanceu a hou puhé, hou secourou bras d'hou pout chonge a hou péhedeu : par exampl, el léhieu ma hoh bet, en dud e hoès hantet, en affærieu e hoès bet.... Groeit drès peb tra attantion vras ar hou fal daicheu ha goal acustumanceu, ha remerquet peèt guéh en ou dès arré hou taulet ér péhet.

Ne chonget quet, èl ma ra ul lod vad, é ma assès hum examinein ar er péhedeu a action; de laret-é, ar er péh e hoès groeit hemb quin: réd-é hosh hum examinein ar er chongeu a speret ha dezirieu a galon; rac quent pé goudé ma hoès groeit ur péhet a action, hui e hoès marcé commettet mui eit cant péhet a chonge hac a zezir. Liessoh é péhér dré chonge, ha guhavé dré zezir, eit ne rèr dré action. Er chonge hemb action e cèll bout-péhet, èl m'hun nès remerquet én Articl ag er Baillardiah. Èl-cé er-ré ne brezant quet hum examinein ar ou chongeu ha dezirieu, forh liès ne govessant quet en derderan ag ou féhedeu.

Rac-cé: Seellet a dost ha hui e hoès péhet : 10. Dré chongeu fal, pé doh hum arrest én-ai esprès, pé dré lézidantæt é peellad doh-t'ai goudé ma hoès int remerquet. 20. Dré zezir, pé fal volanté. 30. Dré fal gonzeu laret pé cheleuet. 40. Dré fal shéreu. 50. Dré omission, én ur vanquein d'hou

teværieu. 6°. Mar doh bet caus d'er-ré-ral de héhein: 1°. Pé rac m'hou pehai ordrénet fal obér. 2°. Pé rac m'hou pehai reit fal gonseill. 3°. Pé rac m'hou pehai secouret gobér droug. 4°. Pé rac m'hou pehai mèlet er-ré e rai fal ha reit courage dehai d'obér hoah. 5°. Pé rac n'hou péhai quet miret doh er-ré zou én hou carg a fal obér. 6°. Pé rac m'hou pehai cuhet pé soutiret er-ré-ral de fal obér. 7°. Pé rac m'hou pehai dré hou fal exampl pé solitt douguet er-ré-ral d'er péhet. Ar guemènt-cé ol é ma ret hom examinein perhuéh.

Clasquet ehué en nombr a hou péhedeu: hac el ma hoh obliget de zisclæriein sclærran ha justan ma heellehait en nombr, en natur hac er circonstancen différant a nehai, chetui penaus é rinquet hum examinein. Laqueit hou péhedeu é tri rang ér fæçonmen, drès peb tra mar fal deoh gober ur Govezien

general, pe ur revu a hou puhé treménet.

10. Er péhedeu ne hoès quet groeit liès. Par exampl, hui zou sur ne hoès groeit hennen ha hennen meit tair gueh, laret just tair gueh, ha non pas mui ná bihannoh; hac èl-cé ag er-ré-ral. 20. Laqueit nezé er péhedeu e hoès commettet liessoh, mæs de béré n'en doh quet bet neoah acustumet bras, ha clasquet arré en nombr a nehai justan ma heèllehait; èl pe lareheoh : me mes groeit er péhetcé ardro dec, pé deuzec, pé uguênt guéh.... el ma credet dirac Doué en e hoés ean groeit. Ul lod vad e grèd é ma guel laret mui eit bihan : mæs n'en dai quet permettet laret mui na bihannoh é Covezion: er just èl ma credér dirac Doué e zeliér laret, ha jamæs doh en ahau hac én avantur. 3º. Anfin laqueit er péhedeu de béré é hoh bet acustumet : seellet peguehæd-çou é hoh taichet dehai, ha nezé

peed guéh ér blæ, pé ér mis, pé ér suhun, pé én dé é coucheoh én-ai, etc. El-cé hui e gavou pe-dost en nombr. Ne oulennér quin gueneoh meit ma larehait just èl ma credet en e hoès int groeit, goudé ma hoès hum examinet mat.

Eit cavouét hoah justoh en nombr a hou péhedeu, groeit attaution é hes guhavé istroh eid ur péhet comprênet én un action hé hunan. Laret er memb tra ag er sal chongen, ag er sal zezirien. ag er goal gonzeu, etc. Par exampl; en-n'emb e hum arrestehai d'ur fal chonge guet tri a dud én un taul, e gommettehai tri.péhet : en-n'emb è zezirehai droug, pé er marhue de buar a dud én un taul, e gommettehai puar péhet. En-n'emb e scandalisehai, pé e lahehai, pé e lairehai huéh a dud én un taul, e gommettehai huéh péhet. En-n'emb e oal gouzehai en un taul ag ur famill composet a zeuzec a dud, e gommettehai deuzec péhet, etc. Remerquet hoah é commetter quel liès a béhet èl a uéh ma hum arrestér de chongeal guet un dra dihuennet, pé de zezirein, pé de seellet un dra dihuènnet, ha ma changér a volanté goudé en dout cousantet d'er péhet Par exampl, en-n'emb e hum arrestehai huéh guéh é corv un ær guet ur fal chonge, pé ur fal zezir... hac e changehai a volanté itré peb guéh, pé e laquehai é chonge guet un dra aral, pé memb e hum daulehai de gousquet, mæs e hum abandonnehai arré d'un tamiq goudé guet é guettan fal chonge, pé fal zezir.... bet-ha huéh guéh, e gommettehai huéh péhet. Rac bout-çou peb guéh assès a vat volanté eit gobér ur péhet, hac assès a arsau itré peb action eit ma heèlleher laret hemb riscl a fori, penaus unan n'en dai quet en aral.

Guhayé neoah ur stæd actioneu ne formant meid

ur péhet, a pe vent ol conduiet guet ur memb intantion d'ur fin benac exterior. Par exampl, un dén en dès volanté de laireah, e roull én é ben er moyandeu e sai dehou impléein eit quement-of, e brepar er péh cou requis tehou, e chonge guet pliiadur en taul en dès d'ober, hac anfin en accompliss, hennéh ne gommet meid ur péhet; rac penaus-benac ma ta paud a chongeu aral én é bèn durant ma vai doh hum zisposein, é intantion principal ne vai quet neoah changet, hac e gontinu én actioneu exterior e ra eit hum breparein de laireah. Laret er memb tra ag er-ré e glasq en tu de goutantein on dezirieu lous. En dud-cé e zeli neoah disclæriein peguehæd ou dès laqueit de glasq accomplissein ou fal volanté, ha peèd guéh durand en amzérzé en ou dès renchuéet ou fal zezirieu.

A fæd en natur ag er péhedeu, examinet inemb de béh vertu en e hoès péhet, hac é péh mod en e hoès hé blesset, ha hui e hanàuou a béh espèce vou hou péhet. Par exampl, er mang a gredein ferm er péh e ansaign en Ilis, en desespoër. er haz doh Doué hac er superstition e zou péheden differant én espece, dré m'en dint contrel de vertuyeu differant, de laret-é, d'er Fé, d'en Esperance, d'er Garanté ha d'er Religion. En idolatri, er magi, er pariur, er blassæm hac er sacrilege pe profanation ag en treu santel, e zou péhedeu differant én espece; rac pensus-benac ma vlessant ol er memb vertu, ( er Religion ), contrel int neoah de zeværieu differant ag er vertu-zé, hac èl-cé n'hé blessant quet ol ér memb mod. Er bresomtion hac en desespoër e zou ehué differant én espece, deusto m'en dint contreld'er memb vertu. (en Esperance): mæs int hé blèss én ur fæçou différent : er bresomtion, dré rai, hac en desespoër, dré vihan. Én ur guir, er péhet e zou differant én espece, revé ma vlèss vertuyen differant, pé, deværieu differant ag ur memb vertu. Mæs èl ma ta er circonstanceu de changein liès en espece ag er péhet, pé de gresquein er malice a nehou, réd-é ma hum examinehait hoah ar er poend-cé.

Er circonstanceu péré e change en espece ag er péhet, pé e gresq er malice a nehou, e zou comprênet ér seih pé eih guir-men: quis, quid, ubi, quibus auxiliis, cur, quomodò, quandò; de laret-é, pihue oh-hui; petra e hoès-hui groeit; mèn-é en e hoès ean groeit; a béh moyandeu en e hoès hum cherviget eid er gobér; perac en e hoès ean groeit; é péh mod en e hoès ean groeit; pegource en ehoès ean groeit? Expliquamb er guirieu-zé en eil arlerh éguilé.

Quis, e verche qualité en hani en dès péhet, mar dai abil pé ignorant, mar dai diméet, pé consacret de Zoué, mar dai ingaget én ur fæçon spécial de bratiquein er vertu en dès blesset, pé de zihoal doh er péhet en dès groeit... Quemènt-cé e zelibout remerquet drès peb tra a pe vai quéstion a béhedeu inemb d'er burtæd, èl m'hun nès laret én Articl ag er péhedeu Capital ar er Baillardiah.

Quid, e verche qualité er péhet e zou bet commettet, mar dai bras pé bihan, mar dai question eg un dra sacret pé un dra aral, etc.; qualité en hani e zou bet offancet, mar dai un dén é cerg, pé un dén a Ilis, pé un tad pé ur vam, etc.; mar dai un dén pihuiq pé ur peur e zou bet lairet, ha qualité en anjulieu e zou bet laret, en touyadelleu e zou bet groeit, etc.; mar dai question arré a chongeu, pé dezirieu, pé actioneu inemb d'er burtæt,

réd-é examinein guet péh sort tud é vai bet groeit er péhedeu-zé; rac a fæd paillardiah ne faut quet calz a dra eit changein en espèce ag er péhet.

Ubî, e verche qualité el léh mei bet commettet er péhet, mar dai én ul léh a costé, pé é publiq, pé

én tiegueah, pé én Ilis, etc.

Quibus auxiliis, e verche qualité en dud, en treu hac er moyandeu e zou bet impléet eit commettein er péhet, èl pe hum chervigér a dreu santel, ag en Oleau sacret, a zeur béniguet, a vaginage, a drompereah, etc. Èl er-ré e gommand d'ou bugalé, pé d'er-ré zou én ou harg, ou secour de fal obér...

Cur, e verche en intantion guet péhani é ma bet commettet er péhet; mar dai eit gobér chervad é hès bet lairet; mar dai eit bourdal, pé eit gobér gueu d'en Nessan é hès bet goal gonzet a nehou, mar dai eit trompein, pé eit miret un droug é hès bet laret gueu, mar dai eid inspirein amourustæt de unan-benac é vér hum usquet brahue, etc.

Quomodo, e verche er fæçon mei bet groeit er pehet, hac ean e zou guet hanauedigueah pe dré ignorance, a vad ha libr volanté pe dré gontraign, dré fragilité pe dré valice, dré inclination pe dré un taul somprèn; hac ean e zou bet anjulius eid nnan-benac, hac ean zou padet hir amzér, etc.

Quando, e verche pegource é ma bet groeit er péhet, hac ean zou d'un dé Sul, pé Gouil, pé obérad; hac ean zou durand en Officeu pé d'un déyun é vér meauet, etc.

Er circonstanceu-zé pé e change en espece ag er péhet, pé e gresq er malice ag er péhet, pé e ziminu er malice a nehou.

1º. Changein e rant en espece ag er péhet a pe laquant én-ou ur malice nehué differant doh en hani en dès er péhet a nehou é hunan. Par exampl, ul laironci consideret én-ou é hunan ne vlèss meid er justice: mæs mar dai un dra consacret de Zoué e zou bet lairet, er circonstance-zé e laqua guet er malice ag el laironci ur malice differant, dré m'en dai caus mei blesset er Religion, hac èl-cé n'en dai quet mui hemb quin ul laironci, mæs ur sa-crilege. Eit meauein ne vlessér meid er vertu a damperance; mæs mar dér ér siad-cé ha laret conzeu dishonest, er circonstance-zé e zou caus mei blesset er burtæt, hac e laqua guet er guettan malice ur malice nehué ha paud aral liès mat.

- 2º. Er circonstanceu e gresq er malice ag er péhet, a pe gresquant en enormité a nehou hember changein a espèce. Par exampl, un dén chanàu er malice ag ur fal action, e gommèt brassoh péhet eid unan n'hé-hanàu quet. Laireah un dén peur e zou ur péhet brassoh eit laireah un dén pihuiq. Hum arrestein peèl amzér guet ur fal chonge e zou brassoh péhet eit pe ne hum arrestér meid ur momant.
- 3º. Er circonstanceu e ziminu guhavé er malice ag er péhet, èl mei en ignorance, er manq a reflexion, en defaut a liberté, etc. Ha mar da er circonstanceu-zé bet-ha diminuein er malice ag er péhet én ur fæçon ne vai meit veniel, ne vér quet obliget d'er hovessad. Mæs é contrel, mar da ur circonstance benac ha rantein marvel ur péhet péhani a nehou é hunan ne oai meit veniel, obliget vér nezé d'en disclæriein idan boén a obér ur Govezion sacrilege.

Contein e rér seih circonstance péré ag ur péhet veniel én-ou é hunan, e ra ur péhet marvel:

10. En disposition é péhani é vér d'obér ur pé-

het marvel. Par exampl, un dén e lairehai ul liard guet er volanté de laireah ur scouét p'en devezai eèllet. Un dén e larehai ur gueu distér, penausbenac ma credehai gobér ur péhet marvel doh el laret, etc.

20. Er fal intantion guet péhani é commettér er péhet. Par exampl, larct bourdeu væn ha conzeu inutil n'en dai quet péhet marvel; mæs ou laret guet en intantion a zebauchein unan-benac, e vehai péhet marvel. Digueor un or hemb permission, n'en dai quet péhet marvel; mæs hé digueor guet en intantion a laireah, e vehai péhet marvel, hac é vehai gùir ne vehai quet lairet, etc.

3º. Er scandal, de laret-é, en occasion a béhet marvel e rér de unan-benac, én ur obér ur péhet veniel. Visitein unan-benac hemb necessité n'endai quet péhet marvel; mæs mar rér de ré-ral dré en hantiss-zé occasion a béhet marvel, er visiteu-hont e za de vout péhet marvel. Péhet marvel-é laret bourdeu inutil é compagnoneah, mar santér é vou douguet ré-ral dré guemènt-cé de laret conzeu dishonest, etc.

40. En dangér a béhein marvelemant de béhani en hum exposér é hobér ur pehet veniel. Antréein én un davarn eid ivet hemb dobér, n'en dai meit péhet veniel; mæs péhein e rér marvelemant mar hum laquér dré-zé én dangér a veauein. Coroll ur néh benac eit hum zivertissein, n'en dai quet péhet marvel; mæs péhein e rér marvelemant mar hum exposér dré-zé d'en dout chongeu, pé dezirieu lous, etc. Rac en-n'emb e hum laq én dangér a gommettein ur péhet, n'eèll quet laret é cousciance ne fal quet dehou er hommettein.

50. En disprisance sclær ha splann ag ul Lezèn

pé ag ur Ourhæmen péhani e ordren pé e zihuen un dra a zister consequance. Par exampl, ived ur uéh deur d'un dé-yun itré er preden, e zou un dra a zister consequance; ha neoah en-n'emb e ivehai dré zisprisance eit Gourhæmen en Ilis, e gommettehai ur péhet marvel. Er péhedeu veniel e gommetter dré acustumance e zoug ordinæremant guett'ai ur certæn disprisance.

6º. Ur faus gousciance péhani e ra credein é commettér ur péhet marvel é hobér un dra ne vai én effæd meit péhet veniel. Par exampl, un dén e zaibrehai hemb dobér un tam benac friand itré é repazeu, pé e ivehai d'un dé-yun ur uéh deur itré é bredeu, hac e chongehai gobér ur péhet marvel é quemènt-cé, e gommettehai én effæd ur péhet marvel, rac ma cousantehai én é galon de béhein marvelemant.

70. En union ag un dra distér joentet guet treu aral distér groeit a guênt, a pe zant assambl d'obér un dra a vras gonsequance. Par exampl, laireah ur blang n'en dai meid ur péhet veniel : mæs mar da er blanq-cé joentet guet treu aral distér lairet a guent, ha formein ur som a gonsequance, pé gobér un domage considerabl d'en hani m'eint bet lairet tehou, el laironci-hont ag ur blanq e vou ur péhet marvel; ha mar mangen hani zou cablus a reparein é béhet, ean e béhou marvelemant, ha ne lairehai ean meid ul liard d'en hani m'en dès groeit gueu doh-t'ou. Remerquet erhad quement-men, bugalé ha serviterion, péré e scrap d'ou tud a glei hac a ziheu hemb scrupul er bet, é sigur ne gueméret quet calz a dra peb gueh. Pihue e ouair memb mar ne béhet hoah marvelemant dré en intantion hac en implé e ret ag er péh e lairet èl-cé a nebedigueu?

A vosul ma tei deoh disolein ou péhedeu, groeit Acteu a Gontrition; laret el David: O men Doué! dirac-oh hou ç'hunan en e mès péhet, hac én hou presance en e mès groeit en droug. Mar e hoès poén é cavouét hou péhedeu, hac é houd peèt guéh en e hoès péhet, laret: Men Doué, reit sclærder d'em deulagad eit ne gousquein jamæs ér marhue ag er péhet, guet eun ne larehai deign m'enemis; me mès gouniet ar nehou.

A pe falou deoh gobér ur Govezion general, pe ur revu a hou puhé passet revé avis hou Covezour, hum breparet a ziabeèl, hac eit quemènt-cé: goulènnet liès secour guet Doué; groeit yuneu hac ævreu mat aral; cleuet Overènneu en intantion-zé; cresquet hou Pedenneu, eit ma rei Doué deoh er græce de hanàuein hou péhedeu, hou coal inclinationeu, hou fal acustumanceu, etc. Groeit ur Retræd, mar dès moyand. Eih dé diambarasset ag er sorh ag er béd, ag er sourci ag el labour, ne vou quet rai eit laquad reihtæt én hou cousciance. Assès é tispignet hac é poéniet aveid er horv; reit ehué un eih-déiad benac d'hou c'inean.

# Ag er Gontrition.

Ea Gontrition e zou ur hæ ag er galon, hac ur haz doh er pehedeu commettet, guet ur volante ferm n'offanceher mui en Eutru-Doué. Er Gontrition e zou bet necessær a ol viscoah eit bout pardonnet a bep sort pehedeu. Eèllein e rer bout pardonnet guet en dezir de govessad ha d'ober satisfaction, a pe n'eèller quet en effæd receu er Sacremant: mæs jamæs ne ver pardonnet hemb contrition.

Er gontrition e zou enta ur hoe ag er galon, de

laret-é, un tristé, un affliction, un displijadur ag er galon en dout commettet er péhet: ur haz doh er péhedeu commettet; de laret-é, un anquin, un dongér ag er galon, péhani e garehai n'hi dehai quet péhet: guet ur resolution ferm n'offancehér mui en Eutru-Doué; de laret-é ne gousantehér mui de sort péhet marvel er bet ne vern petra e arrihuou. Er guir gontrition e ra considerein er péhet el un droug perpet presant beèd quene vai effacet dré er bénigèn: en droug-cé e laq é calon er Pénitand ur glahar hac un anquin en doud ean groeit, hac en doug de guemér er resolution ne béhou mui, de govessad é fauteu, de hum gastiein a nehai ha d'obér ol er péh çou necessær eit coutantein justice en Eutru-Doué.

Bout-cou deu sort contrition : er gontrition parfæt, hac er gontrition imparfæt e hanhuer Attrition. Er gontrition parfæt e zou ur hæ en doud offancet Doué rac m'en dai infinimant mad, infinimant dign de vout caret ha ma tisplige er péhet tehou. A pe vai er garanté e zou deliet de Zoué drès peb tra hac a gaus dehou é hunan, e ra demb hur bout quæ a hur péhedeu, er garanté-zé e rantt parfæt er gontrition, er Govezion, er satisfaction, er Pedenneu, en alézonneu hac enævreu mad e ra demb gobér a balamor de Zoué. Er gontrition diazéet ar er garanté-zé en des memb en nærh de veritein demb é peb momand er pardon a hur brassan péhedeu, meit ma vou joentet guet en dezir d'ou hovessad prestan ma heellehemb. Caerræd ur moyand eit hum zerhel perpet ér stad a hræce Doué, hac eit meritein ne vou collet nitra ag er péhiq a vad e' eellamb gober er bed-men! Un dra estrange-e ma hum sourci quer bihan er Grechénion ag en avantageu-zé: rac ne faut quet chongeal é ma quer stanq er gontrition parfæt é mésq er-ré e dosta hoah mar

a uéh d'er Sacremand a Bénigèn.

Er gontrition imparfæt e zou ur hæ en doud offancet Doué, hac e za ordinæremand ag er méh en dout commettet er péhet, pé ag en dougeance a boenieu en ihnern. Hanhuet-é imparfæt, rac n'en dai quet diazéet èl en aral-ar ur garanté excellant, ha non pas rac ma vang dehi er halitéeu necessær

eit boud ur gùir gòntrition.

Er gontrition imparfæt n'hi des quet, el en hani parfæt, en nærh de veritein demb é circonstance er bet er pardon a hur pehedeu, ma ne vai joentet guet en absolven. Mæs a pe receuamb en effæd er Sacremand a Bénigèn guet ur gontrition imparfæt, hi e cell obtenein demb er pardon a bur péhedeu, guet m'hi dou en ihue gondition-men : 10. ma forbannou ag er galon er volanté de béhein; 20. ha ma hum gavou guet-t'hi ur hommancemand a garanté doh Doué èl er vamèn ag en ol santeleah. Rac Doué ne bardon er péhedeu nameid a pe vai convertisset er galon : er galon ne vai convertisset nameid a p'hi dès ur haz sincèr doh er péhet; hac eit hi doud ur haz sincèr doh er péhet, réd-é ma changeou a inclination hac a garanté, ha ma commançou carein er santeleah. Ur péhour péhani ne gùitta er péhet nameit rac ma touge a vout dannet, ne zouge quet a béhein, é-mé S. Augustin, mæs a vout losquet éternelemant : rac ean e gommettehai houh er péhet, pe eèllehai er gobér hemb bout dannet; hac èl-cé é galon n'en dai quet hoah convertisset. En dou-geance ag er poénieu e zispos neoah de hum gon-vertissein, dré ma ra coll a nebedigueu en acustumance a béhet guet eun a vout punisset mar er

Digitized by Google

hommetter, ha ma forban ag er galon er peh e virai doh Doué a guemér position a nehi. S. Augustin e gomparage en dougeance doh un adoué a béhani en hum cherviger elt grouyad deu béh méhér en eil doh éguilé. Ne vai quet en adoué, mæs en næd hi devai passet én eu béh méhér, ou dalh joentet assambl: mæs en næd ne ouhai quet neoah ou zrezein hemb en adoué. N'en dai quet ehué en dougeance e gonvertiss er galon, mæs er garanté é hunan; rac, é-mé S. Yehan, en-n'emb ne gar quet Doué, e chom ér marhue ag er péhet; penaus-benac ma ta ordinæremand en dougeance de zigueor calon er péhour eit receu caranté Doué.

Er gontrition e zeli hi dout pedeir condition; réd é ma vou interior, surnaturel, souveræn ha

general.

10. Réd-é ma vou interior, de laret-é, ma tei ag en donn ag er galon, a béhani é sorti ol er péhedeu, ha n'en dai quet erhoalh huannadal, ouilein, na gober a veg Acteu a gontrition. Rac Doué e hanàu en donn a hur halon, ha ne ouhèmb quet en trompein dre gonzeu caër, na dre zareu. A-ze en hum dromp ul lod vat, péré e chonge guet-t'ai en ou des ur hæ bras asses, rac m'ou devai prononcet mad un Act a gontrition e gavant én ou Livr, pé ou des désquet én ou Hatechén. Necessær-é gobér Acteu a gontrition : mæs Doué ne seell quet quement doh er honzeu el doh er galon. En huannadeu hac en dareu n'en dint quet ehué ur merche assuret ag ur guir gontrition. Bout-çou ne cessant a ouilein, na ne cessant a béhein. Guhavé é ma er sort tud-cé e resist muyan doh ou Hovezour a pe-vai obliget d'ou davai eid un amzér, pé d'obér dehai pardonnein ha goulen pardon guet ou Nessan,, pé de reparein un domage groeit, pé de guittad ur goal occasion benac. Bout-çou neoah dareu ag ur guir gontrition, hac e za ag er galon: mæs er-ré-zé

n'en dint quet stanq.

20. Er gontrition e zeli bout surnaturel, de laret-é, réd-é ma vou laqueit ér galon dré er Speret Santel, ha ma vou diazéct ar er ræzonieu ha gurionnéeu e ansaign demb er Fé. N'en dai quet erhoalh enta ma hum affligehèmb a hur péhedeu dré en dougeance ag er béd, dré en eun a vout goapeit ha dispriset, pé a goll hun inour pé hun danné, pé a gaus d'er méh ha d'er boén hun nès doh ou hovessad, etc. Mar dai quemènt-cé e zou caus d'hun anquin, hur hontrition e zou naturel, faus hac hypocrit. Er gontrition surnaturel e zou un anquin a galon a gaus de Zoué infinimant mad offancet, a gaus d'en ihuern meritet, a gaus d'er Baraouis collet, a gaus de souffranceu Jesus-Chrouist renchuéet dré er péhet. Réd-é hé goulen guet Doué dré veriteu Jesus - Chrouist, dré intercession et Uériès, etc. Eit hé meritein a guement ma heellamb, ni e zeli gober ur mortification, ur benigen benac, èl mei yunein, rein slézon, pedein, monet d'en Ilis d'adorein Jesus - Chronist er Sacremand ag en Autær; etc.

3º. Er gontrition e zeli bout souveræn, de lareté, drès quemènt tra zou. Er péhet e zou un droug
drès en ol drougueu: réd-é enta m'hur bou mui a
guæ hac anquin hur boud ean commettet, eid ag
en ol drougueu aral e eèllehai arrihue guenemb.
N'en dai quet quéstion a ouilein nac a hum zispèn
guet anquin; rac n'en dai quet necessær ma santehemb er hæ-zé èl on hani e santamb a pe gollamb
hur hærent pé un dra benac aral: mæs assès-é ma

vehemb sinceremant disposet de goll er péh e garamb muyan ér béd, er vuhé memb, quêntoh eid offancein Doué, ha ma vehemb prest d'andur peb sort droug quentoh eit cousantein d'er péhet én occasioneu péré en dès groeit temb er hommettein, hac én ol circonstanceu aral. N'en des quet a uir gontrition hemb en disposition-zé. Manquein e ra neoah de galz a dud, é spécial d'er-ré en dès tènnet ur profit benac ag er péhet, pé en dès hum cherviget a nehou eit peellad un droug benaca-ziar nehai: el mei er-ré zou arrihuet dré er péhet én un diméein mat : er-ré en dès sauvet ou inour dré ur multr ; er-ré en dès hum dènnet ag ur fal affær dré ur gueu ponnér; er-ré en dès gouniet ur proçæs, pé groeit fortun dré fausoni, etc. Ne goust nitra d'er sort tud-cé laret é mant prest d'andur er marhue quêntoh eid offancein Doué: mæs pe vehai hoah en dra d'obér, n'en dai quet sur é vehent quer scrupuluscé. Neoah hemb contrition ag en ol péhedeu marvel n'en des quet a bardon.

4°. Er gontrition e zeli bout general, de laret é, rédé en dout quæ d'er bihannan ag en ol péhedeu marvel a béré en hum gayér cablus, ha mar behai ur péhet marvel hemb quin a béhani ne vehai quet quæ, ne zeliér quet boud ingorto a vout pardonnet ag er-ré-ral. A fæd er péhedeu veniel, penaus-benac n'eellant quet bout pardonnet hemb contrition, ne virant quet neoah er Govezion a vout mad, hac é vehai ur ré-benac a béré ne vehai quet quæ. Ne zeliamb quet chongeal en hun nès ur guir guæ a hun ol péhedeu marvel, ma n'hun nès ehué caz doh en ol inclinationeu, acustumanceu hac occasioneu péré en dès groeit temb ou hommettein, ha ma n'en domb én disposition d'impléein, cousteèt

e goustou, en ol moyandeu jaugeabl eit ne gommettehemb mui hanni én amzér de zonnet. Rac gobér
goab a Zoué vehai laret en hun nès quæ hur boud
ean offancet, mar caramb hoah er peh en dès groeit
temb en offancein, ha ma ne hum laquamb quet é
poén a guemér er moyandeu jaugeabl eit ne gouéhehemb quet mui. Amen é hès de zihoal é spécial
doh certæn péhedeu mignon, a béré ne rér quet
paud a gas a hum gorrigein. Guæd a sacrilegeu!
Ræzon e zou de laret penaus a gand Covezion fal
hroeit, é hès nandec ha puar-uguênt sacrilege,
mang a gontrition.

Er gontrition e zou un donæzon a Zoué: rac-cé réd-é hé goulèn, ha Doué n'hé refus quet d'en-n'emb hè goulèn a galon. Er-té ne brezant quet hum boéniein eid obtenein guet Doué ur gùir gontrition ag ou féhedeu, en dès de zougein ne chomehai perpet ou halon yein, é spécial mar dai esprès, dichonge caër, hemb bout douguet dré dantation creihue er bet en ou dès offancet Doué, ha drès pebtra mar dint bet peèl ahurtet ér péhet, pé mar ou dès hum lausquet de monet d'en infamité a baillardiah, a ivraignereah, a avarice, etc., péré e zoug d'en dalledigueah a speret, d'en obstination a galon ha d'er marhue malheurus.

N'en dai quet erhoalh pedein Doué de rein demb ur gùir gontrition: réd-é ehué hé secour de zisquên én huf halon, hac eit quemènt-cé, réd-é hé diazéein ar er ræzonieu ha gurionnéeu e ansaign demb er Fé, de laret-é, chongeal én énormité ag er péhet, péhani e outrage un Doué er vamèn ag en ol santeleah; considerein ethad hun ingratitud é andræd er guellan ag en ol Tadeu, a p'hun nès hum cherviget ag er vad en dès groeit temb, ein hum sehuel inemp tehou; chongeal a batfæt é homb bet dré hur péhedeu caus de Varhue ha Passion hur Salvér, hac é renehuéamb hoah é souffranceu quel liès guéh m'hun nès en hardéhtæt de dorrein é Lezèn; turel hun deulagad ar er recompance hemb fin e oai grateit temb én Nean, hac hun nès collet eit hur bout manquet d'er promesseu a hur Badiènd; anfin disquén a speret én ihuern eit considerein el léh e zou preparet temb inou a oudé m'hun nès troeit cain de Zoué eit héli bobanceu en diaul....

Penaus-benac n'eèller quet en dout mercheu assuret ag ur guir gontrition, hui e hoès neoah leh

d'esperein en e hoes hi a galon :

10. Mar covesset hou pehedeu guet anquin hac humilité; mar ou laret ol guet courage, reih ha splann, hemb cuhein hanni, hemb diguisein hanni, hemb turel er vlam ar er-ré-ral; mar conzet a hanah inemb teoh hui hou ç'hunan guet un hardehtæt santel én drespet d'er meh ha d'er houartiss e hoès doh hum accusein.

Mæs mar ou hovesset guet effronteri ha guet un hardéhtæt divergond lén a vrasoni, èl pe veheoh é teviz un histoër pé un taul caër hou pehai groeit; mar cuhet pé mar diguiset unan-benac; mar hum excuset a nehou, pé mar taulet er vlam ar er-ré-ral eit hum gaërrad, etc. Quemènt-cé zou ur merche ag un isprit dallet, ag ur galon scournet ér péhet: ne hoès quet a gontrition.

20. Mar quittet a galon vad en occasioneu ha dangérieu tost a béhet, a gaus d'er péhet memb, (rac er huittad a gaus d'un dra benac aral, n'en dai quet ur merche en e hoès quæ a nehou). Mar santet hou calon quen anquinet hou poud offancet.

Doué, ma veheoh prest de goll tout, d'andur tout, er marhue memb, quentoh eit hum gavouét mui a hou vat volanté ér memb occasioneu, pé gobér er

péhedeu-zé pe vehènt hoah d'obér.

Mæs mar santet en hum blige hoah hou calon én occasion hac én dangér tost a béhet; mar dai hoah hou chonge guet er plijadurieu, divertissemanteu hac amoædage er bed; ma n'en doh prest d'andur bout goapeit, anjuliet, goal drætet, etc. quentoh eit retourn mui jamæs d'er pehet, caer hou pou laret en choès ur gùir gaz doh-t'ou èl ma veritt;

hum drompein e ret a vras.

30. Mar treménet dré ol er péh e reglou deoh hou Covezour; mar receuet a volanté vad er pénigènneu rustan d'hou corv ha contrellan d'hou c'imur. meit ma vehait neoah er stad d'ou gober; mar groet a zevri satisfaction d'hou Nessan, én ur zaccor er péh hou pehai goal gueméret, dolt en dizomagein ag er gueu hou pehai groeit dehou ne vern é péh mod, é houlen pardon guet-t'ou, mar hou pehai ean anjuliet, etc.

Mæs mar ræzonet doh hou Covezour, mar refu-, set er bénigèn e gav necessær deoh, ma ne hum laquet quet é poén a bayein hou telé, a reparein en domage e hoès groeit, ma ne brezet plæguein eit goulen pardon guet er-ré e hoès offancet, pé ma n'er groet meid inemp d'hou calon, etc. Quementcé e zisco ne santet quet er vrastæd a hou péhedeu,

ha ne hoès quet a gontrition a nehai.

4º. Mar doh disposet de guemér é grad en ol poénieu, miserieu ha croëzieu e gouéhou ar-n'ah ne vern a-beban é teint, pé a berh Doué, pé a berh en dud dré é bermission : mar doh prest d'andur ol quement-cé é pénigen a bou péhedeu, é ma ur merche en e hoes contrition.

Mæs mar hum lausquet attau de golerein inemp d'hou poénieu, de hum glêm a Zoué, de hum guemér guet malice doh er-ré e chonget e zou caus d'hou troug, mar chonget a hum vangéin el quênd a pe gavehait en tu, etc., quement-cé e zisco n'en doh quet hoah humiliet idan dourn en Eutru-Doué, ha ne fal quet deoh ma hum vangeou ag en outrage e hoès groeit dehou: er gontrition e vanq.

Er guellan merche e ouhemb hur boud ag ur

guir gontrition, e zou er ferm propos.

## Ag er Ferm Propos.

En dairvet condition absolumant necessær eit gober ur Govezion vat, e zou er ferm propos, de laret-é, ur gùir ha ferm resolution n'offancehér mui en Eutru-Doué. Hemb er resolution-zé n'eèllamb quet chongeal en hun nès quæ a hur péhedeu; rac gober goab a Zoué vehai laret tehou en hun nès anquin hur bout groeit er péh e omb hoah én disposition d'obér. Faute a ferm propos, ul lod vad e zou obliget d'obér pénigèn ag er Sacremant memb a Bénigen, hac er péh e zeliai boud eit-t'ai ur vamèn a vuhé spirituel hac a vénidiction, e za de voud ur vamèn a valediction hac a varhue.

Er ferm propos e zeli en dout tair condition: réd-é ma vou interior, courajus ha padus. 1°. Réd-é ma vou interior; rac gùir changemand ur péhour e gonsist é tistag a zevri é galon doh er péhet, ha non pas é laret conzeu caër, hac é hobér a vêg Acteu a gontrition. Réd-é ma tei er galon de gùittad absolumant peb sort péhet, ha ma larou é gurionné: Consteet e goustou me fal deign changein; laret e

mes men guir ; é han de gommance. 20. Er ferm propos e zeli bout courajus, eit ma talhehemb perpet doh hur honz, ha ma collehemb quement mat hun nès, quentoh eit coll græce Doué dré er pehet. Mar dai nærhus hur ferm propos, ni e rei guet courage brizel d'hur fal imur; ni e oasquou sterd ar hur prontitud; ni e beellei guet horreur doh er hompagnoneaheu ha léhieu dangerus, e vehai hoah caus temb de gouéh ér péhet. 30. Fr ferm propos e zeli bout padus, de laret-é, quehæd èl ma vihuehèmb. N'en dai quet erhoalh, èl ma chonge ur ré-benac, peèllad doh er péhet en dé ma vér bet é covessad pé é communiein, na durand ur misiad, pé davantage : er sort tud-ce e ra d'antand ne badou ou resolution nameit beet que ne gaveint en occasion. Réd-é enta laret a zevri èl S. Paul : Me zou sur ne vou nac er marhue nac er vuhé... na nitra aral em separou jamæs doh caranté Doué, péhani zou é Jesus-Chrouist.

Er mercheu doh péré é handuér er ferm propos, e zou er changemand a fal vuhé, ur sourci ehuehet de beellad doh en occasioneu a béhet ha de dorrein er fal acustumanceu.

10. Changein a fal vuhé e zou gobér er hontrel d'er péh e rait a guént: rac-cé mar continuet de vihuein èl ma reoh quent, caër hou pou laret en e hoès ur gontrition vras a hou péhedeu, hac ur volanté ferm ne retournehait mui dehai. Ul labourér péhani ne had meid yvrai, n'eèll quet boud ingorto a æstein gunéh: ha hui, mar dalhet doh hou fal vuhé èl quent, n'eèllet quet é gurionné laret en e hoès volanté de beèllad doh er péhet.

2º Réd-é peèllad guet sourci doh en occasioneu. Bout-çou a zeu sort : ré e hanhuer occasioneu peèl.

ha ré-ral e hanhuér occasioneu tost, a béré hemb quin é conzamb amen. Hanhuein e rér occasioneu tost a behet, ol er peh hun dong ordinæremant d'er péhet, hac hul laqua én dangér sclær a er hommettein; pé autremant, ol er péh e ouismb, pé e eellamb hac e zeliamb goud e vou caus temb revétout en aparance de gouéh ér péhet. Obliget omb absolumant de beellad doh er sort occasioneu-zé, meit ha falein e rehai demb hum zannein. Rac en hani e gar en dangér e hum gollou én-ou, é-mé er Speret-Santel. Mar gouiamb enta, pé mar eèllamb ha mar deliamb goud penaus é monet de certæn compagnoneaheu, é hobér pen don certæn tud, é cheleuet certæn discourieu, é seèllet certæn treu, etc., é vou caus quemènt - cé demb d'hur bout tantationeu creihue, pé de gouéh ér péhet, réd-é absolumant peellad : n'en des quet de varhateah.

Ag en occasioneu tost a béhet er-ré cummunan bout-cou ehué deu sort : ré e zoug a nehai ou hunan d'er péhet, el mei el limagen dishonest, er fal livreu, er horolleu, en hoarieu desordr, er braguerisseu divodest, en hantiss a dud youang pautret ha merhet hardéh en eil doh éguilé... Ré aral n'en dint occasion a béhet nameit de certæn tud hac é certæn circonstanceu, èl mei en davarn eid un dén taulet guet er gùin; certæn hoarieu innocant eit tud péré n'eellant quet hum gavouét én-ai hemb péhein; er hommerce, er foërieu, er marhadeu eid er-réne ouhent quet ou gober hemb trompein, hemb touyet, hemb meauein; mechér un tavarnour eid er-ré n'ou dès quet er gourage de refus gùin d'er-ré zou obliget de yun, pé d'er-ré e uélant tuêmmet d'ou fen, etc. Pihue-benac n'en dai quet disposet de guittad er sort occasioneu-zé, ne veritt quet en abs olven.

Digitized by Google

Mæs petra gober ma n'eèller quet quittad en occasion hemb souffrein un domage considerabl, pé hemb boud é riscl a vout disinouret? N'en dès quet de varhateah; réd-é quittad gronce. Mar da hou lagad diheu, pé hou tourn diheu ha boud eid-oh occasion a béhet, é-mé Jesus-Chronist, tènnet hou lagad, trohet hou tourn, ha taulet int peell dohoh. Rac guel-é monet d'en Nean guet ul lagad hac un dourn, eit monet d'en ihuern guet deu lagad ha deu zourn. Er honzeu-zé e senéfi penaus hac é vehei en treu e ra demb péhein, quen necessær demb el mei hun lagad hac hun dourn diheu, é teliamb neoah ou huittad, ma ne fal quet demb couéh én ihuern. Quement-cé e seblantt bout rust ha calet: mæs anfin n'en dès quin moyand d'assurein hur salvedigueah. Ne vern petra e larou en dud a hanamb: rac mar clasquamb pligein d'en dud, é-mé S. Paul, ne vehèmb quet amiet de Jesus-Chrouist. Chongeent ha lareent er peh e gareint: meit ma vou coutant en Eutru-Doué a hanamb, chetui quement el a faut : danné, inour, ha treu erhoalh hur bou mar groamb é volanté.

Mæs ma n'en dès quet moyand de beèllad doh en occasion, èl ma arribue guhavé a pe n'eèllér quet sorti ag el léh ma vér, pé quittad ul labour e vai requis gobér; a pe zouguamb en occasion guenemb ne vern mèn é hamb, etc. Ér sort circonstanceu-zé réd-é dastum ol er péh e eèllér a nærh hac a vertu eit peèllad en occasion; hum zéfiein a hanamb hun hunan; laquad hun ol confiance é Doué, er pedein de laquad ur oard ar hur squéndeu, quittad en occasion prestan ma heèllehèmb, hac a pe gavehèmb en tu, hum adressein doh hur Hovezour eit goud guet-t'ou petra e zeliamb gobér. Bout-çou

perpet de hum zéfiein ag en occasioneu péré e gommance dré hoari ha deværrance é mat hac én honestiss; rac en diaul e brofitt a nehai abrèd pé dehuehad.

30. Anfin en drivet hac er surran merche ag er ferm propos, e zou ur sourci ehuehet de dorrein er fal acustumanceu. Rac eèllein e rér gobér sebland a changein a fal vuhé ha peèllad doh en occasioneu dré hypocrisi, eit sauvein en inour, etc. Mæs ne zér quet ordinæremant d'obér brizél d'er goal acustumanceu hemb ne vai convertisset er galon. Hanhuein e rér goal acustumanceu un inclination, un æzemant guet pehani é commettér certæn péhedeu doh péré é vér hum hroeit, èl mei el lubricité, en touvereah, en ivraignereah, er goal gonzereah, etc. Bout-cou péhedeu de béré en hum acustumér burhud ag er guettan gùéh m'ou hommetter, el mei er péhedeu lous. En acustumanceu a béhet e zou diazéet ar er garanté desordr e guemér er galon doh certæn treu dihuennet : réd-é enta distrugein er garanté-zé, eit laquad caranté Doué én hé léh. Eit quement-ce, réd-é ma vehemb sourcius hac ehuehet ar-n'amb hun hunan; ma castiehemb hun isprit, hur halon hac hur squendeu; ma pedehemb hilleih, ha ma peèllehemb doh en occasioneu. (El Livr ag er Hombat spirituel e zésq er sæçon de zistrugein er goal acustumanceu dré er pratiq ag er vertuyeu contrel dehai. Leinet ean. )

Ne gavan quet é ma necessær avertissein é teliér ehué bout sourcius de gùittad en occasioneu hac acustumanceu a béhet veniel; rac n'en dai quet requis d'em chonge avertissein bugalé de zihoal doh er péh e onyant e zisplige d'ou zad. Er-ré e chom neoah ag ou vat volanté ér sort dispositioneu-zé hac e dosta liès d'er Sacremanteu, en dès de zougein hilleih eit on Hovezioneu. Rac, èl ma lar S. Francæs a Sale ér hettan Parti ag er Vuhé devod, Chapistr XXII, n'en dai quet possibl d'un inean bout peèl amiet de Zœué, mar chom a hé vat volanté én disposition dalhabl de zisplige dehou. Me ouair é heèllér bout pardonnet ag er péhedeu veniel hemb ou hovessad: mæs n'eèllér quet neoah bout pardonnet a nehai hemb contrition; él léh n'en dès quet a ferm propos n'en dès quet a gontrition, hac er ferm propos n'eèll quet bout hemb ur sourci ehuehet de beèllad doh en occasioneu ha de dorrein er goal acustumanceu.

## Ag er Govezion.

Ea Govezion e zou un accusation humbl, splann ha fidel e ra un dén ag é ol péhedeu d'ur Belèg aprouvet, guet en intantion a ober penigen, hac a en doud en absolven a nehai. Me lar un accusation, eit rein d'antand n'en dai quet de zéviz histoërieu, de hum vantein, pé de hum excusein é teliamb monet de govessad; mæs eit hum accusein ni hun hunan. Me lar un accusation ag en ol péhedeu marvel d'er bihannan, rac n'en dai quet absolumant requis hum accusein ag er péhedeu e ouiér sur ne vent meit veniel, eit rein d'antand penaus en-n'emb e vang dré é faute a zisclæriein ur péhet marvel hemb quin, ne receu quet er pardon ag er ré-ral, hac opèn ean e ra ur sacrilege. En accusation-zé e zeli bout groeit d'ur Beleg aprouvet, de laret-é, d'er Person pé d'er Huré, pé d'ur Belég aral aprouvet guet en Escob eit covessad. Rac-cé en - n'emb e hum adresschai hemb necessité doh ur Belég ne

vehai quet aprouvet, e vehai obliget de gommance èl a ben é Govezion guet ur Belég aprouvet.

Mar doh libr de choæge hou Covezour, quemérèt en hani e hanau guellan hou consciance, hac e geinou muyan hou fal imurieu, hou coal inclinationeu. Ne yet quet de glasq unan e cellehait trompein ; unan franq a vanche, el ma larer, hac e bass libr. Æz-é trompein en dud, mæs Doué ne drompér quet. Jamæs ne yet de govessad hemb n'hou pou hum breparet mad ér-raug. Dihoallet ehué a govessad dré inclination naturel, eit pligein d'hou Covezour, eit bout seellet hac istimet guet en dud. Er sort dispositioneu-zé e zou caus ma ra ul lod vat, en dud youang é spécial, hilleih a sacrilegeu. (Ar er choæge ag ur Hovezour, leinet er Chapistr IV, Parti I ag er Vuhé de od. ) N'en dai quet amen el léh de laret pegource é vér obliget de govessad : expliquet hun nes quement-cé en dairved a Ourhæmenen en Ilis.

Er Govezion e zou necessær de guemènt-hanni en des pehet marvelemand a oude é Vadiènd; ha hemb Covezion, a pe eèller he gober, hanni n'eèll bout pardonnet ag é béhedeu marvel. El-cé é ma bet arrestet guet Jesus-Chrouist a p'en des reit d'en dud a Ilis er bouvoër de bardonnein peb sort péhedeu. Réd-é ou hovessad ol; hac eit quemènt-cé réd-é hum examinein perhuéh ér-raug, hac impléein en amzér e laquér de ortoz bout covesseit, eit hum examinein hoah perhuéhoh, hac eit goulen ur gùir gontrition. De zezirein vehai ma tehai en ol de gomprênein ha de bratiquein er péh e lar S. Francæs a Sale ér Chapistr XIX, Parti II ag er Vuhé devod, a zivoud er fæçon de hum accusein, eit disolein splann d'hur Hovezour en donn a hur

Digitized by Google

halon. Rac, eit gùir laret, n'en dai quet stanq er-ré e ouair covessad el ma faut.

Remerquet mad er peh e yan de laret teoh quent conz ag er honditioneu e zeli er Govezion hi dout. Jamæs ne cheleuet Covezioneu er ré-ral, nac ehué en dud e hum blige doh hum vantein ag er néh e vai laret tehai é Covezion: ne remerquet quet pihue en devai bet en absolven, doh pihue n'en devai quet : hac é vehai mad un dra de vout laret, goarnet ean gueneoh ma n'eèllet el laret hemb rein d'antand é ma é Covezion en e hoès ean cleuet : jamæs ne gonzet ag er péh en dès hou Covezour laret teoh, meit hac ordrénet en dehai deoh conz de unan-benac : ne hum vantet quet na dré vourd, na dré fal imur, é ma bet refuset en absolven deoh; hum humiliet quêntoh dirac Doné... Anfin er Govezion ne zeli james chervige de vourd na de langage é compagnoneah, guet eun, é sigur hoarhein, ne dènnehai de vlasfæmein.

Er Govezion e zeli hi devout tair condition: réd-é ma vou humbl, sincèr hac antier.

ro. Er Govezion e zeli bout humbl, de laret-é, é teli ur Pénitand hum gonsiderein ital treid é Govezour èl ur hriminel é presance é Juge; hum accusein guet santimanteu bras a hlahar hac a anquin, ha non pas laret é béhedeu èl un histoër, na hum escusein én ur durel er vlam ar er ré-ral, èl ma ra ul lod vat, péré e hum vantt ag ou ævreu mat, hac e ra én un taul Covezion ou zud hac ou amision. En homilité e oulèn hoah ma cheleuchèmb guet attantion en avizeu mad e ra demb hur Hovezour; ma tremenchèmb a volanté vat dré er péh e ordrénou demb, ha ma credehèmb a zevri, a pe refus temb en absolvèn, en en dès ræzon d'hun davaiein

beèd ur uéh aral, ha ne veritamb quet hé recen. Ne faut quet hum glém, èl ma ra ur ré-benac, na laret é ma rust hou Covezour; n'en dès quet a du de bad guet-t'ou; é ma capabl de zannein en ol, etc. É contrel, trugairicaid en Eutru-Doué en dout reit teoh ur Hovezour péhani en dès mui a hoand d'hou salvein eit ne hoès hui. P'hou lausquehai de vihuein d'hou fantazi, ne veheoh quet tantet de hum glém a nehou. Hou ponheur hemb quin e glasq, ha n'en

doh quet coutant !... En humilité e vang.

20. Er Govezion e zeli bout sincèr, de laret-é. é teli er Pénitand hum accusein sclær ha næt hemb cresquein na bihannad é béhedeu; hum expliquein hemb clasq troyeu na distroyeu, eit ma huelou just er Hovezour é péh stad é ma : én ur guir, disolein en ol plæguen ha displæguen ag é gousciance èl m'en dai dirac Doué. Er fauteu a béré é vér sur. réd-é ou disclæriein el un dra a béhani é vér sur; hac er-ré a béré é vér én arvar, réd-é hum accusein èl ag un dra a béhani é vér én arvar. Ne faut quet caïgein guet peb accusation circonstanceu inutil. pé histoerieu væn, péré ne chervigeant meit de zistroein attantion er Hovezour, ha de viret doh-t'ou a remerquein tout en enormité ag er péhet. Réd-é hum expliquein a ben-caër hemb clasq quement-cé a droyeu, ha hemb gortoz ma vou obliget er Hovezour d'hun interrogein. Ne faut quet chué é sigur hum accusein, hanhuein hanni, meit ha requis vehai quement-cé eit discoein er vrastæd ag er péhet. pé goulen conseill penaus é teliamb hum gomportein guet certæn tud e zou cid omb occasion a béhet, hac e zou ret temb hanhuein eit goud avis hur Hovezour.

Guæd a Govezioneu sacrilege faute a sincerité!

Guæd a faus Pénitandet de béré é vehai refuset en absolven, pe zizolehent splann er stad ag ou housciance! Ræzon e zou de laret n'en dai quet é Covezion é hanàhuér guellan en dud. Er-ré youang é spécial e zouge perpet ne vehai guélet rai schær én ou affærieu, hac e zihoal muyan ma heèllant a ziscoein en tu tihoel ag ou buhé. N'en dès ardeu ne vaginant eit hum ziguisein d'ur Hovezour, guet eun n'en devehai charité assès eit ou distroein ag en hend a zannation. Coutant vent a pe eèllant en trompein; mæs ne chongeant quet é ma doh t'ai ou hunan é rant gueu, hac é vou discoeit un dé e zei d'en ol, er péh e guhant bermen guet quemènt a sourci.

30. Er Govezion e zeli houd antiér, de laret-é, é teli er Pénitand hum accusein d'er bihannan ag en ol péhedeu marvel a béré en hum gav cablus. Obliget-é eit quement-cé de laret guellan ma heèll en nombr, en natur a nehai, er circonstanceu e gresq bras er malice a nehai, hac er-ré e change en espece a nehai, ér mod m'en dai expliquet ihuelloh én Articl ag en Examèn a gousciance Obliget-é de hum accusein ag er péhedeu marvel a béré é ma én arvar hac ean en dès int groeit pé n'en dès quet, hac ean en dès int covesseit pé n'en dès quet, hac ind e zou marvel pe veniel: rac p'hou huhehai esprès, ean e rehai ur Govezion sacrilege. Obliget-é hoah de laret er péhedeu marvel en dehai ancoeheit a zisclæriein en ur Govezion aral: rac penaus-benac ma vent pardonnet dré en absolven, a pe ne vai quet dré hur faute é vent bet ancocheit, obliget omb neoah d'ou hovessad a pe za chonge temb a nehai. Mæs mar dai dré hur faute é vent bet ancoeheit, réd-é commance el a ben er Govezion-hont, hac ol er-ré hur behai groeit hé goudé.

Tri tra e zou caus ordinærement ma lausquér liès lod ag er péhedeu hemb ou hovessad: 1°. Er manq a hum examinein erhad; 2°. Er méh; 3°. En ignorance. A pe vanquér a zisclæriein ur péhet marvel benac faute a en dout hum examinet erhad, er Govezion e zou sacrilege, hac e zoug guet-t'hi un disprisance disolo caër ag er Sacremand a Bénigèn: rac quemènt-cé zou ur merche é seèllér er Govezion èl un affær a zistér conséquance, péhani ne veritt quet quemènd a attantion hac a sourci èl en affærieu tamporel ha clinhuedeu er horv. Obliget vér enta de hum examinein a nehué ér mod m'hun nès laret, ha de gommance er Govezion-zé èl a hèn.

Er méh e zou caus ehué mar rér calz a sacrilegeu. Hardéh vér de gommettein er péhet, ha memb de hum vantein a nehou : ne vai méh nameid a pe vai quéstion a er hovessad Er-ré e guh ou féhedeu dré véh e zisco pé n'ou dès queta Fé nac a Religion, pé n'ou dès quet ou isprit mat. Rac anfin, petra-é ou chonge? Trompein en Eutru-Doué? Ma ne fal quet dehai gobér ur Govezion vat, perac é'tant int de govessad? Ne gavant quet merhad é houtrageant assès Jesus-Chrouist a hènd aral : ha rac-cé é fal dehai goud hac ean e vou patiant assès eit ou lausquein de renehuéein é Bassion dré ur sacrilege. O tud foll! Hum drompein e ret : é sigur cuhein hou pehet, hui e guemer er moyand d'en disolein. Rac er péhedeu cuhet é Covezion e vou discoeit sclær ha splann dirac en ol dé er Jugemant.

Anfin en ignorance e zou caus de baud a sacrilegeu. Quement-cé e arrihue a pe vanquér a zisclæriein ur péhet marvel, rac ne ouiér quet é vai marvel, penaus-benac ma heèllér ha ma teliér goud é ma marvel. Bout-cou deu sort ignorance: unan di-

vlam, hac unan criminel. Divlam vai en ignorance a pe ramb tout er péh e cellamb eit boud instruget : par exampl, a pe assistamb guet fidelité ér Hatechéneu, Instructioneu ha Perdegueu; a pe oulénnamb én hun doutanceu conseil guet tud abil, aviset mat ha santel. Mæs criminel-é hun ignorance, ma ne hum sourciamb quet a obér hum instrugein; ma ne brezamb quet goulen conseil en hun doutanceu, pé ne gonsultamb meit tud diavis ha digonsciançus péré e bass tout; ma ne laquamb poén er bet de hanauein hun deværieu general ha particuliér. En ignorance-zé e zou caus ma commettér un afin a béhedeu marvel, a béré ne chongér quet a hum accusein : receu e rér neoah en absolven : monet e rér de gommuniein : continuein e rér èl-cé durand er vuhé.... Penaus von a la fin contein ur stèd quen eshus a sacrilegeu. Rac scontein e rér é huélet en nivér a Grechénion e vihue en ignorance criminel. (Ér Chapistr II hui e gavou un articl ag er péhedeu a ignorance. )

A pe za unan benac ag en tri defaut-cé de vout caus temb d'obér ur fal Govezion, ne chom gue-nemb quin moyand d'hé reparein, meit d'hé hommance el a bèn, hac ol er-ré hur behai groeit hé goudé, hemb ancoehad a hum accusein de guettan tout ag er péhet hur boai manquet a zisclæriein, hac ag er Hommunioneu hur behai groeit a oudé. Bout-çou memb circonstanceu é péré n'en dai quet erhoalh gobér ur Govezion extraordinær, de laret-é, commance er Govezion a oudé ur certæn amzér: mæs requis vai liès, eit laquad reihtæd ér gousciance, gobér ur Govezion general.

Er Govezion general e zou un accusation ag en ol pehedeu commettet a oudé er Vadiènd. Er Go-

vezion general e zou necessær d'er-ré n'ou dès biscoah groeit Covezion vad er bet, ha forh profittabl d'er-ré zou poéniet a fæd ou Hovezioneu quettan. Laret hun nès én examèn a gousciance é péh fæçon é teliér hum guemér eit hé gobér erhad. Quent hum avisal a ober ur Govezion general, ni e zeli expliquein hur ræzonieu d'ur Hovezour abil hac aviset mat, ha tremén dré er péh e gonseillou demb. Rac penaus-benac m'en dai er Govezion general forh profinabl a nehi hé hunan, bout-çon neoah certæn tud de béré é heèll gobér droug, èt mei er-ré n'eèllant quet hemb dangér chongeal én ou buhé treménet, hac en dud scrupulus péré n'eellant quet gober un examen quer bras ha quen hir, hemb ne droublehai ou speret.

Er-ré e ra ur Govezion general ur néh benac én amzer hemb ne vai requis tehai, e denn a nehi avantageu bras. Rac chervige e ra dehai, 10. d'arrest er boén e eèllehent ou dout ar ou speret a fæd ou Hovezionen a zinguênt : 20. de laquad én ou halon brassoh glahar ag ou fauteu, é huélet én un taul ou ingratitud é quevir en Eutru-Doué: 3º. d'obtenein dehai er remission ag er poénieu tamporel deliet d'er péhedeu a béré en ou des deja receuet er pardon: 40. de laquad ou Hovezour ér stad de handuein reih en donn ag ou housciance, hac er moyandeu e zeli impléein eit ou hondui én hènd a salvedigueah. Er gustum en dès ur ré-benac d'obér peb plæ ur revu eit renehuéein er resolutioneu ou dès queméret d'assurein ou salvedigueah, e zou mélet ha recommandet guet S. Francæs a Sale ér buarvet Parti ag er Vuhé devod, é péhani é hansaign penaus é teliér ham guemér eit hé gobér erhad.

A pe hum bresantet de govessad, chetui penaus

é teliet commance hou Covezion. Remerquet erhad en ol poendeu e yan de verchein amen, ha pratiquet int quel liès guéh ma tostehait d'er Sacremand a Bénigen. Hum laqueit ar hou teulin ital treid hou Covezour, groeit Sign er Groès guet humilité, ha laret : Me zad spirituel, reit teign hou pénidiction, rac péhet e mès; commancet quentéh: Me go-vessa don Doué ol - Bussant, don er Uériès glorius Vari, don en Eutru S. Miquél Arhæl...ha dohoh hui, me zad spirituel, raç ma mès péhet rai dré chongeu, dré gonzeu ha dré fal obéreu : ar estet a-zé. Quentéh èl ma santehait é vou hou Covezour doh hou cheleuet, disclæriet: 10. peguehæd çou a oudé n'en doh quet bet é covessad; 20. ha hui ou poai bet en absolven; ( ma n'hou poai quet he bet, laret perac ); 3º. ha hui e hoès accomplisset er bénigen e oai bet reit teoh; (ma ne hoès quet hé groeit, laret ehué perac); 4º. ha hui e hoès groeit er peh e oai bet ordrenet teoh, ha pratiquet en aviseu mad e oai bet reit teoh; (remerquet mad en articl-men de béhani é vang en darn-muyan ag en dud, ha ma ne hoès quet ean accomplisset, laret arré perac); 50. ha hui ou poai manquet a zisclæriein ur pehet marvel benac en hou tehuehan Covezion, pé quent; (mar e hoès manquet, laret petra e vou bet caus : rac sacrilege é bet hou Covezion mar e hoes can cuhet dré valice, pé dré véh, pé dré zougeance: mar dai ancoeheit e hoès ean, seellet hac ean e vehai dré hou faute, pé rac n'hou poai quet examinet mat hou cousciance, pé dré hou pout hum hastet rai, hac èl-cé hou Covezion e vehai arré sacrilege, ha de gommance el a ben); 60. ha hui hou poai laqueit poén d'hou poud ur guir gontrition a hou pehedeu; (rac hemb contrition er Govezion e zou sacrilege); 7°. anfin ha hui e hoès hum breparet d'hou poud en absolven. Chetui en articleu dré béré é teliet attau commance, ha mar doh aviset mat, ne ortehait quet hou Covezour d'ou

goulen gueneoh.

Arlerh quement-cé disclæriet ol hou péhedeu guet humilité ha sincerité: commancet dré er-ré e zougeheoh hou poud ancoeheit a zisclæriein a ziaguent : laret peh sort pehedeu int, peèd gueh en e hoès commettet peb-hani, hac er circonstanceu considerabl a nehai, el m'hun nes expliquet en examen a gousciance : ne lausquet quet er-ré vras hac e ra muyan poén deoh, beèd er-ré dehuehan, guet eun ne ouniehai en diaul ar-n'ah d'ou huhein, ha mar douget hou poud ancoeheit ur péhet benac, pedet hou Covezour d'hou c'interrogein : quentéh él m'hou pou achihuet hum accusein, laret: Ag er péhedeu men, hac a ol er-ré ne mès quet chonge a nehai, me oulen guet Doué pardon a greis me halon, ha gueneoh hui, me zad spirituel, pénigèn hac absolven.... dré me faute, dré me faute, dré me faute brassan : rac-cé me bèd er Uériès glorius Vari, en Eutru S. Miquêl Arhæl.... ha hui, me zad spirituel, de bedein en Eutru-Doué aveid-on, El-cé re-vou groeit. Laqueit nezé ol hou studi de cheleuet ha de gomprênein en aviseu mad e rei deoh hou Covezour. Mar hou c'interroge, rescondet guet gurionné d'er péh e oulènnou gueneoh, receuet guet aboeissance er bénigen e rei deoh ha man'hou juge capabl de receu en absolven, aboeisseit dehou guet humilité. Durant ma vou hou Covezour é conz dohoh, ne hum abuset quet d'examinein ha hui hou pehai ancoeheit nitra : rac quement-cé e zou liès un tantation ag er goal speret eit miret dohoh a

Digitized by Google

brofittein ag en aviseu mad e vehai reit teoh. Ne veaih quet neoah ingorto é vou groeit teoh ur perdèg quel liès guéh ma hehait de govessad : mæs groeit erhad er péh e vou laret teoh peb guéh ; ha mar da chonge teoh ag or péhet benac, disclæriet

ean quênt receu en absolven.

Ér momant ma vou reit tech en absolven, souplet hou pen ha joentet hou teourn; goulennet guet
Doué pardon ag en ol péhedeu e hoès covesseit,
ag er-ré ne hoès quet chonge a nehai, hac é general a ol er-ré e hoès commettet durant hou puhé;
groeit hou possibl eit hou poud ur hæ carantéus a
nehai ol, ha groeit a greis hou calon un Act a gontrition. Goudé, hum dennet a costé eit trugairicad
Doué ag er pardon en des accordet tech dré é visericord; groeit reflexion ar en aviseu mad e vou bet
reit tech, eit ou diszéein sonn én ou speret; renehuéet hou ferm propos, hac anfiu goulènnet quentoh er marhue eit retourn mui d'er péhet. Èl-cé
re-vou groeit.

## Ag er Satisfaction.

En Satisfaction, péhani zou en drivet Parti ag er Sacremand a Bénigèn, e zou er reparation ag en offance groeit de Zoué ha d'en Nessan. Er resolution ferm ha sincèr d'obér satisfaction, e zou absolumant necessær eit gobér ur Govezion vat, penaus benac, n'en dai quet attau requis en dout groeit er satisfaction memb quent monet de govessad: rac hemb er volanté sincèr-zé den n'eell bout pardonnet ag é béhedeu. Ne ouhemb quet a hanamb hun hunan gobér satisfaction de Zoué ér vuhé-men: rac-

cé hur satisfactioneu n'eèllant bout profittabl eidomb, meid é quemènt ma vènt joentet guet mériteu Jesus-Chrouist, a béré é tennant ou ol nærh ha vertu. Jesus-Chrouist en dès groeit, gùir-é, satisfaction antiér de Zoué aveid omb; mæs eit quemèntcé n'en domb quet exant a obér pénigen; rac n'en domb lodeq én é veriteu meit revé er boén e laquamb d'obér satisfaction eit hur péhedeu.

10. Obliget omb d'ober satisfaction de Zoue a guement ma heellamb: 10. dré er benigen e ra demb er Hovezour; 20. dré benigenneu e gueme-ramb a hanamb hun hunan; 30. dré er poénieu e goueh ar-n'amb é punition ag er péhet, el mei er hlinhuedeu, er holleu, en amzer rust, el labour calet, en afflictioneu corporel ha spirituel, etc.

4º. Dré en indulgeanceu, etc.

10. Obliget omb d'obér er bénigen e ra demb hur Hovezour, ha péhein e ra pihue-benac e vanq dré é'fante a hé accomplissein. Rac penaus-benac ma receuamb er remission a hur péhedeu ér Sacremand a bénigen, ne vemb quet neoah attau quitt ag er boen deliet d'er pehedeu, dre ma ta er boen éternel deliet d'er péhedeu marvel a béré en han bai receuet er pardon, de voud ordinæremant changet é poénieu tamporel, e zou ret absolumant payein ér béd-men pé ér béd-hont. Rac-cé er-ré ne brezant quet gobér ou fénigèn, e zisco é tisprisant er Sacremant, ha n'ou dès quet a anquin ou doud offancet Doué. N'en des quet ehué de fiein ar Govezioneu er sortzé. Er pénigenneu e rér demb é Covezion, e zou guel eid er-ré e gueméramb a hanamb hun hunan, rac m'en dint ur parti ag er Sacremant, ha rac ma pratiquér doh ou gobér, en humilité hac en aboeissance én un taul.

20. Ne zeliamb quet hum goutantein guet er béigen e ra demb hur Hovezour: mæs ni e zeli hoah uemér a hanamb hun hunan ré jaugeabl eit casein hur goal inclinationeu ha torrein hur fal acusımanceu. En ævreu ordinær a bénigèn e eèllamb ratiquein, e zou er yun, er beden, en alezon. Eré n'en dint quet ér stad de rein alézon, e cell ahoël ratiquein en ævreu a visericord corporel ha spiituel a béré en hun nès conzet én Articl ag er Gaanté a Grechéneah. Er-ré n'en dint quet capabl de un, e zeli digol quement-cé dré vortificationeu ral a gorv hac a speret, dré Bedenneu, èl mei um humiliein dirac Doué; offrein dehou ou foéieu, ou afflictioneu, ou labourieu é penigen ag ou éhedeu; andur tout a balamor dehou; assistein én )verèn; gobér lecturieu spirituel, etc. Mæs er ellan pénigèn e fehèmb gobér eit castiein hur goal aclinationeu, e zou er pratiq ag er vertuyeu conel dehai. (Expliquet hun nes quement-ce é peb rticl ag er péhedeu Capital, a Ourhæmeneu Doué a ré en Ilis. Er Hombat spirituel e expliq er fæon de gastiein er goal inclinationeu dré er pratiq z er vertuyen contrel dehai.)

Pe hanauchemb erhad en avantageu ag er béniin, n'hé dougehemb quet èl ma ramb. Er bénigèn ra satisfaction de Zoué, hac e zistan é golèr. Er migèn e zou en arrestemand ag er goal imur, en ilh ag er goal inclination, hac e zistro er péhour é fallanté. Er bénigèn e laq er péhour de vout el ar é oard én amzér de zonnet : rac a pe za deu chongeal ér boén en dès doh hé gobér, ean e ntt guel er stad trist ha dangerus é péhani en en ai er péhet el laqueit. Er bénigèn e uella d'er resgeu ag er péhet, de laret-é, d'en dioustemant doh er mad e chom hoah guenemb é oudé, d'er fal blæg hun nès hoah d'en droug, d'er yeinnion én devotion, d'er ponnérdæd a speret... Er bénigèn hur rantt, a guemènt ma heèllamb bout, haval doh Jesus-Chrouist, péhani en dès bet conduiet perpet ur vuhé calet, ur vuhé poénius, ha péhani e zezir ma partagehemb é boénieu ér béd-men, eu ma parta-

gehemb é hloër ér joyeu, é-mé S. Paul.

30. Doué e venn hoah ma hum chervigehemb ag er hroezieu, ag er poénieu e gouéh ar-n'amb, eit gober satisfaction d'é justice. Eit quement-ce ean e ordrén demb ou andur a volanté vat ha guet ur grèd carantéus é pénigèn a hur péhedeu. Pe hur behai Fé assès eit considerain en afflictioneu e arrihue guenemb a zourn hun Tad carantéus, péhani n'hur hasti nameit rac m'hur har, ha péhani e fourniss demb dré-zé ur moyand assuret de bayein dré boénieu distér ér béd men, poénieu éternel hun nès meritet ér béd aral, ne vehemb quet tantet de hum glêm a nehai, na de vurmureio. Pe garrehai er gueih tud a ziar er mæzeu hum chongeal ha comprénein erhad quemènt-cé, guæd a nehai e eèllehai bout Sænt ha Santezet bras ! rac n'en dès stad er bet calettoh na poéniussoh eit ou hani : æsset vehai dehai hum santefiein! Mæs en darn muyan é léh quemér ou foénieu é grad èl ur bunition ou dès merîtet, e hum glêm a nehai, hac e fache bet-hac hum guemér doh Doué.

Eit ma vou receuet hur satisfactioneu guet Doué, réd-é ma vou distag hur halon doh peb sort péhet marvel; de laret-é, m'hur bou quæ a nehai ha ma vehemb ér resolution ferm n'ou hommettehemb mui. Rac gobér goab a Zoué, bout gueuyad hac hypocrit vehai goulèn guet-t'ou pardon ag ur péhet

Digitized by Google

e garamb hoah, hac e omb hoah en disposition de gommettein. É general, eit ma vou profittabl eid omb dirac Doué hun ol ævreu hac obereu, deu dra zou necessær: er hettan ma veint groeit ér stad a græce Doué; en eil, ma veint groeit guet en intantion de bligein de Zoué. Guet en ihue gonditionzé, ol er péh e ramb hac e anduramb a vitin beèd en noz, e eèll chervige temb eit gober satisfaction de Justice en Eutru-Doué, eit tennein ar-n'amb ur hresquance a hræce hac a secour, hac eid arribue en heurustæd éternel.

10. Réd-é ma veint groeit ér stad a græce Doué: rac, e lar er Scritur santel, donæzoneu en dud impi n'eèllant quet boud agreabl de Zoué. Quement-cé e ra demb Jesus-Chrouist d'antand a pe ler : Me zou ur ressinen, ha hui er branqueu: en hani e chom én-an ha mé én-ou, hennéh e zoug fréh hifleih; rac hemb-on n'eèllet gober nitra. De larei-é, é-tré ma chomamb staguet doh Jesus-Chrouist dré el liameu precius ag é garanté, ni e zouguou fréh eid er vuhé éternel: mæs quentéh èl ma hum zistagamb doh-t'ou dré ur péhet marvel benac, ne ramb meit séhein èl ur brang difflosquet doh ur uen. N'en dai quet laret eit quement-ce, ne chervige de nitra d'er-ré zou ér stad a béhet marvel, pedein, yun, rein alezon, etc. É contrel, sel mui ou des commettet a béhedeu, sel mui a boén e zeliant laquad d'obér ævreu mad eit touchein calon en Eutru-Doué, ha tennein ar nehai ur seell a visericord. Er gonseil e ras er Profæt Daniel d'er Roué Nabuchodonosor d'obér alézoncu bras eid arrest coler un Doué offancet, e ra d'antand é heell en ævreu mat groeit er stad a hehet marvel\_ obtenein d'er pehour er græceu necessær eit hum denn ag er vouillen ag é béhedeu. Digitized by Google

20. Eit ma vou profittabl aveid omb hun obereu dirac Doué, réd-é ma veint groeit guet en intantion de bligein dehou. Me gonz ag en ævreu péré n'en dint quet contrel d'é Lezen : rac peb-unan e ouair n'eeller quet gober un dra e zisplige de Zoue, guet en intantion de bligein dehou. Mæs en ævreu memb péré n'en dint na droug na mat, hac e zou cummun itré-omb hac el lonnet brutal, èl mei daibrein, ivet. cousquet, querhet, labourad, etc. A pe vent groeit eit gloër en Eutra-Doué, ne chomeint quet hemb recompance. Rac-ré é lar demb S. Paul: Pé a pe zaibrehait, pé a p ivehait, pé ne vern petra e rehait, groeit ol eit gloër en Eutru-Doué. (Leinet ér Chapistr IX ag er Hombat spirituel ). Mar goulennet perac Doué ne recompance meid ér peh e vai groeit cit pligein dehou, me oulennou ehué gueneoh perac ne bayet hui ur gounideq e za de oulen é zéuéh gueneoh hemb en dout labouret eid-oh. Caër hur bou laret a pe barissehemb dirac Doné, en hur bou poéniet noz ha dé eit gounid hur bihuance, en hur bou treménet hur buhé é misèrhac é peuranté ; ma n'hur bai offret er poénieu-zé dehou, ma n'hur bai ind andaret guet patiantæd eid en inourein, ean e rescondou demb, ne hoès quet labouret eid-on; n'hou ç'hanàuan quet. Mar credamb boud escusabl én ul laret, ne chongemb quet, é zehuehan rescond e vou, peelleit doheign... Hilleih e hum gavou forh dibourvai dirac-t'ou, penaus-benac ma tostant liès d'er Sacremanteu, ma vourrant é monet d'en ilisieu, é visitein er-ré clan, é yun, é rein alézon, é hobér pénigènneu calet, etc. Rac m'ou devou groeit enævreu-zé dré acustamance, dré fantasi, dré ma cavant é ma ur mod honest gobér el-cé, hemb chongeal nac a ou offrein de Zoué nac a glasq pligein dehou;

receuet ou dès deja ou recompance, é-mé hur Salvér.

4º. Anfin, Doué e zezir ma hum hoénichemb d'obér satisfaction d'é justice, en ur ounid Indulgeanceu. Hanhuein e rér Indulgeance, er remission e ra en llis ag er poénieu tamporel a béré er péhour e hum gav ordinæremant déléour goudé m'en devai receuet er pardon ag é béhet ér Sacremand aBénigèn. Eit gounid un Indulgeance, réd é boud ér stad a hræce, hac accomplissein perhuéh mad er péh e ordrén en Ilis, guet ur gùir desir d'obér satisfaction de justice en Eutra-Doué. Bout-çou Indulgeanceu e cèllér gounid eid en incanneu ag er Purgatoër, én ur obér én ou intantion en ævreu ordrénet dré en Ilis. (Leinet el Livr Pedenneu, édition nehué.)

Eit ma comprenehait petra e senéfi un Indulgeance pleniér, un Indulgeance a seih viæ, un Indulgeance a zeu-uguênt dé, etc., réd-é expliquein un tamiq er regleu e héliait guharal én Ilis a zivoud er pénigènneu. Obliget oait eit certæn péhedeu d'obér ur bénigèn publiq ér fæçon-men: quentéh èl ma tai d'ur péhour hum gonvertissein, en obligein e rait de chom ar é zeulin é toul dor en Ilis, ha de hum recommandein de Bedenneu er Fidelet. Er bénigèn-zé e badai peèl amzér eit lod.

Arlerh en el lausquait d'antréein just én Ilis eit cheleuet er Hatechén hac en Instructioneu aral : mæs obliget oait de sorti quent ma commançait er Pedenneu hac en Overèn.

Goudé m'en doai accomplisset en amzer destinet tehou eit boud er bazèn-ze a benigen, en el lausquait d'assistein er Pedenneu public, ha memb en Overen beed goude en Aviel: gober e rait neze Pedenneu aveit-t'ou, hac obliget oai durand en amzer-ze de stouyein a blad e creis en Ilis. A pe oai paré er Pedenneu, en en avertissait de monet ér mæz. Anfin goudé m'en doai treménet dré en dairvet

Anfin goudé m'en doat treménet dré en dairvet pazèn-zé a bénigèn, é rait tehou en absolvèn solannel; ha nezé en el lausquait d'assistein én ol Pedenneu publiq, ha memb ér Sacrifice ag en Overèn; mæs ne oai quet permettet tehou tostad d'er Gommunion beèd quene oai achiue en amzèr destinet tehou. Obliget oai, durant ma padai é bénigèn, de yun ar vara hac ar zeur, gùéh bamdé, gùéh tri pé puar dé ér suhun, de laret Pedenneu reglet, de rein alézon revé é gommodité, de hum dènnein a gompagnoneah en dud, de hum forhein ag en deværranceu ha divertissemanteu permettet, etc.

Gùir-é ne vér quet bet attau obliget aveit péhedeu segret de dremén dré er pazènneu-zé a bénigèn : mæs boud e oai neoah pénigènneu reglet burhud eit peb péhet marvel. Chetui ur ré-benac : car rai hir vehai ou scrihuein ol. Doh er-ré-men, hui e jugeou

ag er ré-ral.

Eid en dout renonciet d'er Fé, dec vlæ a bénigèn. Eid en dout consultet un divinour, pèmb plæ a bénigèn.

Eid en dout touyet é gueu, yunein deu ugnênt de ar vara hac ar zeur, ha boud é pénigèn durant

seih vlæ.

Eid en dout touyet en Hanhue a Zoué ur uéh hemb perderein, seih dé a bénigèn ar vara hac ar zeur: pembzec dé eid en eil guéh. A p'er groait é publiq, er bénigèn e oai terribl,

Eid en dout labouret d'er Sul pé d'er Gouil, yan

tri dé ar vara ha deur.

Eid en dont dévizet en Ilis durand en Office, yun dec de ar vara ha deur.

Eid en dout torret hemb necessité ar yun ordrenet, yan deu-guent de ar vara ha deur. Eid en doud anjuliet é dad pé é vam, tri blæ a bénigèn.

Eid en dout groeit goab ag é Escob, pé ag é Berson, yun deu-uguênt dé ar vara ha denr.

Eid en dout lahet ur Belég, deuzec vlæ a bénigèn. Eit bout bet caus d'ur faus gulevoud, tri blæ a

bénigen.

Eit bout bet caus de varhue hur hroaidur eit cuhein er péhet ha sauvein en inour, dec vlæ a bénigèn.

Eid en dont lahet un den esprès, pé hout bet caus d'é varhue dré un accusation injust, seih vlæ a

bénigen d'er bihannan.

Eid en dout goarnet caz doh en Nessan, yun ar vara ha deur quehæd amzér èl ma hoait bet é caz doh-t'ou.

Eid en dout lairet un Ilis, seih vlæ a bénigèn d'er bihannen, opèn er restitution.

Eid ul laironci dister, mæs neoah marvel, ur

blæ a benigen, open er resitution.

Eid en dout tonchet usur, yan ur blæ ar vara ha

deur, ha deu aral a benigen.

Eid er péhédeu inemp d'er burtæt, lod tri blæ, dod pemb plæ, lod seih vlæ, lod dec vlæ, lod durand er vuhé. Eid ur simpl dezir, deu vlæ, etc.

Eid en dout goal gonzet é fæd a dra distér, tri dé

a bénigèn.

Er-ré ne oènt quet ér stad de yun, e osi obliget de zigoll quemènt-cé dré slézoneu revé ou moyand, dré vortificationeu aral, dré Bedenneu, hac ævreu mat, revé avis on Hovezour. Er pénigènneu-zé e zou bet én usage tost de unec-cant vlæ. Bermen n'obligér quet mui d'ou gobér, gùir-é; ha quemènt-cé e zeliéhai laquad er Grechénion de ruein

guet méh: rac mar en dès en Ilis douceit hé regleu, n'en dès meit fallanté ha goannedigueah hé hugalé e zou caus. Én effæd, er péhet n'en dai quet bihannoh bermen eit ne oai nezé: n'en dai quet ehué changet justice en Eutru-Doué: ret vou enta gobér satisfaction dehou, pé réd-é laret é rai er-ré-hont rai, a pe gredamb-ni hur bout ræzon de hum glêm mar n'hur mignonér quet a pe yamb de govessad. Ne laquér quet calz a brèss ar er Govezerion: mæs bihannoh e vehai hoah laqueit pe vehai ret gobér er

pénigènneu e rait guharal.

Haval guene gn é teliet bermen comprenein petra e senéfi un Indulgeance plenier, un Indulgeance a seih vlæ, a gant dé, etc. Un Indulgeance pleniér e zou ur remission ag er peh e chom d'accomplissein ag er bénigèn e vezai bet ret temb gober guharal eit hur péhedeu, hac ag er boén tamporel deliet aveit-t'ai de justice en Eutru-Doué. Un Indulgeance a seih vlæ, pé a zeu-uguênt dé, etc., e zou ur remission a seih vlæ, pé a zeu-uguênt dé a bénigen e vezai bet ret temb accomplissein guharal revé er regleu ag en Ilis, eit payein er boén tamporel deliet eit hur péhedeu. Rac-cé un Indulgeance plenier, a p'he gounier parfætemant, e aquitt en ol poénieu deliet d'er péhedeu; hac en Indulgeanceu aral ne aquittant lies mat meit lod ag er poénieu-zé: de laret-é, en-n'emb en dehai commettet ur péhet eit péhani é vezai bet ret tehou gobér guharal dec viæ a bénigèn, ha ne ouni meid un Indulgeance a seih vlæ, hennéh ne receu quet er remission antiér ag er poénieu deliet d'é béhet. Mæs en Indulgeance-zé e vehai pleniér eid un dén n'en dehai meritet meit pemb plæ a benigen.

Er Jubilé e zou un Indulgeance pleniér e accord

er Pab peb pemb plæ ar-n'uguênt de ol er-ré e visitou guet en dispositioneu requis en Ilisieu principal a Rom. Peb-unan e cell er gounid en é Barræs, é hobér er Stationen reglet dré é Berson, hac é accomplissein perhuéh mad er péh e vai ordrénet é Liher er Pab. Er Jubile n'en dai hanauet en Ilis meid a oudé er blæ mil-tri-hant, ha hoah ne oai accordet a gommance meit peb cant vlæ. Goudé é hoai bet laqueit de beb hantér-hant vlæ, hac anfin ér blæ mil-puar-hant-dec ha tri-uguênt er Pab Paul II el laquas de beb pemb plæ ar-n'uguênt. Er guir Jubilé e za demb ag er goh Lezen. En amzér-hont er Juivet e oai obliget peb hantér-hant vlæ de zaccor en doar ou doai pernet guet ré ag où nation. ha de rein ou liberté d'er sclavet Juiv ou doai idan ou berh, é mémoër ag ou delivrance ag en Egypt; hac er blæ-zé e oai hanhuet blæ er Jubilé, péhani, revé en Tadeu santel, e oai ur figur ag er peh e zeliai Jesus-Chrouist gober eid en ol dud doh ou delivrein a sclavage er péhet.

Hum drompein a vras vehai chongeal é teliamb bout dispancet a ober pénigèn a pe ouniamb un Indulgeance benac. N'en dai quet honnéh-é intantion en Ilis: é contrel, hé dezir e zou ma rehemb hur possibl eit gobér ur gùir satisfaction de justice en Eutru-Doué, ha ne accord temb Indulgeanceu meid eit hun accouragein hac hur secour de reparein hun offanceu dré un dign pénigèn. En dezir bras en dès hur Mam santel en Ilis ma rehemb satisfaction de Zoué ag er vuhé-men, e ra demb d'antand é ma terribl er poénieu ag er Purgatoër, é péré é ma purifiet en ineanneu santel péré n'ou dès quet aquittet ér béd ol er péh e zeliènt de justice en Eutra-Doué eit ou féhedeu. (Leinet er Chapistr VII ag

Digitized by Google

er Reslexioneu ar er pedair sin dehuehan, ag er

Purgatoër. )

Er musul ag er satisfactioneu e zeliamb gobér de Zoué, e zeli bout pé brassoh pé bihannoh revé en nombr hac en enormité a hur péhedeu, hemb jamæs ancoehad é ma perpet hur pénigènneu hilleih douçoh eit ne veritamb, a p'en dai gùir en hun nès meritet poénieu éternel. Rac-cé assès-é en dout péhet ur uéh eid ouilein de jamæs. En-n'emb e hum glêm ag é Govezour é sigur ma cav rust ha calet er pénigènneu e ra dehou, e zisco assès ne hanàu quet calz er vrastæd ag é béhedeu, ha ne chonge quet calz én tourmanteu e veritant. Hur pénigènneu ne zeliant quet bout hemb quin ur bunition ag er péhedeu commettet; mæs ehué ur remæd eit hur preservein a gouéh én-ai én amzér de zonnet.

Obliget vér hosh hemb dispance er bet d'obér satisfaction d'en Nessan a guement m'en dai possibl; hac el-ce, de reparein en domage e hoes groeit tehou én é gorv, doh en anjuliein pé doh er goal drætein ; en é inean, é vont caus tehou de béhein ; én é inour, doh en décriein; én é zanné, doh ou hemér pé où derhel inemp d'er ræzon; ha ma ne hoès ur guir intantion d'er gober, ma n'er groet a guement mei possibl deoh, n'eellet quet bout pardonnet. A fæd er péhedeu inemp de Zoué ne faut meid ur Govezion vat eit bout pardonnet a nehai: mæs er péliedeu inemp d'en Nessan, caër hou pou ou hovessad ha laret en e hoès contrition a nehai, ma ne hoès intantion d'ou reparein, ma ne laquet poén d'er gober a guement ma heellet, ne vehait quet pardonnet.

En-n'emb e zou bet caus d'er ré-ral d'offansein Doué dré scandal pé goal exampl, e zeli : 10. Rein exampl vat. 2°. Gobér é bossibl eit distrugein en droug en dès groeit. 3°. Condui ur vuhé santel. 4°. Pedein Doué eid er-ré de béré é ma bet caus de béhein. A pe n'eèllamb quet reparein of en domage hun nès groeit d'hun Nessau, réd-é gobér é cousciance tout er péh e cellamb, hac hur boud ur ghir volanté d'obér dehou satisfaction antiér quentéh èl m'hur bou er moyand d'hé gobér. Laquamb poén de bratiquein of er péh e reglou hur Hovezour a zivoud quemènt-cé; ha ne hum avisamb quet de changein a hanamb hun hunan er pénigènneu en devou ordrénet temb.

## Ag en Absolvèn.

Er Sacremand a Bénigèn, èl m'hun nès laret, e gonsist ér gontrition, ér govezion hac ér satisfaction a berh er pénitand, hac én absolvèn a berh er Ho-Vezour. En absolven e zou ur santance e brononce er Belêg é hanhue Jesus-Chrouist, dré béhani é ma pardonnet ou féhedeu d'er-ré e ra tout er péh e oulen en Eutru-Doué eit ou fardonnein. Quementcé e zisco splann n'en dai quet é dalh guet ur Hovezour, el ma chonge ul lod vad, rein en absolven d'er-ré e gar, ha ne zeli hé rein meit d'er-ré e juge preparet ha disposet d'hé recen. Penaus-benac n'en dai quet requis ma houyehait er regleu e zeli ur Hovezour héli én Tribunal ag er Bénigen, é han neoah de verchein amen ur ré-benac ag er circonstanceu é péré é teli bout refuset pé derænet en absolven, eit ne vehait quet digousciançus erhoalh eit hé receu, mar e hoès jamæs er malheur de gavouét ur Hovezour lache ha digas assès eit hé rein deoh ér sort dispositioneu-zé.

Digitized by Google

Dihuènnet-é rein en absolven: 19. D'er-ré ne ouyant quet er péh cou requis goud eit bout salvet, ha ne brezant quet laquad poén d'ou désquein; d'er-ré zou carguet a salved gueah er-ré-ral, ha ne laquant quet poén d'ou instrugein pé d'ou horrigein.

20. D'er-ré e vihue én dissancion, é caz hac é malice doh ou Nessan, hac e refus hum accordein guet er-ré e hanhuant ou enemiset, pé ne vennant quet ancoehad ha pardonnein en anjulieu e gavant

e vai bet groeit tehai.

3°. D'er-ré en dès groeit un domage benac considerabl d'ou Nessan, pé én é gorv, pé én é inean, pé én é inour, pé én é zanné, ha ne fal quet dehai

er reparein a guement ma heellant.

4º. D'er-ré zou én acustumance a béhet marvel, èl mei a vlassemereah, a ivraignereah, a lubricité, etc., ha ne brezant quet hum gorrigein: d'erré zou én occasion tostan a béhet marvel, ha ne vènnant quet quittad, a pe cèllant; pé ma n'eèllant quetabsolumant peèllad, e refus impléein er moyandeu requis eit resistein doh er péhet.

50: D'er-ré ne hum aquittant quet ag ou deværieu goudé bout bet avertisset; ha d'er-ré ne vènnant quittad ur garg, ur vechér, ur hommerce o ouiant dré ou experiance n'eèllant quet excelsein

hemb péhein marvelement.

6°. D'er-ré e ra occasion a béhet d'er-ré-ral; èl mei er-ré e fourniss tiér d'er filagerion, d'er go-rollerion, d'en hoarierion cartès; er-ré e ra meèl-ladeu, leigneu vras, assambléyeu a vobance; er-ré e lar sonnenneu dishonest, dirac und youang é spécial; en davarnision péré e ra d'ivet de dud youang hemb goud ou zud, pé de ré esantt de ja d'er gùin, etc. Anfin deliet-é refus en absolven d'er-ré ne gavér

quet disposet mat, beed quene laqueint poén de hum breparein, el ma houlen en Eutru-Doué, hac

èl ma ansaign er Hatechén.

Bout-çou neoah circonstanceu é péré peb sort Covezerion n'eellant quet rein en absolven d'ou fénitandet, hac é vehènt int disposet mat a hènd aral. Rac-cé ur Hovezour péhani e hanàu é zevær, ha péhani n'en dai quet aprouvet eid er hazieu ha cansurieu reservet, ne hum avançou quet de rein un absolven inutil d'ur pénitand e gavou cablus ag er sort péhedeu-zé, meit hac ean e vehai én articl ag er marhue. Er hazieu reservet e zou certæn péhedeu marvel a béré en hum reserv en Escob er bouvoër de rein en absolven, pé dré-d'ou é hunan, pé dré certæn Covezerion de béré é ra pouvoërieu spécial. Er cansurieu e zou poénieu spirituel dré béré é puniss en Il:s hé bugalé eit péhedeu spleitabl ha scandalus. Bout-çou ré reservet, ha ré n'en dint quet reservet. En-nemb en dès er malheur de gouéh idan ur çansur reservet, e zou obliget de hum adressein pé doh en Escob, pé doh ur Hovezour aprouvet eid er hazieu ha çansurieu reservet. Ne gonzér amen meid a zeu sort Cansurieu, en escommunication hac en interdit.

En escommunication è zou ur çansur dré béhani é ta hur Mam santel en Ilis de forhein ur Hrechén ahurtet éu é béhet, ag en droæd en dosi de vout lodeq én hé madeu spirituel. Bout-çou un escommunication vras hac unan vihan. Er-ré e gouén idan un escommunication vras, ne vènt quet mui lodeq é Pedenneu, é ævreu mat, é avantageu spirituel er Fidelet aral; ha coll e rant en droæd de voud interret én doar béniguet. Mæs en escommunication vihan ne forh meid ag en droæd de receu er Sacre-

manteu ha de vout presantet d'er hargueu ag en Ilis.

Obliget-é er Fidelet idan boén a escommunication vihan, de beellad doh cansortiss ha compagnoneah er-ré e vai disclæriet é publiq ha dré ou hanhue escommuniet. Rac-cé ne zeliér nac ou saludein, na pedein, na chom, na trafiquein, na labourad, na memb daibrein guet-t'ai. Eèllein e rér neoah ha memb deliet-é pedein é segrèd eid er sort tud-cé: mæs ne zeliér ou andur én Ilisieu meit de cheleuet er Hatechén hac en instructioneu.

En Ilis e bermètt hoah en dout cansortiss guet er-ré escommuniet publiquemant : 1°. Eit conz tehai a hum gonvertissein hac ou doug d'obér pénigèn.

2º. Deu bried ne zeliant quet hum separein, eit boud unan a nehai escommuniet; mæs en hani direbræche ne zeli quet antretenein en hani cablus en é béhet.

3º. Bugalé ha serviterion e eèll hac e zeli hum gomportein èl quênt é quevir ou zad hac ou mam, pé ou mestr escommuniet; mæs non pas ou otorisein ér péhet eit péhani é vènt bet escommuniet.

4°. En Ilis ne buniss quet ehué er Fidelet péré e ra cansortiss guet er-ré disclæriet publiquemand escommuniet, a pe ne ouzant quet é vent escommuniet.

5°. Permettet-é hoah conz doh er-ré disclæriet publiquemand escommuniet, a pe vai requis eid un affær a gonsequance. Mæs ne zeliér conz tehai meid ag en affær hemb quin a béhani é vai question.

Er-ré escommuniet, mæs n'en dint quet disclæriet publiquemand escommuniet, e eell assistein en Officeu hac en Overen guet er Fidelet: mæs n'eellant quet hemb pehet receu er Sacremanteu beed que n'ou devou receuet en absolven, pé guet en Escob, pé guet ur Belèg aprouvet eid çansurien reservet.

En interdit e zou ur çansur dré béhani é i huên en Ilis a sacremantein, a obér en Officeu divin é publiq, hac a interrein guet er ceremonieu ordinær, eit punissein on diaboeissance spleitabl ha scandalus én ur guær pé én ur Barræs.

Permettet-é neosh badéein durand un interdit, deværein er-ré clan ha memb diméein é segrèd er-

ré ne vent quet bet caus d'en interdit.

Er monitoër e zou un avertissemant hac ur ourhæmen e ra en Ilis d'er Fidelet, de zisclæriein er peh e ouzant a zivoud un dra benac a gonsequance, idan boen a voud escommuniet ma ne zisclæriant

quet.

En Ilis n'hi dès intantion d'accordein ur monitoër nameit d'er Fidelet a scùir vad, hac eit treu a
gonsequance a beré n'eèllér en dont prouv er bet
ér mod aral Er-ré en dès un hanauedigueah benac,
e zou obliget, idan boén a escommunication, de
zisclæriein idan en amzér merchet ér monitoër.
Mæs bout-çou ré exant a monet de revelation; èl
mei er-ré en dès ur gùir ræzon de zougein a vout
goal drætet én ur mod benac diarbèn ou disclæration; er-ré zou a guærent tost d'en hani en dès reit
occasion d'er monitoër... ( A fæd er çansurieu hac
er monitoër, peb-unan e eèll expliquein é ræzonieu d'ur Hovezour abil hac aviset mat, ha tremén dré er péh e gonseillou dehou.)

#### ARTICL V.

# Ag er Sacremand a Nouyèn.

Dout e zegas temb trebilleu ha clinhuedeu eit hun humiliein, eit hun distag doh er bed ha do-hemb-ni hun hunan, eit hun avertissein de hum breparein d'ar marhue, eit hur punissein a hur pehedeu ha rein demb leh d'ober satisfaction a nehai, eit hun desquein de vout patiant ha d'andur guet resignation d'é volanté.

Rac-cé ur hlan e zeli offrein é boénieu de Zoné, ha gobér un implé mad ag é glinhuet. (Er Vuhé devod, Chapistr III, Parti III e expliq er pratiq parfæt ag er batiantæd.) Ean e zeli, mar hum santt cablus ag ur péhet benac, galhuein prontt ur Hovezour, laquad é cource reihtæd én é affærieu spirituel ha tamporel, receu er Sacremanteu d'er prestan, ha mar guél er marhue é tostad, gobér de Zoué ur sacrifice generus ag é vuhé. Er-ré e orto beèd en dehuehan requis eit galhuein ou Hovezour, e hum laq ér riscl bras a obér ur fal Govezion. Rac goud e rér erhoalh n'en dai quet a pe vér clan, é cavér guellan en isprit disposet de chongeal én treu a Zoué.

Eit laquad reihtæd én affærieu ag é gousciance, ur hlan e zeli: 1°. hum gaërrad a uir galon guet é enemiset; 2°. reparein en domage en dehai groeit d'é Nessan én é gorv, pé én é inour, pé én é zanné; 3°. mar dai bet caus d'ur ré-benac de béhein, reparein er scandal revé avis é Govezour; 4°. anfin, reglein quen erhad é affærieu tamporel, ne vou ar-

lerh é varhue na disputt na dissancion diarbèn é dreu.

En-n'emb e zezir gober un testamand, e zeli galhuein é Berson ha deu Notær, pé deu dest d'er bihannan, tud leal ha cousciançus, ha disclæriein reih ha splann én ou fresance é zispositioneu hac er péh e fal dehou ma vou groeit arlerh é varhue.

Er hettan tra e zeli recommandein, e zou payein é zelé, mar en dès, restituein en danné deit dré oal hend, pé dalhet inemp d'er gùir ha ræzon, ha reparein en domage groeit én ur mod benac d'en Nessan. (En-n'emb e eèll gobér en treu-zé dré-d'ou é hunan, ne orteèt quet d'ou gobér dré ré-ral.)

En-n'emb en dès danné, e zeli testamandein un dra benac d'er beurerion. é spécial d'er-ré méhus, pé d'en Hospital, pé d'en Ilis. Mæs é sigur alézoneu, ne faut quet gobér gueu doh en heriterion, é spécial mar dint peur. En-n'emb e zezir laquad ur Fondation benac, e zeli goulen conseill hac héli en ordrénanceu a zivoud en donæzoneu drétestamand

Un testamand e zeli bout signet guet er Person en des ean scribuet, guet en eu dest, mar gouiant signein, ha memb guet en hani e ra er gobér: ha ma ne ouair quet signein, réd-é ma vou groeit mantion ar en testamand penaus, é vou bet lemet tehou, en en dou ean cavet mat; mæs ne ouair quet signein.

En Nouyen e zou ur Sacremand instituet eit

soulagement cory hac inean en dud clan.

En Nouyèn e zou ur Sacremand; rac m'en dai ur merche sansibl péhani e laqua græce Doué én inean. Én essæd, er péh e ra er Belêg, hac er Pedenneu e lar én ur rein en Nouyèn, e gouzh idan er squêndeu: dré vertu er péh e ra hac e lar er Beleg, Doué e ra er yéhæd d'inean er blan, ha meinb d'é gorv a pe juge profittabl quement-cé eid é hloër. Rac-cé é lar en Apostol S. Jâq: A pe vou unan-benac clan én hou mésq, galhuéet er Velean... eit ma pedeint Doué eit-t ou durant m'en oignemanteint guet yvl, de laret-é, guet en Oleàu sacret, é Hanhue en Eutru-Doué, hac er Bedènag er Féé meriteu Jesus-Chronist e sauvou er hlan; Doué er soulageou, hac é béhedeu e vou pardonnet tehou, mar en dès commettet ur ré-benac.

Er Sacremand a Nouyèn e zoug enta guet-t'ou tair græce principal: 1°. Ean e efface er rest ag er péhedeu, hac er péhedeu memb mar bai hoah ur ré-benac d'effacein. 2°. Ean e ra nærh ha secour de souffrein guet patiantæt, de resistein doh tantationeu en diaul ha de feahein er sconteu ag er marhue. 3°. Ean e ra memb er yéhæd d'er horv a pe juge en Eutru-Doué quemènt-cé profittabl eid é hloër propr hac eit salvedigueah er hlan.

Mæs ne zelier quet gortoz ma veher en danger a varhue eid er receu: rac er-re er receu guet squend vat ha guet ur jugemant parfæt, e zou gùel er stad de hum breparein ha de dènnein mui a brofitt a nehou. Én effæd, tantein Doué vehai en ur certæn fæçon goulèn guet-t'ou dre er Sacremand er yehæd

ag er horv eid un dén e vehai én agoni.

Eit hum breparein d'er recen erhad, réd-é covessad mar eèllér; ha ma n'eèller, en dout d'er bihannan ur hæ bras ag é béhedeu guet en dezir ag en absolvèn: réd-é er receu guet Fé, ha guet un isprit a Bedèn, a bénigèn, a gontrition hac a resignation de volanté Doué; ha rac-cé é larér é ma guel er receu é cource, éit gortoz beèd en dehuehan requis.

Ur hlan a pe vér doh en nouyein, e zeli joentein é Bedenneu guet ré en Ilis, ha goulen pardon guet Doué ag er péhedeu en des commettet dré é squendeu naturel, a vusul m'ou frotter guet en Oleàu sacret. Rac-cé, d'en eulagad, ean e zeli hum humiliein ag é fal seèlleu ha goulen pardon a nehai. D'en discoharn, ean e zeli goulen pardon ag er fal implé en dès groeit a nehai eit cheleuet treu e zisplige de Zoué. D'en diffrèn, ean e zeli hum humiliein en dout queméret goust én treu e offance Doué. D'er bêg, ean e zeli goulen pardon ag er fal langage, ag er péhedeu inemp d'en tampérance dré chervadeu ha friantage. De boul er galon, ean e zeli hum humiliein ag é fal chongeu ha dezirieu. D'en deourn, ean e zeli goulen pardon en doud ind impléet eit goal ober. D'en treid, ean e zeli huannadein ag er fal implé en dès groeit a nehai eit rideq d'er bobanceu hac héli custumeu er béd.

Arlerh m'en dès ur hlan receuet en Nouyen, ean e zell derhel é chonge guet Doué; en trugairicad ag er græce en dès receuet; chongeal ér marhue

hac en éternité.

Er Fidelet peré e assist én un Nouyen, e zeli joentein ou Fedenneu guet ré en Ilis eid en hani e nouyér; distroein doh-t'ai ou hunan eit considerein peh quer bean é tremén er vuhé-men, ha pebéh folleah-é staguein er galon doh en treu crouéet, e zou réd ol quittad a pe berderér bihaunan.

Eètlein e rér receu er Sacremand a Nouyèn quel liès guéh ma vér clan, mæs n'en dai quet permettet er receu istroh eid ur néh durand er memb clinhuéd, nameit ha guelleit vehai un tamiq d'er hlan goudé m'en dès ean receuet, ha ma vehai conéhet arré én dangér a varhue a-bèn ur certæn amzér. Eèllein e rér bout salvet hamb er Sacremand a Nouyèn. Mæs er-ré ne brezant quet er receu, pé dré zisprisance pé dré lizidantæt, e zisco en ou dès caz doh ou inean, a p'hé lausquant hemb ur secour quen æz ha quer salvus: ind e ra offance de Zoué, ha de zougein ou dès n'er havehent quer garhue én ou hevir, èl m'en dint digas én é andræd.

N'en dès meid en Escob hac er Velean e eèll nouyein: er Venéh n'on dès quet er bouvoër-zé, nameit ha carguet vehènt a gondui er Barræs Er Græciannèd e ra en Nouyèn d'en dud yah quer clous èl d'er-ré clan: mæs én Ilis Latin ne nouyér meid er-ré clan (coh ha youanq) deit d'en oaid a ræzon, hac e vai én dangér a varhue. (Réd-é bout sourcius de losquein quentéh er stoup pé coton en devai cherviget de dorchein en Oleàu sacret.)

Goudé ma vai bet deværet ur hlan, er-ré e vai ital d'ou, e zeli degass chonge tehou liès ag en obligation en dès de Zoué, ag er moyandeu en dès pourvæet temb de hum zisposein de barissein diraction, hac er secour de hum breparein d'er marhue. (Eèllein e rér leinein dehou er pratiq en hum breparein d'er marhue, e gavér en achémand ag el Livr ag er Vuhé devod, pé en Acteu e zou merchet él Livr Pedenneu.)

### ARTICL VI.

# Ag er Sacremand a Urh.

En Ur e zou ur Sacremand dré béhani certæn tud e zou consacret de chervige en Ilis, hac e receu græce ha pouvoër de hum aquittein santelemand ag er hargueu en dès en Ilis. En Urh e zou ur Sacremand, rac m'en dai ur merche sansibl, péhani e laqua græce Doué én inean. Én essæd, er péh e ra en Escob én ur rein en Urheu, hac er Pedenneu e lar, e gouéh ol idan er squéndeu: ha dré vertu er péh e ra en Escob, hac er Pedenneu e lar, Doué e ra d'er-ré e receu en Urheu, er bouvoër hac er græce d'excelsein er hargueu sacret, èl mei de laret en Overèn; de bardonnein er péhedeu; de berdèq; de vadéein, etc. Opèn er græceu-zé, er Sacremand a Urh e zoug ehué caractær én inean, quer clous èl er Vadiènd hac er Gonsirmation; hac èl-cé n'eèllér quet er receu istroh eid ur uéh.

N'en dès meid en Escob e cell rein er Sacremand a Urh; hac en Ilis en dès perpet condannet el Iléritiquet ol er-ré en des avancet en en doai er Velean er bouvoër-zé; just èl er-ré en dès laret pensus en Escobet n'en dint quet drès er Velean, ha n'ou

des quet mui a bouvoër eit-t'ai.

Bout-çou seih Urh: puar e hanhuér Urheu hihan; ha tri e hanhuér Urheu bras. Mæs ol en Urheu-zé ne rant meid ur Sacremand. Er puar Urh bihan e zou en Urh a Borhér, en Urh a Lectour, en Urh a Exorcist hac en Urh a Acolyt. En tri Urh bras e zou en Urh a Sondiacr, en Urh a Ziacr, hac en Urh a Velég, é péhani é ma comprenet ol er ré-ral. En Tonsur Clerical n'en dai quet un Urh; mæs un disposition hac ur breparation d'en Urheu. (Ni e larou ur guir pé deu a zivoud er hargueu a bep Urh, én un expliquein er ceremoni ag en Urheu.

En dispositioneu requis eit receu en Urheu, e zou: 1°. Bout distag doh er bed ha doh en danne. 2°. En doud ur gred berhuidand eit gloër en Eutru-Doué hac eit salvedigueah en Nessan. 30. Bout courajus, ferm, aviset mat ha patiant en trebilleu. 40. Carein el labour, er sciance santel, er vuhé dissorb hac er Bedén. 50. Condui ur vuhé pur, humbl hac a schir vat. 60. En doud er halitéeu requis eit chervige en Ilis, ha bout galhuet guet Doué d'er hargueu santel-zé. Malheur d'en tadeu ha mameu péré e ingage ou bugalé de receu en Urheu, hemb nlou dès en dispositioneu-zé, hemb consultein Doué ar ou vocation, marcé memb inemp d'ou volanté. Quemènt-cé zou pèn-caus d'en darnmuyan ag er scandal ha desordreu e arribue én Ilis.

N'en dai quet erhoalh en doud en dispositioneuzé: réd-é opèn boud exant a bep sort irregularité; rac en Ilis e zihuen doh er-ré irréguliér a hum bresantein d'en Urheu, el mei er-re fol pé innocant; er-ré en dès un defaut benac spleitabl én ou horv ; er-ré n'en dint quet legitim ; er-ré n'ou dès quet en oaid pé er sciance requis; er-ré zon bet diméet istroh eid ur uéh, pé e zou bet diméet d'un intanvès.... er-ré en dès lahet, pé blesset unan-benac bet-ha torrein é vambreu ; er-ré en dès collet ou reputation dré ur vechér scandalus, pé dré ur vince benac infam, èl en touyereah, er blasfæm, el lubricité, en ivraignereah, etc.; er-ré e ra profession publiq ag un Doctrin condannet dré en Ilis, etc. En Ilis e ordren ma vou bannet tair gùeh é Pron en Overen er-ré e hum bresantt de receu en Urheu sacret, eid avertissein er Fidelet de de bedein Doué eit-t'ai, ha de zisclæriein mar hanàuant ar ou houst un defaut benac ag er-ré hun nès merchet.

Er-ré en des ur benefice benac idan ou dourn hac en des droæd d'er presantein, e zou obliget idan boén a béhet marvel, ( é spécial mar dai quéstion ag ur Bersonage ), d'er rein d'en hani er meritt. muyan; de laret-é, d'en hani e hanauant guellan ér stad de rantein chervige d'en Ilis. En dud-cé quend gober ou choæge, e zeli consultein en Eutru-Doué ha tud capabl d'ou secour én un affær a gonsequance èl honnéh. Ne zeliant quet enta seèllet doh ou Interèss, na bout douguet eit ou hærent drès er ré-ral, na cheleuet er-ré e zehai d'ou fedein pé de guenig tehai un dra benac, eit ou ingagein d'ou choæge int pé ou amiet. Ne fautehai meit quement-cé eit commettein ur simoni, péhani e gonsist é trafiquein guet en treu santel. Eèllein e rér hum rantein cablus ag en torfæt infam-zé é tair fæçon: 10. A pe rér argant pé un dra benac e tall argant, eid en doud un dra spirituel; pé ma receuer pe argant pe ar chervige benac eit rein un dra spirituel. 20. A pe hum accorder guet un aral de rein dehou un dra spirituél eid un dra tamporel. 30. A pe rér un dra spirituel pé tamporel d'un aral gueten intantion ma rei, èl é pén-troq, un dra benac spirituel pé tamporel, el mei rein presandeu pé rantein chervige d'un aral guet en intantion a dennein guet-t'ou pé ur benefice, pe un dra benac sacret.

Bout con hosh ur sort simoni e hanhuer confidance, hac e gonsist é rein ur benefice de unan, é condition ma rei er rantt a nehou, pé lod ag er rantt d'un aral; pé é condition ma rei er benefice memb d'un aral é pèn ur certæn amzér.

Er-ré zou simoniaq en essed, é gouéh idan un escommunication réservet, e goll ou benefice pé en droæd d'er presantein en amzér de zonnet. Mæs er-ré n'en dint simoniaq meid a intention, ne gouéhant

quet idan en escommunication, penaus-benac ma péhant marvelemant, ha m'en dint obliget é cousciance de gùittad ou benefice

A fæd en implé e zeliér gobér a zanné en Ilis, guharal é reglait ou lod d'en Escob ha d'er Velean: ul lod e oai destinet eid er beurerion, hac ul lod aral eid antretenein en Ilis. Raccé en-n'emb e zou carguet ag er sort danné-zé, e zeli considerein a dost n'en dint quet reit tehai eit bihuein én ou . æz, nac eid avantagein ou hærent, mæs eit chervige en Ilis, ha soulagein er beurerion hac en enevadet. Ne zeliant quet caigein en danné-zé guet erré e cèllant ou doud a hènd aral, guet eun ne zehai ou hærent de brofittein a heritage er beurerion. Guæd e vou condannet é Jugemand en Eutru-Doué a gaus d'er goal implé a zanné en Ilis. Quement-cé e zeliehai laquad de greinein er-ré e héritt de dud a Ilis. (En-n'emb e hum gavehai ambarrasset ar er poend-cé, e zeli consultein unan-benac abil hac aviset mat, ha tremén dré er péh e larou dehou.)

# P Explication ag en Urheu.

Gondé ma vai montet en Escob doh en Autær, ean e ra galhuein er-ré e zeli bout tonsuret, péré e hum bresantt guet ur Surpeliss ar ou bréh hac ur oleuèn én ou dourn Ean e droh ou bleau é croès, eit merchein dehai é teliant renonciein d'er béd ha d'é vanitéeu, ha quemér Doué hemb quin eit ou héritage. Arlerh ean e usq dehai ou Surpeliss, eit discoein é mant deit de vout tud a Ilis, hac eit merchein dehai é teli bout quer caër ou buhé dirac Doué ha dirac en dud, èl mei guèn en abid e usq dehai. Er oleuèn e zougant én ou dourn, e verche

dehai é teliant bout disposet de hum sacrifiein eit gloër en Eutru-Doué, ha chervige en Ilis. Ordrénet-é d'en dud a Ilis douguein perpet en Tonsur, eit m'ou dou attau chonge ne zeliant ou dout nitra cummun guet en treu ag er béd, atlerh m'ou dès queméret Doué hemb quin eit ou fartage.

Arlerh en Introit, en Escob e ra galhuein er-ré e zeli receu en Urheu bihan, péré e hum bresantt guet ur Surpeliss gusquet dehai, hac ur oleuen én ou dourn. En Escob e ra dehai alhuéyeu en Ilis de douchein én ur plad; ou hondui e rér arlerh de doul dor en Ilis, e zigueorant hac e chairrant; hac anfin rein e rér dehai ur hloh de sonnein, eit merchein dehai é mant carguet: 1°. a chairrein doren en Ilis hac a ou digueor; 2°. a viret n'antréou sbarh na lonnet na nitra divodest; 3°. A zerhel el lieinage, en Orlemanteu hac en Autærieu prop hac honest; 4°. a sonnein er hlehér eid assamblein er Fidelet d'en Officeu ha d'en instructionen.

Eit rein en Urh a Lectour, en Escob e ra touchein el Livr ag er Scritur sacret d'er-ré er receu, eit merchein dehai é mant carguet a leine a voch ihuel pé a gannein en Ilis el Leçonnieu tennet ag en ancien Testamand, hac a expliquein er Hatechen d'er yugalé.

Eit rein en Urh a Exorcist, en Escob e bresantt d'er-ré er receu, el Livr Pedenneu e chervige en Ilis eit conjurein en diaul de guittad, eit merchein dehai é mant carguet a breparein er peh con requis eid er Badiènteu, eit gobér en deur béniguet, hac a assistein er Velean a pe vai quêstion a gonjurein en diaul én ur mod benac.

Eit rein en Urh a Acolyt, en Escob e bresantt d'er-ré er receu, un antulér guet ur oleuen, hac

arlerh en orçolieu e vai é terhel er gùin hac en deur eid en Overèn, eit merchein dehai é mant carguet a alum er goleu én Ilis d'en Officeu, a breparein en tan hac en ançans, en deur hac er gùin eid en Overèn, hac a secour en Diacr hac er Soudiacr doh en Autær.

Quend en Abostol en Escob e ra galhuein er-ré e hum bresantt eid er Sousdiaconat, péré e zeli bout gusquet guet un Aube hac un Amitté quis ur frog ar ou discoai, guet er Manipul én ou dourn clei hac ur oleuen en ou dourn diheu. En Escob ou avertiss ag en obligationeu e yant de guemér, hac é spécial ag er rô a nerhtæd e yant d'obér; hac arlerh m'ou des groeit ur paz ér-raug eit discoein é bagréant er péh e brononce en Escob én ou hanhue, ean e ra galhuein er-ré e zeli receu en Urh a Ziacr hac en Urh a Velég. Nezé ind e stouy ol a blad durant ma ver é laret Litanieu er Sænt, eit couviein en Ilis e zou én Nean, de hum joentein guet en hani zou ar en doar, eit goulen guet Doué ma scuillou en tresor ag é hræceu é ineanneu er-ré e ya de receu en Urheu sacret.

Eit rein en Urh a Soudiacr, en Escob e bresantt d'er-ré er receu, er Halice guet er Blatinen, eit merchein dehai é receuant er bouvoær de velæstrein en treu sacret, hac é teliant hum zerhel perpet pur é presance en Eutru-Doué.

Arlerh ean e laqua en Amitt ar on fèn é quis ur houif, eit merchein dehai ételiant bout marhue eid er béd ha gobér brizél d'é vodeu ha vanitéeu.

Ean e laqua ehué er Manipul ar ou bréh clei eit merchein dehai é teliant splannein partout dré ou ævreu mat.

Arlerh ean e laqua en Dalmatiq ar ou discoai,

eit merchein dehai é rinquant laquad ou ol joé é haccomplissein Lezen Doué.

Anfin ean e bresantt dehai ur Missel, eit rein d'antand é receuant er bouvoër de gannein en Abostol én Overen, hac é teliant hum bligein é studial conzeu Doué, eit ma veint un dé ér stad d'instrugein er Fidelet.

Quend rein en Urheu a Ziaor hac a Veleg, en Escob e oulen guet en Archidiacr ha guet er boblhac ind e gav e ma dign er-ré e hum bresantt, a receu en Urheu-zé: rac en Ilis ne oulen d'hé chervige meit tud a vuhé vat hac examplus, ha capable de gondui er bobl én hend mat.

Arlerh en Escob e laqua é zourn diheu ar ben er-ré e zeli receu en Urh a Ziacr, én ur oulen eitt'ai, dré vertu er Speret-Santel, ma veint creihuede resistein doh en diaul ha doh é dantationeu.

Nezé ean e sau er stôl a ziar on bréh clei ar ou scoai, eit merchein dehai é receuant dré veriteu Jesus-Chrouist en nærh ou dès collet dré béhet Adam. Ean e laqua ehué en Dalmatiq ar ou discoais eit rein dehai d'antand é teliant hum boéniein d'avance é santeleah ha de usquein ou inean guet peb sort vertuyeu.

Ansin ean e bresantt dehai el Livr ag en Aviéli eit merchein e receuant er bouvoër de gannein en Aviél en Overen, ha d'en expliquein d'er bobl.

Quend en Aviel en Escob e ra galhuein er-re e zeli receu en Urh a Veleg, ha goude ma vent arranquet ar ou deulin, ean e ya guet er Velean e vai guet-t'ou, de laquad hemb sannein griq, é zoourn ar ou fen, el pe vehai eit ou avertissein de hum breparein de receu er græceu e reserv tehai er Speret-Santel.

Goudé m'en des pedet eit-t'ai, ean e sau er Stol a ziar ou divréh é crehen ou goug, hac é hroes ar ou halon, eit merchein dehai é teliant laquad ou ol joé ha studi de zoug guet courage er yau a Lezen Doué. Nezé ean e laqua er Gasul ar ou discoai, én ur oulèn guet Doué ma cresqueint bamdé é caranté hac é santeleah. Mæs er Gasul e chom plæguet ar ou discoai beed en achémand ag en Overèn; hac èl m'en dai er Gasul er merche ag er bouvoër e receu er Velean dré en Urheu, eèllein e rér laret penahs en Escob ne ra hoah nezé dehai meid er bouvoër d'offrein er Sacrifice ag en Overèn, hac é reserv beèd en achémand de rein dehai er bouvoër de bardonnein er péhedeu, a pe zisplæg er Gasul a ziar ou discoai.

Durand ma cannér en Hymne Veni Creator, etc. er Velean e stouy ar ou deulin ital treid en Escob, péhani guet en Oleau e ra ur Groès é pod ou deourn joentet, én ur gommance a bèn ou méd diheu beèd pèner bis youdeu ag en dourn clei, hac a bèn ou med clei beèd ¿ èn er bis youdeu ag en dourn diheu, eit consacrein ou deourn hac eit goulèn guet Doué ma vénigueou ha ma consacrou dré vertu er Speret-Santel, ol er péh e vénigueou hac e gonsacrou deourn er Velean.

Goudé no ou des golhet ou deourn, ean e bresantt dehai er Halice guet er guin, en deur hac er bara destinet eit laret en Overen, eit merchein dehai é receuant er bouvoër d'offrein er Sacrifice-zé eid er-ré vihue hac eid er-ré varhue.

Arlerh'en Aviél ol er-ré e receu en Urheu, e ya d'offrein ou goleuen d'en Escob, péhani e represantt Jesus-Chrouist, eit discoein é fal dehai ma vou losquet ou halon, el ur oleuen, guet ur grèd berhuidant eit gloër en Eutru-Doué ha salvediguesh er Fidelet.

Arlerh quement-cé er Velean nehué e lar en Overen guet en Escob hac e gonsacr guet-t'ou. Goudé er Gommunion ind e lar a voéh ihuel Symbol en Apostolet, eit gobér profession solannel ag er Fé e zeliant perdég d'er bobl a berh Doué hac a berh en Ilis. Nezé ind e hum bresantt ital treid en Escob, péhani e laqua é zeourn ar ou fèn, eit rein dehai er bouvoër de bardonnein er péhedeu: ha quentéh ean e zisplæg er Gasul a ziar ou discosi, eit merchein dehai en ou dès receuet en ol pouvoërieu ag en Urh a Velèg. Anfin en Escob c guemér ou deourn joentet itté é zeu zourn-ean, hac e ra dehai promettein dehou respèt, aboeissance ha fidelité.

Ol er-ré e assist ér ceremoni ag en Urheu, e zeli pedein Doué de rein d'er-ré ou receu, er græceu hac er vertuyeu e oulèn en Escob aveit-t'ai.

## ARTICL VII.

## 'Ag er Sacremand a Briedereah.

Doux en des instituet er Briederesh ag er hommancemand ag er bed er Baraouis terrestr, el ur hontrad ordinær eit padein beed marhue unan ag en eu barti: mæs quend el Lezen nehue er Briederesh ne oai quet ur Sacremand. Er goh Lezen a gaus d'ahurtemand er Juivet, e bermettai de zeu bried dispartiein en eil doh éguilé: mæs Jesus-Chrouist en ul laquad er Briederesh de vond ur Sacremand, en des ehue laqueit en treu er mod ma hoent a gammance. Hac en des dihuennet don er priedeu a chongeal a ziméein durant ma vai bihue ou farti, hac a hum separein é sigur bout libr de ziméein d'an aral.

Er Briedereah e zou ur Sacremand instituet dré Jesus-Chrouist eit santefiein en aliance legitim itré un dén hac ur voes, hac eit rein dehai er græce de vihuein santelemand ér stad-cé, ha de zessau ou

bugalé él Lezèn » Grechéneah.

Er Briedereah e zou ur Sacremand, de laret-é, pr merche sansibl: rac cousantemand en eu bried hac er vénidiction e ra er Belég tehai, e gouéh ol idan er squêndeu: ha S. Paul en hanhue ur Sacremant bras é Jesus-Chrouist hac én Itis. Hur Salvér en dès ean instituet, revé en Tadeu santel, a pe assistas én un æreden é Cana. (Histoër en Testamand nehué, Figur XVI.)

Er græceu principal e ra es Sacremant-cé, e zou er fidelité, er peah hac en union itré en eu brièd, dessau ou bugalé é dougeance Doué, ha hum se-

cour d'obér ou salvedigueah.

Laret-é é santesi er Briedereah en aliance legitim itré un dén hac ur voès, eit rein d'antand é ma ret bout ér stad a hræce Doué eid er receu, ha bout libr a bep sort ampêchemant. Bout-çou puarzec ampechemand e hanhuér torrus, ha tri e hanhuér dihuènnus. Pihue-benac e vènnehai hum aliein guet un ampechemant torrus, e gollehai é boén hac é amzér, ha n'eell boud aliance er bet itré-d'ou hac é barti, beèd quene vou sauet (mar dès moyand) en ampechemant-cé dré un dispance legitim. En ampechemanteu dihuènnus ne virant quet en aliance a vont legitim: mæs ur péhet bras-é hum aliein guet unan-benac a nehai hemb en dout bet dispance.

Digitized by Google

Chetui lod ag en ampechemanteu torrus. Enn'emb en devou dobér a oud er-ré-ral, e hum

expliquou guet é Govezour.

Bout trompet a fæd en hani guet pehani en hum alier. Par exampl, Pierr e zezir hum aliein guet Mari: entrompein e rer en ur rein dehou Theres e leh Mari. En aliance guet Theres n'en tall de nitra. En ol e ouair ehue penaus er Veneh, el Leannes et hac en dud ingaget en Urheu sacret n'eèllant quet diméein.

Bout quærent beèd er bemvet pazèn a guærentage. Eit cavouét just er bazèn ma vér quærent,
réd-é clasq er pèn ag er guærentage, ha contein
quel liès a bazèn èl a rum tud ma vér peèlleit doh
er pèn cummun. Par exampl, deu vrær e zou ér
guettan pazèn: ou bugalé (quenderhui germæn)
e zou én eil pazèn: bugalé er guenderhui germæn
e zou én dairvet pazèn, hac ur rum peèlloh e form
er bedairvet pazèn. Ur uéh ma vai unan ag en eu
barti ér bemvet pazèn, n'en dès mui a ampechemand a guærentage itré-d'ai.

Boud aliet én ur mod benac guet en hani e zezirér de brièd. Bout-çou tri sort aliance: 1°. Unan e sau ag er Briedereah legitim, dré béhani en dén e za de voud aliet de ol quærent ha ligné é voès; hac er voès e za chué de voud aliet de ol quærent ha ligné hé dén. Contein e rér en aliance èl er guæren-

tage: quel liès a rum, quel liès a bazèn.

20. En eil sort aliance e sau ag er péhet lous:
par exampl, un dén e gouchi ur verh pé ur voès,
e za de voud aliet de ol hé hærent beèd en dairvet
pazèn a guærentage, ha n'eèll quet hemb dispance
diméein de hanni a nehai. Er voès pé er verh couchiet e zou ér memb stad vis-a-vis de dud en hani
en dès hé houchiet.

30. En drivet sort aliance e sau ag er Sacremand a Vadiènd. Rac-cé en hani e vadé ur hrosidur, e za de voud aliet tehou ha d'é dad ha d'é vam. Er-ré e zalh ur hrosidur ar er Fonce a Vadiènd, e za de voud aliet tehou ha d'é dad ha d'é vam: ha chetui perac n'en dai quet permettet d'un tad na d'ur vam badéein ou hrosidur, meit ha requis vehai. Boutçou hoah un espèce aliance péhani e sau ag er promesseu a Briedereah groeit é face en Ilis, itté en hani e bromètt ha tad ha mam ha berdér en hani de béhani é promètt.

En ol e ouair n'en dai quet permettet de hanni diméet hum alien guet un aral durant ma vai bihue é barti; na chongeal hum zizobér ag é barti eit quemér un aral. Pe zehai memb un dén de gouchi ur voès guet promèss a hum aliein ou deu a pe vou marhue é voès pé hé dén, en aliance e rehênt, n'en

tallehai de oitra.

Garnagein en ur mod benac un den pe ur voes de ziméein inemp d'ou vat volanté. Él leh n'en des quet a gousantemant, n'eell quet boud a aliance. Pé scrapein ur verh en drespet tehi pé d'hé zud, é sigur diméein dehi. Er-ré e ra pé e gonseill er sort treu-zé, e zou escommuniet.

Diméein é cuh inemp d'el Lezèn. Ordrénet-é gobér tri bann dré dri Sul pé Gouil é Pronen Overèn. Réd-é receu er Sacremand é presance puar test guet Person unan ag en eu barti e vènn hum sliein, pé guet ur Belèg en dès a berh er Person pé a berh en Escob permission d'ou æredein.

Er Pab ha memb en Escobet en des er bouvoër d'accordein dispance a baud ag en ampechemanteu-zé, a pe vai ræzonieu legitim d'hé goulen. Rac en Ilis n'antand quet dispancein hemb ræzon. Che-

tui petre e lar er Honcil a Trante a zivoud quement-cé: Ne faut quet accorden liès dispance ag en ampechemanteu torrus; ha hoah réd-é ma vou rœzonieu creihue.... Hun-drompein a vras vehai enta credein n'en dès meit supliein pé presantein argant, eit bout dispancet, pé é heellér boud én assurance dirac Doué guet un dispance attrapet dré ur gueu pé dré un trompereah benac. Er-ré e hum avis de oulen dispance, e zeli ér rang sontéal erhad ou affærieu, eit n'ou devou nitra de hum demall goudé

En ampechemanteu dihuênnus e zou en dihuên e ra en Ilis, a hum aliein guet certæn tud-çou, èl mei en Héritiquet hac er-ré escommuniet; pé a æredein de certæn courceu zou, èl mei a oudé er hettan Sul ag en Avènd beèd en trenoz Gouil er Rouéet, hac a oudé dé Malardé beèd en

trenoz Sul Quasimodo.

Dihuennet-é ehué doh ne vern pihue en dès reit de unan promessen a Briedereah é face en Ilis, a æreden d'un aral hemb en dout torret, revé el Lezèn, er promesseu groeit d'er hettan parti.

Dihuennet-é hosh doh er-ré en des groeit rô a nerhiæd, pé de chom hemb diméein, a æredein hemb ou devout bet dispance ag er promèss ou des

groeit de Zoué.

En smpechemanteu - zé, èl m'hun nès deja remerquet, ne dorrant quet en aliance itré en eu barti: mæs ur péhet bras vehai hum ingagein èl-cé inemp de Ourhæmèn en Ilis, pé inemp d'ur promèss groeit de Zoué.

Ag er choæge ag ur stad a vuhé.

Doue n'en des quet hul laqueit er bed-men eit

monet perpet d'hur chonge, pac eit quemér stad a vuhé revé hur fantasi. El un Tad mat péhani e reglerhad é diegueah, ean e reglehué é péh stad é teliamb bout, hac e bourvai græceu spécial de bepunan eit hum aquittein él ma faut ag en deværieu ag er stad de béhani en er galhue. Réd-é enta hum avisal erhad ha pedein eit gobér ur choæge revé volanté Doué: rac er choæge-cé doh ma vai mat pé droug, e ra ordinæremant bonheur pé malheur mab-dén eid er vuhé hac eid en éternité.

Ne faut quet credein é vou en ur uéh na dihue é hanàuehait de béh stad é hoh galhuet guet Doué: ur blæ na deu n'en dint quet guhavé assès eit que-ment-cé. Consultet liès hou Covezour hac expliquet tehou hou tispositioneu. Disclæriet tehou reih ha splann er péh e lar deoh hou speret, hou calon, hou c'imur.

Er vugalé ne zeliant jamæs laquad ou chonge ferm de hum ingagein én ur stad, hemb cousantemant just ha ræzonnabl ér-ré de béré é teliant aboeissance. Mæs en tadeu ha mameu ne zeliant ehué jamæs contraignein ou bugalé de guemér ur stad en drespèt tehai. Abusein ag ou otorité vehai quemènt-cé. D'er sort-zé é heèllehér laret:

Mam divergond, assolus Tad, É sigur hou c'otorité; Hui e zou scuir hou pugalé, Mæs non pas er véstr ag ou stad: Bæzonabl-é hou cheleuet; Deoh-é rein avis mat tehai; Discoein er stad e jauge doh-t'ai: Conseillet, mæs ne forcet quet.

De bep-unan-é enta hum avisal erhad ha consi-

derein péh quer miserabl-é unan en des queméres ur stad ne jauge quet doh-t'ou. Perpet é poén, guet bihannoh a hræceu: perpet idan er béh, guet bihannoh a secour : perpet croesieu ponnér, hemb courage d'ou doug : perpet obligationeu a béré en hum aquitt en drespèt d'é galon, hac èl-cé beèd er marhue! Tristæd ur vuhé! Ouement-cé e arrihuou gueneoh mar hum ingaget hemb consultein Doue. Ma ne fal quet deoh bout trompet, consideret ne hoes quin affær d'obér ér béd-men, meit hou salvedigueah. Mæs eit hé gobér guet assurance, goulennet guet Doué sclærder eit hanauein é volanté: hac eit ma vou cheleuet hou Peden, renonciet d'en ol pennadeu peré hou touguehai de héli hou fantasi; d'er garanté rai vras doh unan-benac, ha d'en inclination fal, péré e ouni er galon hac e zall er speret ; d'en dougeance rai vras a hou tud, péhani e rehai deoh sentein doh-t'ai quentoh eit doh Doué; d'en ol hoand ha dezir de zastum danné, de voud inouret ha consideret, péré ou laquehai marcé d'ancochad hou salvedigueah.

Dihoallet drès peb tra a gommance dré en debauche hac el libertinage, èl ma arribue guet en dorn-muyan. Ne vou quet é hélt lorbage, folleah, vanitéeu ha bobanceu er béd, é hanàuehait volanté Doué én hou quevir; hac en hani e gommance dré er péhet ne ra quet liès fin vad. Ag er sort-zé é lar er Speret-Santel: Ind em pedou, ha n'ou cheleuem quet: ind em htasquou, ha n'em haveint quet, rac n'ou dès quet prezet quemér reglemant mad er bet, ha dougeance Doué n'en dai quet bet én-ai... Conduiet enta ur vuhé santel a vihan: hum aquitted erhad a hou teværieu: tosteit liès d'er sacremanteu: groeit bamdé ur mortification benac, un æyr mat benac eit meritein guet Doué er græce de handuein é volanté: hum recommandet d'er Uériès glorius Vari, d'hou ç'Æl-Gardién, d'hou Sant Patrom.... Laret liès èl S. Paul: Men Doué, petra e ful deoh ma rein mé eid accomplissein hou volanté santel? Pé avel Samuël: Conzet, men Doué, rac hou servitour e cheleu. Pé avel er Profæt David: Men Doué, discoeit teign en hènd e zelian quemér, hac ansaignet teign er routt doh péhani é telian derhel... (El Livr Pedenneu e fourniss deoh ur Bedèn eit goulèn er græce d'obér ur choæge mat.)

N'en dai question meid a zeu stad: pé diméein, pé chom hemb diméein. Hum laqueit é balance itré-d'ai hemb bout douguettoh de unan eit d'en aral. Examinet nezé de betra é hobligeant; péh dangérieu, péh diæzemant ha péh æzemant e zou é peb-hani, etc. Arlerh seèllet péré-é hou cuellan hac hou fallan dispositioneu hac inclinationeu; de betra é hoh mat ha de betra n'en doh quet, de betra en hum zouguèt muyan revé Doué. Consideret anfin é péh stad é careheoh merhuel, ha péhani vou er guellan deoh é Jugemand en Eutru-Doué. Rac er marhue hac er Jugemand e zou deu væstr mat, hac e gondui d'en hènd sur er-ré e gar ou honsultein hac ou cheleuet.

Goudé m'hou pou hum examinet èl-cé istroh eid ur uéh, mar santet hou calon é pignein de chom hemb diméein, sontéet hoah hou tispositioneu, guet eun ne veheoh trompet. Deu sort tud e chom hemb diméein: lod e chom èl-cé dré choæge hac esprèss i lod aral, rac n'en dai quet possibl dehai diméein, pé a gaus d'ur hlinhuèd, pé a gaus d'un occasion benac aral. Ne vou quet secour e vanquou d'er-rézé, mar carant hum boeniein de bratiquein er vertuyeu e jauge doh ou stad.

Mæs er-ré e chom esprèss hemb diméein, e zeli examinein a dost peh ræzon ou dès de choæge er stad-cé, ha penaus é ma ou chonge bihuein. Rac mar chomant èl-cé guet eun ag er boén, pé guet en dezir de voud attau libr de rein d'ou horv é oulèn a fæd plijadurieu ha divertissemanteu, n'en dai quet mad ou intantion; ou choæge n'en dai quet revé Doué: trompet int guet er goal-speret.

Mæs mar quemérant er stad-cé esprès eit bout liproh de chervige Doué, eit ne chongeint meid a bligein dehou hac a obér on salvedigueah, on intantion e zou mat ha santel, hac e gondui surroh d'en heurustæd ag en éternité. Ne zeliér quet neoch choæge er stad-cé en ur momant berr a zevotion, pennadus: réd-é consultein Doué hac ur Hovezour mat quend er hemér; rac dangerus bras-é eid er-

re n'en dint quet galhuet dehou.

Arlerh m'hou pou hum aviset erhad, mar e hoës leh de gredein é hoh galhuet guet Doué eid er stadcé, consideret peh quer bras-é hou ponheur; rac, é-mé S. Paul, en hant e zimé, e ra erhad: mæs en hant ne zimé quet, e ra hoah guel. Renonciet a grenn d'er béd, hac hum daulet aquêrh desbratiquein en ol vertuyen: studiet dalh-mad el Livrag er Hombat spirituel, pé en or ag er Vuhé devod dré S. Françæs a Sale: groeit brizél d'er béd ha d'é vodeu: én ur guir, renonciet deoh hou ç'hunan, queméret hou Croès, hac héliet Jesus-Chrouist.

Mar santet hou calon é pignein de ziméein, consideret é ma en dispositioneu desordr guet péré en hum ingage en darn-muyan ér stad-cé, e zou caus de baud ag er scandal ha malheurieu e arrihue ér Grechéneah. Pihue e gredehai é huélet er péh e b ass ér béd, é hès ur Sacremant de receu en dé ma timéér. Ne uélér é mésq en dud youanq meit libertinage, boufonnereah, hantiss criminel: ne gleuér guet-t'ai meit bégadeu lous, bourdeu sot, mélodiage; conz a vragueriss, a zanné, a zivertissemant, a vanité... Mar dai èl-cé en e hoès bihuet, distroeit dohoh hou ç'hunan, laqueit reihtæd én hou puhé ha consultet erhad quênd gobér hou choæge.

Consideret é ma ponnérroh en obligationeu ag er stad a Briedereah eit ne chongér ér béd, hac é vou dehuehad teoh bout nezé é tésquein pratiquein er vertuyeu necessær eit hum aquittein erhad a nehai. Examinet drès peb tra mar doh én disposition de zessau guel hou famill eit ne ra en darnmuyan: rac n'en dès deja meit rai a fal Grechénion ér béd, ha guel vehai deoh chom hemb diméein, eit hum laquad él léh de gresquein er chagrin e ra d'en Ilis en tadeu ha mamen lache ha dissourci é tessau santelemant ou bugalé.

Ur uéh m'hou pou hanauet hou vocation, taulet hou spi de hanauein er parti e zestin deoh en Eutru-Doué. Ne gonsultet quet hou c'inclination naturel; ne seèllet quet quemend doh en danné, na doh er vrahuité, na doh er vaillantiss, èl doh er vertu hac er santeleah; ha pe vehai possibl deoh cavouét un Æl, ne glasquet quet guel. A-zé en e hoès dobér arré a bedein hac a obér peb sort ævreu mat eit meritein guet Doué er græce de hanauein en hani é compagnoneah péhani é fal dehou ma tehait de hum santefiein.

É tretant antréein ér stud-cé, hum daulet de bratiquein en ol vertuyeu : dihoallet mat doh er chongeu, dezirieu, conzeu hac actioneu dishonest : ne hantet quet é cuh na hemb requis en hani guet péhani é teliet hum aliein, pé hui e rei d'en diaul léh d'hou ç'attaquein é peb mod. Ne chonget quet, él ma ra ul lod vád, é ma permettet tout itré er-ré zou promettet en eil d'éguilé. Er fal gredèn-zé zou caus ma rér paud a sacrilegeu én un antréein ér stad a Briedereah.

En dé ma receuehait er Sacremant, cresquet hou Pedenneu hac hou c'ævreu mat, eit ma vou eid-oh un dé a hræce hac a vénidiction. Permettet-é gobér ul leign honest guet er guærent tostan ha guet en amiet : mæs dihuènnet-é, é sigur gobér fest, a rein d'er-ré-ral occasion d'offancein Doué. Caër e von laret é ma'er mod gobér èl-cé : modeu ha custumeu er bed ne vireint quet en ivraignereah, er horolleu scandalus, en tabut hac en dissancion a vout péhedeu a béré en hum rantt cablus er-ré e ra occasion dehai dré ou digueoreu caër hac ou leigneu saffarus. Mar e hoès fest d'obér, couviet er beurerion ha tud devod, péré hou secourou de dennein ar-n'ah bénidiction en Eutru-Doué Mæs ne veaih quet disquentt assès eit quemér delé é sigur gobér chervad guet tud, péré en trenoz e rei goab a hanah. Ul lod vat guet eun petra e vou laret a nehai ma ne rant èl er-ré-ral, e ra dispigneu mal a propos, a béré en hum santant durand ou buhé! Chetui petra e ouniér guet custumeu er béd.

# Devær er Prièdeu en eil é queoir éguilé.

Deu bried e zeli hum garein, hum respettein, bout fidel en eil d'éguilé, hac hum gomportein é peb tra guet honestiss. Mæs el m'en dai expliquet en deværieu-ze el Livr ag er Vuhé devod, Chapistr XXXVII, Parti III, ne larehemb amen meid ur guir pé deu ar beb hani a nehai.

10. Deu bried e zeli hum garein. Doué en dès reit tehai er Ourhæmèn-zé dré gueneu en Apostol S. Paul Rac-cé er garanté-zé e zeli bout revé Doné, ha non pas eit hum goutantein en eil guet éguilé èl lonnet brutal. Eit reglein erhad ou haranté, considereènt er garanté en dès Jesus-Chrouist eid en llis, hac en dès en llis eit Jesus-Chrouist.

20. Deu bried e zeli hum respettein, eit ma teint en eil de suportein defauteu éguilé, eit ne vou hanni caus d'en aral d'offancein Doué; eit ma hum vireint, èl ma lar S. Paul, doh peb sort infamité, ha ma hum gomporteint guet-honestiss ha santeleah, ha non pas guet un inclination desordr.

- 30. Deu bried e zeli bout fidel en eil d'éguilé. hemb jamæs hum guittad dré fantasi, colèr pé pènnad. Er fal deicheu e eellant ou dout, n'en dai quet ur ræzon dehai de hum separein. Hui moès, é-mé S. Paul, penaus é houzoh-hui ne gonvertissehait quet hou prièd, mar laquet poén de hum obér revé Doué don é imur ? Ha hui prièd, penaus é houzoh-hui ne gonvertissehait quet hou moès, mar caret hum gomportein erhad én hé hevir? Ur voes ne zeli gober na rein ag en tiegueah nitra a gonsequance inemp de gousantemant just ha ræzonabl hé frièd. Hi e zeli sèntein doh-t'ou ol er péh n'en dai quet inemp de volanté Doué, hac er honsiderein el he mæsır. Reent en eit d'éguilé, e lar hoah S. Paul, er péh zou deliet : meit haç ind e gousantehai hum bassein eid un amzer eit bout liproh de bedein Doué.
  - 4°. Deu brièd e zeli hum gomportein é peb tra guet honestiss. Mar dai ordrénet tehai boud itréd'ai inourabl hac honest, terriplæd é vou condannet guet Doué er-ré e vou malheurus assès eit hum laus-

quem guet un aral. Dihoalleent ne zehai en eun ag ou dout rai a yugalé pé a gonceuein rai bront dré er méh diræzonabl ag en dud, d'ou zurel é péhedeu (hanhuet ér Scritur abominabl dirac Doué), péré en dès taulet Onan hac hilleih aral én ihuern. A guemènt-cé é ma hoah cablus paud a dud miserabl, péré e fal dehai derhel doh ou fallanté hemb coll ou inour. Lahein e zou sur ur péhet horribl, ha neoah miret a gonceuein ha lahein e zou er memb tra, é-mé S. Augustin. (er rest e zou expliquet él Livr ag er Vuhé devod, Chapistr XXXVIII, Parti III)

Deværieu en tadeu ha mameu é quevir ou bugalé e zou expliquet ér bedairved a Ourhæmeneu Doué.

#### Deværieu en Intannion hac en Intanveset.

A pe za er marhue de zisparti deu brièd, ou haranté, mar dai sincèr ha revé Doné, ne zeli quet achihue guet er vuhé. Rac-cé er parti e chom arlerh en aral, e zeli, é léh hum abandonnein d'un tristé divusul, pedein ha gobér peb sort ævreu mad eit repos inean en hani treménet. Mar dai requis gobér un invantoër, èl ma arrihue a pe vai minouret ha ma chongér a hum avance hoah ér béd, ne faut quet distroein na souffrein ma vou distroeit nitra ag en tiegueah, é sigur miret doh rai a frayeu. Quemênt-cé zou caus ma rér gueu doh paud a vugalé hac a hériterion. Me lar hoah ur uéh d'er-ré zou carguet a zanné minouret, é ment obliget idan boén ag ou digoll, de laquad en danné-zé de brofittein revé Doué.

En intannion hac en intanveset péré e zezir pra-

tiquein er vertuyeu e jauge doh ou stad, e zeli leine guet sourci en instruction e ra dehai S. Françæs a Sale ér Chapistr XXXIX, Parti III ag er Vuhé devod.

#### CHAPISTR VI.

#### Goulènnet hac é vou reit teoh.

Es Bedèn e zou ur sau a hur speret hac a hur halon trema Doué, eid en adorein, er mêlein, en trugairicad, hum offrein dehou ha goulen guet-t'ou hun dobérieu. Rac-cé adorein Doué, er melein, en trugairicad, goulèn guet-t'ou un dra benac, hum offrein dehou e zou quel lies a fæçon de bedein.

Eèllein e rér pedein pé a galon hemb quin, pé a galon hac a veg. Eellein e rer pedein é particulier pe é publiq. Er bedèn a galon hemb quin, ezou hanhuet Oræson mantal ; er beden a veg e zon hanhuet Oræson vocal. Mæs honnen n'en dai sgréabl de Zoué meid é quemend ma vai er galon de unan guet er bêg a pe hum adressér doh Doué. Er beden particulier e zou en hani e ra peb-unan a costé : hac er beden publiq e zou en hani e ra er Fidelet assamblet é Hanhue en Eutru-Doué. En eil hac éguilé e zou agréabl de Zoué, mar dint groeit el ma faut; mæs er beden publiq en des neoah mui a nærh hac a veritt, rac m'en dai groeit é Hanhue en Ilis, ha rac m'en dès Jesus-Chrouist grateit en hum gavou perpet él léh ma vou deu pé tri assamblet én é Hanhue.

Requis-é absolumant pedein. Rac dobér hun nés a baud a dreu : hac a hanamb hun hunan n'en domb capabl de nitra eit hur salvedigueah. Ne ouhemb quet hur bout pas' memb ur chonge mat,
é-mé S. Paul: mæs ol er péh e eèllamb, e za demb
a Zoué. Rac-cé é larai er Roué santel David: Etdon-mé me zou peur ha miserabl, men Doué secouret mé. Doué e ra sur mar a hræce hemb n'ou goulènnér; mæs bout-çou hilleih n'en dint reit meit
d'er-ré ou goulèn, èl mei, revé S. Augustin, er
græce a berseverance. Goulènnamb er græce zé drès
er-ré-ral. Ne hoès quet receuet, é-mé S. Jâq, raè
ne hoès quet goulènnet, pé rac ne hoès quet goulènnet èl ma faut. Er bedèn e zou er moyand d'hur
boud er græceu hemb péré ne rehemb quet hur
salvedigueah. Réd-é enta pedein.

Jesus Chrouist en dès ehué ordrénet temb pedein. Réd-é, é-m'ean, perpet pedein hemb scuéhein. Ean en dès reit temb houh en exampl a guemènt-cé, a pe hum dènnai ar lein er Manné, ha ma pas-

sai en noz é pedein.

Réd-é pedein é spécial: 10. De vitin a pe sauér ha de noz a pe yér de gousquet: hac er-ré ne brezant quet pedein ahoël d'er hourceu-zé, e vihue èl tud hemb Fé, hemb Lezèn ha hemb Religion. En dud n'ou dès quet sourci a obér d'er-ré zou idan ou berh, laret ou fedenneu de noz ha de vitin, e vanq deunan ag en deværieu principal a Grechéneah.

20. A pe gommancér un dra vras benac eit gloër en Eutru-Doué, pé ma hum gav ur bizz benac én hend a hur salvedigueah; el pe vemb tantet én ur mod benac. Doué ne refus jamzs é assistance d'erré hé goulen, ha ne bermettou quet ma vehemb tantet mui eit n'eèllamb feahein. Dihoallet ha pedet guet eun ne goueheheoh én tantation, é-mé hur Salvér.

- 3°. A pe dostér d'er Sacremanteu, pé ma fal demb hur bout contrition a hur péhedeu. Rac n'hur bou quet er gontrition-zé a hanamb hun hunan; ha ni e zeli hé goulèn guet Doué a greis hur halon.
- 4°, A pe vér clan, pé én un dangér benac, pé én ur misèr bras benac, èl mei ur goal vlæad, ur brizél, ur guêrteri, ur vocèn.... Pedet mé én hou c'affliction, ha m'hou telurou. A pe ouiamb é vai hun Nessan én dangér a hum goll hac a hum zannein. Pedet en eil eid éguilé, eit ma vehait salvet, é-mé S. Jáq.

Penaus-benac m'en dai en Ilisieu el léhieu destinet eit pedein, n'en dai quet ret bout attau én-ai, nac attau ar en eulin eit gober ur beden vat. Doué e zou partout : eellein e rér ehué partout hum adressein doh-t'ou. Petra e vir doh peb-unan é creis er sorb ag en affærieu hac en tracass ag el labour, a sehuel liès é speret hac é galon trema Doué; a zezirein perpet pligein dehou, ha peellad a en offancein; a offrein dehou é boénieu, é chongeu, é gonzeu hac é æyreu? Mar e hoès er malheur d'obér ur péhet-henac, goulènnet quentéh pardon guet contrition ha confiance : queméret er resolution de govessad prestan ma heellehait : clasquet perpet gobér volanté Doué, hac él-cé hui e bedou perpet. En hani ne cess quet a obér erhad, ne cess quet a bedein, é-mé S. Basil. Rac-cé é vennai S. Paul m'en devezai en ol dud pedet partout.

Réd-é hoah trugairicad Doué quend ha goudé er prèd, ha laret ol assambl er pedenneu de noz ha de vitin, mar dai possibl. En amzér e laquér ol assambl de bedein Doué, ne verra quet en déuéh : ur bedèn groeit èl-cé, e tall mui eid el labour. M'el

lar deoh, é-mé har Salvér, mar hum accord deu ar en doar de bedein, ne vern petra e outènneint, ind er receuou guet me Zad péhani zou én Nean.

Mæs quend er beden, disposet hou c'inean, é-mé er Speret-Santel; de laret-é, groeit un Act a gontrition a hou péhedeu; hum laqueit é presance Doné, doh péhani é het de gonz; groeit un istim bras ag er péh e yet de oulen guet-t'ou eid é hloër hac hou salvedigueah.

Bout-çou deu sort preparation d'er bedèn : er guettan e gonsist én ur vuhé vat ha santel, én ur zihoal a zisplige de Zoué dré chonge, na dré gonz, na dré zezir pé action. En eil e gonsist é terhel er chonge hac é hinteressein er galon guet er péh e yér de laret, hac é houlèn secour hac assistance er Speret-Santel. (Hui e gavou quemènt-cé expliquet ér hommancemand ag er Honsiderationeu santel, pé én eil Parti sg er Vuhé devod.)

Réd-é pedein é Hanhue Jesus-Chrouist, guet purtæd a intantion, guet attantion, guet humilité, guet fé ha confiance, guet tuemzér ha perseverance.

- ro. Réd-é pedein é Hanhue Jesus-Chrouist; de lareté, én union guet é veriteu. Rac n'eèllamb bout solvet meid é Hanhue Jesus-Chrouist. Rac-cé é hachibue en Ilis el lod-muyan a hé Oræsoneu dré er honzeu-men · Per Dommumnostrum Jesum-Christum, etc. Dré Jesus-Chrouist hur Salvér, etc. Mæs ne bedamb é Hanhue Jesus-Chrouist, meid é quemènd ma houlènnamb treu agréabl de Zoué. Rac-cé, revé S. Augustin, er-ré e oulèn guet Doué treu e zisplige dehou, ne bedant quet dré Jesus-Chrouist, hac é prononcchènt-ind é Hanhue mil guéh durand ou fedèn.
  - 20, Réd-é pedein guet purtæd a intantion ; de

laret-é ne faut goulèn meid er péh e cèll bout profitabl demb eit gloër en Eutru-Doué hac eit hur
salvedigueah; èl mei, ma vou hanàuet, caret ha
cherviget guet en ol; ma touguehemb er victoër ar
hur goal inclinationeu; ma pratiquehemb er vertuyeu e vanq demb.... Ne zeliamb goulèn en treu
tamporel meid é quemènd ma heèllant chervige
temb eid arrihue ér gloër éternel. Rac-cé goulèn
vaillantiss, yéhæd eit hum daillein ér béd; goulèn
inourieu ha danné eit gobér chervad, etc., e vehai
goulèn treu ne veint quet accordet temb. Doué hur
har rai eit ma rehai demb treu e chervigehai demb
d'en offancein. Hilleih e béd ehué hemb profitt er
bet, rac ne ouiant na ne chongeant quet petra e
oulènnant.

3º. Réd-é pedein guet attantion ; de laret-é, ne zeliamb chongeal meid é Doué hac ér péh e oulennamb guet-t'ou, guet eun ne gouéhehai ar-n'amb er rebræche e rai hur Salvér guharal d'er Juivet : Er bobl-zé em inour a vêg; mæs ou halon e zou peèl doheign. Diæz-é sur bout peèl é pedein hemb ne ya en isprit de valé : mæs mar dai en drespèt teoh é ha hou chonge él léh aral, n'en des quet a béhet. Mar dai dré hou coal, hui e ra faute: mar dai durand ur beden, de béhani é hoh obliget, él d'en Overen, pé d'ur bénigen; é ma brassoh er péhet. A pe bedet, é-mé hur Salvér, hum dennet én hou cambr ha chairret en or ; de laret-é en or a hou calon, é-mé S. Augustin, eit ne zei nitra de zistroein hou speret ag er beden. Pedet berroh; pedet lièssoh : mæs pedet erhad peb gueh. É quement tra e rehait, deziret pligein de Zoué, ha hui e bedou hemb arsau, el ma oulen Jesus-Chrouist.

4º. Réd-é pedein guet humilité; de laret-é, ha-

nàuein dirac Doué é homb ignorant, peur, clan, miserabl, nuah, ha ne veritamb meid é golèr. El-cé é pedai David, Mari-Magdelén, el Lair mat doh er Groes. En disposition-zé e vanq perpet d'er-ré e chom ag ou vat volanté ér stad a béhet ha ne brezant quet hum boéniein de hum denn a nehou. Oa fedenneu e zou faus hac hypocrit, ha falein e ra dehai gobér goab a Zoué a pe hum adressant doht'ou guet un disposition e ouiant sur ezisplige dehou.

50. Réd-é pedein guet fé ha confiance; de lareté, réd-é credein é ma Doué puissant ha mad eit hur secour, hac en en dès volanté de rein demb er péh é oulènnamb, meit ma oulènnehemb erhad, ha ne oulennehemb meid er péh e zoug d'é hloër ha d'hur salvedigueah. Jesus-Chrouist en dès ean laret : Ol er péh e oulennehait guet fé én hou peden, e vou accordet teoh. Mæs el n'eellamb quet a hanamb hun hunan meritein é hræceu guet Doué, laquamb hun ol confiance é meriteu hur Salvér carantéus, péhani en dès laret: Mar goulènnet un dra benac guet me Zad em Hanhue, ean er reih deoh.

60. Réd-é pedein guet tuemzér ha devotion; de laret-é, guet un disposition a garanté doh Deué, ha guet un dezir sincer d'ober un implé mad ag é zonæzoneu. Ne ret quet paud a stad ag er peh e oulennet, na calz a gas a hræceu Doué, mar ou goulennet guet lisidantæd, guet ur galon yein, ha marcé staguet doher péhet. D'er-ré digas ha paressus é lar en Eutru-Doué : Prest-on d'hou turel a mem bêg, rac n'en doh na tuèm na yein.

7º. Anfin réd-é pedein guet perseverance; de laret-é, derhel mat de bedein beed quene vehemb cheleuet. Doué eid aprouvein hur Fé hac hur honfiance, ne ra quet demb attau hur goulen ag er uéh quettan. Ean e vour boud importunet dré hur pedenneu, hac e vènn ma houlènnehemb liès; ma clasquehemb, ma scoehemb ar en or; ha ma n'accord quet demb er péh e oulènnamb, rac ma huél ne vehai quet profittabl eid-omb, ean e ra demb un dra benac guel abrèd pé dehuehad, mar dalhamb mat de oulèn é-tré ma vou é volanté.

Bout-çou treu e zeliamb goulen guet Doué absolumant, ha ré-ral ne zeliamb goulen meid idan condition. En treu e zeliér goulen absolumand e zou er vuhé éternel hac en ol moyandeu eid arrihue én hi. Par exampl, er remission ag er péhedeu, er vertuyeu, er græce de hanàuein ha d'accomplissein Gourhæmeneu Doué ha ré en Ilis, hac en deværieu a hur stad, etc. Doué ne refus jamæs en treu-zé d'er-ré ou goulen èl ma faut.

En treu ne zeliér goulèn meid idan condition, e zou er-ré e cèll hur secour de hum santefiein ha de ounid en Nean, mæs n'en dint quet er moyand necessær eid arrihue inou; èl mei er madeu tamporel, er yéhæd, en avantageu a gorv hac a speret, etc. Ne zeliamb dezirein na goulèn er-ré-zé meid idan condition ma vehènt profitabl eit hur salvedigueah. Ni e zeli memb pedein Doué d'ou refus temb, mar guèl é tehemb d'abus a nehai eid en offancein.

Deliet-é ehué pedein er Uériès, en Ælet hac er Sænt; mæs non pas ér memb fæçon ma pedamb Doué. Rac ni e bèd Doué èl er vamèn ag en ol madeu de rein demb en treu a béré en hun nès dobér; mæs ni e bèd er Uériès, en Ælet hac er Sænt èl hun Avocadet hac Amiet en Eutru-Doué de bresantein dehou hun dobérieu, ha de oulèn guenemb hac aveid-omb é Hanhue Jesus-Chrouist er græceu ha secourieu a béré en hun nès dobér. (Hui e ga-

vou quement-cé expliquet hirroh én achémand ag en eil Parti ag er Vuhé devod. )

### ARTICL I.

# Ag er Bedèn particulier.

(N'en dai quet requis hum abus d'expliquein amen er péh e gavér é Livreu aral : rac-cé a fæd en Oræson mantal, consultet er Chapistr XLIII ag er Hombas spirituel. A fæd er Méditation, leinet en eil Parti ag er Vuhé devod, pé er hommancemand ag er Honsiderationeu santel. Un dra sur-é n'en dès hanni n'en dai capabl d'obér méditation mar car hum impléein erhad. N'en dai quéstion eit quemènt-cé meid a obér reflexioneu sonn ar ur urionné benac ag er Religion, pé ar un instruction benac e gleuér, ha quemér ur ferm resolution de reglein erhad er vuhé én occasioneu mat pé droug e hum bresantt. Er Speret-Santel e ra d'antand é ma er bihan a gas e ra en dud a vaguein ou inean guet er gurionnéeu sacret, e zou caus m'en dai goleit en doar a failanté.)

En Oræson vocal e zou en hani e rér a galon hac a vêg. Me lar a galon hac a vêg; rac ma n'en dai er galon de unan guet er bêg eit pedein, er bedèn n'hi devou quet er seih condition hun nès merchet ihuelloh, hac èl-cé ne vou quet agréabl de Zoué. A-zé en hum dromp ul lod vat péré e chonge guett'ai ou dout groeit treu erhoalh a p'ou dès laret pedenneu caër e gavant é Livreu, pé ou dès désquet a vihan; a p'ou dès prononcet a vêg Acteu a Fé, a Garanté, a Goutrition, a Drugairé.... pé m'ou dès laret ur stèd pedenneu hemb goud guhavé petra e larant. Eit ne gouéhehait quet én abusance-zé,

groeit ma vou hou calon de unan guet hou pêg a pe bedet; diazéet én hou c'inean er santimanteu exprimet ér pedenneu pé én Acteu e brononcet a vég, ha goulènnet guet Doné er græce ma veint hou c'éré-hui quer clous èl ré en hani en dès int composet. Ne vern hac ean e vou hir pé bèrr hou pedèn, credet ferm ne vou agréabl de Zoué meid é quemènt m'hé groehait guet fé, humilité tuemzér ha devotion. Er bedèn n'en dai jamæs rai hir a pe gonz er galon: mæs er bedèn vèrran e zou perpet rai hir, a pe ne gonz quet er galon. Pedet muyan ma heèllehait én ul langage e antandet, ha ne vou quet diæz teoh laquad hou speret hac hou calon de unan guet hou tivès.

Er beden excellantan e ouhemb gober de Zoue, e zou er Pater noster.... (Hun Tad pehani zou en Nean).... Rac hur Salver en des hi composet ha comprenet en-hi é berr guirieu ol er peh e zeliamb goulen guet Doue eid é hloër hac hur salvedigueah. Commance e ra dre ur berr preparation, arlerh pehani é ta seih goulen, a beré en tair quettan e hum zoug a ben-caër de Zoué, hac er pedair aral e

seell han dobérieu.

## Chetui er preparation:

## Hun Tad péhani zou én Nean.

## Chetui er seih goulen:

1. Hou c'Hanhue re-vou santefiet.

2. Hou Rauteleah degasset temb.

3. Hou volanté re-vou groeit ar en doar avel én Nean.

4. Reit temb hinihue hur bara pamdièq.

 Pardonnet temb hun offanceu èl ma pardonnamb d'er-ré en dès hun offancet.

6. N'hun delausquet quet én tantation.

17\* Digitized by Google 7. Mæs delivret ni ag en droug. El-cé re-vou groeit.

Obliget omb de laret er beden-zé bamdé, rac m'en dei ur remæd doh hur pehedeu pamdieq, é-mé S. Augustin. Mæs ul lod vad e hérissehai doh hé laret pe ouiehent erhad petra e larant.

## Explication ag er Pater.

Doué e vènn m'er galhuehemb hun Tad, eit degass chonge temb en en dès hur hrouéet ha queméret eid é vugalé; eit hun doug d'er pedein guet mui a gonfiance, ha de zihoal guet mui a sourci a zisplige tehou. Pebéh outrage e ramb ni dehou doh er galhuein bamdé hun Tad, mar torramb é Ourhemeneu; mar hoarhamb a pe uélamb pé ma cleuamb en offancein! Mèn é ma er hroaidur dessàuet mat hac e hoarhehai pe vehai outraget é dad én é bresance?

Doué e venn ma larchemb hun Tad, ha non pas me Zad; eit degass chonge temb é homb ol berdér é Jesus-Chrouist, ha mambreu d'ur memb corv, péhani zou en Ilis, hac é teliamb ol pedein en eil aveid éguilé, ha memb eit hun enemiset, a p'en dint é vugalé quer clous èl-omb.

Ni e lar péhani zou én Nean: rac penaus-benae m'en dai Doué partout, én Nean é ra neoah splannein é hloër én ur fæçon spécial, hac en Nean e zou hur gùir bro é péhani é teli boud en ol dezirieu a hur halon. Penaus é heèllamb-ni arlerh quementcé bout quer staguet doh en treu tamporel?

Quettan goulen. Hou ç'Hanhue re-vou santefiet.

Dré er guirieu-zé ni e oulen ma vou handuet hac inouret Hanhue en Eutru-Doué guet en ol dud ha guenemb-ni é particuliér, ha ma vou cherviget ar en doar èl m'en dai én Nean. Rac-cé ni e oulèn guet Doué ma tei er Bayannet hac en Héritiquet de handuein er urionné ha de hum gonvertissein : ma tei er béherion d'obér ur bénigèn sincèr ha de bratiquein er vertuyeu; ma tiscoei en ol Grechénion, ha ni é particuliér, dré hur honzeu ha dré hun ævreu é homb bugalé de Zoué, ha ma havancehemb muyoh-mui é parfætion beèd er fin a hur buhé.

Er oulèn-zé quer clous èl er-ré-ral, e zou diazéet ar er guir garanté. Rac en-n'emb e gar Doué, e zezir ma vou hanauet, cherviget hac inouret. Enn'emb e hum gar el mei deliet, e zezir hanauein, chervigein hac inourein en Eutra-Doué: hac enn'emb e gar é Nessan el d'ou é hunan, e zezir ma tei en ol de hanauein, de chervigein ha d'inourein en Eutru-Doué. Mæs er-ré zou teichet de sacrein ha de douyet, pé e gondui ur fal vuhé hemb gobér cas a hum gorrigein, er-ré-zé e brononce ou hondannation quel lies guéh ma larant de Zoué, hou c'Hanhue re-vou santesiet. Rac ou halon e zislar er péh e brononce ou zead. Ind e lar é tezirant ma vou santesiet hac inouret Hanhue en Eutru-Doué: perac é mant ind enta er-ré quettan doh er profanein ha doh en disinourein? Rac-cé eit ma vou sincer hou conzeu, hum impléet dré ur vuhé sautel bac a scuir vat de santefiein Hanhue en Eutru-Doué, ha de zoug er-ré-ral d'er santefiein.

Eil goulèn. Hou Ranteleah degasset temb.

Dré er honzeu-zé ni e oulèn guet Doué ma triomflou én-n'amb dré é hræce, ha ma rei demb triomflein guet-t'ou en é hloër durand en éternité. Rac-cé

Digitized by Google

ni e oulèn ma tei en ol dud de hanàuein Doné èl er Mæstr souveræn drès quement tra zou, ha ma laqueint ou ol joé é haboeissein dehou: ma rei d'en dud just er græce a berseverance, ha d'ou enemiset er græce de hum gonvertissein: ma vou streàuet en llis partout dré er béd, ha ma renonciou en of d'en diaul ha d'é ævreu. Mæs er béherion ahurtet e brononce ou hondannation dré er honzeu-zé; rac ind e lar de Zoué a vég, triomflet én-n'amb dré hou cræce, hac e lar a galon d'en diaul, hui-é hur Roué; ne sèntamb ha ne fal demb sèntein meit dohoh.

Goudé m'hun nès goulênnet guet Doué ma vou santesset é Hanhue, ni er ped de zegass temb é Ranteleah; rac ne ouhemb quet santessein erhad Hanhue eu Eutru-Doué dré hur buhé, ma ne za Jesus-Chrouist de driomssein en hur halon dré é hræce.

Tairvet goulèn. Hou volanté re-vou groeit ar en doar

Dré er honzeu-zé ni e oulén guet Doué er græce de handuein é volanté, de souplein idan d'hi, ha d'hé accomplissein ar en doar el m'hé accompliss en Ælet hac er Sænt ér Baraouis.

Volanté Doué e zou ma resistehemb doh hur goal deichen, ha ma laquehemb poén d'on feahein: ma tihoallehemb doh peb sort péh den, ha ma rehemb pénigèn ag er-ré hun nès commettet, ma pratiquehemb en ol vertuyen, ha ma tehemb dré hur pedenneu hac exampleu mat de zoug er-ré-rald ou fratiquein: ma quemérehemb er stad a vuhé en dès merchet de bep-unan, ha ma vehemb fidel de hum aquittein erhad a hun deværieu beèd er marhue: ansin ma réceuehemb guet trugairé ha resignation

d'é brovidance ol er peh e arrihue guenemb ag é berh pé dré é bermission, hac e hanhuer er béd chanche, accidandeu, malheurieu.... Volanté Doué e zou ma quemérehemb en treu-zé é grad pé èl punitioneu a hur péhedeu, pé èl moyandeu d'avance é santelesh. Rac-cé mar jaugeant guet hun inclination, ni e zeli en trugairicad, hac er pedein d'ou lamein guenemb quentoh eit ma hum chervigehemb a nehai eid en offancein: ha mar dint contrel d'hun inclination, èl mei er holleu, er hlinhuedeu, en afflictioneu.... ni e zeli goulèn guett'ou er græce d'obér un implé mad a nehai, ha ma chervigeint d'hun distaguein doh er béd ha de laquad hun ol chonge guet en treu ag en Nean.

Doué e vènn ma larehemb tehou bamdé, hou volanté re-vou groeit, eit ma santehemb guel hun inclination dalhabl d'en droug, ha ma hanauehemb n'eèllamb, hemb é secour, nac aboeissein dehou na gobér nitra e blige tehou. Mæs ne veèmb quet effrontet assès eit laret tehou, hou volanté re-vou groeit, ma ne fal demb sèntein meit doh hur fantasi ha doh modeu er béd. Pebéh anquin eid un Tad guélet é vugalé é houlèn a vêg ma vou groeit é volanté, hac é chom a vat volanté én disposition dalhabl de zisplige tehou! Èl-cé é ra neoah en

darn-muyan ag er Grechénion.

Goudé m'hun nès pedet Doué de zegass temb é Ranteleah eit ma heèllehemb santefiein é Hanhue, ni e oulèn guet-t'ou er græce d'obér é volanté : rac Jesus-Chrouist ne driomflou én-n'amb dré é hræce ha n'hul laquei de driomflein guet-t'ou én é hloër, meid é quemènt ma rehemb é volanté ar en doar. Pedairvet goulen: Reit temb hinihue hur bara pamdieq

Dré er honzeu-zé ni e oulèn guet Doué er péh çou necessær demb peb dé eit dobérieu er horv ha ré en înean. Jesus-Chrouist en dès comprênet en dobérieu-zé idan er guir bara, eit rein demb d'antand ne zeliamb dezirein na goulen nitra istroh eit hun necessær. Ean en des vennet m'hur bezai laret reit temb huihue, eit m'hur bezai comprenet ne zeliamb quet hum sourciein petra e vou arhoah, hac é vehemb obliget de oulen hun dobérieu arhosh just èl hinihue. A pe laramb hur bara, ni e ra d'antand é fal demb hum boéniein, revé Doué, eid er gounid, hac é ma obliget er-ré pihuiq quer clous el er-ré peur, de oulen guet Doué bamdé ou dobérieu corporel ha spirituel, hac é teliant hanàuein é ma d'é brovidance hemb quin en ou dès obligation ag er peh ou dès mui eid er-ré-ral. Jesus-Chrouist ne zihuen quet neoah a armerh un dra benac eid en amzér de zonnet; mæs ean e zihuên a obér quemênt-cé guet néhance ha guet ur sourci rai hærrus, péhani zou perpet caus ma hancoeher en Eutru-Doue ha ma laquer ol er chonge guet en treu ag er béd.

Er bara pamdieq e zeliamb goulen guet Doué eid er horv, e zou hur bihuance necessær, gusquemant ha logeriss. Mæs én ur oulen quement-cé ne zeliamb quet ancoehad en hun nes ean pedet ér raug d'ober é volanté, hac èl-cé é vehemb coutant hac é tehai dehou refus temb er peh e oulennamb. Doué e bermett guhavé ma vanq d'é serviterion en dobérieu necessærran eid er horv, eid aprouvein ou Fé, eit ou distag doh er béd, ha rein dehai er moyand de bratiquein er batiantæt, ha d'ober ag er

vuhé-men pénigèn ag ou féliedeu. Ag un Tad carantéus ne zeliér jamæs hum glèm.

Er bara pamdièq e zeliamb goulèn eit hun inean, e zou: 1°. Ma vehemb gredus de cheleuet conzeu Doué ha de sèniein doh é Ourhæmeneu 2°. Ma vehemb sourcius de brofittein a hræceu Jesus-Chronist ha de bratiquein er vertuyeu. 3°. Ma vehemb dign de receu er Sacremand ag en Autær quel liès èl ma rai er Grechénion guharal. Er poénieu hac en afflictioneu ag er vuhé, e zou ehué bara pamdièq hun inean; rac ind e chervige de zistag hur halon doh er béd, ha d'hé lusquein trema hé Hrouéour; rac ma pourvæant temb moyandeu excellant de bratiquein er vertuyeu... Én effæd, diæz-é d'un dén pratiquein er batiantæt, par exampl, ma n'en dès nitra d'andur.

Goudé m'hun nès laret de Zoué, hou volanté revou groeit ar en doar avèl én Nean, ni e oulèn guett'ou er péh e ouair e zou requis temb eit dobérieu, er horv ha ré en inean, eit ma heèllehemb accomplissein é volanté santel, hac èl-cé ma triomflou én-n'amb dré é hræce, ha dré er moyand-cé ma vou santefiet é llanhue én-n'amb ha dré-omb.

Pemvet goulèn: Pardonnet temb hun offanceu èl ma pardonnamb d'er-ré en des hun offancet.

Dré er honzeu-zé ni e hanàu dirac Doué é homb péherion, hac eit bout pardonnet guet-t'ou, ni e zisclæri é pardonnamb a greis hur halon d'er-ré en dès hun offancet. Jesus-Chrouist en dès laqueit itré hun deourn, er moyand de dènnein ar-n'amb é visericord; Pardonnet, é-m'ean, hac é vou pardonnet teoh. Mæs a fæd er-ré e oarn én ou halon caz doh en Nessan, pé e zezir hum vangein, ean en dès

vennet m'ou devezai prononcet int-memb ou santance hac ou hondannation quel liès guéh m'ou devai laret er beden-zé. Rac laret de Zoué; pardonnet temb èl ma pardonnamb, e zou laret : groeit temb èl ma ramb d'er-ré-ral; ne bardonnet quet demb ma ne bardonnamb; discarguet ar-n'amb hou vangeance hac en drougueu e zeziramb d'er-ré-ral.

N'en dai quet laret eit quement-cé penaus er-ré e oarn caz ha malice doh en Nessan, ne zeliehent quet gobér er beden-zé: mæs ind e zeli changein a santimant, ha pardonnein a greis ou halon, eit ma veint er stad de laret el ma faut ur beden e ordren hur Salver gobér bamdé. Rac, ha ne hum sante-hemb-ni cablus a béhet er bet, ne ouzamb quet penaus é homb dirac Doué; hac assès vehai demb chongeal bout dibéh, eit bout cablus dirac é zeulagad. En hani e lar n'en dai cablus a béhet er bet, e hum dromp, é-mé S. Yehan, hac er urionné n'en dai quet guet-t'ou.

N'en dai quet laret ehué é homb obliget absolumant de bardonnein en argand pé en treu e zeliér
demb, a pe uélamb ne vai quet volanté d'ou daccor,
Permettet-é de bep-unan impléein er moyandeu
legitim, eid en devoud é dra. Mæs obliget omb
perpet de bardonnein en affront e ra demb er-ré e
refus a zaccor demb hun treu. S. Augustin e gonseill memb èl un ævr a charité, pardonnein d'erré-zé er péh e zeliant: rac, e lar ean, hac é vehènt
int pihuiq, peur erhoalh ind a pe n'ou dès nitra de
rein.

En ol e ouair pensus opèn en disposition de bardonnein d'er-ré-ral eit bout pardonnet guet Doué, é ma requis hosh en doud ur gùir gontrition ag er péhedeu guet ur ferm propos n'ou hommetteher mui: rac gober goab a Zoue vehai goulen guet-t'ou pardon a béhedeu, e ver hoah disposet de gommettein.

Goudé m'hun nès goulennet guet Doué ma vou santefiet é Hanhue, ha ma triomflou én-n'amb dré é hræce eit ma rehemb é volanté, ni e avoué en hun nès dobér a secourieu spirituel ha corporel eit ma heèllehemb é accomplissein, hac a visericord ha pardon a hur péhedeu, eit ne vireint quet dohemb a receu er secourieu-zé.

Huéhvet goulen. N'hun delausquet quet én tantation.

Dré er honzeu-zé ni e oulen guet Doué: 1°. Ne bermettou quet ma hum laquehemb én dangér a en offancein. 2°. Ma rei demb er græce de resistein doh en tantationeu ha de zoug er victoër ar nehai. 3°. N'hul lausquou quet de sentein doh en dezirieu a hur halon, a pe veint contrel d'é volanté. 4°. Ma tegassou demb afflictioneu tamporel quêntoh eit prospérité, péhani e vehai caus demb marcé de goll hun inean. 5°. Ma rei demb nærh de feahein en diaul guet é ardeu; de zisprisein er béd guet é vobanceu, ha de gastiein er horv guet é ol inclinationeu. 6°. Anfin mar hul lausq de gouéh guet en tantation, ma rei demb er græce de hum sehuel pront ha de reparein hur faute.

Mab dén e zou exposet de dantationeu continuel: attaquet-é ag un tu guet er goal speret; ag en tu aral guet er béd ha guet er hiq, ha n'en dai quet possibl dehou, hemb græce Doué, resistein peèl doh enemiset quer puissant. Gùir-é, en tantation a nehi hé hunan n'en dai quet ur péhet: é contrel, un occasion a veritt-é eid er-ré e resist doh-t'hi

guet courage, hac e ouair profitein a nehi. (Leinet er buarvet Parti ag el Livr ag er Vuhé devod.) Mæs dré ur just jugemant Doué e abandon guhavé en dud d'en dezir ag ou halon, hac e accord dehai danné, inourieu hac avantageu tamporel, a béré é houair é habuseint eid en offancein. Quemènt-cé e arrihue guet-t'ai é punition ag ou féhedeu; ha Doué e glasq èl-cé ou laquad de zigueor ou deulagad eit ma hanàueint ar ou houst péh quer miserabl-é en hani ne héli meid é volanté propr.

Mar fal demb enta bout cheleuet guet Doué a pe laramb tehou, n'hun delausquet quet én tantation, ni e zeli peellad doh ol er peh e zou eid-omb occasion de vout tantet. Rac gober goab a nehou-é er pedein d'hur secour én tantation, durand ma clas-

quamb ha ma caramb en tantation.

Goudé m'hun nès goulènnet guet Doué pardon ag er péhedeu hun nès commettet, ni e oulèn guettou er græce de vout preservet a gouéh én-ai én amzér de zonnet, a-celfin ma vehemb cavet dign de receu er secourien spirituel ha corporet eid accomplissein é volanté ar en doar, hac èl-cé ma triomflou én-n'amb dré é hræce, ha ma vou santefiet é Hanhue santel.

Sèihvet goulen. Mæs delivret ni ag en droug.

Dré er honzeu-zé ni e béd Doué d'hur preservein doh er péhet ha doh en occasioneu a béhet, doh malice en diaul, doh furi hur goal inclinationeu ha fal acustumanceu, doh er revolteu ag er hiq, doh en ignorance ha disprisance eid en inspirationeu a ziar-hlué, doh en obstination a galon, doh custumeu ha goapereah er béd, doh er marhue é goal stad, ha doh en dannation éternel.

A fæd er miserieu ag er vuhé presant, èl mei er hlinhuedeu, er beuranté, er holleu, er brizel, er vocèn, er guerteri, etc., péré ne arrihuant guenemb meid é punition a hur péhedeu, pé eit purifiein hur vertuyeu, ni e oulèn guet Doué m'hur preservou, pé m'hun delivrou a nehai, mar dai é volanté ha non pas quin. Rac ne oulennamb meit bont delivret ag en droug; hac er miserieu ag er vuhé-men, n'en dint quet é gurionné un droug, a pe hur secourant quemènt de hum salvein. É contrel, er yéhæd, er brospérité, en danné, en inourieu... e zou ur guir droug aveid omb, mar abusamb a nehai eid offancein Doué: hac ag er sort-zé é houlènnamb bout delivret a pe laramb, delivret-ni ag en droug.

Arlerh quement-ce petra chongeal a beden er-re e abus ag ou madeu, ag er yehæd, ag er brosperite?... Petra chongeal nameid é ma faus ou feden, hac é larant de Zoué er péh ne fal quet dehai laret. Racind e oulen er péh ne zezirant quet, de laret-é, é léh er yéhæd, er madeu hac er brosperité, péré zou un droug aveit-t'ai, ind e oulen poénieu ha

miser, péré e vehai ur vad aveit-t'ai.

Er seihvet goulen ag er Pater, e gompren é berr guirieu en huéh aral. Rac goulen guet Doué m'hun delivrou ag en droug, e zou goulen guet-t'ou m'hur preservou doh en tantationeu, ma pardonnou demb hun offanceu, ma rei demb dobérieu en inean ha ré er horv, ma hroei demb accomplissein é volanté, ma triomflou én-n'amb dré é hræce eit ma triomflehemb guet-t'ou én é hloër, ha ma vihuehemb quen erhad ma vou santefiet partout é Hanhue santel.

## Explication ag er guir Amen.

Er guir, Amen, e larer én achémand ag er Pater, hac ag en ol pedenneu e ra en Ilis, e senéfi, Èl-cé re-vou groet; me gousantt, me zezir ma vou èl-cé. Er guir-zé é hunan e zou ur beden excellant, hac e exprim én un taul en ol santimanteu a Religion hac a zevotion hun nès én hur halon, er gousantemand e ramb d'er péh e oulèn en Ilis aveid omb, hac en attantion e laquamb de bedein ehué guet-hi. Réd-é enta dihoal a er prononcein dré acustumance, mæs guet respèt ha devotion, quel liès guéh m'el laramb pé én Overèn, pé én achémand ag er pedenneu aral.

## Explication ag en Ave, Maria.

En excellantan pedèn e fehemb gobér d'er Uériès, e zou en Ave, Maria, rac ma comprên ol er péh e cèllamb laret caërran én hé inour, hac ol er péh e cèllamb goulèn guet Doué dré hé intercession. Composet-é: 10. A gonzeu en Arh-Æl Gabriel, a pe annonças d'er Uériès er Mistèr ag en Incarnation. 20. A gonzeu Santès Elizabeth, mam S. Yehàn, a pe oai bet visitet guet er Uériès santel, hé heniterhue. 30. A gonzeu en Ilis assamblet ér Honcil a Nicé.

#### I. Conzeu en Æl.

Me hou salud; de laret-é, m'hou respêtt hac hou c'inour, rac ma hoh destinet a ol viscoah eit bout Mam de Zoué ha ma hoh bet goalhet a hræceu drès en ol Sænt hac Ælet.

Mari e senéfi sàuet drès en ol treu crouéet. Lén a hræce ; de laret-é, n'en dès én-ah péhet er bet: hui zou tout pur ha santel: carguet-oh a zonæzoneu preciussan en Eutru-Doué, hac ag en ol vertuyeu e jauge doh hou qualité a Vam de Zoué.

En Eutru-Doué e zou guenech; de laret-é, Doué en dès hou preservet én ur fæçon spécial drès en ol dud doh peb sort péhet: ean e hum blige é hobér é zamurance én hou calon, èl én é Dampi.

Hui zou béniguet drès en ol groagué; de lareté, ag en ol merhet e zou bet biscoah, hace eell bout de jamæs béniguet guet Doué, hanni n'hi dès receuet na ne receuou, ur faveur haval doh en hani e hoès hui bet, de vout choæget a ol éternité eit bout Mam de Zoué, eit bout Mam ha Guériès assambl.

#### II. Conzeu Santès Elizabeth.

Ha béniquet-é er fréh a hou corv, Jesus; Jesus-Chrouist revé mei dén, e zou bet béniquet ha santesiet guet Doué drès en Ælet hac en ol dud assambl: Jesus-Chrouist revé mei Doué ha dén, e zou er vamèn ag er venidiction reit d'en Ælet ha d'en dud, ha d'er Uériès santel é particuliér.

#### III. Conzeu en Ilis

Santès Mari, Mam de Zoué. A pe laramb d'er Uériès é ma Mam de Zoué, ne fal quet demb laret é ma Mam d'en Divinité: Rac Doué u'en dès quet bet a gommancement, na n'en devou quet a fin. Mæs ni e antand en en dès Mab Doué en eil Person ag en Drindet, queméret ur horv itré digosté er Uériès, hac èl-cé en hi dès conceuet ha laqueit ér béd Jesus-Chrouist, Doué ha dén assambl.

Pedet eid-omb. Deusto peh quen ihuel é ma sauet er Uériès, ne hum avisamb quet neoah de onlèn guet-hi er græceu a béré en hun nès dobér; mæs ni hé fèd de oulèn aveid omb er græceu-zé guet Doué, péhani zou é hunan er vamèn ag en ol græceu, rac ma houiamb é ma bras hé fauvoër ital hé Mab Jesus, hac é ma dré-d'hi é spécial é haccord Doué demb er secourieu necessær eit gobér hur salvedigueah.

Queih péherion. Er Uériès e zou Avocadès er béherion hac e zezir ma hum gonvertisseint, rac ma houair n'en dai deit hé Mab Jesus ar en doar meid eit ou salvein. Rac-cé sèl-mui ma handuehemb é homb péherion ha miserabl, sèl assurettoh vehemb a hur bout dré hé intercession ol er péh e oulènnehemb.

Bermen; de laret-é, durand er perhindæt trist ag er vuhé-men, é péhani en hun nès dalh-mat péhedeu nehué d'effacein, scosselleu nehué de dræzein, deværieu nehué d'accomplissein, enemiset nehué de feahein, etc.

Hac én ær a hur marhue; rac nezé é tisplægou en diaul é ol ardeu inemp temb, hac en hur bou muyan dobér a secour. Doh ma treménehemb er momand-hont, é vehemb heurus pé malheurus durand un éternité.

(Ne gonzamb quet amen ag er Chapelet. El Livr Pedenneu e expliq assès é petra é consist en devotion-zé, ha péh quer profittabl-é.)

## Explication ag en Angelus.

En Ilis e recommand sonnein er hloh de vitin, de greisté ha de noz, eid avertissein er Fidelet: 1°. de drugairicad Doué ahoël tair guéh én dé ag er Mistèr a Incarnation Jesus-Chrouist: 2°. de oulèn nezé guet en Drindet Santel er græce de vout

lodeq er gloër éternel, dré veriteu Marhue ha Passion hur Salvér : 30 de hum rejouissein guet er Uériès santel ag er bonheur hi dès bet de vout choæget eit bout Mam de Zoué, ha de hum laquad idan he frotection. Chetui er beden e zelier laret nezé.

Angelus Domini nunde Spiritu Sancto.

Ave , Maria ....

MARIA respondit. Ecce ancilla Domini; bum tuum.

Ave, Maria .... Et Verbum caro factum Ave, Maria...

Un Æl a berh Doué e antiavit Mariæ, et concepit nonças de Vari (é vezai bes Mam de Zoué), hac hi e gonceuas dré operation er Speret-Santel. Me hou salud, Mari...

MARI e rescondas.

Me zou matéh d'en Eutrnfiat mihi secundum ver-Doué; re - vou groeit teign revé hou conz.

Me hou salud, Mari .... Ha Mab Doué en dès queest, et habitavit in nobis. méret ur horv, hac en dès chomet én hur mésq.

Me hou salud, Mari ...

(Hui e gavou él Livr Pedenneu er bedèn e larér arlerh, guet en Indulgeanceu e accord en Ilis d'erré e lar en Angelus guet devotion, ha non pas dré acustomance ha hemb attantion, èl ma ra ul lod vat. Ne ver quet obliget de laret er beden-ze idan boén a béhei.

## ARTICL II.

# Ag er Pedenneu public.

LDAN en hanhue a bedenneu publiq é ma comprénet ehué er ceremonieu ha pratiqueu e implé en Ilis, eit doug er Fidelet d'inoutein Doué pé er Sænt.

## Ag en Deur béniguet.

Laquad e rér deur béniguet ital doreu en Ilisieu. eit degass chonge d'er Fidelet a oulen guet Doné er græce de vout purifiet ag ou féhedeu, eit ma vou profitabl dehai er pedenneu e yant d'obér. Guha-ral ne oai quet én Ilis, mæs ér mæz ag en Ilis, é laqueit en deur béniguet én ul lestr bras, eit m'en devezai cellet er Fidelet golhein ou deourn hac ou face quend antréein en Ilis.

Er pedenneu e ra en Ilis eit béniguédein en deur. hi e oulen guet Doué ne bermettou quet m'en deyou en diaulet berh er bet ar en dud, pé ar en treu ma touchou en deur-zé doh-t'ai ; mæs ma veint

santefiet dré bresance er Speret-Santel.

Turel e rér en espergès ar er bobl quend en Overen, eit goulen guet Doué ne bermettou quet ma tei er goal speret de dreboulein hanni durand en Overen, mæs ma tei er Speret-Santel de burifiein calonen er Fidelet, eit ma veint devod er Sacrifice.

En Ilis e recommand d'hé bugalé cass guet-t'ai deur béniguet d'ou ziér, eit ma heèlleint hum groezein guet-t'ou guet respèt ha devotion, de vitin ha de noz quend commance ou fedenneu, a pe veint

tantet, a pe veint én un dangér benac, etc.

Turel e rér deur béniguet ar gorveu hac ar véyeu er-ré varhue, eit goulen guet Doné dré vertu er pedenneu en dès groeit en Ilis ar en deur-zé, peah ha repoz éternel d'en incanneu e andur ér Purgatoër.

# Ag er Bara beniguet.

A oudé m'en dai deit er Grechénion de vout quer yein ha quen digas doh er Gommunion, ital ma hosi er-ré guharal, péré en doai custum de gommuniein en Overen ma hassistent, en Ilis en des quemeret en usage de veniguedein bara ha d'er rannein itre er Fidelet, eit degass chonge te-hai ag er bara disquennet ag en Nean, e receuer er Gommunion, hac'e teliant el mambreu d'ur memb corv, péhani zou Jesus-Chrouist, bout joentet as-sambl dré ur garante parfæt.

Er bara béniguet e zeli bout queméret ha daibret guet respèt. Eèllein e rér en daibrein pé én Ilis ér momand ma rér de gommuniein, pé én ur monet d'er guær, mæs ne zeliér quet er heigein émésq bouéd aral. Mad-é ehué cass a nehou d'er-ré n'ou dès quet eèllet assistein én Overèn-brèd.

# Ag er Prehecioneu.

En usage d'obér Preliecion quend en Overen-Brèd, hac é circonstanceu aral, en dès commancet burhud guet en Ilis. Ne hum abusehemb quet de verchein amen en occasioneu disserant en des reit léh d'en usage-cé: mæs ni e ouair penaus er Prehecionen é general e zegass chonge temb n'en domb meit perhinderion ar en doar; n'en dai quet honnèn é hur bro; mæs é havançamb bamdé trema hul logeriss éternel. Douguein e rér attau é pen er Prehecion, ur Groes, guhavé ur Banniél ha Limageu aral, eit rein demb d'antand penaus, mar fal demb gobér ur voyage heurus ér vuhé-men, hac arrihue guet assurance én Nean, réd-é ma quêrhehemb arlerh Jesus-Chrouist crucifiet, én ur guemér scuir ar er vertuyeu en des pratiquet, hac en des ansaignet temb én é Aviél santel.

Ne faut quet mouet d'er Prehecioneu el d'ur foër, pé d'un divertissement, eit guelet ha bout guelet: mæs réd-é monet dehai guet en intantion m'en dint bet instituet dré en Ilis; assistein én-ai guet modesti ha devotion, ha derhel er chonge guet un dra vat benac durand en amzér-zé.

## Ag er Proveu hac ag en Deaugueu.

Er Proveu e zou actioneu santel ordiénet dré en Ilis, dré béré er Fidelet doh hum offrein de Zoué, e offr ehué un dra benac ag ou madeu eid antretenein en Ilisieu, eit tènnein bénidiction en Nean ar nehai hac ar ou zreu, hac eit merchein é ma de Zoué hemb quin en ou dès obligation ag er péh ou dès.

En ol e ouair é vér obliget de bayein en Deaugueu, ha n'eèllér quet manquein d'en obligation-zé, hemb torrein Gourhæmeneu Doué. Ol er péh hun nès, e zou de Zoué; hac ean e vènn ma sacrifiehemb ul lod benac a nehai, eit discoein é houiamb grad tehou ag é vadeleah én hur hevir, hac ag er sourci en dès de bourvæein demb hun dobérieu.

(Conzet hun nès él léh aral ag er Pron hac ag en Instructioneu.)

# Ag er Goleu hac ag el Lampreu.

Er mod d'alum Goleu durand en Officeu, e oai hanàuet ag er puarvet-cant vlæad (siècle). Er goleu-zé e eèll hout consideret èl er symbol a Jesus-Chrouist, péhani zou sclærdér er bet, hac a Fé er Fidelet, péhani èl ur oleuen spirituel, e ra dehai sclærdér eit monet drèd de Zoué.

Alum e rér ehué goleu ital er-ré varhue eit discoein en ou des quérhet durand ou buhé doh er sclærdér ag er Fé, hac é hès esperance é veint lodeq ér Resurrection glorius, dré veriteu Jesus-Chrouist é péhani en ou dès credet hac esperet. El Lampr e alumér én Ilisieu dirac er Sacremand, e eell bout consideret el er symbol ag en dezir e zeli er Fidelet ou dout de chom dalh-mat én adoration dirac Jesus, ha de losquein guet caranté eit-t'ou, el ma losq er goleu-zé én é inour.

# Ag en Ançans.

En Ançans e zou-er figur a bedenneu er Fidelet: en officin e rér de Zoué el ur merche ag en inour hac aboeissance e zou deliet tehou èl d'er Mæstr general drès ol quemènt tra zou, hac eit discoein en dezir hun nès ma sauou hur pedenneu bet-hac é dronn, guet er moguét ag en ançans-zé.

Ançansein e rér en Autærieu, eit pedein Jesus-Chrouist figuret én Apocalyps dré en Autær d'a-

gréein hur pedenneu figuret dré en ançans.

Ançansein e rér er Hroësieu hac el Limageu, eit ma pligeou guet er Sænt e represantant, offrein hur pedenneu de Zoué.

Ançansein e rér er Fidelet, eit ou avertissein de hum schuel trema Doué dré bedenneu gredus, ha de vihuein quen erhad, ma streàueint partout er oust vad a Jesus-Chrouist.

# Ag er Han én Officeu.

En Ælet hac er Sænt én Nean e gan hemb cèss melodi de Zoué, hac en Ilis en dès reglet er han én Officeu eit hun désquein d'er mêlein ha d'en trugairicat guet-t'ai, ahoël a pe hum assamblamb eid en inourein. Ul lod vad e eell laret ar ou houstn'ou dès quet bet méh é cannein treu e zispligeai de Zoué; perac en hur behai-ni méh é cannein gloër hac inour dehou.

Mæs en Ilis e venn ma cannehemb modestemant ha poset; ha hoah posettoh d'er Sulieu ha d'er Gouilieu bras, aveit d'er-ré ordinær. Réd-é prononcein erhad er honzeu, ha hum accordein perpet: cannein a galon quêntoh eid a vêg, ha chongeal erhad é fal de Zoué bout cherviget, melet hac adoret a speret hac é gurionné. (\*)

## ARTICL III.

# 'Ag er Sacrifice ag en Overen.

En Sacrifice ag en Overen e zou en excellantan ag en ol pedenneu. Er guir Sacrifice é general e senéfi ol en actioneu a Religion, dré béré é ta mab-dén de hum offrein de Zoué ha de hum joen - tein doh-t'ou; èl mei pedein Doué; er mêlein, miret é Lezen, er gontrition, en ævreu a visericord, hnm zizobér ag un dra benac a balamor de Zoué, etc.

Er guir Sacrifice é particuliér e senéfi en offrand ag un dra sansibl groeit de Zoué, eit bout distru-

get pe changet eid e vrassan gloër hac inour.

Er Sacrifice e zou interior pe exterior. Er Sacrifice interior e zou en offrand e ramb de Zoué a hanamb hun hunan eit hum joentein doh-t'ou, hac eit gobér ol é volanté. Ag er Sacrifice-zé é conz S. Paul a pe lar penaus Jesus-Chrouist en ur zonnet ar en doar, e adressas d'é Dad Éternel er honzeumen ag er Profæt David: Er Sacrificeu en dès of-

<sup>(\*)</sup> Boud e vou chué goudé Livreu Breton ha Latin ag en Officeu eid er Gouilieu principal durand, er blæ.

fret en dud eit ou féhedeu, n'en dint quet bet agréabl deoh; nezé me mès laret: Chetui mé eit gobér hou volanté. Ya, men Doué, me vènn hé gobér, ha me zoug hou Lezèn ém halon. Ne rér er sort Sacrificeu-zé de Zoué, meid a p'er harér a uir galon.

Er Sacrifice exterior e zou en offrand ag un dra benac sansibl, el ma hoai guharal en offrand a lonnet hac a einet, hac el mei bermen en offrand a Gory hac a Oaid hur Salvér idan en aparanceu ag er bara hac er gùin. Mæs eid inourein Doué dré er Sacrificeu exterior, réd-é ma vou interior en offrand, de laret-é, réd é ma hum offrou er galon guet en dra sansibl e offrér de Zoué. Rac-cé ér goh Lezen, er-ré e offrai Sacrificeu de Zoué, n'en inourent quet, ma ne joentent guet ou offrand exterior, en offrand a nehai ou hunan hac a hou haranté. El-cé ehué er Grechénion péré e assist ér Sacrifice ag el Lezèn nehué, mar manquant a hum offrein int memb de Zoué, meriteu Jesus-Chrouist, péhani zou offret hac e hum offr ean memb dre zeourn er Belêg, e zou ur Sacrifice perpet agréabl de Zoué; mæs action er Grechénion-zé, n'inour quet Doué: rac n'en inourér, é-mé S. Augustin, meid a p'er harér. En offrand exterior e zeli bout perpet ur merche sincer ag en dispositioneu a galon é quevir en Entru-Doné.

N'en dès enta hanni exant a offrein de Zoué er Sacrifice interior ag é garanté. Rac Doué n'en dès hur hrouéet meid eid en inourein hac er glorifiein; ha ne fehemb quet en inourein hac er glorifiein, meit doh er harein a greis hur halon drès quemènt tra zou ol.

Obliget-omb d'offrein ehué de Zoué ur Sacrifice benac exterior : hac en diaulet, revé S. Augustin,

n'eu dès goulènnet Sacrificeu guharal guet er-ré ou adorai, nameit rac ma houient é ma obliget mabdén d'offrein de Zoué ur Sacrifice benac exterior. Er Sacrifice exterior e zou bet consideret guet en ol pobleu ag er béd, èl er moyand excellantan eit discoein de Zoué en dispositioneu a hur halon é quevir é Vajesté souveræn, ha n'eèll quet boud a Religion él léh n'en dès quet a Sacrifice exterior.

Mæs é petra é consist er Sacrifice él Lezèn nehué? Quent Lezèn Moyse peb-unan e oai libr d'offrein de Zoué er Sacrifice e gavai jaugeaplan eid en inourein. Abel e offrai é lonnet guellan: Caïn e offrai ag er péh e æstai: Melchisedech e offras bara ha guin é Sacrifice. Ér goh Lezèn Doué e ras d'er Juivet regleu certæn eid er Sacrificeu hac eid er péh e zelient offrein. Mæs èl ne oai quet possibl, èl ma lar S. Paul, ma vezai bet distannet colér en Eutru-Doué guet goaid el lonnet-hont e offrait dehou, Jesus-Chronist en dès dismantet er Sacrificeu-zé hac ou homprenet ol én hani en dès offret ar er Groès, hac e zou continuet ar en Autærieu partout ér Grechénesh.

Ne hum abusehemb quet amen de gonz a Sacrificeu er Juivet: assès-é ma houiehait é hoènt oler squèd hac er figur a Sacrifice Jesus-Chrouist, ha ne oènt agrés bl de Zoué meid é quemènt ma hoènt offret tehou guet er santimanteu ag ur galon humiliet, ha guet ur Fé bihue ér Messi e ortai er Juivet, hac e oai represantet ha burhud offret dré er Sacrificeu-hont. Gobér injur de Jesus-Chrouist vehait chongeal bermen é heèllér inourein Doué dré ne vern péh Sacrifice dihaval doh en hani en dès ean instituet, hac e vou continuet en Ilis beed er fin ag er béd.

Er Sacrifice ag en Overèn e zou enta er Sacrifice a Gorv hac a Oaid precius Jesus-Chrouist, e offr Jesus-Chrouist hac en Ilis de Zoué dré zeourn er Velean, idan en aparanceu ag er bara hac er gùin, eit continuein ha represantein er Sacrifice ag er Groès: pé, èl ma lar er Hatechen, en Overèn e zou er Sacrifice ag er Groès offret a nehué en ur fæçon n'en dès quet a Oaid schillet

En Overen e zou ur guir Sacrifice: rac dré er guirieu ag er Gonsecration e brononce er Belêg é Hanhue Jesus-Chrouist, er sustance ag er bara e zou changet ér sustance a Gorv hur Salvér, hac er sustance ag er guin ér sustance ag é Oaid. En Overen e zou er Sacrifice ag er Groes offret a nehué; rac én eil hac éguilé en hum gav er memb Sacreficatour hac er memb Hosti, dré ma hum offr Jesus-Chrouist ar en Autær dré zeourn er Belêg, quer guir èl m'en dès hum offret ar er Groès.

Jesus-Chronist en dès instituet er Sacrifice-zé en noz ma hoait doh er guerhein, doh en trahissein, é complodein el laquad d'er marhue. Nezé é ras pouvoër d'en Apostolet ha d'er Velean er ou lerh, d'obér er péh en doai ean groeit, ha d'offrein er Sacrifice èl m'en doai ean offret; ha penaus-benac ma larér en Overèn en un afin a léhieu er memb momand, n'en dès neoah meid ur memb Sacrifice, péhani zou er Sacrifice ag er Groès continuet ha represantet dré bep Overèn: rac n'en dès partout meid er memb Sacrificatour hac er memb Hosti.

Ér goh Lezèn boud é hoai Sacrificeu a adoration, Sacrificeu a drugairé, Sacrificeu é remission ag er péhedeu, ha Sacrificeu a oulèn: él Lezèn nehué er Sacrifice ag en Overèn é hunan e gomprên ol'Sacrificeu er Juivet, hac instituet-é eit rein demb er moyand caerran hac excellantan e fehai boud : 1°. eid adorein Doué quement el ma veritt boud adoret; 2°. eid en trugairicad quement el ma teli bout trugairicait; 3°. eit gobér satisfaction antier d'é justice, el ma teli bout groeit; 4°. eit goulen guet-t'ou er secourieu e zou necessær demb revé er horv ha revé en inean.

pabl d'adorein Doué èl er Mæstr a quemènt tra zou ol, na d'en inourein quemend èl ma veritt : mæs dré er Sacrifice ag en Overèn Jesus-Chrouist Doué ha Dén e hum offr hoah bamdé d'é Dad Éternel aveid omb, èl m'en dès hum offret ar er Halvær, ha ni e hum offr ehué dré d'ou ha guet-t'ou eid hanauein en ol droæd, puissance hac otorité en dès Doué ar-n'amb hac ar guemènt tra zou crouéet.

2º. Doué en dès reit demb hac e ra hoah bamdé, peb sort græce, secour ha bénidiction revé er horv ha revé en inean. Penaus vehai demb-ni en trugairicad quemènd èl ma veritt? N'hun nès nitra a hanamb hun hunan de bresantein dehou. Mæs ni hun nès d'offrein dehou aveid omb dré zeourn er Belég, er Sacrifice a Gorv hac a Oaid Jesus-Chrouist é Vab carantéus: èl-cé ni hun nès guel moyand d'en trugairicad, eit pe vehemb mæstr ag en ol treu crouéet ha m'ou offrehemb ol dehou én un taul é trugairé ag er vad en dès groeit temb hac e ra hoah bamdé.

30. Meritet hun nès er bouis a golèr hac a vangeance hun Doué: ne fehemb quet hun hunan gobér satisfaction antiér d'é justice eit hur péhedeu. Mæs er Sacrifice ag en Overèn en dès ur briz hemb som eit distannein colèr hun Tad, eid arrest é vangeance, eit désarmein é justice, a pe offramb dehou Corv ha Goaid adorabl é Vab, péhani e hum laqua bamdé ar en Autær itré é justice ha ni, hac e offr houh bamdé er meritt ag é Bassion eit satisfaction aveid omb. Ne oulèn guenemb meit ma hassistehemb ér Sacrifice-zé guet contrition ha guet er santimanteu en doai el Lair mat doh er Groès.

4°. Dobér hun nès a græceu hac a bep sort secourieu ér vuhé-men: n'eèllamb receu nitra guet Doué meit dré Jesus-Chrouist: rac-cé én Overèn ni e offr d'en Tad Eternel é Vab carantéus, eit goulèn dré d'ou ha guet-t'ou en ol græceu ha secourieu a béré en hun nès dobér, pé ni ou goulèn aveid er ré-ral.

El-cé ni e gav én un taul ér Sacrifice ag en Overèn er moyandeu excellantan d'adorein Doué, d'en trugairicad, de dènnein ar-n'amb é visericord, (en Overèn cleuet guet Fé e veritt demb er remission a hur péhedeu veniel, hac en dispositioneu necessær eit hur boud ér Sacremand a Bénigèn er pardon a hur péhedeu marvel), ha d'hur boud er secourieu necessær, non pas hemb quin aveid omb, mæs memb aveid er ré-ral. Rac er Sacrifice e zou offret eid en ol dud, é spécial eid er Fidelet bihue ha marhue, de laret-é, e zou hoah ar en doar, pé e zou ér Purgatoër. Rac a fæd er-ré zou én ihuern, ou foénieu e zou éternel, ha ne fehènt quet bout bèrreit na bihanneit.

Offrein e rér er Sacrifice aveid er-ré vihue, eit goulèn guet Doué conversion er béherion, perse-verance er-ré just, salvedigueah en ol, hac er moyandeu necessær de bep-unan eit gounid er Baraouis. En offrein e rér eid en ineanneu ag er Purgatoër, eit ma pligeou guet Doué ou soulagein én ou foénieu hac ou zènnein guet-t'ou d'er joyeu éternel.

Ul lod vad a pe recommandant Overenneu est ou ré dreménet, e sal dehai perpet ma vou laret en Overen a Requiem, guet er chonge ou dès é ma prositaploh eid er-ré varhue un Overen laret guet un Orlemant du, eid unan laret guet un Orlemant ag ul lihue aral. En dud-cé e hum dromp a vras : el lihue ag en Orlemant ne change nitra én Overen, ha quer clous é pedér én un Overen aral, el é unan a Requiem, eid er-ré varhue e zezirér é particuliér recommandein de Zoué.

Er Sacrifice ag en Overen n'en dai offret meit de Zoué hemb quin : rac-cé a pe larér, Overen S. Pierr, Overen S. Yehan, Overen er Ueries, Overen er-ré varhue, etc., n'en dai quet laret é hoffrér er Sacrifice d'er Sænt-cé : quement-cé ne senéfi nameid en Overen e offrer de Zoue de ou Gouil, hac é péhani é hadressér dehai é particuliér er pedenneu e larer quend er Sacrifice; just el ma hanhues Overen er-ré varhue, en hani e larer guet Orlemanteu du, hac é péhani é pedér é spécial eid er-ré treménet. Mæs é garionné ol en Overenneu e larér ne vern de beh de durand er blæ, e zou offret de Zoué hemb quin é mimoër ag er Sænt, eid er Fidelet bibue ha marhue. El-cé en Overen e zou Sacrifice en Ilis antiér. Jesus-Chrouist er pen a nehi, e offr er Sacrifice: en Ilis e zou ar en doar, de lareté, en assamblé a Fidelet Crechénion, e hom joens guet Jesus-Chrouist eid en offrein guet-t'ou : bi e hum joenst ehué guet en Ilis e zou en Nean; hac èl-cé er Fidelet hac er Sænt joentet assambl guet Jesus-Chrouist e oulen guet Doné misericord eid en Ilis e zou ér Purgatoër.

A fæd en Orlemanten hac en dillad e chervige de laret en Overen, ni hun nes laret petra e represantant, en un expliquein er ceremoniag en Urheu-Eèllein e rér hoah gobér ar nehai reflexioneu devod. Par exampl:

En Amit e eell bout consideret el er figur ag er mouched e laquas er Soudardet ar face hur Salver, a pe stouyent ital é dreid eit gober goab a nehou.

En Aub e represantt er sai-uen e oai bet reit de Jesus é ti Herod, eit ma vezai bet seellet el ur foll.

Er Hordon e represantt er gorden guet pehani

é hoai bet garrottet ér Jardrin-Olivet.

Er Manipul, péhani ne oai a gommance meid ur mouchèd e laquait ar vréh er Belég eit chervige dehou de dorchein é zeourn, e eèll bout consideret èl er figur ag er gordèn guet péhani é hoai bet staguet deourn Jesus don er pilær én é Flagellation.

Er Stol e represantt er gorden e oai bet laqueit é querhen goug Jesus eit monet d'er Halvær; hac er Gasul, er Groes ponnér e oai bet laqueit ar é ziscosi.

Er Chapeu, péré a gommance ne oènt meit mantelleu e zougait ér Prehecion, a pe rai glàu, e eèll bout consideret èl er figur ag er vantèll ru e oai bet laqueit ar ziscoai Jesus a pe oai bet discoeit d'er bobl.

Er Gasul a gommance ne oai quet feutet èl mei bermen. Groeit oai ér mod guet ur sah, nameid ur feutt e oai d'er hlué eit passein er pèn. Hé zronsein e rait ar zivréh er Belèg a pe oai requis tehou en doud é zeourn libr, hac a va-zé é ma deit er mod e uelamb hoah bermen de sehuel er Gasul, a pe sau er Belèg en Hosti.

Hum chervigein e rer en Overen a Orlemanten gueh ag ul lihue, gueh ag ul lihue aral, reve er Misterieu, pe er Sænt e inourer. Par exampl, er-re e lar er Breviér Parisiein, e hum chervige a Orlemanteu guèn eit Misterieu glorius hur Salvér, eit Gouilieu er Guériezet, etc. A Orlemanteu ru eit Sul er Pantecoust hac er Sulieu aral beèd en Avènd, eit Gouil er Sacremant ha Gouilieu er Vartiret. A Orlemanteu violet eid en Avènd, eid en déieu a bénigèn, eit Gouilieu er Sænt Menéh ha Belean, hac er-ré en dès bihuet ér stad a Briedereah. A Orlemanteu guerh eit Gouilieu er Sænt Pabet hac Escobet. A Orlemanteu lihue ludu eid er Hoaris; hac a Orlemanteu du guet ur vordèn ru eid er Bassion. En ol e ouair é ma libr en Ilis de changein hé reglemanteu a fæd er sort treu-zé, hemb touchal doh er sòl ag er Religion.

A fæd en dispositioneu gnet péré é ma ret assistein en Overèn, expliquet hun nès ind assès en eil a Ourhemenen en Ilis.

namenca ca mis,

## ARTICL IV.

Explication ag er Pedenneu ha Ceremonieu ag en Overèn.

Durand ma vai er Belég doh hum usquein, hum represantet en Arh-Æl Gabriël é hannoncein d'er Uériès er Mistèr ag en Incarnation; hac a pe za er Belég doh en Autær, hum represantet hur Salvér é mones d'er Jardrin - Olivet.

### Er Psalm Judica.

En Belèg e gommance en Overen dré Sign er Groes; eit discoein é ma é Hanhue en Drindet Santel en hum assamblér eid inourein er mimoër a Bassion Jesus-Chrouist. Arlerh ean e lar gueh-t'er-ueh guet er bobl er Psalm, Judica me, Deus.... pehani zou un avertissemant demb de hum breparein, eit maheèllehemb tostad guet confiance ha guet ur joé santel d'en Autær, ar béhani é teli boud offret er Sacrifice. Er Psalm-zé e zou bet composet guet Dayid én amzér ma téhai é raug Saul, ha ma hoai contraignet de vihuein ér mæz ag é vro. Er Profæt santel e hum accourage dré en esperance en dès de retourn un dé de Jerusalem, ha de hum bresantein dirac Doué ital é Autær, eid offrein dehou Sacrificea. Contraign-é demb ehué bihuein peel doh en Nean hur guir bro; ni e zeli hum accouragein ha hum gonsolein dré en esperance a arribue inou. En Autær e zou er figur ag en Nean; réd-é tostad dehi guet confiance ha guet ur joé santel. Er Belèg e gommance er Psalm, hac er bobl e rescond.

Er Belêg. Me dostei d'Autær Doué.

Er Bobl. D'en Doué e ra ol joé me youantiss.

Er Belêg. Juget mé, men Doué, ha difforhet mé don en Nation péhani n'en dai quet santel : delivret mé ag en dén diléal ha trompour.

Er Bobl. Rac, o men Doué! hui zou me nærh: perac en e hoès hui me forbanet, ha perac é vehenmé hemb joé, durand ma hon affliget guet m'enemis.

Er Belêg. Groeit ma splannou hou sclærder hac hou curionne; int vou em honduiou hac em laquei ar hou Manne santel hac en hou Tabernacleu.

Er Bobl. Me dostei d'Autær Doue, d'en Doué

e ra ol joé me youantiss.

Er Beleg. Me gannou melodi dech, o men Doue! ah! m'inean, perac é hous-té trist, ha perac en em zroublès-té?

Er Bobl. Espèr é Doué; rac m'en trugairiquei hoah, a p'en dai ean-é men Doué, me ol joé ha confortance.

Er Belêg. Gloër d'en Tad, ha d'er Mab, ha d'er

Speret-Santel.

Er Bobl. El mei bet a gommance, re-vou bermen, ha bamdé, ha de virhuiquin.

Ol er bobl e zeli laret, ahoël a galon, er Psalm-zé guet er Belég; rac ol en hun nès dobér a dostad d'en Autær guet santimanteu a fé hac a gonfiance, eid offrein er Sacrifice dré zeourn er Belèg. N'el larér quet durand er Bassion nac é Overenneu er-ré varhue; rac é circonstanceu quen trist en Ilis ne gaige nitra joyus én hé Officeu publiq. Bout-çou ehué paud a Gouvandeu é péré é léh er Psalm-zé, é larér Pozenneu tènnet a Psalmeu aral.

### Er Confiteor beèd en Introït.

Disquénnet a speret guet Jesus ér Jardrin-Olivet: a pe voq er Belég d'en Autær, chonget gueneoh péh tarh calon oai bet eit-t'ou bout trahisset guet unan ag é Apostolet.

ARLERH er Psalm Judica me.... er Belég hac er bobl e ra ou Hovezion general, eit hum burifiein ag er fauteu distér, péré e cèllehai miret ne doste-hemb d'en Autær santel, guet confiance ha guet joé. En ol e ousir er Confiteor, (Me govessa doh Doué, etc.), n'en dai quet requis en expliquein.

Quend commance é G ovezion general, er Beleg

e lar er honzeu-men ag er Psalm 123.

Er Belêg. Hur secour e zou é Hanhue en Eutra-Doué. Er Bobl. Péhani en dès groeit en Nean hac en doar.

Nezé ean e gommance é Consiteor; mæs él léh ma lar er bobl ha dohoh hui, me Zad; ha hui, me Zud: ean e lar, ha dohoh hui, mem berdér; ha hui, mem berdér, etc. A pe vai achihue Govezion er Belêg, er bobl e lar:

- « Re-zei en Doué ol-buissant d'obér deoh mise-
- » ricord, de bardonnein deoh hou péhedeu ha
- » d'hou condui d'er vuhé éternel. »

Er Belêg e rescond : El-cé re-vou groeit. (Amen.)

Arlesh m'en devai groeit er Fidelet ou Hevezion general, er Belèg e ra eit-t'ai er memb pedèn, ha nezé ean e oulen eit-t'ou hac eit-t'ai misericord guet Doué dré er bedèn-men:

« Re-zei en Doué ol-buissant hac ol-miseri-» cordins d'acordein demb er pardon, en absolvén

» hac er remission a hur péhedeu. »

Er Bobl e rescond: El-cé re-vou groeit.

El-cé er Belég e oulén misericord dré bedenneu er bobl, hac er bobl dré bedenneu er Belég, eit ma pligeou guet Doué ou furifiein en eil hac éguilé, ha ma heèlleint offrein er Sacrifice santel guet confiance

En ul laret er Consiteor, ni e avoué dirac en Nean hac en doar é homb cablus a hilleih a béhedeu: ni ou hovessa doh Doué, hun nes offancet, doh en Ælet hac er Sænt, péré e zeli boud azéet guet Jesus-Chrouist eit jugein er béd, ha doh er Belèg, péhani e zalh én hur hevir leh en Eutru-Doué ar en doar; hac arleih ni e bèd en Ælet hac er Sænt de oulèn aveid omb misericord ha de vout hun Avocadet ital en Eutru-Doué. Ansin ni e see

ar hur halon, avel er Publiquein, eit discoein é hanausmb hur fauteu hac en hun nes quæ a nehsi.

Er Beleg hac er bobl e gontinu de oulen pardon ag ou fauteu, hac er græce de vout purifiet, eit ma veint dign de dostad d'en Autær santel. Chetui er pedenneu e larant guéh-t'er-uéh.

Er Belég. Men Doué taulet ar-n'amb ur seèll amiabl, eit rein demb ur vuhé nehué.

Er Bobl e rescond: Hac hou pobl e hum rejouissou en-ah.

Er Belêg. Discoeit temb é hoh misericordius.

Er Bobl. Ha reit temb er Salvér e za a hanah.

Er Beieg Men Doué, chelevet me fedenneu.

Er Bobl. Ha re-sauou mem boeh beed-oh.

Er Belêg. En Eutru-Doué re-vou gueneoh.

Er Bobl. Ha guet hou speret.

Nezé er Belég quénd monet don en Autær, e sau é zeourn d'er hlué, hac e lar a voéh ihuel, Oremus, ( Pedamb ), eid avertissein er bobl de laret guett'ou er pedenneu-men:

- « Men Doué, hou supliein e ramb de bardonein « demb ha d'effacein hur péhedeu, cit ma vehemb
- « pur assès eit tostad d'er vamèn ag en ol sante-
- « lesh dré Jesus-Chrouist hur Salvér. El-cé re-« vou groeit. »
  - « Men Doué, hou supliein e remb dré veriteu
- » er Sænt e zou ou Relégueu emen (A-zé er Be-» lêg e voy d'en Autær) de bardonein deign me
- » féhedeu. »

Lies durand en Overen er Beleg e voq d'en Autær hac e zistro doh er Fidelet en ul laret, en Eutru-Doué re-vou gueneoh; eit ou saludein a berh Jesus-Chrouist represantet dré en Autær, hac eit ou avertissein de laquad ol ou chonge ér Sacrifice: hac er bobl e rescond dehou, ha guet hou speret, eit discoein é rant én effæd attantion ar er péh e bass ar en Autær.

### En Introït.

Héliet Jesus ag er Jardrin-Olivèt beèd Palès Caïph;

En Introit e zou un Antièn tènnet ordinæremand ag ur Psalm benac; ha guharal é larait er Psalm pèn-d'er-bèn. Arlerh é larér: Gloër d'en Tad, ha d'er Mab, ha d'er Speret-Santel, etc. èl én achémand ag en ol Psalmeu. Hanhuet-é Introit, rac m'er hanner ér momand ma ha er Belèg doh en Autær, ha rac m'en dai er guettan pedèn e lar er Belèg a voéh ihuel goudé ma vai montet doh en Autær. En Ilis e zezir ma tei er bobl de gannein, pé de laret é secrèd en Introit guet er Belèg.

Er mod de laret lod ag er pedenneu én ur horn ag en Autær, lod é creis, ha lod ér horn aral, e zou deit a nebediguéu. Ne chervige de nitra hum abus de zévis er ræzonieu naturel en dès reit léh d'en usage-cé: mæs rein e rér dehi ehué un explication misterius. Er horn diheu ag en Autær e represantt er Juivet, péré zou bet er-ré quettan galhuet d'er Fé; hac er horn clei e represantt en Idolatret, péré en dès receuet guet joé en Aviél en doai er Juivet dispriset. Eit degass chonge temb ag er græce-zé reit d'en Idolatret diarbèn refus er Juivet, é leinér ér horn diheu ag en Autær er péh zou é raug ag en Aviél, hac é leinér, pé é cannér en Aviél ér hosté clei. Mæs anfin er Juivet e hum gonvertissou; hac eit quemènt-cé é tegassér arré el

Livr d'er hosté diheu ag en Autær, quénd achihue en Overèn.

Er Kyrie, eleïson. Er Gloria in excelsis.

Hum represantet Jesus é seèllet guet truhé do A S. Pierr eit touchein é galon.

En beden Kyrie, eleison e zou guirieu grêq, péré e senéfi. Eutru-Doué, hou peèt truhé dohemb. En Ilis e adress er beden-zé tair guéh de bep-unan ag en tri Person adorabl ag en Drinded, hac e recommand d'er bobl hé laret guet er Belég, pé é hannein guet santimanteu bras a humilité ha guet en disposition ag ur galon péhani e santt hé misèr, hac e oulèn misericord, en un avouéein en hi dès nahet Jesus-Chrouist mui eit tair guéh, èl m'en doai groeit S. Pierr.

Én un Overen-Bred er Beleg e ançans en Autær durand ma cannér er Kyrie, eleison, eit presantein de Zoué pedenneu er bobl péré e oulen misericord, hac eit supliein é Vajesté divin de receu er pedenneu-zé, dré Jesus-Chrouist figuret dré en Autær.

Er hommancemand ag en Hymn Gloria in exvelsis, e zou het composet guet en Æled a pe annoncezant d'er Vugulion Gannedigueah Jesus-Chrouist. En Ilis en des ean achihuet, hac e zezir ma tei er bobl d'el laret, pé d'er hannein a galon mui eid a vêg.

- « Gloër de Zoué é lein en Nean, ha peah ar en
- » doar d'en dud a volanté vat. Ni hou mêl a gue-» mènt ma homb capabl. Ni hou c'ador. Ni hou
- » clorifi. Ni hou trugairica diarben hou cloër infini.
- » O Doué, Roué en Nean! O Doué, Tad ol-buis-

sant! O hun Eutru Mab uniq Doué, Jesus Chrouist! O Eutru-Doué, Oén Doué, Mab en Tad! O hui péhani e efface péhedeu et béd, hou peèt truhé dohemb! O hui péhani e efface péhedeu er béd, receuet hun humbl pedèn! O hui péhani zou széet én tu diheu d'en Tad, hou peèt truhé dohemb! Rac hui zou hou ç'hunan santel, hou ç'hunan er Mæstr souveræn; hou ç'hunan drés en ol treu crouéet, o Jesus-Chrouist, guet er Speret-Santel é gloër Doué en Tad. El-cé re-you groeit.

El m'en dai er Gloria in excelsis, ur Hantiq a joé, n'el larér quet é Overènneu er-ré varhue, nac én déieu a bénigèn.

Er Beden hanhuet Collect, hac en Abostol.

Héliet Jesus casset ha dégasset a di-de-di ér guær a Jerusalem.

Goude er Gloria in excelsis, er Belég e voq d'en Autær hac e zistro doh er Fidelet eit ou saludein, èl m'hun nès deja laret. Ean e zigueor é zivréh én ul laret, Dominus (en Eutru-Doué), hac ean e joentt é zeourn en ul laret, pobiscum (re-vou gueneoh); eit discoein dré er gest-zé en dezir en des ma hum joentou Doué guet er bobl, ha ma vou guet-t'ai. Nezé ean e dro arré doh en Autær, hac e lar, Oremus (Pedamb), en ur sehuel é zeulagad hac é zeourn trema er Grucifi, eid avertissein er bobl de hum joentein guet-t'ou a intantion hac a attantion, ha de lusquein, èl-d'ou, ou halon trema Doué. Rac-cé é ma hanhuet er bedèn e larér nezé, Collect, de laret-é, dastum hac union a santiman-

teu ha dezirieu er Fidelet eit bout presantet de Zoué. Er beden-zé e change revé er Gouilieu hac er Misterieu e inourér durand er blæ. Durant ma vai er Belég doh hé laret, ean e zalh é zivréh digueor, revé er ourhæmèn en dès reit S. Paul d'en dud, de bedein en ur sehuel deourn pur trema Doué.

A pe vai achihue er Collect, er bobl e rescond, Amen (El-cé re-vou groeit), eit rein d'antand en ou dès laqueit ou attantion, ha goulènnet ehué gnet Doué er péh en dès er Belég goulènnet é hanhue en assamblé. Rac-cé eit ma heelleint laret guet gurionné en ou dès laqueit ou attantion, ind e zeli hum joentein guet er Belég, eit pedein èl-d'ou ha

guet-t'ou é Hanhue Jesus-Chrouist.

Arlerh er hedèn-zé er Belèg e leine, pé e gàn en Abostol, péhani zou ul Leçon tennet ag er Scritur santel, e rér d'er bobl eit ou instrugein hac ou disposein de brofittein ag er Sacrifice. Hanhuet-é Abostol, rac ma vai tennet ordinæremand a Lihéreu S. Paul pé en Apostolet aral. Guharal é larait perpet dihue Leçon el-cé, unan ag en ancién Testamant, hac en aral ag en Testamant nehué, èl ma rér hoah guhavé d'en déieu yun. Nezé er Belèg goudé m'en devai laret, Oremus (Pedamb) quênd er Collect, e soupl en ul laret, Flectamus genua (stouiamb ar hun deulin), ha quentéh en ur sehuel, ean e lar, levate (sauet); rac gubaral a pe rai er Belêg er ceremonieu-zé, er bobl e hum brosternai eit pedein un hærrad é silance, hac e sauai eit chelenet er Collect hac el Leçon e larait ar hé lerh.

Er Fidelet e zeli cheleuet en Abostol guet respèt hac attantion, ha laquad poén de brofittein ag el Leçon-zé. Er Graduel e zou pedenneu e larér itré en Abostol hac en Aviél. Tènnet-ind ordinæremand ag ur Psalm pé ag un andræd benac ag er Scritur santel. Ind e change revé en amzér hac er Gouilieu, hac e chervige de breparein er bobl de cheleuet erhad en Aviél.

Arlerh er Graduel é ta en Alleluia, de laret-é, mêlamb Doué, péhani zou ur han a joé, eit discoein é houiamb grad de Zoué ag er græce en dès reit temb de hanàuein er urionné. Guhavé, é spécial d'er Gouilieu bras, é cannér hoah ar er memb ton guet en Alleluia, ur Brozèn, péhani zou ordinæremand un instruction ar er Mistèr, pé ar er Gouil e inourér.

D'en déieu a bénigèn ne larér quet Alleluia: mæs larein e rér én é léh ul lod benac ag ur Psalm, pé memb ur Psalm pèn-d'er-bèn; hac er bedèn-zé e zou hanhuet Træt, rac m'hé hannér ar un ton canvéus, pé rac m'hé hannér pèn-d'er-bèn èl d'hun henal.

Er bobl e zeli ehué laret, pé cannein er pedenneu-zé, pé gobér méditation ar en instructioneu ou des cleuet én Abostol, pé laquad ou chonge guet un dra vat benac, pé gobér ur bedèn benac é particuliér eit hum zisposein de cheleuet en Aviél.

### En Aviél.

Consideret pebéh dezir en dès bet Jesus d'hul laquad ér gùir hènd, a p'en dès signet guet é Oaid er gurionnéeu e yet de gleuet.

QUEND commance en Aviél er Beleg e soupl é creis en Autær, hac e lar er beden-men:

a Doué ol-buissant, purifiet me halon ha men

» dives, avel m'hou posi purifiet gueneu er Pro-» fæt Isaï guet ur bleuen tan : pligeet guet hou

misericord me rantein ehué pur, eit ma heèllein ,

» el ma faut, annoncein hou c'Aviél santel, dré

» Jesus-Chronist hur Salvér. El-cé re-vou groeit, »

Durand er beden-ze er bobl e zeli goulen guet Doue er græce de brofittein ag en Aviel e yer de laret; hac a pe lar er Beleg, Dominus vobiscum (en Eutru-Doue re-vou guenech), ind e zeli renehuéein ou attantion, en ur gonsiderein é hant de gleuet conzeu ha Doctrin Jesus-Chrouist.

Er Beleg e ra Sign er Groès ar el Livr ag en Aviel, eit rein d'antand ne brofitter a Zoctrin Jesus-Chrouist meid é quemènt ma carér é Groès, é boénieu hac é souffranceu. Ean e ra hoah Sign er Groès ar é dàl, ar é zivès hac ar é galon, hac er Fidelet e rinq ehué gobér èl-d'ou, eit disclæriein n'ou devou jamæs méh ag er gurionnéeu ag en Aviel, mæs en ou avouéeint a voéh ihuel, hac é laqueint ou ol joé d'ou héli ha d'ou fratiquein.

Er Fidelet e chom én ou sau durand en Aviel, eit discoein é mant prest d'aboeissein de voéh Jesus-Chrouist, péhani e gonz doh-t'ai én Aviél, hac

é tougant respèt d'é Zoctrin.

A pe vai achihue en Aviél ha ma voq er Belég d'el Livr, er bobl e rescond, Laus tibi, Christe (Jesus, re-vehet mêlet), eit discoein en dezir ou des ma tei en ol de zoug d'en Aviél er respet hac en aboeissance e rantant-int dehou guet er Belèg.

Ordrenet-é gober, d'er Sulieu é spécial, er Pron arlerh en Aviél, eid expliquein d'er bobl un dra benac ag er péh e vai bet leinet, pé ur poend benac ag er Religion. (Laret han nès deja eit petra é rér er Pron, en un expliquein en eil a Ourhæmeneu en Ilis.)

#### Er Credo.

Consideret guet anquin en disprisance e rér ér béd a Zoctrin Jesus-Chrouist.

Gunaral a pe oai achihue er Pron, é havertissait er bénitandet hac er-ré ne oent quet badéet, de sorti ag en assamblé, ha nezé é larait, pé é cannait, èl ma rér bermen, er Symbol hanhuet a Nicé, rac mei bet composet a greihue ér Honcil general a Nicé, assamblet inemp d'en héritiq Arius, péhani e nahai Divinité Jesus-Chrouist. Er Fidelet e zeli ehué laret er Symbol-zé, pé er cheleuet, pé er hannein én ou sau, eit disclæriein guet solannité é credant ol er péh e vai bet leinet tehai én Aviél hac expliquet ér Pron, hac é general ol er péh e grèd, en Ilis.

« Me grêd én un Doué hemb quin, en Tad ol» buissant, péhani en dès groeit en Nean hac en
» doar, hac ol er péh e uélér ha ne uélér quet; hac
» én un Eutru hemb quin Jesus-Chrouist Mab
» uniq Doué, ha gannet ag en Tad a ol éternité.
» Doué a Zoué, sclærdér a sclærdér, gùir Doué a
» uir Doué; péhani n'en dai quet bet groeit, mæs.
» angeandret, péhani zou lodéq én ur memb sus» tance guet en Tad, ha dré béhani é ma bet groeit
» quement tra zou. Péhani zou disquênnet ag en
» Nean aveid omb-ni tud, hac aveit hur salvedi» gueah. Péhani en dès queméret ur horv hac e
» zou gannet ag er Uériès Vari dré operation er
» Speret-Santel, Hac en dès hum hroeit Dén.

» Péhani zou bet ehué grucifiet eid-omb idan » Ponce-Pilat, en dès anduret hac e zou bet laqueit » én ur bé. Péhani zou resuscitet en drivet dé revé » er Scritur. Péhani zou montet d'en Nean hac » azéct én tu diheu d'en Tad. Péhani e zei un eil » gùéh lén a hloër eit jugein er-ré vihue hac er-ré » varhue, hac a béhani er Ranteleah e vou hemb » fin. Me grèd er Speret-Santel, péhani zou ehué Doué hac e ra er vuhé; péhani e za ag en Tad » hac er Mab; pehani zou adoret ha glorifiet as-» sambl guet en Tad hac er Mab; péhani en dès » conzet dré guèneu er Profætet. Me grèd en Ilis » péhani zou Unan, Santel, Catholiq hac Aposto-» lig. Me hanau ur Vadiend hemb quin eid er re-» mission ag er péhedeu; hac ingorto-on a re-» surrection er-ré varhue, hac ag er vuhé de zonnet. » El-cé re-vou groeit. »

Er Symbol-zé e zeli hout cannet ol assambl, èl d'un henal, ha non pas pozèn-ha-pozèn èl er Psalmeu. N'el larér ordinæremant meit d'er Sulieu ha d'er Gouilieu principal, èl mei Gouilieu er Uériès, ré en Apostolet ha ré en Doctoret ag en Ilis, a gaus d'er péh ou dès groéit eit perdèg ha dihuèn er Fé.

En Offertoër, pé Prov ag en Hosti.

Contamplet Jesus doh hum offrein d'é Dad Eternel é Sacrifice eit hur péhedeu

ARLERH er Symbol er Belég e salud er bobl dre er honzeu-men; en Eutru-Doué re-vou gueneoh: ha goudé m'ou dès rescondet, ha guet hou sper !, eit discoein é mani attau joentet a attantion guett'ou, ean ou avertiss de renehuéein ou devotion, en

ul laret, Oremus (Pedamb). Nezé er Belêg e lar un Antién ténnet ag er Scritur santel, ha péhani e

jauge guet er péh e ya d'obér.

Guharal, opèn en Antien, é cannait ur Psalm durand ma hoai occupet er Belég é receu proveu er Fidelet. Mæs a oudé mei torret er mod de monet de brov én Overèn, a gaus d'en abusanceu e arrihuai diarbèn quemènt-cé, béniguein e rér bara, péhani zou offret é hanhue er bobl, eit bout rannet itré-d'ai é sign a union hac a Gommunion. El-cé er Belég n'offr bermen de Zoué meid er bara hac er gùin destinet eid er Sacrifice, hac e oai provet guharal dré er bobl. Quemér e rait én amzér-hont ag er proveu er péh e oai requis eid en Overèn hac eit sacremantein er-ré e oai disposet de gommuniein, ha béniguein e rait er rest eit bout rannet é sign a Gommunion, itré er-ré e assistai én Overèn hemb communiein.

Er Belêg en un offrein er bara de Zoué, e lar er hedèn-men:

« Receuet, o Tad santel! Doué ol-buissant hac » éternel, en Hosti-men pur ha glan, e offran

» deoh, mé hou servitour indign, deoh-hui men

» Doué, en Doué bihue ha veritabl : m'en offr deoh eit me féhedeu, péré zou hemb nombr, eit

» m'offanceu ha lisidantæt, eid ol er-ré zou amen

» present, he memb eid en ol Fidelet Crechénion

» bihue ha marhue, eit ma vou aveid-on hac

» aveit-t'ai ur vamèn a salvedigueah eid er vuhé

» éternel. El-cé re-vou groeit.

A pe lar er Belég quend er Gonsecration un Hosti pur ha gian, ne gonsider quet a nehou er bara hac er gùin revé er péh m'en dint a nehai ou hunsn, mæs revé ma teliant bout changet ér sustance a Gorv hac a Oaid Jesus-Chrouist, péhani zou é gurionné en Hosti pur ha glan offret eid effacein hur péhedeu.

En ur gaigein en deur guet er guin ér Halice,

er Belêg e lar er Bedèn-men :

CO Doué, péhani dré un effæd admirabl a hou c'ol-buissance, en dès crouéet Mab-Dén ag un natur quen excellant, ha péhani dré ur marveill hoah brassoh, en dès reparet hou labour couchiet dré er péhet; accordet temb dré er Mistèr e represantt er gùin hac en deur-men caiget assambl, er græce de vout lodêq é Divinité hur Salvér Jesus-Chrouist hou Mab, péhani en dès hum humiliet bet-hac hum obér Dén él-omb, eau péhani e vihue hac e jouiss ag er memb gloër gueneoh ha guet er Speret-Santel, un Doué hemb quin, a viscoah de virhuiquin. El-cé revou groeit, »

Er Beleg e gaige ur banniq deur é-mésq er gùin, el m'en doai groeit Jesus-Chrouist a pe instituas er Sacremand ag en Autær eit represantein: 1°. Er Mistèr ag en natur a Zén hac en natur a Zoué joentet assambl é Jesus-Chrouist; 2°. en union misterius e zou itré er Fidelet ha Jesus-Chrouist; 3°. en deur hac er Goaid e ridas ag é gosté ar er Halvær. Er Belêg e énig en deur, ha non pas er gùin; rac er gùin a-zé e represantt hur Salvér: en deur e represantt er bobl, hac er bobl hemb quin en dès dobér a vout bénignet ha purifiet eit bout joentet guet Jesus-Chrouist. El-cé é Overenneu er-ré varhue en Ilis ne vénig quet en deur, eit rein d'antand n'hi dès mui berh er bet ar en ineanneu tre-ménet ag er béd-men.

Durand ma ra er Beleg er ceremoni-zé, er bobl e zeli hum humiliein ha goulèn er græce de vout purifiet ha santefiet, eit ma veint cavet dign de dostad de Jesus-Chrouist.

En un offrein er Halice de Zoué, er Belêg e lar er beden-men:

« O Doué! ni e offr deoh er Halice-men a sal-» vedigueah, hac e supli hou misericord ma vou » agréabl d'hou Majesté divin, eit hur salvedigueah » ha hani ol er béd. El-cé re-vou groeit. »

Er bedèn-zé e zou hoah ur merche é ma é hanhue er bobl é hoffrér er Sacrifice, hac é ma offret eid en ol. Er Fidelet e zeli enta hum joentein arré guet er Belèg eit gobér en offrand-cé de Zoué, ha hum offrein chué guet-t'ou.

Nezé er Belêg e soupl é creis en Autær, hac e ra de Zoué é hanhue er bobl er bedèn-men tennet ag er Scritur Santel:

« Ni e hum bresantt dirac oh, men Doué, guet » ur speret humiliet ha guet ur galon glaharet; » receuet ni guet truhé dohemb, ha groel ma vou » agréabl hur Sacrifice d'hou Majesté. »

Arlerh ean e sau é zeulagad hac é zeourn trema en Nean, èl pe vehai eit degass a inou græce ha vertu er Speret-Santel, hac ean e ra Sign er Groes ar er bara hac er gùin, en ul laret:

» Deit, Speret santeficatour, Doué ol-buissant » hac éternel, deit ha béniguet er Sacrifice-men » destinet ha preparet eid inourein hou c'Hanhue » santel. »

Nezé ean e vénig en ançans, guet péhani é han-

çans er bara hac er guin, hac en Autær, en ul laret er beden-men:

« Groeit, men Doué, ma sàuou beèd-oh en an-» çans-men e hoès béniguet, ha ma tisquennou » ar-n'amb hou misericord, etc. »

Er Fidelet e zeli ér momand-cé rein lusq d'on halon trema Doué, cresquein ou fedenneu gredus, ha goulèn guet er Belèg er péh e oulèn aveit-t'on hac aveit-t'ai.

#### El Lavabo.

Consideret pebéh un tarh-calon oai bet eit Jesus bout condannet guet ur Juge, péhani e ouiai sur é hoai innoçant. Hilleih e ra hoah dehou bamdé er memb affront guet Pilat.

En Belég e olh é zeourn eit rein d'antand é teliér bout pur a speret hac a gorv eid offrein er Sacrifice santel; rac-cé ean e supli en Eutru-Doué de burifiein é galon ag en distérran fauteu, en ul laret er Pozenneu-men ag er Psalm 25. Hac er bobl ne ouhai quet gobér gùel eit ou laret ehué guet-t'ou. Rac mar dai ret bout pur eid offrein er Sacrifice, réd-é ehué bout pur eid assistein én-ou ér mod ma houlen Jesus-Chrouist.

« Me olhou men deourn guet er-ré dibéh hac innoçant, ha me hum zalhou tost d'hou ç'Autær, men Doué, eit cleuet hou mêlein, hac eit brudein hou marveilleu. Me mès bourret ma vezai bet brahue hou ti, hac el léh a zamurance hou cloër. Ne gollet quet m'inean guet er-ré n'ou dès quet hou tougeance, na mem buhé guet en dud malicius, péré durand ma rant ag un tu gueu é peb mod doh en Nessan, e fal dehai hou c'inou» rein ha pligein deoh ag en tu aral. Mæs eid-on-» mé, me mès goarnet m'inean divlam, delivret » mé, hac hou peèt truhé doheign. Me mès quêr-

» het attau guet en hend a urionné. M'hou melou,

» men Doué, én assambléieu. Gloër d'en Tad, ha

» d'er Mab, ha d'er Speret-Santel, etc.

Arlerh el Lavabo, er Belêg e sau é zeulagad hac é zeourn trema en Nean, eid offrein hoah de Zoué er bara hac er gùin, en dès deja offret peb-unan d'é du. Eit quement-cé ean e soupl é creis en Autær, en ul laret:

« Receuet, Drinded Santel, en offrand-men e » ramb teoh é mimoër a Bassion, a Resurrection, » hac a Ascansion Jesus-Chrouist hur Salvér, » hac é inour en Itron Vari perpet Guériès, » é inour S. Yehan er Badéour, en Apostolet S. » Pierr ha S. Paul, é inour er-ré zou ou Relegueu » amen (en ol e ouair é hès Relegueu ér mein sa-» cret), hac en ol Sænt aral, eit ma caveint · én-ou ou gloër, ha ni hur salvedigueah, hac eit » ma pligeou guet er Sænt e inouramb ou mimoër » ar en doar, pedein aveid omb en Nean, dré Je-» sus-Chrouist har Salvér. El-cé re-vou groeit. »

Er beden-zé joentet guet er-ré zou en hé raug, e zou ur merche é ma offret er Sacrifice ag en Overèn eit represantein er Misterieu principal a vuhé Jesus-Chrouist. Er gùin hac en deur caiget assambl e represantt Incarnation hur Salvér, dré béhani en natur a Zoué hac en natur a Zén e zou bet joentet assambl én ur memb Person. En offrand e ra er Beleg ag er bara hac er gùin quend er Gonsecration, e represantt Gannedigueah hur Salvér, péhani, èl ma lar S. Paul, en des hum offret aveid omb d'é Dad Eternél, én un antréein ér béd. Er Gonsecra-

tion a Gorv hac a Oaid hur Salvér idan en aparanceu ag er bara hac er gùin, e represantt é Varhue ar er Groes. Anfin en offrand e ra er Beleg a Gorv hac a Oaid hur Salvér arlerh er Gonsecration, e represantt é Resurrection, dré béhani é ma antréet en ur stad n'en dai mui chujet de zrong er bet, hac é Ascansion, dré béhani é ma hum bresantet lén a bloër én tu diheu d'en Tad Eternel. El-cé a pe yamb d'en Overen, ni e eell laret é hamb de uélet Jesus-Chrouist é quemér ur horv, é tonnet ér béd. é verhuel, é resuscitein, é vontein d'en Nean, etc.

Offrein e rér chué er Sacrifice eit gloër er Sænt. rac m'ou des obligation ag ou gloër d'er vertu a Sacrifice Jesus-Chrouist, péhani zou continuet én Overen; rac el m'en dai glorifiet Jesus-Chrouist dré er Sacrifice ag en Overen, er Sænt, péré zou é vambreu, e zou ehué lodêq én é hloër; rac er Sænt e gav ou gloër doh hum offrein guet Jesus-Chronist ou fen, hac el-ce en Overen e zou assambl Sacrifice

er pen hac er mambreu.

Èr bobl e zeli contamplein er Misterieu comprénet ér beden-zé, ha hum joentein guet er Belêg eit hé laret.

### En Orate, Fratres.

Consideret pebéh méh oai bet eit Jesus bout presantet d'er bobl guet ur goh vantell ru ar é ziscoai, ur gorzèn én é zourn , ha bout comparaget doh Barabas, ul lair, un torfætour. Ne ret hui bamdé er memb insult dehou?

A RLERH er beden hun nes expliquet, er Belege voq d'en Autær, hac e zistro doh er bobl en ul laret :

« Pedet, mem berder, ma vou me Sacrifice,

» péhani zou ehué hou ç'hani, agréabl de Zoué en » Tad ol-buissant. »

Er bobl e sentt doh er Beleg, hac e hum joentt guet-t'ou eit pedein er mod-men:

« Pligéet guet Doué receu er Sacrifice e offret dehou, hac e offramb ehué dré hou teourn, eid

» inour ha gloër é Hanhue, eit hur profitt particu-

» liér, hae eid avantage ol é llis santel. »

Réd-é ma tei er Fidelet de laret er honzeu-zé a greis ou halon, en ur gonsiderein penaus: 1°. Er Belèg e offr er Sacrifice non pas hemb quin é Hanhue Jesus-Chrouist, mæs ehué é hanhue en Ilis. 2°. Er bobl e zeli hum joentein guet er Belèg, hac offrein guet-t'ou er Sacrifice. 3°. Er Sacrifice e zou offret cid inourein Doué, hac eit profitt er Fidelet péré en offr, de laret-é, eit meritein dehai er remission ag ou féhedeu, hac en ol græceu ha secourieu spirituel ha tamporel. 4°. Ol en Overenneu e larér, e zou eid avantage en Ilis, penaus-benac m'en dès er-ré e recommandér é particuliér, ul lod spécial én-ai.

Goudé m'en des er Beleg dastumet dezirieu ha santimenteu er bobl, en ur rescond, Amen (El-cé re-vou groeit), enn e lar ur beden e hanhuér Se-crètt, (merhad) rac n'hé larér quet a voeh ihuel.

En His en des reglet ma vezai faret èl-cé en Overèn tod ag er pedenneu a voéh ihuel, lod aral dissonniq, non pas ma fal dehi cuhein doh er Fidelet er péh e oulèn guet Doné aveit-t'ai, mæs eit lausquein léh guet-t'ai d'obér ou reflexioneu particuliér durand ma pèd er Belég é hanhue en assamblé, pé quêntoh eit dégass chonge tehai penaus Jesus-Chrouist durand é Bassion ne zeuhantéras quet burhad ur guir, deusto peguemend en en anjuliait hac en en outrageait.

### Er Preface. Er Sanctus.

Consideret guet péh doustér é souffr Jesus bout condannet de verhuel doh ur Groès.

En Belég e schihue er bedèn hanhuet Secrètt, èl en ol pedenneu ag en Ilis, dré er honzeu-men: Dré hur Salvér Jesus Chrouist, péhani e vihue hac e jouiss ag er memb puissance ha gloër guet en Tad ha guet er Speret-Santel; nezé ean e sau é voéh èl eit goulèn guet er bobl mar dint coutant ag er péh en dès goulènnet guet Doné aveit-t'ai, en ul laret: A viscoah de virhuiquin; quentéh er bobl eit discoein en ou dès laqueit ou attantion ha pedet ehué guet er Belèg, e rescond tehou: El-cé re-vou groeit. Ean e gontinu, hac e salud er bobl, èl en ordinær, dré er honzeu-men:

Er Beleg. En Eutru-Doué re-vou gueneoh.

Er Bobl. Ha guet hou speret.

Er Beleg. Reit lusq d'hou caloneu trema en Nean.

Er Bobl. Ni ou dalh sauet trema Doué.

Ean e ra dehai en avertissemant-cé, rac m'en dai requis hum sehuel drès er squendeu ha montein a speret beèd lein en Nean eit boud ér stad de hum joentein guet en Ælet, ha de gannein guet t'ai er Hantiq, Santel, Santel, Santel, etc. Ha mar manquamb nezé a renehuéein hun attantion hac a sehuel hur halon trema Doué, ni e larou gueu en ul laret, habemus ad Dominum.

Goudé m'en devai er Fidelet disclæriet ou dispositioneu, er Belèg e gontinu:

Er Beleg. Trugairicamb er Mæstr souveræn hun Doué.

Er Bobl. Just ha ræzonabl-é quemènt-cé.

Réd-é ma vou er bêg hac er galon de unan eit prononcein er rescond-cé.

Er Belêg. « Ya sur, dign ha just-é, un dra ræ-» zonabl ha salvus - é hou taugairicad de bep

» cource ha partout, o Tad santel, Doué ol-buis-

» sant hac éternel, dré Jesus-Chrouist hun Eutru;

» dré béhani en Ælet e vêl hou Majesté, en Do-

» minationeu hé ador, er Puissanceu hé inour

» guet un dougeance respètuus; ol en Nean hac er

» Vertuyeu ag en Nean hac er Serafinet heurus e

» gan ol assambl gloër dehi guet er brassan joé.

» Guet-t'ai é teziramb ehué, mar plige gueneoh,

» joentein hur boehieu, eit laret teoh guet un

» humbl avouéance :

» Santel, Santel, Santel-é er Mæstr souveræn,

Doué en Arméieu: En Nean hac en doar e zou » carguet a hou cloër, Hosanna é lein en Nean.

» Re-vou mélet ha truguiricait † en hani e za é

» Hanhue en Eutru-Doué. Hosanna é lein en Nean.»

Er guir Hosanna e senéfi, salud, gloër ha bénidiction. Er Préface-zé e zou en hani cummun hac ordinær: rac bout-cou ré propr d'er Sulieu ha Gouilieu principal durand er blæ: hui ou hayou el Livr a Officeu en Ilis.

En Ilis en dès désquet er Hantiq Sanctus... guet er Profæt Isaï, péhani, én ur vision, e gleuas Cherubinet doh er hannein. Hi hé dès ean hirreit guet er honzeu e laras bugalé er Juivet eid inourein Jesus-Chronist el ma hantréai é Jerusalem : Re-vou mêlet en hani e za é Hanhue en Eutru-Doué.... Hac en ur brononcein er honzeu-zé er Belég e ra Sign er Groès, eit rein d'antand penaus en action dré béhani é ta Jesus-Chrouist devad omb ar en Autær, e zon ur represantation ag er Sacrifice ag er Groès.

Durand er Présace er bobl e zeli hum joentein guet er Beleg eit trugairiead Doué èl-d'ou, hac eit hum zisposein de laret a greis ou halon guet en Ælet: Santel, Santel, Santel, etc.; ha guet en Ilis: Re-vou mêlet en hant e za, etc.

### Canon en Overèn.

Héliet Jesus é monet d'er Halvær, guet é Groès ar é ziscoai.

Rai hir vehai expliquein guir ha guir er pedènneu-men: erhoalh-é ma houiou er Fidelet é general petra e oulèn er Belég aveit-t'ai. Hanhuet-int Canon, rac ma comprénant er regt certæn, hac er houzeu dré béré é ma bet groeit attàu, hac é von groeit perpet er Gonsecration.

Arlerh er Sanctus, er Belég e sau é zeulagad hac é zeourn trema en Nean, hac e gommance er beden-men, en ur souplein hac en ur voquein

d'en Autær:

« Ni hou supli enta, Tad lén a zoustér has a » visericord, ha ni e oulen gueneoh dré Jesus-» Chrouist hou Mab uniq hun Eutru, ma hagrée-» hait ha ma véniguéhait er Proveu-men † e of-» framh teoh de guettan eit hou c'Ilis Catholiq, eit » ma pligeou gueneoh rein dehi er peah, hé hon-

» servein, hé laquad de unan, hac hé hondui" » partout dré er béd, guet hun Tad Santel er Pab,

» guet hun Escob, hat er-re hur hondui hac e

"» gommand ar-n'amb a hou perh, ha guet ol er-ré » e ra profession ag er Fé Catholiq hac A postoliq. »

Er Beleg en ul laret, ma véniguéhait er proveumen, etc., e ra tair guéh Sign er Groes ar er bara hac er guin, eit rein d'antand n'en dai meit dré er vertu a Groes Jesus-Chrouist é heell en offrandeuzé bout béniguet hac agréet guet Doué.

Er beden-ze e zou hoah ur merche splann penaus:
10. Ol en Overenneu e zou offret eid en ol Fidelet
Catholiq, hac é spécial eid er-ré zou carguet a hur
hondui revé en inean ha revé er horv, eit ma heèllehemb, èl ma lar S. Paul, bihuein é santeleah, é

peah ha tranquilité.

2º. Én ol Oyerenneu é houlenner guet Doué eid en Ilis, 1º. ma rei dehi er peah inemp d'er-ré e ra brizél dehi a zianvès: 2º. m'hé honservou ér gùir Fé inemp d'er-ré e attaq hé Doctrin, èl mei er Juivet, er Bayannet hac en Héritiquet: m'hé laquei de unan inemp d'er Sismatiquet ha d'er-ré e glasq laquad dissancion itré hé bugalé: m'hé honduiou en ur rein dehi Bugulion mat ha sourcius de zistroein er béherion ag er goal hènd ha d'ou laquad én hènd a urionné.

3º. Ne bedér quet é publiq eid en Huguenaudet, en Héritiquet hac er-ré escommuniet; mæs deliet-é goulèn eit-t'ai é segrèd ma hum gonvertisseint.

Goudé m'en dès er Belég pedet eid en Ilis é general, ean e bèd eid er-ré zou presant en Overèn, hac eid er-ré e sal dehou recommandein de Zoué é spécial, en ul laret:

" Hou peet chonge, men Doué, a hou servite-

A-zé er Belêg e ra un tamiq arsau eit recomman-

dein é particuliér er-ré ma lar en Overèn én on intention.

Leinein e rait guharal en Overen tri roll: er hetan é hoai merchet hanhueu er Fidelet péré e oai én ur garg benac ihuel, pé en doai rantet ur chervige benac d'en Ilis; ha hennéh e oai leinet a voéh

ihuel én andræd-men ag en Overèn.

Én eil roll é hoai merchet hanhueu er Sænt, é spécial er Vartiret; hac a pe gavait en en doai meritet unan-benac dré é viracleu ha vertuyeu bout laqueit é rang er Sænt, ne rait quin meit merchein é hanhue ér roll-zé, pé ér Hanon, èl ma larait nezé; a-va-zé é ma deit er guir canonisem ur Sant, hac en usage de leine hanhueu er Sænt é Canon en Overèn. Er roll-zé e formai er bedèn e yamb d'expliquein touchant.

Anfin ar en drivet roll é hoai merchet hanhueu er Fidelet e varhuai ér Gommunion ag en Ilis; ha hennéh e oai leinet én andræd ma pedér eid er-ré varhue arlerh er Gonsecration. Mæs a oudé ne vourr quet mui er bobl ag en Officeu hir, en Ilis en dès groeit ur regl general, ha lausquet peb-unan libr én ur certæn fæçon de bedein eid er-ré ma toug é

intantion.

Goudé m'en dès er Beleg offret er Sacrifice eid ol en Ilis, ha recommandet er-ré ma fol dehou pedein aveit-t'ai, ean e offr é spécial eid er-ré e assist én Overèn, hac e hanhue hilleih a Sænt, eit ma pligeou guet Doué dré ou intercession scuillein é vénidiction ar en Ilis. Chetui pe-dost er bedèn e lar eit quemènt-cé.

« Hou peèt chonge chué a ol er-ré zou amen » presant, eit péré é hofframb, pé péré e offr dech

» dré hun deourn er Sacrifice-men, aveit-t'ai, hac » aveit ou ré, ( er guirieu-zé e zisco é homb obli-» get de bedein en eil aveid éguilé ér Sacrifice ag » en Overen), aveid er remission ag ou féhedeu. » aveit tennein ar nehai er secourieu necessær revé » er horv ha revé en inean, aveit hou c'adorein » hac hou trugairicad, (er pedair intantion guet » péré é ma offret er Sacrifice), én union guet ex » Uériès glorius Vari, Mam d'hun Doué ha Salvér » Jesus-Chrouist, ha guet en Apostolet ha Mar-» tiret Pierr ha Paul, Andreu, Jaq, Yehan, Phi-» lipp, Bartholomé, Maheu, Hémon ha Thadé, » Lin, Clet, Cleman, Xist, Corneli, Cyprian, » Laurance, Chrysogon, Yehan ha Paul, Com » ha Damian, ha guet en ol Sænt aral, eit ma pli-» geou gueneoh dré ou meriteu ha pedenneu ac-» cordein demb attau ha partout hou secour ha » protection dré Jesus-Chrouist hur Salver. »

Durand er beden-ze er bobl e zeli hum joentein guet en Ilis e zou en Nean, eid offrein er Sacrifice, ha goulèn guet Doué er græce de guerhet ar bazeu er Sænt, eit ma veint un de lodeq en ou zrioms.

# Er Belêg e olo en Hosti guet é zeourn.

Consideret pebéh ur méh oai bet de Jesus, er burtæd memb, bout diusquet dirac er bobl, ha bout staguet nuah doh er Groès.

Én goh Lezen a pe falai de unan-benac offrein ur Sacrifice, ean e laquai é zeourn ar ben el lon e bresantai eit bout sacrifiet, el pe vezai bet eit disclæriein dié en action-zé é handuai en en doai meritet er marque, mæs el ne oai quet mæstr ar s

vuhé, é presantai en Hosti-zé eit bout sacrifiet én é léh, hac é pedai Doué de seèllet doh en dezir ag é galon diarben en offrand e rai d'é Vajesté, ha de bardonein dehon é béhedeu. Guet er santimantenzé é hastèn ehué er Belêg é zeourn ar en Hosti é hanhue er Fidelet, el pe vehai eit laret : Men Doué, meritet hun nès er marhue dré hur péhedeu; mæs èl n'en dai quet capabl hur goaid-ni d'effacein hur fauteu na de zistannein hou colèr, é hamb de bresantein én hulléh hou Mab uniq, e gargamb a hou c'adorem aveid omb, hac a bayein hun delé. Er bobl e zeli a-zé hum offrein de Zoué dre Jesus-Chronist ha guet Jesus-Chrouist, èl un Hosti bihue péhani e hum zispos de souplein é peb tra idan é volanté santel. Ne fehent quet gober guel eit laret er beden-men e lar nezé er Belég :

» Ni hou supli enta, men Doué, d'agréein en » offrand-men, dré béhani é handuamb olé homb » chujet ha deléabl deoh, eit ma pligeou gueneoh » rein demb er peah ér vuhé-men, hun delivrein » ag en dannation éternel, hac hul laquad én nombr » ag er-ré choæget eit bout heurus gueneoh de » virhuiquin, dré Jesüs-Chrouist hur Salvér. El-» cé re-vou groeit. »

· Arlerh er bedèn-zé er Belég e ra Sign er Groès istroh eid ur uéh ar er bara hac er gùin, eid annoncein é raug Marhue Jesus-Chrouist, péhani zou represantet ha continuet ér Sacrifice ag en Overèn. Honnèn-é er bedèn e lar nezé: n'en dès quet ur guir de goll a nehi.

» Pligeet guenech, o Doue, ni hou supli, gober » ma vou en offrand-men beniguet e peb mod †, » receuet †, aprouvet †, ræzonahl hac agreabl di-

- rac hou teulagad, eit ma tei de voud aveid omb
   Corv † ha Goaid † hou Mab Jesus-Chrouist hur
- » Salvér. »

Jesus-Chrouist-é en Hosti-zé, péhani zou bet béniguet ha santesiet revé mei Dén, dré é Incarnation, osset ha receuet én é Gannedigueah, sacrisset hac aprouvet ar er Groès, deit de vout tout spirituel ha ræzonabt dré é Resurrection, presantet hac agréabl de Zoué dré é Asçansion. Ni e oulèn ehué dré er bedèn-zé er græce de receu santelemant hac eit hur salvedigueah, Corv ha Goaid Jesus-Chrouist er Sacremand ag en Autær. Er bobl e zeli durand m'hé larér, renehuéein ou attantion, ou Fé hac ou devotion, rac test-é Jesus de zisquên ar en Autær.

#### Er Gonsecration.

#### Adoret Iesus sauet ér Groès.

A Pe dosta d'er Gonsecration er Belég e change a langage. Beèd er momand-cé eau e gonz én é hanhue propr hac é hanhue er bobl: mæs a-zé eau e guemér léh Jesus-Chrouist, pé quêntoh Jesus-Chrouist-é e gonz hac e gonsacr dré é guênen. Ehué ne ra ean meit dévis er péh en dès Jesus-Chronist groeit ha laret. Ean e guemér er bara, hac er Halice arlerh, èl ma ras Jesus-Chrouist: ean e sâu é zeulagad trema en Nean en ur drugairicad Doué, èl ma ras Jesus-Chronist: ean e brononce er guirieu e brononças Jesus-Chronist, ha dré er guirieu-zé ean e change, èl ma ras Jesus-Chronist, er bara é Corv, hac er guin é Goaid Jeaus-Chronist: quénd achibue en Overèn, ean e

dorr en aparanceu ag er bara, hac ou rann, el ma ras Jesus-Chrouist. Goudé m'en des dré er honzeu divin-zé changet er sustance ag er bara ér sustance a Gorv hur Salvér, hac er sustance ag er gùin ér sustance ag é Oaid, ean ou ador guen-t'er-uen, hac ou disco d'er Fidelet, eit m'ou adoreint, hac eit represantein Jesus-Chrouist sauet ér Groès.

Durand er Gonsecration er bobl e zeli contamplein er péh e bass ar en Autær, gobér un Act a Fé ar en transustantiation, ha pedein Doué d'ou chan-

gein ol é Jesus-Chrouist.

Arlerh er Gonsecration, er Belég e soupl isellan ma heèll, en ul laret er honzeu-men a Jesus-Chrouist:

« Quel lies guen ma rehait quement-men, groeit » ean guet chonge a hanan. »

Nezé ean e gontinu d'offrein de Zoué Corv ha Goaid adorabl Jesus-Chrouist, dré er bedén-men:

« Rac-cé, men Doué, ni ou serviterion, ha gue-» nemb hou pobl santel, guet chonge a Bassion er

» memb Jesus-Chrouist, ag é Resurrection hac a « é Ascansion glorius, ni e offr d'hou Majesté, ag

é Asçansion glorius, ni e offr d'hou Majesté, ag
 en donæzoneu e hoès groeit temb hac e hoès la-

» queit itré hun deourn, un Hosti pur +, un Hosti

» santel +, un Hosti glan +, er bara ag er vohé

» éternel †, hac er Halice ag er salvedigueah per-

» petuel +. »

N'en dai quet mui eit béniguein en Hosti é ra er Belèg Sign er Groès ar nehou arlerh er Gonsecration; mæs eit rein d'antand penaus er Sacrifice ag en Overèn e dènn ol é nærh ha vertu ag er Sacrifice ag er Groès, péhani zou, èl m'hun nès liès remerquet, represantet ha continuet ar en Autær.

En offrand-cé e ra er Belèg de Zoué a Gorv hac a Oaid Jesus-Chronist arlerh er Gonsecration, e zou, èl m'hun nès laret én un expliquein er beden e zou itré el Lavabo hac en Orate Fratres, ur represantation ag en offrand e ras Jesus-Chrouist ag é Gory hac é Oaid en un antrécin én Nean dré en Asçansion, hac e rei dalh-mat durand en éternité. Rac-cé é lar er Belég en en offr de Zoué guet chonge hac é mimoër a Resurrection hac a Asçansion Jesus-Chrouist. Ean e lar hoah é hoffr de Zoué, ag en donæzoneu en dès laqueit itré hun deourn un Hosti pur.... rac en Hosti pur-ze ne hum gav presant ar en Autær nameit dré er changemand admirabl e zou bet groeit ag er bara hac er gùin, péré zou donæzoneu hun nes receuet guet Doué, é Corv hac é Goaid hur Salvér, péré zou en Hosti pur, santel ha glan, hac er bara a vuhé disquennet agen Nean, revé conzeu ha promess Jesus-Chrouist.

Er Belég e oulen guet Doué ma tei en ol de brofittein ag er Sacrifice e offr d'é V ajesté.

Consideret peguemènd en doai bet Jesus d'andur durand tair ær ma hoai bet é buhé doh er Groès.

Gount m'en dès er Belêg offret de Zoué er bara a vuhé hac er Halice a salvedigueah, ean e oulèn ma tei en ol de vont lodêq é meriteu Jesus-Chrouist quer presant ar en Autær, èl ma hoai ar er Halvær. Ean e gommance dré er bedèn-men:

- « Pligeet gueneob, men Doué, agréein er Bara-
- men a vuhé hac er Halice-men a salvedigueah ,
   èl ma hoès agréet donæzoneu Abel hou servi-
- » tour, ha Sacrifice er Patriarche Abraham, hac

» hani hou Peleg bras Melchisedech, rac bout çou

» amen ur Sacrifice santel hac un Hosti pur, é

» comparage doh er-ré-hont. »

Er beden-ze en des dober a voud expliquet. Jesus-Chrouist eit boud agreabl d'en Tad éternel, n'en des quet dober a vout recommandet: n'en dai quet enta a gaus tehou, mæs a gaus temb-ni é ra er Beleg er beden-ze, pehani e zeli boud antandet er mod-men:

Men Doué, a pe ne hoès agréet guharal Sacrificeu Abel, Abraham ha Melchisedech nameit rac ma hoènd er figur ag en hani e offramb
teoh hinihue, ha dré guemènt-cé chérisset en dud
ou offrai deoh; ni hou conjur de durel ar-n'amb
ur seèll amiabl, a p'en dai gùir é hofframb teoh
Jesus-Chrouist, en Hosti figuret dré er Sacrificeu-hont.

(Mar caret leine Histoër en ancien Testamand, hui e vélou petra-é bet Sacrifice Abel, hani Abraham, hac hani Melchisedech, hac é péh fæçon é hoènt, drès er Sacrificeu ag er goh Lezèn, er figur a hani Jesus-Chrovist.)

Arlerh er peh hun nès expliquet, er Belèg e soupl é creis en Autær, eit hum humiliein dirac

Doué, hac e lar er beden-men :

« Doué ol-buissant, ni hou supli d'ordrénein » ma vou douguet en Hosti-men bet-hac hou ç'Au-» tær santel dré zeourn en Ælet, acelfin goudé m'har » bou receuet Corv ha Goaid sacret hou mab uniq, » ma vehemb carguet ag en ol bénidiction ha græ-

» ceu ag en Nean, dré er memb Jesus-Chrouist hun

» Eutru. El-cé re-vou groeit »

Er beden-zé e oulen arré boud expliquet: rac

Jesus-Chrouist, eit boud-ean ar en Autær, ne guitta quet en Nean, hac èl-cé n'en dès quet dobér a vout douguet d'inou dré zeourn en Ælet. Mæs èl m'en dai carguet en Ælet a bresantein de Zoué pedenneu ha sacrificeu en dud, er Belèg é hanhue er bobl e oulèn ma tei un Æl èl pe vehai de chairrein en dezir hun nès ma vou er Sacrifice ag en Overen profitabl aveid-omb, ha de bresantein en dezir-zé de Zoué. Just-èl pe larehai:

« Men Doué, n'en domb quet ni dign de bre» santein deoh en Hosti pur-men én ur fæçon ma
» vou profitabl aveid-omb, el ma teziramb; rac» cé commandet de unan ag en Ælet e zou dalh» mat dirac-oh, presantein hun dezirieu d'en Au» tær santel (Jesus-Chrouist) én Nean, ha hum
» joentein guenemb eit ma vou profitabl aveid-omb
» en offrand e ramb a nehou ar en doar. »

Er beden-ze e zou ur suit ag en aral, hac er bobl ne ouh i quet gober guel, eit ou laret a galon guet er Beleg.

## Er Belêg e bèd eid er-ré treménet.

Caërræd-oai cleuè! Jesus é pedein eid er ré el laquai d'er marhue, hac é hescusein ou zorfæt!

Amen osi é leinait guharal en drivèd ag er rolleu à béré en hun nes conzet.

Goudé m'en des er Beleg hum groeset én achémand ag er beden hun nes expliquet, ean e sau é zeourn trema en Nean, en ul laret:

« Hou peet chonge ehue, men Doue, a hou ser-» viterion ha servitoureset N. ha N. pere en des » bihuet en hur raug er profession ag er memb » Fe guenemb, hac e zou marhuet e peah gue-» neoh. » A-zé ean e ra un tamiq arsau eit recommandein é particuliér en ineanneu treménet eit péré é fal dehou pedein, hac arlerh ean e gontinu ér fæçonmen:

» Ni hou supli d'accordein dehai dré hou mise-» ricord, ha de ol er-ré e repos é Jesus-Chrouist, » el léh a refræscadur, a sclærder hac a beah, dré » er memb Jesus-Chrouist hun Eutru. El-cé re-vou » groeit. »

En Ilis n'offr quet er Sacrifice eid ol er-ré varhue é general, mæs eid er-ré zou marhuet guet er Sacremand ag er Fé, hac é peah guet Doué, ha n'en dint quet hosh arribuet él lehuiné éternel Elcé n'en offrer quet eid er Sænt, rac m'en dint deja él léh a refræscadur, a sclærder hac a beah : n'en offrer quet ehué eid er-ré dannet, rac n'ou des quet receuet, pé n'ou dès quet conservet er Sacremand ag er Fé, ha m'en dint marhuet é malgræce Doué. Mæs a fæd en ineanneu ag er Purgatoër, n'en des hanni a nehai n'en dai recommandet de Zoué é quemend Overen; hac en Ilis e oulen aveit-t'ai er refræscadur, a gaus d'er pouahand ag en tan e andurant; er sclærdér, a gaus d'en tihoéldæd é péhani é mant; er peah, a gaus d'en nehance ha treboulance e santant.

Er Bobl e zeli ehué, peb-unan én é barticuliér, recommandein de Zoué en incanneu eit péré en en des intantion; hac arlerh pedein é general eid ol er-ré zou ér Purgatoër.

# En Nobis quoque peccatoribus.

3

, 1 .\_f

.

•:

٠:

'n

.:

Pedet Jesus d'accordein deoh a vremen er memb græce e ras ar er Groès d'el Lair mat.

OTEND er Gonsecration, er Belég e oulen guet Doué ma tei en llis e zon ar en doar, de vout lodeq guet er Sænt: arlerh er Gonsecration ean e oulen er memb græce eid en llis e zou ér Purgatoër, hac aufin eit-t'ou hac eid er-ré zou presant ér Sacrifice. Rac-cé ean e sau é voéh ér hommancemand ag er bedén-men, eid avertissein er bobl de hum joentein guet-t'ou, hac ean e sco ar é galon, èl er Publiquein ag en Aviél, en ul laret:

"Ha ni ehué queih péherion ma homb, hemb

" quin espérance meid én hou misericord hemb

" musul, groeit ma vehemb lodêq ha participant

" guet hou ç'Apostolet santel ha Martiret, guet

" Yehan (er Badeour), guet Stevan (Diacr), Ma
" heu (Apostol), Barnabé (Discipl), Ignace

" (Escob), Alexandr (Pab), Marcellin (Belèg),

" Pierr (Exorcist), Felicité, Perpetu (Merhet di
" méet), Agath, Luce, Agnès, Cécil, Anastasi

" (Guérieset), é compagnoneah péré en hou pe
" damb d'hur receu, non pas a balamor d'hur me
" riteu, mæs rac ma hoh mad ha misericordius.

"Dré béhani é ret perpet germein ol er madeu"men, en ou santesiet †, é ret dehai cresquein †,
"en ou béniguet †, hac en ou ret temb. Dré-d'ou †,
"guet-t'ou †, hac én-ou †, é ma deliet teoh en ol
"inour ha gloër, o Doué †, Tad ol-buissant as"sambl guet er Speret-Santel †, a viscoah de vir"huiquin."

» Dré Jesus-Chrouist hun Eutru »:

Er Belég e hanhue a-zé ur Sant a bep condition,

mæs ol Martiret, hac ean e oulen ma vehemb receuet én ou hompagnoneah, non pas a gaus d'hur meriteu.... rac, pe ne seèllehai Doué meit doh meriteu en dud, pihue e cèllehai pad én é bresance.

riteu en dud, pihue e eèllehai pad én é bresance.

Eit comprenein er honzeu-zé: dré Jesus-Chrouss... dré béhani é ret germein ol er madeu-men, en ou santefiet, é rait dehai cresquein, en ou béniguet, hac en ou ret temb; réd-é remerquein é hoai én andræd-cé ag en Overèn, é rait guharal er vénidiction ag er fréh, ag er potage, ag el leah, ag er mél, ag er hiq, etc., eit goulèn guet Doué er græce d'obér un usage vad a nehai. Penaus-benac mei changet er mod de véniguein er madeu-zé durand en Overèn, en Ilis en dès conservet er bedèn e rait ar nehai, rac ma jauge asses guet Corv ha Goaid hur Salvér, péhani zou reit temb idan en

aparanceu ag er bara hac er gùin.

Expliquet hun nès deja perac-é é ra er Belég Sign er Groès ar en Hosti arlerh er Gonsecration. A-zé ean e ra guet en Hosti memb tair guéh Sign er Groès ar er Halice, ha dihue uéh vis-a-vis d'er Halice, én ul laret: dré-d'ou, guet-t'ou hac én-ou é ma detiet teoh en ol mour ha gloër, o Tad otbuissant assambl guet er Speret, etc., eit rein d'antand n'en dès meit Sacrifice Jesus-Chrouist e eell rantein de Zoué en inour e zou deliet tehou, ha n'eèllér inourein Doué nameit dré Jesus-Chrouist, (hanni ne ya d'em Zad nameit dré-on); guet Jesus-Chrouist, (en-n'emb n'en dai quet gueneign; e zou inemp teign); hac é Jesus-Chrouist, (ur branq distaguet a zoh er chouche, ne fehai quet doug fréh).

Er Beleg en ul laret er guirieu-men, é ma deliet teoh en ol inour ha gloër, e sau er Hance hac en Hosti assambl, eit discoein dré en action-zé quer clous èl dré er honzeu, n'en dai meit dré Jesus-Chrouist, guet Jesus-Chrouist, hac é Jesus-Chrouist, é heèll en Drindèd adorabl receu en ol inour ha gloër e zou deliet dehou. Sonnein e rér nezé ur hloh bihan, eid avertissein er bobl d'adorein Doué dré Jesus-Chrouist. Guharal ne oai quet quentéh arlerh er Gonsecration, mæs én andræd-men ag en Overèn é sàuait en Hosti hac er Halice eit boud adoret guet er Fidelet.

Er bobl durand er beden, Nobis quoque peccatoribus, e zeli ehué scoein ar ou halon, el er Beleg,
eit goulen guet Doué misericord, hac er græce de
voud un dé lodeq guet er Sænt é Ranteleah en Nean:
ind e zeli trugairicad Doué ag en ol madeu e ra
demb dré Jesus-Chrouist, hac en adorein dré Jesus-Chrouist, guet Jesus-Chrouist, hac é JesusChrouist, ér momand ma sau er Belêg er Halice
hac en Hosti.

#### Er Pater noster.

Caërræd un Testamand en dès groeit temb Jesus ar er Groès, en ur rein demb er Uériès eit bout hur Mam.

En achémand ag er bedèn, Nobis quoque peccatoribus, er Belèg e brononce a voéh ihuel er honzeu-men, Per omnia secula seculorum, (A viscoah de virhuiquin), eit goulèn guet er bobl mar dint contant ag er péh en dès groeit ha laret én ou hanhue; ha goudé m'ou devai reit ou housante-mant en ur rescond Amen (El-cé re-vou groeit), ean ou houvi dré er guir-men, Oremus (Pedamb), de hum joentein guet-t'ou eid adressein de Zoué er bedèn admirabl en dès hur Salvér désquet temb.

Mæs quent he hommance can e ra d'antand n'hur bezai jamæs credet hum adressein doh Doué guet quemend a gonfiance, queneve m'en des Jesus-Chrouist desquet hac ordrenet temb er gober. Racce can e lar a voeh ihuel é hanhue er bobl:

« Instruget ma homb dré Ourhæmeneu salvus, » ha revé en instruction divin e zou bet reit temb, » ni e guemér en hardéhtæt de laret: Hun Tad pé-» hani zou én Nean, etc. » (Expliquet hun nès deja er bedén-zé.)

Guharal ne larait quet calz, mui eit bermen, er Pater hac er Credo a voéh ihuel nameid én Overèn: rac èl ma hoai permettet d'er-ré ne oènt quet hoah badéet, assistein én Officeu aral, cuhein e rait doht'ai er Misterieu, guet eun ne vezent bet profanet guet tud a béré ne oait quet hoah assuret. Mæs én Overen, el ne oai meid er Fidelet en assamble a oudé en Aviél, ne zougeait quet a ou laret a voéh ihuel. Mæs er bobl é léh rescond, Amen, èl d'er pedenneu aral, e lar pen-d'er-ben er seihvet goulen ag er Pater: Sed libera nos à malo, ( Delivret niag en droug), hac èl-cé é berr guirieu ind e oulèn quemend el er Beleg; rac, el m'hun nes deja remerquet, ér seihvet goulen-zé é ma comprenet en huéh aral: ind e lausq guet er Belég de rescond, Amen (El-cé re-vou groeit); hac èl ma talh léh Jcsus-Chrouist én ou hevir, er guir Amen én é vèg e senéfi, ya, me Zad, delivret ind ag en droug. Esn e bouis memb ar en Eutru-Doue de seellet doh dezir er Fidelet, hac en ou hanhue ean e gontinu ou goulen er fæçon-men:

» Delivret ni, men Doué, ni hou supli, ag en ol » drougueu treménet, presant ha de zonnet; ha w dré intercession en Itron Vari Mam de Zoné, perpet Guéries, hachou ç'Apostolet heuras Pierr, Paul hac Andreu, accordet temb er peah ér vuhé-men, a-celfin dré er secour a hou misericord, ne vehemb jamæs é sclavage er péhet, ha ma vehemb perpet én abri doh peb sort dangérieu, dré Jesus-Chrouist hou Mab uniq, hun Eutru, péhani e vihue hac e jeuiss ag er memb puissance gueneoh ha gueter Speret-Santel, un Doué hemb quin, a viscoah de virhuiquin. »

En drougueu treménet, a béré é houlènnamb, guet er Belèg, bout delivret, e zou hur péhedeu, en drougueu presant, e zou en tantationeu péré hun doug d'er péhet; hac en drougueu de zonnet, e zou er poénieu tamporel pé éternel, e stleige ar é lerh er péhet. Rac-cé a pe oulènnamb guet Doué bout delivret ag er péhet, ni e oulen ehué bout delivret ag en ol drougueu, a p'en dai er péhet er brassan droug e fehai bout, hac er ourien ag en ol drougueu; hac a pe oulènnamb er peah, ni e oulèn en ol madeu; rac hemb er peah guet Doué, petra é ol en treu ag er béd?

En ul laret er honzeu-men, reit temb er peah....
er Belég e hum groèz guet er Blatinèn-Calice, péhani zou er Symbol ag er peah, eit rein d'antand n'eèllamb hur boud er peah nameit dré Groès Jesus-Chrouist. Ean hé goulèn dré intercession er Sænt, eit bout surroh a vout cheleuet guet Doué; rac-cé ean e hanhue é spécial er Uériès glorius Vari, péhani zou Mam d'en Doué a beah, hac en tri quettan é-mésq en Apostolet, péré en dès annoncet er peah d'en ol pobleu ag er béd, a berh Jesus-Chrouist.

Er bobl ne ouhai quet gobér guel eit laret er beden-zé é segrèd guet er Belég.

# Er Belég e dorr en Hosti.

Contamplet Jesus é verhuel doh er Groès eit salvedigueah en ol.

En Belég en un achihue er beden hun nes expliquet, e rann en Hosti é tri péh, eit gobér èl ma ras Jesus Chronist péhani e dorras er bara sacret quend er rannein itré é Apostolet: ean e ra en action-zé quentéh arlerh m'en des goulènnet er peah, eit rein d'antand penaus Jesus Chronist n'en dai marhuet ar er Groés, ha ne hum ra demb ér Sacremand ag en Antær, meid eit rein demb er peah, hac hun delivrein ag en ol drougueu. En ol e ouair penaus a pe dorr er Belég en Hosti, ne dorr quin meid en aparanceu ag er bara, èl m'hun nès laret en un expliquein er Sacremand ag en Autær.

É Spagn guharal er Belêg e rai nau peh ag en Hosti, eit represantein nau Mister a Jesus-Chrouist. Er hettan e oai hanhuet Incarnation, en eil Gannedigueah, en drivet Circoncision, er huarvet Transsiguration, er bempet Passion, en huéhvet Marhue, er seihvet Resurrection, en eihvet Glaër Jesus én Nean, hac en nauvet Ranteleah Jesus a pe

zei de jugein er-ré vihue hac er-ré varhue.

Mæs én Ilis Latin é general ne rér meit tri péh ag en Hosti: Er Belég e gommuni bermen guet deu anchai, (me lar bermen, rac guharal ne gommuniai meit guet unan, hac ean e rannai en aral itré er Fidelet e zezirai communiein), hac en drivet e vai caiget ér Halice guet er Goaid précius. Er Belèg quend er haigein guet er Goaid précius, e ra guet-t'ou Sign er Groès tair guéh ar er Halice en ul laret: re-vou perpet peah en Eutru-Doué gueneoh; eit rein er vénidiction d'er bobl dré veritt en Hosti e zou bet torret eit-t'ai; hac er bobl e zezir d'er Belèg er memb bénidiction en ur rescond tehou, ha guet hou speret.

Er gustum-zé de gaigein ur péh ag en Hosti guet er Goaid précius, e zou deit diarben en usage e oai guharal de rein er Gommunion d'er Fidelet idan en aparanceu ag er gùin, quer clous èl idan en aparanceu ag er bara : èl ne oai quet attàu assès a uin consacret eit rein d'en ol, laquad e rait ér Halice gùin péhani ne oai quet consacret, ha caigein e rait én é vésq ur péh ag en Hosti, èl ma rér hoah Guiner er Groes, eit ma vezai bet ahoël santefiet dré Gory adorabl Jesus-Chrouist. Penausbenac ne rér quet mui er Gommunion d'er bobl idan en ihue aparance, en Ilis en dès conservet er mod de laquad ur péh ag en Hosti ér Halice, eit represantein dré en aparanceu-zé joentet assambl Resurrection Jesus-Chrouist, avel m'en dai represantet é Varhue dré er bara hac er guin consacret peb-unan d'é du. Er Beleg en ur obér er ceremonizé e lar er beden-men :

- » Re-zei Corv ha Goaid sacret Jesus-Chrouist » caiget assambl, de voud aveid omb-ni péré e » hum zispos d'ou receu, ur vamen a vuhé éternel. » El-cé re-vou groeit. »
- -Durand ma torr er Belég en Hosti, er bobl e zeli trugairicad Jesus-Chrouist en dout hur haret betha rein demb é Gorv hac é Oaid précius eit bout magadur hun inean, ha goulèn ma vou é Resurrec-

tion un arrès aveid omb ag er Resurrection glorius hag ag er vuhé éternel.

## En Agnus Dei.

Consideret a vras er burhudeu e arrihuas ar en doar hac en Nean er momand ma varhuas Jesus doh er Groès.

Arlern er ceremoni hun nes expliquet, er Belêg e lar tair guéh en ur scoein ar é galon :

» Oén Doué, péhani e efface péhedeu er béd, » hou peet trubé dohemb. »

Mæs en dairvet guen é len, hou pest truhé dohemb, ean e lar, reit temb er pean; eu goulen guet Doué er pean én Ilis, hac itré er Brincet Crechénion. Er bobl e zeli enué laret er bedèn-zé guet er

Belêg, pé hé hannein guet fé ha devotion.

En Overenneu a requiem, é léh hou peèt truhé dohemb, rest temb er peah, é larér, rest tehai es repos éternel, ha ne larér quet er guettan Orasson e za amen arlerh. Rac en Ilis n'offr er Sacrifice meid eid en ineanneu e zou ér Purgatoër; hac èl m'en dint marhuet é peah guet Doué, ne chom mui de oulèn aveit-t'ai meit ma veint delivret ag ou foénieu ha ma heint d'er repos éternel.

Arlerh en Agnus Dei, er Belêg e soupl é creis

en Autær eit laret er beden-men :

» O Salvér Jesus-Chrouist, péhani en dés laret » d'en Apostolet: me lausq gueneoh er peah; me » ra deoh me feah, ne seèllet quet doh me féhedeu, » mæs doh fé hou c'llis, ha pligeèt gueneoh rein » dehi er peah hac hé laquad de onan revé hou vo-» lanté; hui péhani zou Doué, e vihue hac edrioms » a viscoah de virhuiquin. El-cé re-vou groeit. »

A-zé-é é rér er peah de voquein én Overèn-Brèd, eit rein d'antand d'er Fidelet é teliant bihuein é peah en eil guet égnilé, ha hum laquad ol de unan é Jesus-Chrouist, eit ne reint mui meid ur horv hac ur speret, èl ma lar S. Paul, mar fal dehai bout dign de receu en Doué a beah. Eit quemènt-cé é lar er Belég er bedèn hun nès expliquet. Arlerh ean e ra é particuliér en ihue bedèn-men, eit hum breparein d'er Gommunion:

« O Salvér Jesus, Mab Doué, péhani dré vo» lanté hou Tad assambl guet er Speret-Santel, en
» dès reit dré hou marhue er vuhé d'er béd, deli» vret mé dré hou Corv santel hac hou Coaid sa» cret, a ol me féhedeu hac ag en ol drougueu aral;
» groeit ma talhein-mat perpet doh hou Courhæ» meneu, ha jamæs n'em lausquet de hum sepa» rein dohoh-hui, péhani e vihue hac e jouiss ag
» er memb gloër guet en Tad ha guet er Speret» Santel, un Doué hemb quin, a viscoah de vir» huiquin. El-cé re-vou groeit. »

« Salvér Jesus, ne bermettet quet ma chervigeou d'em Jugemant na d'em hondannation, hou Corv hac hou Coaid adorabl e yan de receu, deusto n'er meritan quet; mæs groeit dré hou miseri- cord ma vou me Hommunion un dihuen eid me inesn hac eit me horv, hac ur remæd salvus sveid-on. Accordet teigu er græce-zé hui péhani e vihue hac e jouiss ag er memb gloër guet en Tad ha guet er Speret-Santel, un Doué hemb quin, a viscoah de virhuiquin. El-cé re-vou groeit »

Er-ré e zezir communiein, ne fehènt quet gobér

guel eit laret er pedenneu-zé a galon guet er Belég.

Nezé er Belég e guemér Corv Jesus-Chrouist en ul laret dissonniq er honzeu-men ag er Psalm 115:

« Me guemérou er bara ag en Nean, ha me be-» dou Hanhue en Eutru-Doué. »

Nezé ean e sau é voeh hac e lar tair gueh én ur scoein ar é galon, er honzeu-men e laras er Cantenier a pe hum bresantas dirac Jesus-Chrouist:

» Men Doué, n'en don quet dign ma hantréehait
 » ém halon; mæs laret hemb quin ur guir, hac é
 » vou guelleit d'em inean.

Arlerh, eit ma tei chonge tehou én ar gommuniein, a Bassion hur Salvér, ean e hum groèz guet en Hosti, en ul laret:

« Re-zei Corv Jesus Chrouist hur Salvér de oarn » me inean eid er vuhé éternel. »

Goudé m'en dès communiet idan en aparanceu ag er bara, ean e chair guet respèt er berhonneu e eèllehai bout chomet ag en Hosti ar er Horporal, hac ou laq ér Halice en ul laret:

« Petra e zacorein-mé de Zoué eid en ol vad en » dès groeit teign? Me guemérou er Halice a sal-» vedigueah, ha me bedou Hanhue en Eutru-Doué: » me bedou Doué en ur gannein mélodi dehou, ha » me vou delivret a m'enemiset.» (Ag er Psalm 115.)

Nezé ean c guemér er Halice, hac e hum groèz guet-t'ou en ul laret:

« Re-zei Goaid Jesus-Chrouist hur Salvér de » oarn me inean eid er vuhé éternel. »

Durand ma communi er Belêg, er Fidelet péré en dès dezir de gommuniein, e zeli hum breparein. Er-re n'en dint quet disposet d'er gober, e zeli hum humiliein, ha laret guet er santimenteu brassan a hlahar hac a gontrition: Domine, non sum dignus.... Men Doué, ne veritan quet hou receu....

'Mar hum bresantt unan-benac eit communiein, laret e rér er Confitcor a voéh ihuel, eid avertissein er Belég, hac eit ma tei er-ré e hum bresantt d'obér ou Hovezion general, mar ou dès manquet a hé gobér gucter Belèg ér hommancemand ag en Overèn.

Guharat quentéh et m'en doai communiet er Beleg, ean e rai er Gommunion d'er bobl, hemb laret peden er bet. Mæs a oudé mei deit er mod de rein er Gommunion quênt ha goudé en Overen, et ma oai requis ér circonstanceu-zé laret er Confiteor, etc., en Ilis en des reglet ma vezent ehué laret quênt Communion er bobl én Overen.

A pe vai achihue er Consiteor, er Belég e zistro un tamiq doh er bobl eit laret, èl ér hommancemand ag en Overèn, Misereatur... hac Indulgen-

tianı...

Arlerh ean e guemér en Hosti, hac e lar er honzeu-men:

« Chetui Oén Doué, péhani e efface péhedeu er » béd. »

Quentéh ean e lar tair guéh er beden-men é hanhue er-ré zou prest de receu :

« Men Doué, n'en don quet dign ma hantréehait » ém halon; mæs leret hemb quin ur guir, hac é » vou guelleit d'em ineau. »

Laquad e rér un duell ar zeourn er-ré e gommuni, non pas eit ma séheint ou bêg guet-t'hi, èl ma ra ul lod vat, mæs eit receu er berhonneu e æèllehai couéh a-zoh en Hosti. Er mod d'hé derhel, a fæçon, n'en dai quet enta joentein en deourn idan d'hi. Peb-unan e zeli digueor é vêg modestemant, avance un tamiq é dead ar é zivès, ha sehuel é bên ihuel assès eit ma huélou er Belèg petra e ra.

En ur zistribuein er Gommunion de bep Fidel,

er Belég e lar:

« Re-zei Corv Jesus-Chrouist hur Salvér de oarn » hou c'inean eid er vuhé éternel. »

De zezirein vehai ma tehai peb-unan ér momand ma prononce er Belég, Corpus Domini nostri Jesu-Christi, de laret, amen, eit gobér un Act a Fé ar bresance hur Salvér ér Sacremand ag en Autær

quènd er receu.

Er-ré ne gommuniant quet én effæd, e zeli communiein a zezir; de laret-é, hum humiliein dirac Doué; hum joentein a galon doh Jesus-Chrouist; goulèn guet-t'ou en dispositioneu necessær eit communiein santelemant, hac er supliein d'accordein dehai er memb græccu èl p'ou dehai er bonheur de gommuniein én effæd. (Expliquet hun nès en dispositioneu requis eit communiein erhad én articl ag er Sacremand ag en Autær).

## Pedèn goudé er Gommunion.

Consideret pebéh ur joé oai bet eid en Disciplet a pe gleuezant é hoai resuscuet Jesus.

Goudé er Gommunion er Belég e guemér gùin ér Halice eid er purifiein, hac arlerh ean e guemér gùin ha deur eit golhein é visiet, en ul laret:

» Groeit, men Doué, ma receuehemb guet ur » galon pur er peh çou antréet én hur bég, ha ma

- » tei ag un donæzon tamporel, de voud aveid omb
- » ur remæd éternel. »

« Doué ol-buissant, re-zei Corv Jesus-Chrouist » e mès receuet, hac é Oaid e mès ivet, de vout bi-

- » huance continuel me inean; ha grocit dré hou
- » cræce ne vou mui én-an nitra couchiet dré er
- » péhet, arlerh ma hon bet maguet guet Sacre-
- » manteu quer pur ha quer santel; hui péhani e
- » vihue hac e driomfl a viscoah de virhuiquin.
- \* El-cé re-vou groeit. »

Arlerh ma vai goleit er Halice, er Belég e leine ér horn diheu ag en Aviær un Antién, hanhuet Communion, rac m'hé hannait guharal durand ma rait er Gommunion d'er bobl. Nezé ean e retourn de greis en Autær eit saludein er Fidelet dré er honzeu-men, en Eutru-Doué re-vou gueneoh, ha goudé m'ou des rescondet, èl en ordinær, eit merchein ou attantion, ean ou avertiss (Oremus) de hum joentein guet-t'ou ér beden e ya de laret, eit trugairieat Doué ag er græce ou des bet de recen Jesus-Chrouist, En Orzeson-zé hanhuet Post-Communion, (peden arlerh er Gommunion) e zou un temall d'er Grechénion lache ha digas, péré ne brezant quet hum laquad ér stad de gommuniein a pe assistant en Overen, el ma rai er Fidelet guharal. Hi zou chué ur merche ag en dezir en dès en Ilis ne vou quet reit de gommuniein nameit durand en Overen, penaus-benac ma hum gav paud a circonstanceu é péré é ma requis gober autremant, é spécial ar er mæzeu.

En achémand ag er post-Communion, er bobl e rescond Amen (El-cé re-vou groeit) eit discoein é mant coutant ag er peh en devai goulennet er Be-

leg én ou hanhue.

De Goaris er Belég e lar hoah un Oræson aral, e hanhuér pedèn ar er bobl; ha quent hé hommance, ean ou avertiss de hum zerhel humiliet, dré er honzeu-men, hum zalhet prosternet durac Doué. Guharal ma larait d'en déieu yun er Gospereu quentéh arlerh er Gommunion, er bedèn goude er Gospereu e chervigeai de post-Communion, èl ma ra hoah én deieu dehuchan ag er suliun santel. Mæs a oudé mei deit er mod de dorrein er yun quentéh èl creisté, en Ilis en dès reglet ma vezai laret ur post-Communion èl d'en déieu aral, hac ar hé lerh, en Oræson e zeli bout laret goudé er Gospereu, de béhani é hès reit en hanhue a bedèn ar er babl.

Goudé m'en devai er Belég saludet er bobl ér mod ordinær, ean e lar, ite, Missa est, (hui e eèll hum dènn, achihue-é en Overèn); hac er bobl e rescond, Doué re-vou trugairicait. D'en déieu yun ha d'en déieu a bénigèn, é léh ite, Missa est, er Belèg e lar, benedicamus Domino, (melamb Doué); hac er bobl e rescond arré, Deo gratias. D'Overenneu er-ré varhue ean e lar, requiescant in pace, (deènt de reposein é peah), hac er bobl e rescond, Amen. Chetui er ræzon ag en differance-zé: guharal ne larait ite. Missa est, meid a pe zeliai er bobl sorti quentéh arlerh en Overèn: ha n'el larait quet d'en déieu a bénigèn na d'Overenneu er-ré varhue, rac ma hoai attàu ur bedèn, pé ur ceremoni benac d'obér arlerh en Overèn.

Er mod de rein er vénidiction én achémand ag en Overèn ha de laret en Aviel revé S. Yehan, n'en dai quet ancién. Er vénidiction e oai reservet guharal d'en Escobet, ha quentéh èl m'en doai er Belèg laret ile, Missa est, ean e hum dènnai quer clous el er bobl. É Paris é héliér hoah pe-dost en usage-cé én Overenneu ar-gan. Mæs el ma tai d'er Fidelet dré zevotion goulen boud aviélet arlerh en Overen, eit tennein ar nehai græceu Doué dré vertu er honzeu divin ag en Aviél, er Velean en des hum accourcet a nebedigueu de leine arlerh en Overen er hommancemand ag en Aviél revé S. Yehan, hac anfin en Ilis en des groeit a guement-cé ur regl general.

Quênt rein er vénidiction d'er bobl, er Belég e soupl é creis en Autær eit gobér er bedèn-men,

péhani zou un Act a drugairé:

« Agréet, Drindet santel, en avouéance a me » sujidigueah hac aboeissance; ha groeit ma vou » agréabl deoh er Sacrifice e mès offret d'hou Ma-» jesté pebéh quen indign ma hon, ha ma tennou » hou misericord ar-n'an hac ar ol er-ré eit péré » en e mès ean offret, dré Jesus-Chrouist hum » Eutru. El-cé re-vou groeit. »

Durand ma ra er vénidiction, er bobl e zeli hum humiliein, ha pedein Doué de rein debai é vénidiction dré zeourn er Beleg. Ind e zeli sehuel eit cheleuet guet respêt en Aviél; adorein er Verbéternel angeandret a ol éternité ag en Tad, ha deit de vout Dén aveid omb; en trugairicat mei pliget guet-t'ou disquên én hur mésq eit hun instrugein, ha chom guenemb eit bout bihuance hun inean ér Sacremand ag en Autær; anfin goulén guet-t'ou er græce de gonservein er galité a vugalé de Zoué en dès meritet temb dré é Incarnation, dré é Varhue, dré é Resurrection ha dré é Asçansion.

Quent sorti ag en Ilis, arrestet un tamiq hou speret de gontamplein er Misterieu e hoès guélet

represantein ar en Autær, ha goulennet guet Doue er græce ne vou quet en Overen e hoes cleuet, hemb profit aveid-oh. Retournet d'er guær el unam e zehai a ziar er Halvær a uelet laquad Jesus-Chrouist d'er marhue. El-ce re-vou groeit.

#### ARTICL V.

A CERTAIN PRATIQUEU A BUR DEVOTION.

# Ag er Perhindedeu.

Penaus-benac m'en dai Doué partout, un dra suré neoah en hum blige e tiscoein é buissance hac é vadeleah é certæn léhieu, dré er Miracleu hac er secourieu spécial e accord d'er-ré ou visitt guet devotion. Er gustum d'obér Perhindedeu é béyeu er Vartiret, én Ilisieu, pé Chapélieu ma repos Relégueu er Sænt, él léhieu en dès Doué inouret dré ur Miracl benac, etc., en dès commancet guet en Ilis. Er voyageu-zé a zevotion e zou ur merche a Fé er Fidelet péré ou groa guet un isprit a respêt hac a Religion. Er boén e vai doh ou gobér, e gasti er horv, hac e cell bout profitabl eid en ineau. El Limageu, er Proven, er Relégueu, er Miracleu e uélér él léhieu santel-zé, e ziousq er Fé hac e duèm en devotion...

Mæs treménet-é en amzér hont ma hait dré zevotion d'er Perhindeden: en darn-muyan bermen ne yant dehai, meit dré guriosité, dré vanité, meid ait cavouét en tu d'obér chervad, de goroil, de hum zivertissein, de uélet ha de vout guélet.... ha quemènd a ræzon vehai bermen d'ou dihuèn, el e oai guharai d'ou honseillein. L

Mar fal dech tennein profit ag er Perhindedeu,
queret dehai guet modesti ha devotion. Ne hum
abuset quet guet peb sort langageu durand en hend;
mæs conzet a dreu mat, ha pedet liès. Ne yet quet
dehai é sigur cavouét Covezerion péré e bass tout;
guel vehai dech chom ér guær. A pe vehait arrihue
el léh, groeit hou tevotion a uellan ma heèllehait,
ha goulènnet dré intercession er Sant e inourér
inou, er græce de zistag hou calon muyoh-mui doh
er béd, de renonciein dech hou c'hunan, ha de
guerhet ar bazeu Jesus-Chrouist. Retournet d'er
guær guet er memb santimanteu e zeliet hou pout
bet en ur monet.

## Ag er Berdiaheu.

Un dra vad-é hum laquad ér Berdiaheu aprouvet dre en Ilis. Mæs quênt hum ingagein, examinet erhad ha hui e cellou guet quement-cé accomplissein hou teværieu general ha particulier. Rac lausquein en deværieu é sigur gobér devotioneu aral, e zou un abusance hac ur sotiss ag er-ré lourtan. Ne hum ingaget quet dré vanité na dré er respèt ag er bed. Heliet er reglemanten ag er Verdiah guet er memb speret meint bet instituet, ha ne hum goutantet quet a reglein hemb quin en dianves; doh er galon é seèll en Eutru-Doué. Ne chonget quet gueneoh, el ma ra ul lod vad, é ma asses boud en ur Verdiah eit bout salvet; n'en dai quet en abid-é e ra er guir Grechen. Eellet vehai laret d'er sort-Crechénion-zé er péh e larni Jesus-Chrouist d'er Farisiennet, en ou des un dianves caer, mæs é mant lous a ziabarh. Er mercheu e zouguér eit discoein é vér ag ur Verdiah, e zon un avertissemant

continuel de vihuein santelemant, de rein exampl vat d'er ré-ral, ha d'avance dalh-mad é vertu. Erré ne hum ingageant quet guet en intantion-zé, e zisco n'ou dès quet paud a Religion, hac é fal dehai

gober goab ag er guir devotion.

Er pratiq de zoug Limageu, Croesieu, Chapeletteu, lieinage péré e vai bet touchet doh Relégueu er Sænt, e zou chué otoriset dré en Ilis. Mæs hum drompein a vras vehai laquad ol en devotion ér sort treu-zé. Doné e vènn boud adoret ha cherviget a speret hac é gurionné, ha liès mad er-ré zou quer presset d'ou dout Relégueu èl-cé, ne rant quet paud a gas eit disinourein Jesus-Chrouist hac er Sænt dré ur vuhé tout contrel d'en Aviél. Er guettan ha guellan devotion e zou laquad poén de hum zizobér a hun defauteu beèd er-ré distérran. (Leinet er hettan Chapistr ag er Hombat spirituel.)

Er mod d'aviélein er bobl e zou ehué ur pratiq santel hac ancién, ha bout çou léh de gredein arlerh er péh en dès Jesus-Chrouist ansaignet temb, é heèllamb tènnein ar-n'amb peb sort græceu dré vertu é gonzeu divin. Mæs eit quemènt-cé ni e zeli laquad hun ol studi de bratiquein é Zoctrin; rac un dra monstruus vehai discoein én aparance quemènd a respèt eid en Aviél, hac en disprisein én donn ag er galon, én ur obér tout er hontrel d'er

néh e gommand.

### Ag er péh e rantt mad-dén heurus e quement ma heell boud ér vuhé-men.

CHELEUET er moyandeu e hoès de vout heurus é quemènt ma heèli mad-dén boud ér vuhé-men. Jesus-Chrouist ean memb-é ou ansaign deoh.

- 10. Heurus er-ré peur a speret, rac Ranteleah en Nean e zou dehai.
- 20. Heurus er-ré douce, rac ind ou devou doar
  - 30. Heurus er-ré e ouil, rac consolet veint.
  - 4º Heurus er-ré en dès hoant ha séhæd d'er santeleah, rac goalhet veint.
- 50. Heurus er-ré charitabl ha misericordius, rac ind e gavou misericord.
- 60. Heurus er-ré pur a galon, rac ind e uélou Doué.
- 70. Heurus er-ré e gar er peah, rac galhuet
- 80. Heurus er-ré e andur a balamor d'er sante-Fleah, rac Ranteleah en Nean e vou dehai.

Dré er ré peur a speret, Jesus-Chrouist e antand, 1°. en ineanneu humbl; 2°. en dud peur e vihue coutant én ou feuranté; 3°. er - ré pihuiq e zou distag ou halon doh en danné.

Dré er-ré douce, Jesus-Chrouist e antand er-ré n'en dint quet vélimus, ne garant quet en disput nac en dissancion, ne vourrant quet hum glém na

murmurein. Doar er-ré vihue e zou grateit de jai , n'en dai quin meid er Baraouis.

Dré er ré e ouil, Jesus-Chrouist e antand: 1°. Erré e huannad a gaus d'ou féhedeu propr, pédiarbèn péhedeu er-ré-ral. 2°. Er-ré e ra pénigèn. 3°. Erré e andur a balamor de Zoué en afflictioneu ag er vuhé-men.

Dré er-ré en dès hoant ha séhæd d'er santeloah, Jesus-Chrouist e antand er-ré e zezir guet grèd bout santel hac agréabl de Zoué, hac e guemér en ol moyandeu possibl eid avance é parfætion.

Dré er-ré charitabl ha misericordius, Jesus-Chronist e antend er-ré e assist en Nessan, a guement ma heèllant, én é zobérieu spirituel ha corporel, pé ahoël en dès truhé doh-t'ou, e suport é zefauteu, ou escus, hac e bardon a uir galon en anjulieu e rér dehai.

Dré er-ré pur a galon, Jesus-Chrouist e antand er-ré zou distag ou halon doh peb sort péhet, hac e hum boéni dalh-mad eit feahein ou goal inclinationeu.

Dré er-ré e gar er peah, Jesus-Chrouist e antand er-ré e gommand perpet ar en dezirieu ag ou halon, e vihue é peah guet ou housciance, guet Doué ha guet en Nessan, hac e labour eit laquad en accord hac amitié itré en ol.

Dré er-ré e andur a balamor d'er santeleah, Jesus-Chrouist e antand er-ré zou câsseit, pé goal dratet, pé décriet, pé dispriset rac ma sauant perpet en tu guet er urionné hac en devotion; én ur guir, er-ré e ra ou devær.

HOC FAC, ET VIVES.

Groeit èl-cé, ha hui hou pou er vuhé éternel. Luc, Chap. 10.

Accomplisset e mès er péh em boai grateit : Deoh-é heli bermen en hènd e mès discoeit. Handuein, carein Doué, er chervige guet courage Eit bout heurus guet-t'ou; hennéh-é hou partage.

Jesus Re-vou mêlet.

## LITANIEU

#### ER UÉRIÈS GLORIUS VARI.

 ${f E}_{ t u ext{rav-Doué}}$ , hou peèt truhé dohemb. Re. Eutru-Doué, etc. Jesus-Chrouist, hou peet truhé dohemb. Re. Jesus-Chronist, etc. Jesus, cheleuet hur pedenneu. Be. Jesus, cheleuet, etc. Jesus, receuet hur pedenneu. Rt. Jesus, recenet, etc. Tad éternel, gùir Doué, By. Hou peet truhé dohemb. Jesus, Salver er bed, guir Doue, Be. Hou peet truhé dohemb. Speret-Santel, gùir Doué, Br. Hou peet truhé dohemb. Drindet Santel, un Doué hemb quin, By. Hou peet truhé dohemb. Santès Mari, Pedet aveid omb. Gùir Vam de Zoué, Guériés santel er Guériézet, Mam de Jesus-Chrouist; Mam d'er vamèn ag en ol græceu, Mam a burtæt, Mam a uerhiæt, Mam ha Guéries. Mam exantt a bep sort pehet, Mam dign de vout câret, Mam dign de voud admiret .

Mam d'hur Hrouéour, Mam d'hur Salvér, Gùéries parfæt,

Pedet aveid omb.

Guériès fidel, Miloër a santeleah. Damurance er sagesse divin, Mam d'er pen a hun ol joé, Tampl er Speret-Santel. Lestra inour. Scuir parfæt a zevotion, Rosèn misterius. Gloër leigné David, Limage a burtæt. Sanctuær a garanté, Arh ag en alliance nehué, Dor er Baraouis, Stiren en dé, Recour er-ré clan. Retirance er béherion . Consolation en dud affliget. Secour er Grechénion, Rouannès en Ælet, Rouannès er Batriarchet, Rouannès er Brofætet. Rouannès en Apostolet, Rouannès er Vartiret, Rouannès er Govezerion. Rouannès er Guériézet.

Rouannès en ol Sænt ha Santézet, Rouannès spécial er Verdér ag er Rosær,

donnet temb hur fauteu,

ceuet hur pedenneu.

Oén Doué, péhani e efface péhedeu er béd; st. Par-

Oén Doué, péhani e efface péhedeu er béd; p. Re-

Guéries inourabl.

Guéries dign de vout mêlet.

Guéries puissant étal en Entru-Doué, Guéries len a druhé hac a vadeleal,

Pedet aveid omb

Digitized by Google

Oén Doué, péhani e efface péhedeu er béd; p. Hou peet truhé dohemb.

- y. Jesus, hur cheleuet.
- Br. Jesus, hur receuet.
- y. Pedet eid omb, gùir Vam de Zoué;
- p. Eit ma tehemb de vout dign a bromesseu Jesus-Chronist.

FIN.

En Edition nehué ag el Livr-men ne hum gav, é Guéned, nameid é ti De La-MARZELLE, Imprimour ha Livrour ar el Liceu.

# ROLL

3	Ag	er	péh	zou	comprênet	él	Lior -	men.
•	0		F					

CHAP. I Obligationeu ur Hrechen, page	5
Art. I. Ag er Vertuyeu é general,	. 9
II. Ag er Fé a Greohéneah,	13
III. Explication a Symbol en Apostolet	, 19
IV. Ag en Espérance a Grechéneah,	47
V. Ag er Garanté a Grechéneah,	55
CHAP. II. Peellet dob en droug,	83
Art. I. Ag er pehet Originel,	85
II. Ag er péhet Marvel,	87
III. Ag er péhet Veniel,	90
IV. Ag er péhedeu a Ignorance,	93
V. Ag er péhedeu a Fragilué,	96
VI. Ag er péhedeu a Valice,	97
VII. Ag er seih péhet Capital,	101
CHAP. III. Groeit er mad,	133
Art. I. Ag er guettan Gourhæmen,	134
II. Ag en eil Gourhæmen,	146
III. Ag en dairvet Gourhomen,	155
IV. Ag er bedairvet Gourhæmen,	160
V. Ag er bempet Gourhæmen,	182
VI. Ag en huéhvet Gourhæmen,	186
VII. Ag er seihvet Gourhæmèn,	190
VIII. Ag en eihvet Gourhæmen,	200

IX. Ag en nauvet Gourhæmen,	210
X. Ag en desvet Gourhæmen,	21
CHAP. IV. Cheleuet en Ilis,	213
Art. I. Ag er guellan a Ourhæmeneu en Ili	s, 21 <sup>!</sup>
En Avènd .	216
Nendelêg ,	218
Goul S. Slevan	220
Goul S. Yehan en Aviélour,	idem.
Gouil er Sænt Innoçandet,	idem.
Circoncision Jesus-Chrouist,	idem.
Goul er Rouéet,	222
Purification er Uériès,	223
Er Septuagesim,	225
Merher el Ludu,	226
Er Hoaris .	227
Sul el Loré,	229
Er Rieu-hemb-Lid,	<b>23</b> 1
Guinér er Groès,	233
Sadourn-Vasq,	235
Sul-Vasq,	237
Annonciation er Uériès,	239
Prehecion S. Marc hac er Rogationeu	
Rieu en Asçansion,	-
Er Pantecoust,	242
	243
Sul en Drindèd ,	245
Rieu er Sacremant,	346
Ganhedigueah S. Ychan er Badéour,	<b>247</b>

Gouil S. Pierr ha S. Paul,	248
Assomption er Uériès,	250
Gannedigueah er Uériès,	252
Goud er Rosær,	253
En Dedicace ag en Ilis ,	254
Calan-Gouyan,	256
Commemoræson er Fidelet tremenet,	257
Concepuon er Uériès,	259
Art. II. Ag en eil a Ourhæmeneu en Ilis,	260
III. Ag en dairvet Gourhæmen,	364
IV. Ag er bedairvet Gourhæmen,	267
V. Ag er bempet Gourhæmèn,	269
VI. Ag en huehvet Gourhæmen,	272
Снар. V. Ag er Sacremanteu,	273
Art. I. Ag er Sacremand a Vadiend,	275
II. Ag er Sacremand a Gonfumation,	287
III. Ag er Sacremand ag en Autær,	29 I
IV. Ag er Sacremand a Bénigèn,	305
Ag en Examèn a gousciance,	308
Ag er Gontrition,	318
Ag er Ferm Propos,	327
Ag er Govezion,	332
Ag er Satisfaction,	342
Ag en Absolvèn,	354
V. Ag er Sacremand a Nouyen,	35g
VI. Ag er Sacremand a Urh,	363
VII Ag an Sagramand a Briederach	3~ 0

CHAP. VI. Gouléanet hac é vou reit teoh,	385
Art. I. 4g er Beden particuliér,	392
II. Ag er Pedenneu publiq,	407
III. Ag er Sacrifice ag en Overen, 4	414
IV. Explication ag er Pedenneu ha Cere	:-
. monisu ag en Overèn ;	420
V. A certain Pratiques a bur Devotion,	468
Ag er péh e rantt mab-dén heurus é	r
zuhé-men ,	47I
Litanieu er Uériès,	474

# FIR AG ER ROLL



